

බුද්දකනිකායෙ සුත්තනිපාතපාළි



ධම්මවිචය

පටුන

1. උරගවග්ගො.....	1
1. උරගසුත්තං	1
2. ධනියසුත්තං.....	3
3. බග්ගවිසාණසුත්තං.....	5
4. කසිභාරද්වාපසුත්තං.....	10
5. චුන්දසුත්තං.....	12
6. පරාභවසුත්තං	13
7. වසලසුත්තං	16
8. මෙත්තසුත්තං	19
9. හෙමවතසුත්තං	20
10. ආලවකසුත්තං	23
11. විජයසුත්තං.....	25
12. මුනිසුත්තං	27
2. චූළවග්ගො	29
1. රතනසුත්තං.....	29
2. ආමගන්ධසුත්තං	31
3. හිරිසුත්තං	33
4. මඬිගලසුත්තං	34
5. සුවිලොමසුත්තං.....	35
6. ධම්මවරියසුත්තං.....	36
7. බ්‍රාහ්මණධම්මිකසුත්තං.....	37
8. නාවාසුත්තං	41
9. කිංසිලසුත්තං	42
10. උට්ඨානසුත්තං.....	43
11. රාහුලසුත්තං	43
12. නිග්‍රොධකප්පසුත්තං.....	44
13. සම්මාපරිබ්බාජනීයසුත්තං	47
14. ධම්මිකසුත්තං	49
3. මහාවග්ගො	53

1. පබ්බජ්ජාසුත්තං	53
2. පඨානසුත්තං.....	55
3. සුභාසිතසුත්තං	57
4. සුන්දරිකභාරද්වාජසුත්තං	58
5. මාසසුත්තං.....	63
6. සභියසුත්තං	67
7. සෙලසුත්තං	74
8. සල්ලසුත්තං.....	80
9. වාසෙට්ඨසුත්තං	82
10. කොකාලිකසුත්තං.....	89
11. නාලකසුත්තං.....	94
12. ද්වයනානුපස්සනාසුත්තං	99
4. අට්ඨකචග්ගො.....	106
1. කාමසුත්තං	106
2. ගුහට්ඨකසුත්තං	107
3. දුට්ඨට්ඨකසුත්තං.....	108
4. සුද්ධට්ඨකසුත්තං	109
5. පරමට්ඨකසුත්තං	110
6. ජරාසුත්තං	111
7. තිස්සමෙත්තෙය්‍යසුත්තං.....	112
8. පසුරසුත්තං.....	113
9. මාගණ්ඩියසුත්තං	114
10. පුරාහෙදසුත්තං	116
11. කලහවිවාදසුත්තං.....	118
12. චූළඛ්‍යාසුත්තං [චූළචියුහසුත්තං .සී) සායා[(දෙසනිද්	120
13. මහාඛ්‍යාසුත්තං	122
14. තුවට්ඨකසුත්තං	124
15. අත්තදණ්ඩසුත්තං	126
16. සාරිපුත්තසුත්තං.....	128
5. පාරායනචග්ගො.....	131

වත්ථුගාථා	131
1. අජිතමාණවප්පච්ඡා.....	137
2. තිස්සමෙත්තෙය්‍යමාණවප්පච්ඡා.....	138
3. පුණ්ණකමාණවප්පච්ඡා	138
4. මෙත්තගුමාණවප්පච්ඡා.....	139
5. ධොතකමාණවප්පච්ඡා	141
6. උපසිවමාණවප්පච්ඡා.....	142
7. නන්දමාණවප්පච්ඡා.....	143
8. භෙමකමාණවප්පච්ඡා	144
9. තොදෙය්‍යමාණවප්පච්ඡා.....	145
10. කප්පමාණවප්පච්ඡා	145
11. ජතුකණ්ණිමාණවප්පච්ඡා	146
12. භද්‍රාචුඨමාණවප්පච්ඡා	146
13. උදයමාණවප්පච්ඡා	147
14. පොසාලමාණවප්පච්ඡා	148
15. මොසරාජමාණවප්පච්ඡා	148
16. පිඬිගියමාණවප්පච්ඡා.....	149
පාරායනත්ථුතිගාථා.....	149
පාරායනානුගීතිගාථා	150

“ධම්මා සුතා ධාතා චච්ඡා පරිච්ඡා මනසානුපෙක්ඛිතා දිට්ඨියා සුජපට්ඨිද්ධා.”

(මහා සුඤ්ඤත සුත්තං; මජ්ඣිම නිකායයා, උපරිපණ්ණාසකා, සුඤ්ඤත වග්ගො.)

පටුන සංස්කරණය - භික්ඛු ධම්මවිහාරී

(මෙම සංග්‍රහය භික්ඛු වැඩසටහනේ උපුටා සකසන ලදී)

බුද්දකනිකායෙ

සුත්තනිපාතපාළි

1. උරගවග්ගො

1. උරගසුත්තං

1.

යො [යො වෙ (සා.)] උප්පතිතං විනෙති කොධං, විසං සප්පවිසංව
ඔසධෙහි [ඔසධෙහි (ක.)];

සො හික්ඛු ජහාති ඔරපාරං, උරගො ජිණ්ණමිවත්තවං [ජිණ්ණමිව
තවං (සි. සා. ක. පී.), ජිණ්ණමිවා තවං (?)] පුරාණං.

2.

යො රාගමුද්ච්ඡිදා අසෙසං, හිසපුප්ඵංව සරොරුහං [සරොරුහං (ක.)]
විගස්හ;

සො හික්ඛු ජහාති ඔරපාරං, උරගො ජිණ්ණමිවත්තවං, පුරාණං.

3.

යො තණ්හමුද්ච්ඡිදා අසෙසං, සරිතං සීඝසරං විසොසයිත්වා;

සො හික්ඛු ජහාති ඔරපාරං, උරගො ජිණ්ණමිවත්තවං පුරාණං.

4.

යො මානමුද්ඛිබ්බි අසෙසං, නළසෙතුව සුදුබ්බලං මහොසො;

සො හික්ඛු ජහාති ඔරපාරං, උරගො ජිණ්ණමිවත්තවං පුරාණං.

5.

යො නාජ්ඣගමා භවෙසු සාරං, විවිතං පුප්ඵමිව [පුප්ඵමිව (බහුසු)]
උදුම්බරෙසු;

සො හික්ඛු ජහාති ඔරපාරං, උරගො ජිණ්ණමිවත්තවං පුරාණං.

6.

යස්සන්තරතො න සන්ති කොපා, ඉතිහවාහවතඤ්ච
[ඉතිහවාහවතඤ්ච (ක.)] විතිවත්තො;

සො හික්ඛු ජහාති ඔරපාරං, උරගො ජිණ්ණමිවත්තවං පුරාණං.

7.

යස්ස චිතක්කා විදුපිතා, අජ්ඣත්තං සුචිකප්පිතා අසෙසා;

සො හික්ඛු ජහාති ඔරපාරං, උරගො ජිණ්ණමිවත්තවං පුරාණං.

8.

යො නාවචසාරී න පචචසාරී, සබ්බං අචචගමා ඉමං පපඤ්චං;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

9.

යො නාවචසාරී න පචචසාරී, සබ්බං විතථමිදන්ති ඤත්වා [\[උත්වා \(සා. පී. ක.\)\]](#) ලොකෙ;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

10.

යො නාවචසාරී න පචචසාරී, සබ්බං විතථමිදන්ති විතලොහො;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

11.

යො නාවචසාරී න පචචසාරී, සබ්බං විතථමිදන්ති විතරාගො;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

12.

යො නාවචසාරී න පචචසාරී, සබ්බං විතථමිදන්ති විතදොසො;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

13.

යො නාවචසාරී න පචචසාරී, සබ්බං විතථමිදන්ති විතමොහො;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

14.

යස්සානුසයා න සන්ති කෙවි, මූලා ච අකුසලා සමුහතාසෙ;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

15.

යස්ස දරථජා න සන්ති කෙවි, ඔරං ආගමනාය පචචයාසෙ;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

16.

යස්ස වනථජා න සන්ති කෙවි, විනිබන්ධාය භවාය හෙතුකජ්ජා;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

17.

යො නීවරණෙ පහාය පඤ්ච, අනිසො තිණ්ණකථංකථො විසල්ලො;
සො භික්ඛු ජහාති ඔරපාරං, උරගො ජිණ්ණමිවත්තවං පුරාණං.

උරගසුත්තං පඨමං නිට්ඨිතං.

2. ධනියසුත්තං

18.

“පක්කොදනො දුද්ධබ්බිරොහමස්මි, (ඉති ධනියො ගොපො)
අනුතීරෙ මහියා සමානවාසො;
ජන්තා කුටි ආභිතො ගිනි, අථ වෙ පත්ථයසි පවස්ස දෙව”.

19.

“අක්කොධනො විගතබ්බිලොහමස්මි [විගතබ්බිලොහමස්මි (සි. පි.)],
(ඉති භගවා)
අනුතීරෙ මහියෙකරත්තිවාසො;
විවටා කුටි නිබ්බුතො ගිනි, අථ වෙ පත්ථයසි පවස්ස දෙව”.

20.

“අත්ඨකමකසා න විජ්ජරෙ, (ඉති ධනියො ගොපො)
කච්ඡෙ රුළුභතිණෙ චරන්ති ගාවො;
වුට්ඨිමිපි සහෙය්‍යුමාගතං, අථ වෙ පත්ථයසි පවස්ස දෙව”.

21.

“බද්ධාසි හිසි සුසඬ්ඛතා, (ඉති භගවා)
තිණ්ණො පාරගතො විනෙය්‍ය ඔසං;
අත්ථො හිසියා න විජ්ජති, අථ වෙ පත්ථයසි පවස්ස දෙව”.

22.

“ගොපි මම අස්සවා අලොලා, (ඉති ධනියො ගොපො)
දීසරත්තං [දීසරත්ත (ක.)] සංවාසියා මනාපා;
තස්සා න සුණාමි කිඤ්චි පාපං, අථ වෙ පත්ථයසි පවස්ස දෙව”.

23.

“චිත්තං මම අස්සවං විමුත්තං, (ඉති භගවා)
දීසරත්තං පරිභාවිතං සුදන්තං;
පාපං පන මෙ න විජ්ජති, අථ වෙ පත්ථයසි පවස්ස දෙව”.

24.

“අත්තවෙනනහතොහමස්මි, (ඉති ධනියො ගොපො)
පුත්තා ච මෙ සමානියා අරොගා;
තෙසං න සුණාමි කිඤ්චි පාපං, අථ වෙ පත්ථයසි පවස්ස දෙව”.

25.

“නාහං හතකොස්මි කස්සචි, (ඉති භගවා)
නිබ්බිට්ඨෙන චරාමි සබ්බලොකෙ;
අත්ථො හතියා න විජ්ජති, අථ වෙ පත්ථයසි පවස්ස දෙව”.

26.

“අත්ථි වසා අත්ථි ධෙනුපා, (ඉති ධනියො ගොපො)
ගොධරණියො පචෙණියොපි අත්ථි;
උසභොපි ගවම්පතීධ අත්ථි, අථ චෙ පත්ථයසි පචස්ස දෙව”.

27.

“නත්ථි වසා නත්ථි ධෙනුපා, (ඉති භගවා)
ගොධරණියො පචෙණියොපි නත්ථි;
උසභොපි ගවම්පතීධ නත්ථි, අථ චෙ පත්ථයසි පචස්ස දෙව”.

28.

“බ්ලා නිබ්බාතා අසම්පවෙධි, (ඉති ධනියො ගොපො)
දාමා මුඤ්ජමයා නවා සුසන්ධානා;
න හි සක්ඛිත්ති ධෙනුපාපි ඡෙත්තුං [ඡෙත්තුං (ක.)], අථ චෙ පත්ථයසි
පචස්ස දෙව”.

29.

“උසභොරිච ඡෙත්ථ [ඡෙත්ථා (සා. ක.)] ඛන්ධනානි, (ඉති භගවා)
නාගො පුතිලතංච දාලයිත්වා [පුතිලතං පදාලයිත්වා (සා. ක.)];
නාහං පුත්‍රපෙස්සං [පුත්‍ර උපෙස්සං (සි. සා. කං. පී.), පුත්‍රපෙය්‍ය
(ක.)] ගබ්භසෙය්‍යං, අථ චෙ පත්ථයසි පචස්ස දෙව”.

30.

“නිත්තඤ්ච ඵලඤ්ච පුරයන්තො, මහාමෙසො පචස්සි තාවදෙව;
සුත්ථා දෙවස්ස වස්සතො, ඉමමත්ථං ධනියො අභාසථ.

31.

“ලාභා වත නො අනප්පකා, යෙ මයං භගවන්තං අද්දසාම;
සරණං තං උපෙම චක්ඛුම, සත්ථා නො හොහි තුවං මහාමුනි.

32.

“ගොපී ච අභඤ්ච අස්සවා, බ්‍රහ්මචරියං [බ්‍රහ්මචරිය (ක.)] සුගතෙ
චරාමසෙ;
ජාතිමරණස්ස පාරගු [පාරගා (සි. සා. කං. පී.)], දුක්ඛස්සන්තකරා
භවාමසෙ”.

33.

“නන්දති පුත්තෙහි පුත්තිමා, (ඉති මාරො පාපිමා)
ගොමා [ගොමිකො (සි. පී.), ගොපිකො (සා. කං.), ගොපියො
(ක.)] ගොහි තථෙව නන්දති;
උපධි හි නරස්ස නන්දනා, න හි සො නන්දති යො නිරූපධි”.

34.

“සොවති පුත්තෙහි පුත්තිමා, (ඉති භගවා)
ගොපියො ගොහි තට්ඨ සොවති;
උපධි හි නරස්ස සොවනා, න හි සො සොවති යො නිරුපධි”ති.

ධනියසුත්තං දුතියං නිට්ඨිතං.

3. ඛග්ගවිසාණසුත්තං

35.

සබ්බෙසු භූතෙසු නිධාය දණ්ඩං, අවිහෙයං අඤ්ඤාතරම්පි තෙසං;
න පුත්තම්ච්ඡෙයා කුතො සභායං, එකො වරෙ ඛග්ගවිසාණකප්පො.

36.

සංඝග්ගජාතස්ස භවන්ති ස්නෙහා, ස්නෙහන්වයං දුක්ඛමිදං පහොති;
ආදීනවං ස්නෙහජං පෙක්ඛමානො, එකො වරෙ ඛග්ගවිසාණකප්පො.

37.

මිත්තෙ සුභජ්ජෙ අනුකම්පමානො, භාපෙති අත්ථං පටිබද්ධචිත්තො;
එතං භයං සන්ථවෙ [\[සන්ධවෙ \(ක.\)\]](#) පෙක්ඛමානො, එකො වරෙ ඛග්ගවිසාණකප්පො.

38.

වංසො විසාලොව යථා විසත්තො, පුත්තෙසු දාරෙසු ව යා අපෙක්ඛා;
වංසක්කලීරොව [\[වංසකලීරොව \(සී.\), වංසාකලීරොව \(සා. කං. පී.\), වංසකලීරොව \(නිද්දෙස\)\]](#) සජ්ජමානො, එකො වරෙ ඛග්ගවිසාණකප්පො.

39.

මිගො අරඤ්ඤමිහි යථා අබද්ධො [\[අබන්ධො \(සා. කං.\)\]](#),
යෙනිච්ඡකං ගච්ඡති ගොවරාය;
විඤ්ඤා නරො සෙරිතං පෙක්ඛමානො, එකො වරෙ ඛග්ගවිසාණකප්පො.

40.

ආමන්තනා හොති සභායමජ්ඣෙ, වාසෙ යානෙ ගමනෙ වාරිකාය;
අනභිජ්ඣිතං සෙරිතං පෙක්ඛමානො, එකො වරෙ ඛග්ගවිසාණකප්පො.

41.

බ්බිධා රතී හොති සභායමජ්ඣෙ, පුත්තෙසු ව විපුලං හොති පෙමං;
පියවිජ්ජයොගං විජිගුච්ඡමානො, එකො වරෙ ඛග්ගවිසාණකප්පො.

42.

වාතුද්දිසො අප්පට්ඨො ච හොති, සන්තුස්සමානො ඉතරීතරෙන;
පරිස්සයානං සහිතා අප්මහී, එකො වරෙ ඛග්ගවිසාණකප්පො.

43.

දුස්සඬිගහා පබ්බජිතාපි එකෙ, අථො ගහට්ඨා සරමාවසන්තා;
අප්පොස්සුක්කො පරපුත්තෙසු භුත්වා, එකො වරෙ
ඛග්ගවිසාණකප්පො.

44.

ඔරොපයිත්වා ගිහිඛ්‍යඤ්ජනානි [ගිහිච්ඤ්ජනානි (සා. කං. පී.)],
සඤ්ජිත්තපත්තො [සංසිතපත්තො (සී.)] යථා කොවිළාරො;
ජෙත්වානා වීරො ගිහිඛන්ධනානි, එකො වරෙ ඛග්ගවිසාණකප්පො.

45.

සථෙ ලභෙථ නිපකං සහායං, සද්ධිං වරං සාධුවිහාරිධීරං;
අභිභුය්‍ය සබ්බානි පරිස්සයානි, වරෙය්‍ය තෙනත්තමනො සතීමා.

46.

නො ථෙ ලභෙථ නිපකං සහායං, සද්ධිං වරං සාධුවිහාරිධීරං;
රාජාව රට්ඨං විජිතං පහාය, එකො වරෙ මාතඬිගරඤ්ඤෙව නාගො.

47.

අද්ධා පසංසාම සහායසම්පදං, සෙට්ඨා සමා සෙවිතබ්බා සහායා;
එතෙ අලද්ධා අනවජ්ජහොජී, එකො වරෙ ඛග්ගවිසාණකප්පො.

48.

දිස්වා සුවණ්ණස්ස පහස්සරානි, කම්මාරපුත්තෙන සුනිට්ඨිතානි;
සඬිසට්ටමානානි දුථෙ භුජස්මිං, එකො වරෙ ඛග්ගවිසාණකප්පො.

49.

එවං දුතියෙන [දුතියෙන (සබ්බත්ථ)] සහා මමස්ස, වාචාහිලාපො
අභිසජ්ජනා වා;
එතං භයං ආයතිං පෙක්ඛමානො, එකො වරෙ ඛග්ගවිසාණකප්පො.

50.

කාමා හි විත්‍රා මධුරා මනොරමා, වීරූපරූපෙන මථෙත්ති විත්තං;
ආදීනවං කාමගුණෙසු දිස්වා, එකො වරෙ ඛග්ගවිසාණකප්පො.

51.

ඊතී ව ගණ්ඨො ව උපද්දවො ව, රොගො ව සල්ලඤ්ච භයඤ්ච
මෙතං;

එතං භයං කාමගුණෙසු දිස්වා, එකො වරෙ බග්ගවිසාණකප්පො.

52.

සීතඤ්ච උණ්භඤ්ච බුද්ධං පිපාසං, වාතාතපෙ ඩංසසරීසපෙ
[ඩංසසරීසපෙ (සී. සාය. කං. පී.)] ව;

සබ්බානිපෙතානි අභිසම්භවිත්වා, එකො වරෙ බග්ගවිසාණකප්පො.

53.

නාගොව යුථානි විවජ්ජයිත්වා, සඤ්ජාතබන්ධො පදුමී උළාරො;

යථාභිරන්තං විහරං [විහරෙ (සී. පී. නිද්දෙස)] අරඤ්ඤො, එකො

වරෙ බග්ගවිසාණකප්පො.

54.

අට්ඨානතං සඬගණිකාරතස්ස, යං එස්සයෙ [ඵුස්සයෙ (සාය.)]
සාමයිකං විමුත්තිං;

ආදිච්චබන්ධුස්ස වචො නිසම්ම, එකො වරෙ බග්ගවිසාණකප්පො.

55.

දිට්ඨිවිසුකානි උපානිවත්තො, පත්තො නියාමං පටිලද්ධමග්ගො;

උප්පන්නඤාණොමිහි අනඤ්ඤනෙය්‍යො, එකො වරෙ

බග්ගවිසාණකප්පො.

56.

නිල්ලොලුපො නික්කුහො නිප්පිපාසො, නිම්මක්ඛො
නිද්ධන්තකසාවමොහො;

නිරාසයො [නිරාසාසො (ක.)] සබ්බලොකෙ භවිත්වා, එකො වරෙ
බග්ගවිසාණකප්පො.

57.

පාපං සභායං පරිවජ්ජයෙථ, අනත්ථදස්සිං විසමෙ නිවිට්ඨං;

සයං න සෙවෙ පසුතං පමත්තං, එකො වරෙ බග්ගවිසාණකප්පො.

58.

බහුස්සුතං ධම්මධරං භෂෙථ, මිත්තං උළාරං පටිභානවත්තං;

අඤ්ඤාය අත්ථානි විනෙය්‍ය කඬ්ඛං, එකො වරෙ

බග්ගවිසාණකප්පො.

59.

බ්බිඛං රතිං කාමසුඛඤ්ච ලොකෙ, අනලඬ්ඛරිත්වා

අනපෙක්ඛමානො;

විභූසනට්ඨානා විරතො සච්චවාදී, එකො වරෙ බග්ගවිසාණකප්පො.

60.

පුත්තඤ්ච දාරං පිතරඤ්ච මාතරං, ධනානි ධඤ්ඤානි ච ඛන්ධවානි
[ඛන්ධවානි ච (පී.)];
භිත්වාන කාමානි යථොධිකානි, එකො වරෙ ඛග්ගවිසාණකප්පො.

61.

සඬිගො එසො පරිත්තමෙත්ථ සොඛ්ඛං, අප්පස්සාදො දුක්ඛමෙත්ථ
භියොයා;
ගලො එසො ඉති ඤත්වා මුතීමා [මුතීමා (සා. ක.)], එකො වරෙ
ඛග්ගවිසාණකප්පො.

62.

සන්දාලයිත්වාන [පදාලයිත්වාන (ක.)] සංයොජනානි, ජාලංච
හෙත්වා සලිලම්බුවාරී;
අග්ගිව දඩ්ඨං අනිවත්තමානො, එකො වරෙ ඛග්ගවිසාණකප්පො.

63.

ඔක්ඛිත්තවක්ඛු න ච පාදලොලො, ගුත්තින්ද්‍රියො
රක්ඛිතමානසානො;
අනවස්සුතො අපරිඛය්හමානො, එකො වරෙ ඛග්ගවිසාණකප්පො.

64.

ඔහාරයිත්වා ගිහිඛ්‍යඤ්ජනානි, සඤ්ජන්තපත්තො
[සඤ්ජන්තපත්තො (සා. පී.), පච්ඡින්නපත්තො (ක.)] යථා
පාරිජත්තො;
කාසායවත්ථො අභිනික්ඛමිත්වා, එකො වරෙ ඛග්ගවිසාණකප්පො.

65.

රසෙසු ගෙඨං අකරං අලොලො, අනඤ්ඤපොසී සපදානවාරී;
කුලෙ කුලෙ අප්පට්ඨද්ධවිත්තො [අප්පට්ඨවිත්තො (ක.)],
එකො වරෙ ඛග්ගවිසාණකප්පො.

66.

පභාය පඤ්චාවරණානි චෙතසො, උපක්කිලෙසෙ ඛ්‍යපනුජ්ජ සබ්බෙ;
අනිස්සිතො ඡෙත්ව [ඡෙත්වා (සා. පී. ක.)] සිනෙහදොසං
[ස්නෙහදොසං (ක.)], එකො වරෙ ඛග්ගවිසාණකප්පො.

67.

විපිට්ඨිකත්වාන සුඛං දුඛඤ්ච, පුබ්බෙව ච සොමනස්සදොමනස්සං;
ලද්ධානුපෙක්ඛං සමථං විසුද්ධං, එකො වරෙ ඛග්ගවිසාණකප්පො.

68.

ආරද්ධවීරියො පරමත්ථපත්තියා, අලීනචිත්තො අකුසිතවුත්ති;
දල්හනික්කමො ටාමබ්ලපපත්තො, එකො චරෙ
බග්ගවිසාණකප්පො.

69.

පටිසල්ලානං කුමානමරිඤ්චමානො, ධම්මෙසු නිච්චං අනුධම්මචාරී;
ආදීනවං සම්මසිතා භවෙසු, එකො චරෙ බග්ගවිසාණකප්පො.

70.

තණ්හක්ඛයං පත්ථයමප්පමත්තො, අනෙළමුගො [අනෙළමුගො
(සා. පි. ක.)] සුතවා සතීමා;
සඬ්ඛාතධම්මො නියතො පධානවා, එකො චරෙ
බග්ගවිසාණකප්පො.

71.

සීහොව සද්දෙසු අසන්තසන්තො, වාතොව ජාලමිහි අසජ්ජමානො;
පදුමංව තොයෙන අලිප්පමානො [අලිප්පමානො (සී. සා. ක.)],
එකො චරෙ බග්ගවිසාණකප්පො.

72.

සීහො යථා දායබලී පසය්හ, රාජා මිගානං අභිභුය්ස් වාරී;
සෙවෙථ පන්තානි සෙනාසනානි, එකො චරෙ බග්ගවිසාණකප්පො.

73.

මෙත්තං උපෙක්ඛං කරුණං විමුත්තිං, ආසෙවමානො මුදිතඤ්ච
කාලෙ;
සබ්බෙන ලොකෙන අවිරුජ්ඣමානො, එකො චරෙ
බග්ගවිසාණකප්පො.

74.

රාගඤ්ච දොසඤ්ච පහාය මොහං, සන්දාලයිත්වාන සංයොජනානි;
අසන්තසං ජීවිතසඬ්ඛයමිහි, එකො චරෙ බග්ගවිසාණකප්පො.

75.

භජන්ති සෙවන්ති ච කාරණත්ථා, නික්කාරණා දුල්ලහා අජ්ජ
මිත්තා;
අත්තට්ඨපඤ්ඤා අසුචි මනුස්සා, එකො චරෙ බග්ගවිසාණකප්පො.

බග්ගවිසාණසුත්තං තතියං නිට්ඨිතං.

4. කසිභාරද්වාජසුත්තං

එවං මෙ සුතං - එකං සමයං භගවා මගධෙසු විහරති දක්ඛිණාගිරිස්මිං [දක්ඛිණාගිරිස්මිං (ක.)] එකනාළායං බ්‍රාහ්මණගාමෙ. තෙන ඛො පන සමයෙන කසිභාරද්වාජස්ස බ්‍රාහ්මණස්ස පඤ්චමත්තානි නඤ්ඤාසනානි පසුත්තානි භොන්ති වජ්ජකාලෙ. අථ ඛො භගවා පුබ්බණ්ඩසමයං නිවාසෙත්වා පත්තච්චරමාදාය යෙන කසිභාරද්වාජස්ස බ්‍රාහ්මණස්ස කම්මත්තො තෙනුපසඬිකම්. තෙන ඛො පන සමයෙන කසිභාරද්වාජස්ස බ්‍රාහ්මණස්ස පරිවෙසනා වත්තති. අථ ඛො භගවා යෙන පරිවෙසනා තෙනුපසඬිකම්; උපසඬිකම්ත්වා එකමන්තං අට්ඨාසි.

අද්දසා ඛො කසිභාරද්වාජො බ්‍රාහ්මණො භගවන්තං පිණ්ඩාය යීතං. දිස්වාන භගවන්තං එතදවොච - “අහං ඛො, සමණ, කසාමි ච වපාමි ච; කසිත්වා ච වපිත්වා ච භුඤ්ජාමි. ත්වම්පි, සමණ, කසස්සු ච වපස්සු ච; කසිත්වා ච වපිත්වා ච භුඤ්ජස්සු”ති.

“අහම්පි ඛො, බ්‍රාහ්මණ, කසාමි ච වපාමි ච; කසිත්වා ච වපිත්වා ච භුඤ්ජාමි”ති. “න ඛො පන මයං [න ඛො පන සමණ (සා.)] පස්සාම භොතො ගොතමස්ස යුගං වා නඤ්ඤං වා ඵාලං වා පාවනං වා බලිබද්දෙ [බලිවද්දෙ (සී. පී.), බලිබද්දෙ (?)] වා. අථ ච පන භවං ගොතමො එවමාහ - ‘අහම්පි ඛො, බ්‍රාහ්මණ, කසාමි ච වපාමි ච; කසිත්වා ච වපිත්වා ච භුඤ්ජාමි’”ති.

අථ ඛො කසිභාරද්වාජො බ්‍රාහ්මණො භගවන්තං ගාථාය අජ්ඣාභාසි -

76.

“කස්සකො පට්ඨානාසි, න ච පස්සාම තෙ කසිං;
කසිං නො පුච්ඡිතො බුහි, යථා ඡානෙමු තෙ කසිං”.

77.

“සද්ධා ඛිජං තපො වුට්ඨි, පඤ්ඤා මෙ යුගනඤ්ඤං;
හිරි ඊසා මනො යොත්තං, සති මෙ ඵාලපාවනං.

78.

“කායගුත්තො වච්ඡගුත්තො, ආභාරෙ උදරෙ යතො;
සච්චං කරොමි නිද්දානං, සොරච්චං මෙ පමොවනං.

79.

“වීරියං මෙ ධුරධොරය්හං, යොගක්ඛෙමාධිවාහනං;
ගච්ඡති අනිවත්තන්තං, යත්ථ ගන්ත්වා න සොවති.

80.

“එවමෙසා කසි කට්ඨා, සා භොති අමතජ්ඣලා;

එතං කසිං කසිත්වාන, සබ්බදුක්ඛා පමුවචති”ති.

අථ ඛො කසිභාරද්වාපො බ්‍රාහ්මණො මහතියා කංසපාතියා පායසං [පායසං (සබ්බත්ථ)] වඩ්ඪෙත්වා හගවතො උපනාමෙසි – “භුඤ්ජතු භවං ගොතමො පායසං. කස්සකො භවං; යං හි භවං ගොතමො අමතජ්ඵලං [අමතජ්ඵලමිති (සං. නි. 1.197)] කසිං කසති”ති.

81.

“ගාථාහිගීතං මෙ අභොජනෙය්‍යං, සම්පස්සතං බ්‍රාහ්මණ නෙස ධම්මො;
ගාථාහිගීතං පනුදන්ති බුද්ධා, ධම්මෙ සති බ්‍රාහ්මණ චුත්තිරෙසා.

82.

“අඤ්ඤෙන ව කෙවලිතං මහෙසිං, බිණ්ණසවං කුක්කුච්චවුපසන්තං;
අන්තෙන පාතෙන උපට්ඨහස්සු, ඛෙත්තං හි තං පුඤ්ඤපෙක්ඛස්ස හොති”ති.

“අථ කස්ස වාහං, හො ගොතම, ඉමං පායසං දමිමි”ති? “න බ්වාහං තං, බ්‍රාහ්මණ, පස්සාමි සදෙවකෙ ලොකෙ සමාරකෙ සබ්‍රහ්මකෙ සස්සමණබ්‍රාහ්මණියා පජාය සදෙවමනුස්සාය, යස්ස සො පායසො භුත්තො සම්මා පරිණාමං ගච්ඡෙය්‍ය, අඤ්ඤත්‍ර තථාගතස්ස වා තථාගතසාවකස්ස වා. තෙන හි ත්වං, බ්‍රාහ්මණ, තං පායසං අප්පහරිතෙ වා ඡඩ්ඨෙහි අප්පාණකෙ වා උදකෙ ඔපිලාපෙහි”ති.

අථ ඛො කසිභාරද්වාපො බ්‍රාහ්මණො තං පායසං අප්පාණකෙ උදකෙ ඔපිලාපෙසි. අථ ඛො සො පායසො උදකෙ පක්ඛිත්තො විච්චිට්ඨායති විච්චිට්ඨායති සන්ධුපායති සම්පධුපායති [සන්ධුමායති සම්පධුමායති (සා.)]. සෙය්‍යථාපි නාම ථාලො දිවසං සන්තත්තො [දිවසසන්තත්තො (සි. සා. කං. පී.)] උදකෙ පක්ඛිත්තො විච්චිට්ඨායති විච්චිට්ඨායති සන්ධුපායති සම්පධුපායති; එවමෙව සො පායසො උදකෙ පක්ඛිත්තො විච්චිට්ඨායති විච්චිට්ඨායති සන්ධුපායති සම්පධුපායති.

අථ ඛො කසිභාරද්වාපො බ්‍රාහ්මණො සංවිග්ගො ලොමහට්ඨජාතො යෙන හගවා තෙනුපසඬකමි; උපසඬකමිත්වා හගවතො පාදෙසු සිරසා නිපතිත්වා හගවන්තං එතදවොච – “අහික්කන්තං, හො ගොතම, අහික්කන්තං, හො ගොතම! සෙය්‍යථාපි, හො ගොතම, නික්කුජ්ජිතං වා උක්කුජ්ජෙය්‍ය, පට්ච්ඡන්තං වා විවරෙය්‍ය, මුල්ලස්ස වා මග්ගං ආචික්ඛෙය්‍ය, අන්ධකාරෙ වා තෙලපජ්ජොතං ධාරෙය්‍ය, චක්ඛුමන්තො රූපානි දක්ඛන්තීති [දක්ඛන්තීති (සි. සා. කං. පී.)]; එවමෙවං හොතා ගොතමෙන අනෙකපරියායෙන ධම්මො පකාසිතො. එසාහං භවන්තං ගොතමං සරණං ගච්ඡාමි ධම්මඤ්ච හික්ඛුසඬ්ඤ්ච, ලභෙය්‍යාහං හොතො ගොතමස්ස සන්තිකෙ පබ්බජ්ජං, ලභෙය්‍යං උපසම්පද”න්ති.

අලත්ථ ඛො කසිභාරද්වාපො බ්‍රාහ්මණො භගවතො සන්තිකෙ පබ්බජ්ජං, අලත්ථ උපසම්පදං. අවිරූපසම්පන්නො ඛො පනායස්මා භාරද්වාපො එකො වූපකට්ඨො අජ්ජමත්තො ආතාපී පහිත්තො විහරත්තො නචිරස්සෙව – යස්සත්ථාය කුලපුත්තා සම්මදෙව අගාරස්මා අනගාරියං පබ්බජන්ති, තදනුත්තරං – බ්‍රහ්මවරියපරියොසානං දිට්ඨෙව ධම්මෙ සයං අභිඤ්ඤා සවිජ්ඣන්වා උපසම්පජ්ජ විහාසි. “බිණා ජාති, වුසිතං බ්‍රහ්මවරියං, කතං කරණියං, නාපරං ඉත්ථත්තායා”ති අබ්භඤ්ඤාසි. අඤ්ඤතරො ව [අඤ්ඤතරො ව ඛො (සී. පී.), අඤ්ඤතරො ඛො (සා. ක. ක.)] පනායස්මා භාරද්වාපො අරහතං අහොසිති.

කසිභාරද්වාපසුත්තං චතුත්ථං නිට්ඨිතං.

5. වුත්ථසුත්තං

83.

“පුච්ඡාමි මුනිං පහුතපඤ්ඤං, (ඉති වුත්ථො කම්මාරපුත්තො) බුද්ධං ධම්මස්සාමිං විතතණ්හං; ද්විපදුත්තමං [දිපදුත්තමං (සී. සා. ක. පී.)] සාරථීනං පවරං, කති ලොකෙ සමණා තදිඨස බුහි”.

84.

“චතුරො සමණා න පඤ්චමත්ථී, (වුත්ථාති භගවා) තෙ තෙ ආවිකරොමි සක්ඛිපුට්ඨො; මග්ගජීනො මග්ගදෙසකො ව, මග්ගෙ ජීවති යො ව මග්ගදුසි”.

85.

“කං මග්ගජීනං වදන්ති බුද්ධා, (ඉති වුත්ථො කම්මාරපුත්තො) මග්ගක්ඛායි කථං අතුලොයා හොති; මග්ගෙ ජීවති මෙ බුහි පුට්ඨො, අථ මෙ ආවිකරොහි මග්ගදුසි.” [මග්ගදුසි (ක.).]

86.

“යො තිණ්ණකථංකට්ඨා විසල්ලො, නිබ්බානාභිරතො අනානුගිද්ධො; ලොකස්ස සදෙවකස්ස නෙතා, තාදිං මග්ගජීනං වදන්ති බුද්ධා.

87.

“පරමං පරමන්ති යොධ ඤත්වා, අක්ඛාති විහජනෙ ඉධෙව ධම්මං; තං කඨ්ඨජිදං මුනිං අනෙජං, දුතියං හික්ඛුනමාහු මග්ගදෙසිං.

88.

“යො ධම්මපදෙ සුදෙසිතෙ, මග්ගෙ ජීවති සඤ්ඤතො සතීමා; අනවජ්ජපදාති සෙවමානො, තතියං හික්ඛුනමාහු මග්ගජීවිං.

89.

“ඡදනං කත්වාන සුබ්බතානං, පක්ඛන්දී කුලද්වයකො පගබ්භො;
මායාවී අසඤ්ඤතො පලාපො, පතිරූපෙන වරං ස මග්ගදුසී.

90.

“එතෙ ව පටිච්ඡික්ඛි යො ගහට්ඨො, සුතවා අරියසාවකො
සපඤ්ඤො;
සබ්බෙ නෙතාදිසාති [සබ්බෙ නෙ තාදිසාති (සී. සා. පී.)] ඤත්වා,
ඉති දිස්වා න භාපෙති තස්ස සද්ධා;
කථං හි දුට්ඨෙන අසම්පදුට්ඨං, සුද්ධං අසුද්ධෙන සමං කරෙය්‍යා”ති.

චුන්දසුත්තං පඤ්චමං නිට්ඨිතං.

6. පරාභවසුත්තං

එවං මෙ සුතං — එකං සමයං භගවා සාවත්ථීයං විහරති ජෙනවනෙ
අනාථපිණ්ඩිකස්ස ආරාමෙ. අථ බො අඤ්ඤතරා දෙවතා අභික්කන්තාය
රත්තියා අභික්කන්තවණ්ණා කෙවලකප්පං ජෙනවනං ඔභාසෙත්වා යෙන
භගවා තෙනුපසඬිකම්; උපසඬිකම්ත්වා භගවන්තං අභිවාදෙත්වා එකමන්තං
අට්ඨාසී. එකමන්තං ධීතා බො සා දෙවතා භගවන්තං ගාථාය අප්ඤ්ඤාසී —

91.

“පරාභවන්තං පුරිසං, මයං පුච්ඡාම ගොතම [ගොතමං (සී. සා.)];
භගවන්තං [භවන්තං (සා. ක.)] පුට්ඨුමාගම්ම, කිං පරාභවතො
මුඛං”.

92.

“සුච්ඡානො භවං හොති, සුච්ඡානො [දුච්ඡානො (සා. ක.)]
පරාභවො;
ධම්මකාමො භවං හොති, ධම්මදෙස්සී පරාභවො”.

93.

“ඉති හෙතං විජානාම, පඨමො සො පරාභවො;
දුතියං භගවා බුහි, කිං පරාභවතො මුඛං”.

94.

“අසන්තස්ස පියා හොන්ති, සන්තෙ න කුරුතෙ පියං;
අසතං ධම්මං රොචෙති, තං පරාභවතො මුඛං”.

95.

“ඉති හෙතං විජානාම, දුතියො සො පරාභවො;
තතියං භගවා බුහි, කිං පරාභවතො මුඛං”.

96.

“නිද්දාසීලී සහාසීලී, අනුට්ඨාතා ව යො නරො;
අලසො කොධපඤ්ඤාණො, තං පරාභවතො මුඛං”.

97.

“ඉති හෙතං විජානාම, තතියො සො පරාභවො;
චතුත්ථං භගවා බුහි, කිං පරාභවතො මුඛං”.

98.

“යො මාතරං [යො මාතරං වා (සී. ස්‍යා. කං. පී.)] පිතරං වා,
ජිණ්ණකං ගතයොබ්බතං;
පහු සත්තො න හරති, තං පරාභවතො මුඛං”.

99.

“ඉති හෙතං විජානාම, චතුත්ථො සො පරාභවො;
පඤ්චමං භගවා බුහි, කිං පරාභවතො මුඛං”.

100.

“යො බ්‍රාහ්මණං [යො බ්‍රාහ්මණං වා (සී. ස්‍යා. කං. පී.)] සමණං වා,
අඤ්ඤං වාපි වනිබ්බකං;
මුසාවාදෙන වඤ්චෙති, තං පරාභවතො මුඛං”.

101.

“ඉති හෙතං විජානාම, පඤ්චමො සො පරාභවො;
ජට්ඨමං භගවා බුහි, කිං පරාභවතො මුඛං”.

102.

“පහුතචිත්තො පුරිසො, සහිරඤ්ඤො සභොජනො;
ඵකො භුඤ්ජති සාද්දනි, තං පරාභවතො මුඛං”.

103.

“ඉති හෙතං විජානාම, ජට්ඨමො සො පරාභවො;
සත්තමං භගවා බුහි, කිං පරාභවතො මුඛං”.

104.

“ජාතිත්ථද්ධො ධනත්ථද්ධො, ගොත්තත්ථද්ධො ව යො නරො;
සඤ්ඤාතිං අතිමඤ්ඤති, තං පරාභවතො මුඛං”.

105.

“ඉති හෙතං විජානාම, සත්තමො සො පරාභවො;
අට්ඨමං භගවා බුහි, කිං පරාභවතො මුඛං”.

106.

“ඉත්ථිධුත්තො සුරාධුත්තො, අක්ඛධුත්තො ච යො නරො;
ලද්ධං ලද්ධං විනාසෙති, තං පරාභවතො මුඛං”.

107.

“ඉති හෙතං විජානාම, අට්ඨමො සො පරාභවො;
නවමං භගවා බුහි, කිං පරාභවතො මුඛං”.

108.

“සෙහි දාරෙහි අසන්තුට්ඨො [\[දාරෙභ්‍යසන්තුට්ඨො \(ක.\)\]](#), වෙසියාසු
පදුස්සති [\[පදිස්සති \(සි.\)\]](#);
දුස්සති [\[දිස්සති \(සි. පි.\)\]](#) පරදාරෙසු, තං පරාභවතො මුඛං”.

109.

“ඉති හෙතං විජානාම, නවමො සො පරාභවො;
දසමං භගවා බුහි, කිං පරාභවතො මුඛං”.

110.

“අතීතයොඛ්ඛතො පොසො, ආනෙති තිම්බරුත්ථනිං;
තස්සා ඉස්සා න සුපති, තං පරාභවතො මුඛං”.

111.

“ඉති හෙතං විජානාම, දසමො සො පරාභවො;
ඵකාදසමං භගවා බුහි, කිං පරාභවතො මුඛං”.

112.

“ඉත්ථිං සොණ්ඩිං විකිරණිං, පුරිසං වාපි තාදිසං;
ඉස්සරියස්මිං යපෙති [\[යාපෙති \(සි. පි.\)\]](#), ථපෙති [\(ක.\)](#), තං
පරාභවතො මුඛං”.

113.

“ඉති හෙතං විජානාම, ඵකාදසමො සො පරාභවො;
ඵ්වාදසමං භගවා බුහි, කිං පරාභවතො මුඛං”.

114.

“අප්පභොගො මහාතණ්හො, ඛත්තියෙ ජායතෙ කුලෙ;
සො ච රජ්ජං පත්ථයති, තං පරාභවතො මුඛං”.

115.

“ඵතෙ පරාභවෙ ලොකෙ, පණ්ඩිතො සමවෙක්ඛිය;
අරියො දස්සනසම්පත්තො, ස ලොකං භජතෙ සිව්”න්ති.

පරාභවසුත්තං ඡට්ඨං නිට්ඨිතං.

7. වසලසුත්තං

එවං මෙ සුතං - එකං සමයං භගවා සාවත්ථීයං විහරති ජෙනවනෙ අනාථපිණ්ඩිකස්ස ආරාමෙ. අථ ඛො භගවා පුබ්බණ්ඩසමයං නිවාසෙත්වා පත්තව්වරමාදාය සාවත්ථී පිණ්ඩාය පාවිසී. තෙන ඛො පන සමයෙන අග්ගිකභාරද්වාජස්ස බ්‍රාහ්මණස්ස නිවෙසනෙ අග්ගි පජ්ජලිතො භොති ආහුති පග්ගහිතා. අථ ඛො භගවා සාවත්ථීයං සපදානං පිණ්ඩාය වරමානො යෙන අග්ගිකභාරද්වාජස්ස බ්‍රාහ්මණස්ස නිවෙසනං තෙනුපසඬිකම්.

අද්දසා ඛො අග්ගිකභාරද්වාජො බ්‍රාහ්මණො භගවත්තං දුරතොව ආගච්ඡත්තං. දිස්වාන භගවත්තං එතදවොච - “තත්‍රෙව [අත්‍රෙව (සා. ක.)], මුණ්ඩක; තත්‍රෙව, සමණක; තත්‍රෙව, වසලක තිට්ඨාහී”ති.

එවං චුත්තෙ, භගවා අග්ගිකභාරද්වාජං බ්‍රාහ්මණං එතදවොච - “ජානාසි පන ත්වං, බ්‍රාහ්මණ, වසලං වා වසලකරණෙ වා ධම්මෙ”ති? “න ඛිවාහං, භො ගොතම, ජානාමි වසලං වා වසලකරණෙ වා ධම්මෙ; සාධු මෙ භවං ගොතමො තථා ධම්මං දෙසෙතු, යථාහං ජානෙය්‍යං වසලං වා වසලකරණෙ වා ධම්මෙ”ති. “තෙන හි, බ්‍රාහ්මණ, සුණාහි, සාධුකං මනසි කරොහි; භාසිස්සාමි”ති. “එවං, භො”ති ඛො අග්ගිකභාරද්වාජො බ්‍රාහ්මණො භගවතො පච්චස්සොසි. භගවා එතදවොච -

116.

“කොධනො උපනාහී ව, පාපමක්ඛී ව යො නරො;
විපත්තදිට්ඨි මායාවී, තං ජඤ්ඤා වසලො ඉති.

117.

“එකජං වා ද්විජං [දිජං (පි.)] වාපි, යොධ පාණං විහිංසති;
යස්ස පාණෙ දයා නත්ථී, තං ජඤ්ඤා වසලො ඉති.

118.

“යො හන්ති පරිරුන්ධති [උපරුන්ධෙති (සා.), උපරුන්ධති (ක.)],
ගාමානි නිගමානි ව;
නිග්ගාහකො [නිග්ගාහකො (?)] සමඤ්ඤානො, තං ජඤ්ඤා
වසලො ඉති.

119.

“ගාමෙ වා යදි වා රඤ්ඤෙ, යං පරෙසං මමාසිතං;
ථෙය්‍යා අදින්නමාදෙති [අදින්නං ආදියති (පි. පි.)], තං ජඤ්ඤා
වසලො ඉති.

120.

“යො භවෙ ඉණමාදාය, චුජ්ජමානො [භුඤ්ජමානො (?)] පලායති;
න හි තෙ ඉණමත්ථීති, තං ජඤ්ඤා වසලො ඉති.

121.

“යො වෙ කිඤ්චික්ඛකමානා, පන්ථස්මිං වජන්තං ජනං;
හන්ත්වා කිඤ්චික්ඛමාදෙනි, තං ජඤ්ඤා වසලො ඉති.

122.

“අත්තහෙතු පරහෙතු, ධනහෙතු ච [ධනහෙතු ච (ක.)] යො නරො;
සක්ඛිපුට්ඨො මුසා බුඞ්ඞි, තං ජඤ්ඤා වසලො ඉති.

123.

“යො ඤාතීනං සබ්බිනං වා, දාරෙසු පටිදිස්සති;
සාහසා [සහසා (සී. සායා.)] සම්පියෙන වා, තං ජඤ්ඤා වසලො ඉති.

124.

“යො මාතරං පිතරං වා, ජිණ්ණකං ගතයොබ්බනං;
පහු සන්තො න හරති, තං ජඤ්ඤා වසලො ඉති.

125.

“යො මාතරං පිතරං වා, භාතරං හගිනිං සසුං;
හන්ති රොසෙති වාචාය, තං ජඤ්ඤා වසලො ඉති.

126.

“යො අත්ථං පුච්ඡිතො සන්තො, අනත්ථමනුසාසති;
පටිච්ඡන්තෙන මන්තෙති, තං ජඤ්ඤා වසලො ඉති.

127.

“යො කත්වා පාපකං කම්මං, මා මං ජඤ්ඤාති ඉච්ඡති [විභ. 894
පස්සිතබ්බං];
යො පටිච්ඡන්තකම්මන්තො, තං ජඤ්ඤා වසලො ඉති.

128.

“යො වෙ පරකුලං ගන්ත්වා, භුත්වාන [සුත්වා ච (සායා. ක.)]
සුචිහොජනං;
ආගතං නප්පට්ඨපෙති, තං ජඤ්ඤා වසලො ඉති.

129.

“යො බ්‍රාහ්මණං සමණං වා, අඤ්ඤං වාපි වනිබ්බකං;
මුසාවාදෙන වඤ්ඤෙති, තං ජඤ්ඤා වසලො ඉති.

130.

“යො බ්‍රාහ්මණං සමණං වා, හත්තකාලෙ උපට්ඨිතෙ;
රොසෙති වාචා න ච දෙනි, තං ජඤ්ඤා වසලො ඉති.

131.

“අසනං යොධ පබ්බතී, මොහෙන පලිගුණස්සිතො;
කිඤ්චික්ඛං නිජ්ඣිසානො [නිජ්ඣිසානො (සී. සා. කං. පී.)], තං
ජඤ්ඤා වසලො ඉති.

132.

“යො චත්තානං සමුක්කංසෙ, පරෙ ච මචජානාති [මචජානාති (සී. සා. පී.)];
නිහිනො සෙන මානෙන, තං ජඤ්ඤා වසලො ඉති.

133.

“රොසකො කදරියො ච, පාපිච්ඡො මච්ඡරී සයො;
අහිරිකො අනොත්තජ්ජි, තං ජඤ්ඤා වසලො ඉති.

134.

“යො බුද්ධං පරිභාසති, අථ වා තස්ස සාවකං;
පරිබ්බාජං [පරිබ්බාජං (ක.), පරිබ්බාජකං (සා. කං.)] ගහට්ඨං වා, තං
ජඤ්ඤා වසලො ඉති.

135.

“යො වෙ අනරහං [අනරහා (සී. පී.)] සන්තො, අරහං පටිජානාති
[පටිජානාති (සී. සා. පී.)];
වොරො සබ්බමකෙ ලොකෙ, එසො බො වසලාධමො.

136.

“එතෙ බො වසලා චුත්තා, මයා යෙනෙ පකාසිතා;
න ජච්චා වසලො හොති, න ජච්චා හොති බ්‍රාහ්මණො;
කම්මුතා [කම්මතා (සී. පී.)] වසලො හොති, කම්මුතා හොති
බ්‍රාහ්මණො.

137.

“තදම්නාපි ජානාථ, යථාමෙදං [යථාමෙදං (ක.)] නිදස්සනං;
චණ්ඩාලපුත්තො සොපාකො [සොපාකො (?)], මාතඨගො ඉති
විස්සුතො.

138.

“සො යසං පරමං පත්තො [සො යසප්පරමප්පත්තො (සා. ක.)],
මාතඨගො යං සුදුල්ලහං;
ආගච්ඡං තස්සුපට්ඨානං, ඛත්තියා බ්‍රාහ්මණා බහු.

139.

“දෙවයානං අහිරුය්හ, විරජං සො මහාපථං;

කාමරාගං විරාජේවා, බ්‍රහ්මලොකූපගො අහු;
න නං ජාති නිවාරෙසි, බ්‍රහ්මලොකූපපත්තිසා.

140.

“අජ්ඣායකකුලෙ ජාතා, බ්‍රාහ්මණා මන්තබන්ධවා;
තෙ ච පාපෙසු කම්මෙසු, අභිණ්හමුපදිස්සරෙ.

141.

“දිට්ඨෙව ධම්මෙ ගාරය්හා, සම්පරායෙ ච දුග්ගති;
න නෙ ජාති නිවාරෙති, දුග්ගතායා [දුග්ගච්චා (සි. සා. කං. ටි.)]
ගරහාය වා.

142.

“න ජච්චා වසලො හොති, න ජච්චා හොති බ්‍රාහ්මණො;
කම්මිනා වසලො හොති, කම්මිනා හොති බ්‍රාහ්මණො” ති.

එවං චුත්තෙ, අග්ගිකභාරද්වාජො බ්‍රාහ්මණො භගවන්තං එතදවොච –
“අභික්කන්තං, හො ගොතම...පෙ.... උපාසකං මං භවං ගොතමො ධාරෙතු
අජ්ජතග්ගෙ පාණ්‍යපෙතං සරණං ගත” ති.

වසලසුත්තං සත්තමං නිට්ඨිතං.

8. මෙත්තසුත්තං

143.

කරණියමත්ථකුසලෙන, යන්ත සන්තං පදං අභිසමෙච්ච;
සක්කො උජු ච සුහුජු [සුජු (සි.)] ච, සුවචො වස්ස මුදු අනතිමානී.

144.

සන්තුස්සකො ච සුභරො ච, අප්පකිච්චො ච සල්ලහුකචුත්ති;
සන්තින්ද්‍රියො ච නිපකො ච, අප්පගඛිහො කුලෙස්වනනුගිද්ධො.

145.

න ච බුද්දමාවරෙ කිඤ්චි, යෙන විඤ්ඤු පරෙ උපවදෙය්‍යං;
සුඛිනො ච බෙමිනො හොන්තු, සඛ්ඛසත්තා [සඛ්ඛෙ සත්තා (සි. සා.)]
භවන්තු සුඛිත්තා.

146.

යෙ කෙච් පාණභූතත්ථි, තසා වා ටාවරා වනවසෙසා;
දීසා වා යෙ ච මහන්තා [මහන්ත (?)], මජ්ඣිමා රස්සකා අණුකපුලා.

147.

දිට්ඨා වා යෙ ච අදිට්ඨා [අදිට්ඨ (?)], යෙ ච [යෙ ච (සි. සා. කං. ටි.)]
දුරෙ වසන්ති අවිදුරෙ;

භූතා ව සම්භවෙසී ව [භූතා වා සම්භවෙසී වා (සා. කං. පී. ක.)],
සබ්බසත්තා භවන්තු සුඛිත්තා.

148.

න පරො පරං නිකුඛ්ඛෙථ, නාතිමඤ්ඤෙථ කත්ථවි න කඤ්චි [නං
කඤ්චි (සී. පී.), නං කිඤ්චි (සා.), න කිඤ්චි (ක.)];
බ්‍යාචොසනා පටිසසඤ්ඤා, නාඤ්ඤමඤ්ඤස්ස දුක්ඛමිච්ඡෙය්‍ය.

149.

මාතා යථා නියං පුත්තමායුසා එකපුත්තමනුරක්ඛෙ;
එවමිපි සබ්බභූතෙසු, මානසං භාවයෙ අපරිමාණං.

150.

මෙත්තඤ්ච සබ්බලොකස්මි, මානසං භාවයෙ අපරිමාණං;
උද්ධං අධො ව තිරියඤ්ච, අසම්බාධං අවෙරමසපත්තං.

151.

තිට්ඨං වරං නිසින්තො ව [වා (සී. සා. කං. පී.)], සයානො
යාවතාස්ස චිත්ථිද්ධො [චිත්තමිද්දො (බහුසු)];
එතං සතිං අධිට්ඨෙය්‍ය, බ්‍රහ්මමෙතං විහාරමිධමාහු.

152.

දිට්ඨිඤ්ච අනුපග්ගමිම, සීලවා දස්සනෙන සම්පන්නො;
කාමෙසු චිත්තය [චිත්තෙය්‍ය (සී. සා. පී.)] ගෙධං, න හි
ජාතුග්ගඛිභසෙය්‍ය පුනරෙතීති.

මෙත්තසුත්තං අට්ඨමං නිට්ඨිතං.

9. හෙමවතසුත්තං

153.

“අජ්ජ පන්නරසො උපොසථො, (ඉති සාතාගිරො යක්ඛො)
දිබ්බා [දිබ්බා (සී. සා. කං. පී.)] රත්ති උපට්ඨිතා;
අනොමනාමං සත්ථාරං, හන්ද පස්සාම ගොතමං”.

154.

“කච්චි මනො සුපණ්හිනො, (ඉති හෙමවතො යක්ඛො)
සබ්බභූතෙසු තාදිනො;
කච්චි ඉට්ඨෙ අනිට්ඨෙ ව, සඬකප්පස්ස වසිකතා”.

155.

“මනො වස්ස සුපණ්හිනො, (ඉති සාතාගිරො යක්ඛො)
සබ්බභූතෙසු තාදිනො;

අපො ඉටියෙ අනිටියෙ ව, සඬකප්පස්ස වසිකතා”.

156.

“කච්චි අදින්නං නාදියති, (ඉති හෙමවතො යක්ඛො)
කච්චි පාණෙසු සඤ්ඤතො;
කච්චි ආරා පමාදම්භා, කච්චි කුමානං න රිඤ්චති”.

157.

“න සො අදින්නං ආදියති, (ඉති සාතාගිරො යක්ඛො)
අපො පාණෙසු සඤ්ඤතො;
අපො ආරා පමාදම්භා, බුද්ධො කුමානං න රිඤ්චති”.

158.

“කච්චි මුසා න භණති, (ඉති හෙමවතො යක්ඛො)
කච්චි න ඛිණ්ණාප්පපො;
කච්චි වෙභුතියං නාහ, කච්චි සම්ඵං න භාසති”.

159.

“මුසා ව සො න භණති, (ඉති සාතාගිරො යක්ඛො)
අපො න ඛිණ්ණාප්පපො;
අපො වෙභුතියං නාහ, මන්තා අත්ථං ව [අත්ථං සො (සි. පී. ක.)]
භාසති”.

160.

“කච්චි න රජ්ජති කාමෙසු, (ඉති හෙමවතො යක්ඛො)
කච්චි චිත්තං අනාවිලං;
කච්චි මොහං අතික්කන්තො, කච්චි ධම්මෙසු චක්ඛුමා”.

161.

“න සො රජ්ජති කාමෙසු, (ඉති සාතාගිරො යක්ඛො)
අපො චිත්තං අනාවිලං;
සබ්බමොහං අතික්කන්තො, බුද්ධො ධම්මෙසු චක්ඛුමා”.

162.

“කච්චි විජ්ජාය සම්පන්නො, (ඉති හෙමවතො යක්ඛො)
කච්චි සංසුද්ධවාරණො;
කච්චිස්ස ආසවා ඛිණ්ණා, කච්චි නත්ථි පුනඛ්භවො”.

163.

“විජ්ජාය වෙව සම්පන්නො, (ඉති සාතාගිරො යක්ඛො)
අපො සංසුද්ධවාරණො;
සබ්බස්ස ආසවා ඛිණ්ණා, නත්ථි තස්ස පුනඛ්භවො”.

164.

“සම්පන්නං මුනිනො චිත්තං, කම්මුනා ඛයජ්ජංචන ව;
විජ්ජාවරණසම්පන්නං, ධම්මතො නං පසංසති”.

165.

“සම්පන්නං මුනිනො චිත්තං, කම්මුනා ඛයජ්ජංචන ව;
විජ්ජාවරණසම්පන්නං, ධම්මතො අනුමොදසි”.

166.

“සම්පන්නං මුනිනො චිත්තං, කම්මුනා ඛයජ්ජංචන ව;
විජ්ජාවරණසම්පන්නං, හන්ද පස්සාම ගොතමං.

167.

“එණ්ණජඨසං කිසං වීරං [ධීරං (සා.)], අජ්ජාභාරං අලොලුපං;
මුනිං චනස්මිං ක්කායන්තං, එහි පස්සාම ගොතමං.

168.

“සීහංචෙකවරං නාගං, කාමෙසු අනපෙක්ඛිතං;
උපසඨිකම්ම පුච්ඡාම, මච්චුපාසජ්ජමොචනං.

169.

“අක්ඛාතාරං පචත්තාරං, සබ්බධම්මාන පාරගුං;
බුද්ධං චෙරහයාතීතං, මයං පුච්ඡාම ගොතමං”.

170.

“කිස්මිං ලොකො සමුප්පන්නො, (ඉති හෙමවතො යක්ඛො)
කිස්මිං කුබ්බති සන්ථවං [සන්ධවං (ක.)];
කිස්ස ලොකො උපාදාය, කිස්මිං ලොකො විහඤ්ඤති”.

171.

“ඡසු [ඡස්සු (සී. පී.)] ලොකො සමුප්පන්නො, (හෙමවතාති හගවා)
ඡසු කුබ්බති සන්ථවං;
ඡන්තමෙව උපාදාය, ඡසු ලොකො විහඤ්ඤති”.

172.

“කතමං තං උපාදානං, යත්ථ ලොකො විහඤ්ඤති;
නිය්සානං පුච්ඡිතො බුහි, කථං දුක්ඛා පමුච්චති” [පමුඤ්චති (සා.)].

173.

“පඤ්ච කාමගුණා ලොකෙ, මනොජට්ඨා පච්චේතා;
එත්ථ ඡන්දං විරාජේත්වා, එවං දුක්ඛා පමුච්චති.

174.

“එතං ලොකස්ස නියානං, අක්ඛාතං වො යථාතථං;
එතං වො අභමක්ඛාමි, එවං දුක්ඛා පමුවචති”.

175.

“කො සුධ තරති ඔසං, කොධ තරති අණ්ණං;
අප්පතිට්ඨෙ අනාලම්බෙ, කො ගම්භීරෙ න සිදති”.

176.

“සබ්බදා සීලසම්පන්නො, පඤ්ඤවා සුසමාහිතො;
අප්ඤ්ඤානිත්ති [\[අප්ඤ්ඤානසඤ්ඤී \(සා. ක. ක.\)\]](#) සතිමා, ඔසං
තරති දුත්තරං.

177.

“විරතො කාමසඤ්ඤාය, සබ්බසංයොජනාතිගො;
නන්දිභවපරික්ඛිණො, සො ගම්භීරෙ න සිදති”.

178.

“ගම්භීරපඤ්ඤං නිපුණත්ථදස්සිං, අකිඤ්චනං කාමභවෙ අසත්තං;
තං පස්සථ සබ්බධි විප්පමුත්තං, දිබ්බෙ පථෙ කම්මානං මහෙසිං.

179.

“අනොමනාමං නිපුණත්ථදස්සිං, පඤ්ඤාදදං කාමාලයෙ අසත්තං;
තං පස්සථ සබ්බවිදුං සුමෙධං, අරියෙ පථෙ කම්මානං මහෙසිං.

180.

“සුදිට්ඨං චත නො අප්ප, සුප්පභාතං සුහුට්ඨිතං;
යං අද්දසාම සම්බුද්ධං, ඔසතිණ්ණමනාසවං.

181.

“ඉමෙ දසසතා යක්ඛා, ඉද්ධිමත්තො යසස්සිනො;
සබ්බෙ තං සරණං යන්ති, ත්වං නො සත්ථා අනුත්තරො.

182.

“තෙ මයං විවරිස්සාම, ගාමා ගාමං නගා නගං;
නමස්සමානා සම්බුද්ධං, ධම්මස්ස ච සුධම්මත”න්ති.

හෙමවතසුත්තං නවමං නිට්ඨිතං.

10. ආලවකසුත්තං

එවං මෙ සුතං — එකං සමයං භගවා ආලවියං විහරති ආලවකස්ස
යක්ඛස්ස භවතෙ. අථ ඛො ආලවකො යක්ඛො යෙන භගවා තෙනුපසඬිකම්;
උපසඬිකම්ත්වා භගවත්තං එතදවොච — “නික්ඛම, සමණා”ති.

“සාධාචුසො”ති භගවා නික්ඛමි. “පවිස, සමණා”ති. “සාධාචුසො”ති භගවා පාවිසි.

දුතියමිති ඛො...පෙ.... තතියමිති ඛො ආලවකො යක්ඛො භගවන්තං එතදවොච – “නික්ඛම, සමණා”ති. “සාධාචුසො”ති භගවා නික්ඛමි. “පවිස, සමණා”ති. “සාධාචුසො”ති භගවා පාවිසි.

චතුත්ථමිති ඛො ආලවකො යක්ඛො භගවන්තං එතදවොච – “නික්ඛම, සමණා”ති. “න ඛිවාහං තං, ආචුසො, නික්ඛමිස්සාමි. යං තෙ කරණියං, තං කරොහි”ති.

“පඤ්භං තං, සමණ, පුච්ඡිස්සාමි. සචෙ මෙ න ඛ්‍යාකරිස්සසි, චිත්තං වා තෙ ඛිපිස්සාමි, හදයං වා තෙ ඵාලෙස්සාමි, පාදෙසු වා ගහෙත්වා පාරගඬිගාය ඛිපිස්සාමි”ති.

“න ඛිවාහං තං, ආචුසො, පස්සාමි සදෙවකෙ ලොකෙ සමාරකෙ සබ්බමකෙ සස්සමණුභාග්මණියා පජාය සදෙවමනුස්සාය යො මෙ චිත්තං වා ඛිපෙය්‍ය හදයං වා ඵාලෙය්‍ය පාදෙසු වා ගහෙත්වා පාරගඬිගාය ඛිපෙය්‍ය. අපි ච ත්වං, ආචුසො, පුච්ඡ යදාකඬිබ්බි”ති. අථ ඛො ආලවකො යක්ඛො භගවන්තං ගාථාය අජ්ඣාභාසි –

183.

“කිං සුඛ චිත්තං පුරිසස්ස සෙට්ඨං, කිං සු සුචිණ්ණං සුඛමාවහාති;
කිං සු [කිං සු (සි.)] භවෙ සාදුතරං රසානං, කථං ජීවිං ජීවිතමාහු සෙට්ඨං”.

184.

“සද්ධිධ චිත්තං පුරිසස්ස සෙට්ඨං, ධම්මො සුචිණ්ණො සුඛමාවහාති;
සච්චං භවෙ සාදුතරං රසානං, පඤ්ඤාජීවිං ජීවිතමාහු සෙට්ඨං”.

185.

“කථං සු තරති ඔසං, කථං සු තරති අණ්ණචං;
කථං සු දුක්ඛමච්චෙති, කථං සු පරිසුජ්ඣති”.

186.

“සද්ධා තරති ඔසං, අප්පමාදෙන අණ්ණචං;
වීරියෙන [වීරියෙන (සි. ස්‍යා. කං. පි.)] දුක්ඛමච්චෙති, පඤ්ඤාය පරිසුජ්ඣති”.

187.

“කථං සු ලභතෙ පඤ්ඤං, කථං සු වින්දතෙ ධනං;

කථං සු කිත්තිං පජ්ජොති, කථං මිත්තානි ගන්ථති;
අස්මා ලොකා පරං ලොකං, කථං පෙච්ච න සොචති”.

188.

“සද්දහානො අරහතං, ධම්මං නිබ්බානපත්තියා;
සුස්සුසං [සුස්සුසා (සි. පි.)] ලහතෙ පඤ්ඤං, අජ්ජමත්තො
විචක්ඛණො.

189.

“පතිරුපකාරී ධුරවා, උට්ඨානා වින්දතෙ ධනං;
සච්චෙන කිත්තිං පජ්ජොති, දදං මිත්තානි ගන්ථති.

190.

“යස්සෙතෙ චතුරො ධම්මා, සද්ධස්ස සරමෙසිනො;
සච්චං ධම්මො [දමො (?)] ධිති වාගො, ස වෙ පෙච්ච න සොචති.

191.

“ඉඨිස අඤ්ඤෙපි පුච්ඡස්සු, පුට්ඨ සමණබ්‍රාහ්මණො;
යදි සච්චා දමා වාගො, ඛන්තා භියොධා විජ්ජති”.

192.

“කථං නු දානි පුච්ඡෙය්‍යං, පුට්ඨ සමණබ්‍රාහ්මණො;
යොහං [සොහං (සි. පි.)] අජ්ජ පජානාමි, යො අත්ථො
සම්පරායිකො.

193.

“අත්ථාය වත මෙ බුද්ධො, වාසායාලවිමාගමා;
යොහං [අට්ඨින්භාරුහි සංයුත්තො (සා. ක.)] අජ්ජ පජානාමි, යත්ථ
දිත්තං මහජ්ජලං.

194.

“සො අහං විචරිස්සාමි, ගාමා ගාමං පුරා පුරං;
නමස්සමානො සම්බුද්ධං, ධම්මස්ස ව සුධම්මක”න්ති.

ආලවකසුත්තං දසමං නිට්ඨිතං.

11. විජයසුත්තං

195.

චරං වා යදි වා තිට්ඨං, නිසින්තො උද වා සයං;
සම්ඤ්ජෙති පසාරෙති, එසා කායස්ස ඉඤ්ජනා.

196.

අට්ඨිනභාරුසංයුත්තො, තචමංසාවලෙපනො;

ජවියා කායො පටිච්ඡන්තො, යථාභූතං න දිස්සති.

197.

අන්තපුරො උදරපුරො, යකනපෙළස්ස [යකපෙළස්ස (සි. සා.)]
වත්ථිතො;

හදයස්ස පජ්ජාසස්ස, චක්කස්ස පිහකස්ස ව.

198.

සිඬ්ඝාණිකාය බෙළස්ස, සෙදස්ස ව මෙදස්ස ව;

ලොහිතස්ස ලසිකාය, පිත්තස්ස ව වසාය ව.

199.

අඨස්ස නවහි සොතෙහි, අසුචි සවති සබ්බදා;

අක්ඛම්භා අක්ඛිගුථකො, කණ්ණම්භා කණ්ණගුථකො.

200.

සිඬ්ඝාණිකා ව නාසතො, මුඛෙන වමනෙකදා;

පිත්තං සෙම්භඤ්ච වමති, කායම්භා සෙදජල්ලිකා.

201.

අඨස්ස සුසිරං සිසං, මත්ථලුඬ්ඛගස්ස පුරිතං;

සුභතො නං මඤ්ඤති, බාලො අවිජ්ජාය පුරක්ඛතො.

202.

යදා ව සො මතො සෙති, උද්ධුමාතො විනීලකො;

අපවිද්ධො සුසානස්මිං, අනපෙක්ඛා භොන්ති ඤාතයො.

203.

බාදන්ති නං සුචානා [සුචාණා (පි.)] ව, සිඬ්ඝාලා [සිගාලා (සි. සා.
කං. පි.)] වකා කිමි;

කාකා ගිජ්ඣා ව බාදන්ති, යෙ වඤ්ඤෙ සන්ති පාණිතො.

204.

සුත්ථාන බුද්ධවචනං, භික්ඛු පඤ්ඤාණවා ඉධ;

සො ඛො නං පරිජානාති, යථාභූතඤ්ඤි පස්සති.

205.

යථා ඉදං තථා එතං, යථා එතං තථා ඉදං;

අජ්ඣත්තඤ්ච බහිද්ධා ව, කායෙ ඡන්දං විරාජයෙ.

206.

ඡන්දරාගවිරත්තො සො, භික්ඛු පඤ්ඤාණවා ඉධ;

අප්ඤ්ඤා අමතං සන්තිං, නිබ්බානං පදමච්චුතං.

207.

ද්විපාදකායං [දිපාදකායං (සී. සා. කං. පී.)] අසුචි, දුග්ගන්ධො
පරිහාරති [පරිහීරති (සී. සා. කං. පී.)];
නානාකුණපපරිපූරො, විස්සවන්තො තතො තතො.

208.

එතාදිසෙන කායෙන, යො මඤ්ඤෙ උණ්ණමෙනවෙ
[උන්නමෙනවෙ (?)];
පරං වා අවජානෙය්‍යා, කිමඤ්ඤත්‍ර අදස්සනාති.

විජයසුත්තං එකාදසමං නිට්ඨිතං.

12. මුනිසුත්තං

209.

සන්ථවාතො [සන්ධවතො (ක.)] භයං ජාතං, නිකෙතා ජායතෙ
රජො;
අනිකෙතමසන්ථවං, එතං වෙ මුනිදස්සනං.

210.

යො ජාතමුච්ඡිජ්ජ න රොපයෙය්‍යා, ජායන්තමස්ස නානුජ්ජවෙච්ඡෙ;
තමාහු එකං මුනිතං චරන්තං, අද්දක්ඛි සො සන්තිපදං මහෙසී.

211.

සඬ්ඛාය වත්ථුනි පමාය [පහාය (ක. සී. ක.), සමාය (ක.) ප + මි +
ත්වා = පමාය, යථා නිස්සායාතිපදං] ඛිජං, සිනෙහමස්ස
නානුජ්ජවෙච්ඡෙ;
ස වෙ මුනී ජාතිඛයන්තදස්සී, තක්කං පහාය න උපෙති සඬ්ඛං.

212.

අඤ්ඤාය සබ්බානි නිවෙසනාති, අනිකාමයං අඤ්ඤතරම්පි තෙසං;
ස වෙ මුනී චීතගෙධො අගිද්ධො, නායුහතී පාරගතො හි භොති.

213.

සබ්බාහිභං සබ්බවිදුං සුමෙධං, සබ්බෙසු ධම්මෙසු අනුපලිත්තං;
සබ්බඤ්ජහං තණ්හක්ඛයෙ විමුත්තං, තං වාපි ධීරා මුනි [මුනිං (සී.
පී.)] වෙදයන්ති.

214.

පඤ්ඤාබලං සීලවතුපපන්තං, සමාහිතං කුමාරතං සතීමං;
සඬ්ඛා පමුත්තං අබ්ලං අනාසවං, තං වාපි ධීරා මුනි වෙදයන්ති.

215.

එකං වරන්තං මුනිමජ්ජමත්තං, නින්දාපසංසාසු අවෙධමානං;
සීහංව සද්දෙසු අසන්නසන්නං, වාතංව ජාලමිහි අසජ්ජමානං;
පද්මංව [පද්මංව (සි. සා. පි.)] තොයෙන අලිජ්ජමානං
[අලිමිජ්ජමානං (සා. ක.)], නෙතාරමඤ්ඤෙසමනඤ්ඤෙනෙයාං;
තං වාපි ධීරා මුනි වෙදයන්ති.

216.

යො ඔගහණෙ ථම්මොරිවාහිජායති, යස්මිං පරෙ වාචාපරියන්තං
[වාචං පරියන්තං (ක.)] වදන්ති;
තං චිතරාගං සුසමාහිතින්ද්‍රියං, තං වාපි ධීරා මුනි වෙදයන්ති.

217.

යො වෙ ධීතත්තො තසරංව උජ්ජු, ජිගුච්ඡති කම්මෙහි පාපකෙහි;
විමංසමානො විසමං සමඤ්ච, තං වාපි ධීරා මුනි වෙදයන්ති.

218.

යො සඤ්ඤත්තො න කරොති පාපං, දහරො මජ්ඣිමො ච මුනි
[දහරො ච මජ්ඣිමො ච මුනි (සි. සා. ක. පි.)] යතත්තො;
අරොසනෙයො න සො රොසෙති කඤ්චි [න රොසෙති (සා.)], තං
වාපි ධීරා මුනි වෙදයන්ති.

219.

යදග්ගතො මජ්ඣිකො සෙසතො වා, පිණ්ඩං ලහෙථ පරදත්තූපජීවී;
නාලං ථුතං නොපි නිපච්චවාදී, තං වාපි ධීරා මුනි වෙදයන්ති.

220.

මුනිං වරන්තං චිරතං මෙථුනස්මා, යො යොබ්බනෙ
නොපනිබ්බකතෙ ක්වචි;
මදජ්ජමාදා චිරතං විජ්ජමුත්තං, තං වාපි ධීරා මුනි වෙදයන්ති.

221.

අඤ්ඤාය ලොකං පරමත්ථදස්සිං, ඔසං සමුද්දං අතිතරිය තාදිං;
තං ඡින්නගත්ථං අසිතං අනාසවං, තං වාපි ධීරා මුනි වෙදයන්ති.

222.

අසමා උභො දුරවිහාරවුත්තිනො, ගිහී [ගිහි (ක.)] දාරපොසි අමමො
ච සුබ්බතො;
පරපාණරොධාය ගිහී අසඤ්ඤතො, නිච්චං මුනි රක්ඛති පාණිනෙ
[පාණිනො (සි.)] යතො.

223.

සිඛි යථා නිලගිවො **[නිලගිවො (සා.)]** විහඬිගමො, හංසස්ස නොපෙති ජවං කුදාවනං;
එවං ගිහී නානුකරොති භික්ඛුනො, මුනිනො විවිත්තස්ස වනම්හි ක්කායනොති.

මුනිසුත්තං ද්වාදසමං නිට්ඨිතං.
උරගවග්ගො පඨමො නිට්ඨිතො.

තස්සුද්දානං —

උරගො ධනියො වෙව, විසාණඤ්ච තථා කසි;
චුන්දො පරාභවො වෙව, වසලො මෙත්තභාවනා.

සාතාගිරො ආලවකො, විජයො ච තථා මුනි;
ද්වාදසෙතාති සුත්තාති, උරගවග්ගොති චුච්චතීති.

2. චූළවග්ගො

1. රතනසුත්තං

224.

යානිධ භූතාති සමාගතාති, භූමිමාති **[භූමාති (ක.)]** වා යාති ච අත්තලික්ඛෙ;
සබ්බෙව භූතා සුමනා භවන්තු, අපොපි සක්කච්ච සුණන්තු භාසිතං.

225.

තස්මා හි භූතා නිසාමෙථ සබ්බෙ, මෙත්තං කරොථ මානුසියා පජාය;
දිවා ච රත්තො ච භරන්ති යෙ බලිං, තස්මා හි නෙ රක්ඛථ අප්පමන්තා.

226.

යං කිඤ්චි විත්තං ඉධ වා හුරං වා, සග්ගෙසු වා යං රතනං පණිතං;
න නො සමං අත්ථි තථාගතෙන, ඉදම්පි බුද්ධෙ රතනං පණිතං;
එතෙන සච්චෙන සුවත්ථි හොතු.

227.

බයං විරාගං අමතං පණිතං, යදඡ්ඤ්ඤා සකායමුනී සමාහිතො;
න තෙන ධම්මෙන සමත්ථි කිඤ්චි, ඉදම්පි ධම්මෙ රතනං පණිතං;
එතෙන සච්චෙන සුවත්ථි හොතු.

228.

යං බුද්ධසෙට්ඨො පරිවණ්ණසී සුචිං, සමාධිමානන්තරිකඤ්ඤමාහු;
සමාධිනා තෙන සමො න විජ්ජති, ඉදම්පි ධම්මෙ රතනං පණිතං;
එතෙන සච්චෙන සුවත්ථි හොතු.

229.

යෙ පුග්ගලා අට්ඨ සතං පසත්ථා, චත්තාරි එතානි යුගානි භොන්ති;
තෙ දක්ඛිණෙය්‍යා සුගතස්ස සාවකා, එතෙසු දින්නානි මහජ්ඣලානි;
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

230.

යෙ සුප්පයුත්තා මනසා දළ්භෙන, නික්කාමිනො ගොතමසාසනම්හි;
තෙ පත්තිපත්තා අමතං විගස්භ, ලද්ධා මුඛා නිබ්බුතිං [නිබ්බුති (ක.)]
භුඤ්ජමානා;
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

231.

යථිත්ථේලො පථවිස්සිතො [පදවිස්සිතො (ක. සී.), පඨවිං සිතො (ක. සී. ස්‍යා. කං. පී.)] සියා, චතුඛිචි වාතෙහි අසම්පකම්පියො;
තපුපමං සප්පුරිසං වදාමි, යො අරියසච්චානි අවෙච්ච පස්සති;
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

232.

යෙ අරියසච්චානි විභාවයන්ති, ගම්භීරපඤ්ඤෙන සුදෙසිතානි;
කිඤ්චාපි තෙ භොන්ති භුසං පමත්තා, න තෙ භවං අට්ඨමමාදියන්ති;
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

233.

සභාවස්ස දස්සනසම්පදාය [සභාවසද්දස්සනසම්පදාය (ක.)], තයස්සු
ධම්මා ජහිතා භවන්ති;
සක්කායදිට්ඨි විචිකිච්ඡිතඤ්ච, සීලබ්බතං වාපි යදත්ථි කිඤ්චි.

234.

චතුහපායෙහි ච විජ්ජමුත්තො, ඡච්චාහිධානානි [ඡ චාහිධානානි (සී. ස්‍යා.)] භබ්බ කාතුං [අභබ්බො කාතුං (සී.)];
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

235.

කිඤ්චාපි සො කම්ම [කම්මං (සී. ස්‍යා. කං. පී.)] කරොති පාපකං,
කායෙන වාචා උද චෙතසා වා;
අභබ්බ [අභබ්බො (බහුසු)] සො තස්ස පටිච්ඡදාය [පටිච්ඡදාය (සී.)],
අභබ්බතා දිට්ඨපදස්ස වුත්තා;
ඉදම්පි සඬ්ඝෙ රතනං පණීතං, එතෙන සච්චෙන සුවත්ථි භොතු.

236.

චනජ්ජගුම්බෙ යථ [යථා (සී. ස්‍යා.)] චුස්සිතග්ගෙ, ගිම්භානමාසෙ
පඨමස්මිං [පඨමස්මි (?)] ගිම්භෙ;

තථුපමං ධම්මවරං අදෙසයි [අදෙසයි (සී.)], නිබ්බානගාමිං පරමං
භිතාය;
ඉදම්පි බුද්ධෙ රතනං පඤ්ඤං, එතෙන සච්චෙන සුවත්ථි හොතු.

237.

වරො වරඤ්ඤා වරදො වරාහරො, අනුත්තරො ධම්මවරං අදෙසයි;
ඉදම්පි බුද්ධෙ රතනං පඤ්ඤං, එතෙන සච්චෙන සුවත්ථි හොතු.

238.

බිණං පුරාණං නව නත්ථි සම්භවං, විරත්තවිත්තායතිකෙ භවස්මිං;
තෙ බිණබිජා අවිරුළුභිජන්දා, නිබ්බන්ත්තන්ති ධීරා යථායං [යථායං
(ක.)] පදිපො;
ඉදම්පි සඬ්ඝෙ රතනං පඤ්ඤං, එතෙන සච්චෙන සුවත්ථි හොතු.

239.

යානිධ භූතානි සමාගතානි, භූමිමානි වා යානි ව අන්තලික්ඛෙ;
තථාගතං දෙවමනුස්සපුජිතං, බුද්ධං නමස්සාම සුවත්ථි හොතු.

240.

යානිධ භූතානි සමාගතානි, භූමිමානි වා යානි ව අන්තලික්ඛෙ;
තථාගතං දෙවමනුස්සපුජිතං, ධම්මං නමස්සාම සුවත්ථි හොතු.

241.

යානිධ භූතානි සමාගතානි, භූමිමානි වා යානි ව අන්තලික්ඛෙ;
තථාගතං දෙවමනුස්සපුජිතං, සඬ්ඝං නමස්සාම සුවත්ථි හොතුති.

රතනසුත්තං පඨමං නිට්ඨිතං.

2. ආමගන්ධසුත්තං

242.

“සාමාකච්චිගුලකච්චිතකානි ව, පත්තප්පලං මුලඵලං ගවිප්පලං;
ධම්මෙන ලද්ධං සතමස්සමානා [සතමස්සමානා (සී. පී.),
සතමස්සමානා (සා. ක.)], න කාමකාමා අලිකං භණන්ති.

243.

“යදස්සමානො සුකතං සුනිට්ඨිතං, පරෙහි දින්නං පයතං පඤ්ඤං;
සාලිනමන්නං පරිභුඤ්ජමානො, සො භුඤ්ජසී කස්සප ආමගන්ධං.

244.

“න ආමගන්ධො මම කප්පතීති, ඉච්චෙව ත්වං භාසසි බ්‍රහ්මබන්ධු;
සාලිනමන්නං පරිභුඤ්ජමානො, සකුන්තමංසෙහි සුසඬ්ඛතෙහි;
පුච්ඡාමී තං කස්සප එතමත්ථං, කථං පකාරො තව ආමගන්ධො”.

245.

“පාණානිපාතො වධජෙදබන්ධනං, ථෙය්‍යං මුසාවාදො නිකතිවඤ්චනානි ච;
අජ්ඣෙකකුත්තං [අජ්ඣෙක කුජ්ජං (සි. පි.)] පරදාරසෙවනා, එසාමගන්ධො න හි මංසභොජනං.

246.

“යෙ ඉධ කාමෙසු අසඤ්ඤතා ජනා, රසෙසු ගිද්ධා අසුචිභාවමස්සිතා [අසුචිකමිස්සිතා (සි. ස්‍යා. කං. පි.)];
නත්ථිකදිට්ඨි විසමා දුරන්තයා, එසාමගන්ධො න හි මංසභොජනං.

247.

“යෙ ලුබ්භා දාරුණා පිට්ඨිමංසිකා [යෙ ලුබ්භා දාරුණා පරපිට්ඨිමංසිකා (ක.)], මිත්තද්දුනො නික්කරුණාතිමානිනො;
අදානසීලා න ච දෙන්ති කස්සවි, එසාමගන්ධො න හි මංසභොජනං.

248.

“කොධො මදො ථම්මො පච්චුපට්ඨාපනා [පච්චුට්ඨාපනා ච (සි. ස්‍යා.), පච්චුට්ඨාපනා (පි.)], මායා උසුයා භස්සසමුස්සයො ච;
මානාතිමානො ච අසබ්බි සන්ථවො, එසාමගන්ධො න හි මංසභොජනං.

249.

“යෙ පාපසීලා ඉණ්ණානසුචකා, වොහාරකුටා ඉධ පාටිරුපිකා [පාටිරුපිකා (?)];
නරාධමා යෙධ කරොන්ති කිබ්බිසං, එසාමගන්ධො න හි මංසභොජනං.

250.

“යෙ ඉධ පාණෙසු අසඤ්ඤතා ජනා, පරෙසමාදාය විහෙසමුය්‍යතා;
දුස්සීලලුද්දා ඵරුසා අනාදරා, එසාමගන්ධො න හි මංසභොජනං.

251.

“එතෙසු ගිද්ධා විරුද්ධාතිපාතිනො, නිව්චුය්‍යතා පෙච්ච තමං වජන්ති යෙ;
පතන්ති සත්තා නිරයං අවංසිරා, එසාමගන්ධො න හි මංසභොජනං.

252.

“න මච්ඡමංසානමනාසකත්තං [න මච්ඡමංසං න අනාසකත්තං (සි. අට්ඨ මූලපාඨො), න මංච්ඡමංසානානාසකත්තං (ස්‍යා. ක.)], න නග්ගියං න මුණ්ඨියං ජට්ඨාජල්ලං;

බරාජිනානි නාග්ගිහුත්තස්සපසෙවනා, යෙ වාපි ලොකෙ අමරා බහු
තපා;
මත්තාහුතී යඤ්ඤමුතුපසෙවනා, සොධෙන්නි මච්චං
අවිතිණ්ණකඨං.

253.

“යො තෙසු [සොතෙසු (සි. පි.)] ගුත්තො විදිතින්ද්‍රියො චරෙ, ධම්මෙ
ධීතො අජ්ජවමද්දවෙ රතො;
සඬිගාතිගො සබ්බදුක්ඛජ්ජහීනො, න ලිජ්ජති [න ලිම්පති (සා. ක.
ක.)] දිට්ඨසුතෙසු ධිරො”.

254.

ඉච්චෙනමත්ථං භගවා පුනස්පුනං, අක්ඛාසි නං [නං (සි. පි.)] වෙදයි
මත්තපාරගු;
විත්‍රාහි ගාථාහි මුතී පකාසයි, නිරාමගන්ධො අසිතො දුරන්තයො.

255.

සුත්ථාන බුද්ධස්ස සුභාසිතං පදං, නිරාමගන්ධං සබ්බදුක්ඛජ්ජනුදනං;
නීවමනො චන්දි තථාගතස්ස, තත්ථෙව පබ්බජ්ජමරොචයිත්ථාති.

ආමගන්ධසුත්තං දුතියං නිට්ඨිතං.

3. හිරිසුත්තං

256.

හිරිං තරන්තං විජිගුච්ඡමානං, තවාහමස්මි [සබ්බාහමස්මි (සි. සා. ක.
පි.)] ඉති භාසමානං;
සය්භානි කම්මානි අනාදියන්තං, නෙසො මමන්ති ඉති නං විජඤ්ඤා.

257.

අනන්තයං [අත්ථන්තයං (ක.)] පියං වාවං, යො මිත්තෙසු පකුබ්බති;
අකරොන්තං භාසමානං, පරිජානන්ති පණ්ඩිතා.

258.

න සො මිත්තො යො සදා අජ්ජමත්තො, හෙදාසඬිකී
රන්ධමෙවානුපස්සි;
යස්මිඤ්ච සෙති උරස්සිව පුත්තො, ස වෙ මිත්තො යො පරෙහි
අහෙජ්ජො.

259.

පාමුජ්ජකරණං යානං, පසංසාවහනං සුඛං;
ඵලානිසංසො භාවෙති, වහන්තො පොරිසං ධුරං.

260.

පච්චෙකරසං පිත්වා, රසං උපසමස්ස ව;
නිද්දරො හොති නිජ්ජාපො, ධම්මපිතිරසං පිවන්ති.

හිරිසුත්තං තතියං නිට්ඨිතං.

4. මඬගලසුත්තං

එවං මෙ සුතං — එකං සමයං හගවා සාවත්ථියං විහරති ජෙනවනෙ අනාථපිණ්ඩිකස්ස ආරාමෙ. අථ ඛො අඤ්ඤතරා දෙවතා අභික්කන්තාය රත්තියා අභික්කන්තවණ්ණා කෙවලකප්පං ජෙනවනං ඔහාසෙත්වා යෙන හගවා තෙනුපසඬිකම්; උපසඬිකමිත්වා හගවන්තං අභිවාදෙත්වා එකමන්තං අට්ඨාසි. එකමන්තං ඨිතා ඛො සා දෙවතා හගවන්තං ගාථාය අජ්ඣාභාසි —

261.

“ඛහු දෙවා මනුස්සා ව, මඬගලාති අවින්තයුං;
ආකඬ්ඛමානා සොත්ථානං, බුහි මඬගලමුත්තමං”.

262.

“අසෙවනා ව බාලානං, පණ්ඩිතානඤ්ච සෙවනා;
පුජා ව පුජනෙය්‍යානං [පුජනියානං (සි. ස්‍යා. කං. පි.)], එතං මඬගලමුත්තමං.

263.

“පතිරුපදෙසවාසො ව, පුබ්බෙ ව කතපුඤ්ඤතා;
අත්තසම්මාපණ්ඩි [අත්තසම්මාපණ්ඩි (කත්ථවි)] ව, එතං මඬගලමුත්තමං.

264.

“බාහුසච්චඤ්ච සිජ්ජඤ්ච, විනයො ව සුසික්ඛිතො;
සුභාසිතා ව යා වාවා, එතං මඬගලමුත්තමං.

265.

“මාතාපිතු උපට්ඨානං, පුත්තදාරස්ස සඬගහො;
අනාකුලා ව කම්මන්තා, එතං මඬගලමුත්තමං.

266.

“දානඤ්ච ධම්මවරියා ව, ඤාතකානඤ්ච සඬගහො;
අනවජ්ජානි කම්මානි, එතං මඬගලමුත්තමං.

267.

“ආරතී විරතී පාපා, මජ්ජපානා ව සංයමො;
අජ්ජමාදො ව ධම්මෙසු, එතං මඬගලමුත්තමං.

268.

“ගාරවො ච නිවාතො ච, සන්තුට්ඨි ච කතඤ්ඤතා;
කාලෙන ධම්මස්සවනං [ධම්මස්සවණං (කත්ථවි), ධම්මස්සවනං (සි.
ක.)], එතං මඤ්ඤාමුත්තමං.

269.

“ඛන්ති ච සොචචස්සතා, සමණානඤ්ච දස්සනං;
කාලෙන ධම්මසාකච්ඡා, එතං මඤ්ඤාමුත්තමං.

270.

“තපො ච බ්‍රහ්මවරියඤ්ච, අරියස්විවාන දස්සනං;
නිබ්බානස්වඡ්ඡිකිරියා ච, එතං මඤ්ඤාමුත්තමං.

271.

“ඵ්ථිඨස්ස ලොකධම්මෙහි, විත්තං යස්ස න කම්පති;
අසොකං විරජං බෙමං, එතං මඤ්ඤාමුත්තමං.

272.

“එතාදිසානි කත්වාන, සබ්බත්ථමපරාජිතා;
සබ්බත්ථ සොත්ථිං ගච්ඡන්ති, තං තෙසං මඤ්ඤාමුත්තමං”න්ති.

මඤ්ඤාමුත්තමං චතුත්ථං නිට්ඨිතං.

5. සුවිලොමසුත්තං

එවං මෙ සුතං — එකං සමයං භගවා ගයායං විහරති ටඨකිතමඤ්චෙ
සුවිලොමස්ස යක්ඛස්ස භවතෙ. තෙන ඛො පන සමයෙන ඛරො ච යක්ඛො
සුවිලොමො ච යක්ඛො භගවතො අවිදුරෙ අතික්කමන්ති. අථ ඛො ඛරො
යක්ඛො සුවිලොමං යක්ඛං එතදවොච — “එසො සමණො”ති. “නෙසො
සමණො, සමණකො එසො. යාවාහං ජානාමි [යාව ජානාමි (සි. පි.)] යදි වා
සො සමණො [යදි වා සමණො (සා.)], යදි වා සො සමණකො”ති [යදි වා
සමණකොති (සි. සා. පි.)].

අථ ඛො සුවිලොමො යක්ඛො යෙන භගවා තෙනුපසඨකම්;
උපසඨකමිත්වා භගවතො කායං උපනාමෙසි. අථ ඛො භගවා කායං
අපනාමෙසි. අථ ඛො සුවිලොමො යක්ඛො භගවත්තං එතදවොච — “භායසි
මං, සමණො”ති? “න ඛවාහං තං, ආචුසො, භායාමි; අපි ච තෙ සප්ඵස්සො
පාපකො”ති.

“පඤ්ඤං තං, සමණ, පුච්ඡස්සාමි. සචෙ මෙ න ඛ්‍යාකරිස්සසි, විත්තං වා
තෙ බිපිස්සාමි, හදයං වා තෙ ඵාලෙස්සාමි, පාදෙසු වා ගහෙන්වා පාරගඨගාය
බිපිස්සාමි”ති.

“න ඛ්වාහං තං, ආවුසො, පස්සාමි සදෙවකෙ ලොකෙ සමාරකෙ සබ්බමකෙ සස්සමණුබ්බාහිමණියා පජාය සදෙවමනුස්සාය යො මෙ චිත්තං වා ඛිපෙය්‍යා හදයං වා ඵාලෙය්‍යා පාදෙසු වා ගහෙත්වා පාරගඬිගාය ඛිපෙය්‍යා. අපි ච ත්වං, ආවුසො, පුච්ඡ යදාකඬිබ්බි”ති. අථ ඛො සුචිලොමො යක්ඛො භගවත්තං ගාථාය අජ්ඣාහාසි –

273.

“රාගො ච දොසො ච කුතොනිදානා, අරතී රතී ලොමහංසො කුතොජා;
කුතො සමුට්ඨාය මනොවිතක්කා, කුමාරකා ධඩ්ඝමිවොස්සජන්ති”.

274.

“රාගො ච දොසො ච ඉතොනිදානා, අරතී රතී ලොමහංසො ඉතොජා;
ඉතො සමුට්ඨාය මනොවිතක්කා, කුමාරකා ධඩ්ඝමිවොස්සජන්ති.

274.

“ස්තෙහජා අත්තසම්භූතා, නිග්‍රොධස්සෙව ඛන්ධජා;
පුචු වීසත්තා කාමෙසු, මාලුවාච විතතාවතො.

275.

“යෙ නං පජානන්ති යතොනිදානං, තෙ නං විනොදෙන්ති සුණොහි යක්ඛ;
තෙ දුත්තරං ඔසම්මං තරන්ති, අතිණ්ණපුබ්බං අපුනබ්භවායා”ති.

සුචිලොමසුත්තං පඤ්චමං නිට්ඨිතං.

6. ධම්මචරියසුත්තං

276.

ධම්මචරියං බ්‍රහ්මචරියං, එතදාහු වසුත්තමං;
පබ්බජිතොපි චෙ භොති, අගාරා අනගාරියං.

277.

සො චෙ මුඛරජාතිකො, විහෙසාහිරතො මගො;
ජීවිතං තස්ස පාපියො, රජං වඩ්ඪෙට්ඨි අත්තතො.

278.

කලහාහිරතො හික්ඛු, මොහධම්මෙන ආවුතො;
අක්ඛාතමපි න ජානාති, ධම්මං බුද්ධෙන දෙසිතං.

279.

විහෙසං භාවිතත්තානං, අවිජ්ජාය පුරක්ඛතො;

සංකිලෙසං න ජානාති, මග්ගං නිරයගාමිනං.

280.

විනිපාතං සමාපන්නො, ගබ්භා ගබ්භං තමා තමං;
ස ටෙ තාදිසකො භික්ඛු, පෙච්ච දුක්ඛං නිගච්ඡති.

281.

ගුථකූපො යථා අස්ස, සම්පුණ්ණො ගණවස්සිකො;
යො ච එවරූපො අස්ස, දුබ්බිසොධො හි සාධිගණො.

282.

යං එවරූපං ජානාථ, භික්ඛවො ගෙහනිස්සිතං;
පාපිච්ඡං පාපසඬකප්පං, පාපආචාරගොචරං.

283.

සබ්බෙ සමග්ගා හුත්වාන, අභිනිබ්බජ්ජියාථ [අභිනිබ්බජ්ජියාථ (සි. පි. අ. නි. 8.10)] නං;
කාරණ්ඩවං [කාරණ්ඩවං ච (සා. ක.) අ. නි. 8.10] නිද්ධමථ,
කසම්බුං අපකස්සථ [අවකස්සථ (සි. සා. ක.)].

284.

තතො පලාපෙ [පලාපෙ (ක.)] වාගෙථ, අස්සමණෙ සමණමානිනෙ;
නිද්ධමිත්වාන පාපිච්ඡෙ, පාපආචාරගොචරෙ.

285.

සුද්ධා සුද්ධෙහි සංවාසං, කප්පයචිහො පතිස්සතා;
තතො සමග්ගා නිපකා, දුක්ඛස්සන්තං කරිස්සථාති.

ධම්මචරියසුත්තං [කපිලසුත්තං (අට්ඨ.)] ඡට්ඨං නිට්ඨිතං.

7. බ්‍රාහ්මණධම්මිකසුත්තං

එවං මෙ සුතං — එකං සමයං භගවා සාවත්ථියං විහරති ජෙනවනෙ අනාථපිණ්ඩිකස්ස ආරාමෙ. අථ ඛො සම්බහුලා කොසලකා බ්‍රාහ්මණමහාසාලා ජිණ්ණා වුඩ්ඪා මහල්ලකා අද්ධගතා වයොඅනුප්පත්තා යෙන භගවා තෙනුපසඬකම්සු; උපසඬකම්ත්වා භගවතා සද්ධිං සම්මොදිංසු. සම්මොදනීයං කථං සාරණීයං වීතිසාරෙත්වා එකමන්තං නිසීදිංසු. එකමන්තං නිසින්නා ඛො තෙ බ්‍රාහ්මණමහාසාලා භගවන්තං එතදවොචුං — “සන්දිස්සන්ති නු ඛො, හො ගොතම, එතරහි බ්‍රාහ්මණා පොරාණානං බ්‍රාහ්මණානං බ්‍රාහ්මණධම්මෙ”ති? “න ඛො, බ්‍රාහ්මණා, සන්දිස්සන්ති එතරහි බ්‍රාහ්මණා පොරාණානං බ්‍රාහ්මණානං බ්‍රාහ්මණධම්මෙ”ති. “සාධු නො භවං ගොතමො පොරාණානං බ්‍රාහ්මණානං බ්‍රාහ්මණධම්මං භාසතු, සථෙ හොතො ගොතමස්ස අගරු”ති. “තෙන හි, බ්‍රාහ්මණා, සුභාථ, සාධුකං

මනසි කරොථ, භාසිස්සාමි”ති. “එවං, භො”ති ඛො තෙ බ්‍රාහ්මණමහාසාලා
හගවතො පච්චස්සොසුං. හගවා එතදුවොව –

286.

“ඉසයො පුබ්බකා ආසුං, සඤ්ඤතත්තා තපස්සිනො;
පඤ්ච කාමගුණෙ හිත්වා, අත්තදත්ථමචාරිසුං.

287.

“න පසු බ්‍රාහ්මණානාසුං, න හිරඤ්ඤං න ධානියං;
සප්ඤ්ඤායධනධඤ්ඤාසුං, බ්‍රහ්මං නිධිමපාලයුං.

288.

“යං නෙසං පකතං ආසි, ද්වාරහත්තං උපට්ඨිතං;
සද්ධාපකතමෙසානං, දාතවෙ තදමඤ්ඤිසුං.

289.

“නානාරත්තෙහි චත්ථෙහි, සයනෙහාවසථෙහි ච;
භීතා ජනපදා රට්ඨා, තෙ නමස්සිංසු බ්‍රාහ්මණෙ.

290.

“අවජ්ඣා බ්‍රාහ්මණා ආසුං, අප්පෙය්‍යා ධම්මරක්ඛිතා;
න නෙ කොචි නිවාරෙසි, කුලද්වාරෙසු සබ්බසො.

291.

“අට්ඨචත්තාලීසං වස්සානි, (කොමාර) බ්‍රහ්මවරියං චරිංසු තෙ;
විජ්ජාවරණපරියෙට්ඨිං, අචරුං බ්‍රාහ්මණා පුරෙ.

292.

“න බ්‍රාහ්මණා අඤ්ඤමගමුං, නපි හරියං කිණිංසු තෙ;
සම්පියෙනෙව සංවාසං, සඬගන්ත්වා සමරොවයුං.

293.

“අඤ්ඤත්‍රු තම්හා සමයා, උතුචෙරමණිං පති;
අන්තරා මෙචුනං ධම්මං, නාස්සු ගච්ඡන්ති බ්‍රාහ්මණා.

294.

“බ්‍රහ්මවරියඤ්ච සීලඤ්ච, අප්පචං මද්දචං තපං;
සොරච්චං අවිහිංසඤ්ච, ඛන්තිඤ්චාපි අවණිණයුං.

295.

“යො නෙසං පරමො ආසි, බ්‍රහ්මා දළ්භපරක්කමො;
ස වාපි මෙචුනං ධම්මං, සුපිනන්තෙපි නාගමා.

296.

“තස්ස චත්තමනුසික්ඛත්තා, ඉධෙකෙ විඤ්ඤාජාතිකා;
බ්‍රහ්මවරියඤ්ච සීලඤ්ච, ඛන්තිඤ්චාපි අවණ්ණයුං.

297.

“තණ්ඩුලං සයනං චත්ථං, සජ්ජිතෙලඤ්ච යාවිය;
ධම්මෙන සමොධානෙන්වා, තතො යඤ්ඤමකජ්ජයුං.

298.

“උපට්ඨිතස්මිං යඤ්ඤස්මිං, නාස්සු ගාවො හනිංසු තෙ;
යථා මාතා පිතා භාතා, අඤ්ඤෙ වාපි ච ඤාතකා;
ගාවො නො පරමා මිත්තා, යාසු ජායන්ති ඔසධා.

299.

“අන්තදා බලදා වෙතා, චණ්ණදා සුඛදා තථා [\[සුඛදා ච තා \(ක.\)\]](#);
එතමත්ථවසං ඤත්වා, නාස්සු ගාවො හනිංසු තෙ.

300.

“සුබ්බමාලා මහාකායා, චණ්ණචන්තො යසස්සිනො;
බ්‍රාහ්මණා සෙහි ධම්මෙහි, කිච්චාකිච්චෙසු උස්සුකා;
යාව ලොකෙ අවත්තිංසු, සුඛමෙධිත්ථයං පජා.

301.

“තෙසං ආසි විපල්ලාසො, දිස්වාන අණුතො අණුං;
රාජිනො ච වියාකාරං, නාරියො සමලඬිකතා.

302.

“රථෙ වාජඤ්ඤසංයුත්තෙ, සුකතෙ චිත්තසිඛිඛතෙ;
නිවෙසනෙ නිවෙසෙ ච, විහත්තෙ භාගසො මිතෙ.

303.

“ගොමණ්ඩලපරිබ්‍රූළ්හං, නාරීවරගණායුතං;
උළාරං මානුසං භොගං, අභිජ්ඣායිංසු බ්‍රාහ්මණා.

304.

“තෙ තත්ථ මත්තෙ ගන්ථෙත්වා, ඔක්කාකං තදුපාගමුං;
පහුතධනධඤ්ඤොසි, යජස්සු බහු තෙ විත්තං;
යජස්සු බහු තෙ ධනං.

305.

“තතො ච රාජා සඤ්ඤත්තො, බ්‍රාහ්මණෙහි රථෙසහො;
අස්සමෙධං පුරිසමෙධං, සම්මාපාසං වාජපෙය්‍යං නිරග්ගළං;

එතෙ යාගෙ යජිත්වාන, බ්‍රාහ්මණානමදා ධනං.

306.

“ගාවො සයනඤ්ච චත්ථඤ්ච, නාරියො සමලඬිකතා;
රථෙ චාජඤ්ඤසංයුත්තෙ, සුකතෙ චිත්තසිබ්බතෙ.

307.

“නිවෙසනානි රම්මානි, සුචිහත්තානි භාගසො;
නානාධඤ්ඤස්ස පුරෙත්වා, බ්‍රාහ්මණානමදා ධනං.

308.

“තෙ ච තත්ථ ධනං ලද්ධා, සන්තිධිං සමරොචයුං;
තෙසං ඉච්ඡාවතිණ්ණානං, භියොසා තණ්හා පචඩ්ඨථ;
තෙ තත්ථ මත්තෙ ගන්ථෙත්වා, ඔක්කාකං පුනම්පාගමුං.

309.

“යථා ආපො ච පථවී ච, භිරඤ්ඤං ධනධානියං;
එවං ගාවො මනුස්සානං, පරික්ඛාරො සො භි පාණිනං;
යජස්සු බහු තෙ චිත්තං, යජස්සු බහු තෙ ධනං.

310.

“තතො ච රාජා සඤ්ඤත්තො, බ්‍රාහ්මණෙහි රථෙසහො;
තෙකා සතසහස්සියො, ගාවො යඤ්ඤෙ අසාතයි.

311.

“න පාදා න විසාණෙන, නාස්සු හිංසන්ති කෙනචි;
ගාවො එළකසමානා, සොරතා කුම්භදුහනා;
තා විසාණෙ ගහෙත්වාන, රාජා සත්ථෙත සාතයි.

312.

“තතො දෙවා පිතරො ච **[තතො ච දෙවා පිතරො (සි. සා.)],**
ඉන්ද්‍රො අසුරරක්ඛසා;
අධම්මො ඉති පක්කන්දුං, යං සත්ථං නිපතී ගවෙ.

313.

“තයො රොගා පුරෙ ආසුං, ඉච්ඡා අනසනං ජරා;
පසුනඤ්ච සමාරම්භා, අට්ඨානවුත්තිමාගමුං.

314.

“එසො අධම්මො දණ්ඩානං, ඔක්කන්තො පුරාණො අහු;
අද්ධිකායො හඤ්ඤන්ති, ධම්මා ධංසන්ති **[ධංසන්ති (සි. ඡ.)]**
යාජකා.

315.

“එවමෙසො අණුධම්මො, පොරාණො විඤ්ඤාගරහිතො;
යත්ථ එදිසකං පස්සති, යාජකං ගරහති [ගරහී (ක.)] ජනො.

316.

“එවං ධම්මෙ විශාපන්නෙ, විහින්නා සුද්දවෙස්සිකා;
පුඬු විහින්නා ඛත්තියා, පතිං හරියාවමඤ්ඤථ.

317.

“ඛත්තියා බ්‍රහ්මඛන්ධු ව, යෙ වඤ්ඤෙ ගොත්තරක්ඛිතා;
ජාතිවාදං නිරංකත්වා [නිරාකත්වා (?) යථා අනිරාකතජ්ඣානොති],
කාමානං වසමන්වගු”න්ති.

එවං වුත්තෙ, තෙ බ්‍රාහ්මණමහාසාලා භගවන්තං එතදවොචුං —
“අභික්කන්තං, හො ගොතම...පෙ. ... උපාසකෙ නො භවං ගොතමො
ධාරෙතු අජ්ජතග්ගෙ පාණුපෙතෙ සරණං ගතෙ”ති.

බ්‍රාහ්මණධම්මිකසුත්තං සත්තමං නිට්ඨිතං.

8. නාවාසුත්තං

318.

යස්මා හි ධම්මං පුරිසො විජඤ්ඤා, ඉන්දංව නං දෙවතා පූජයෙය්‍යා;
සො පුජිතො තස්මි පසන්නචිත්තො, බ්‍රහ්මස්සතො පාතුකරොති
ධම්මං.

319.

තදට්ඨිකත්වාන නිසම්ම ධරො, ධම්මානුධම්මං පටිපජ්ජමානො;
විඤ්ඤා විභාවී නිපුණො ව හොති, යො තාදිසං භජති අජ්ජමත්තො.

320.

බුද්දඤ්ච බාලං උපසෙවමානො, අනාගතත්ථඤ්ච උසුයකඤ්ච;
ඉධෙව ධම්මං අවිභාවයිත්වා, අවිතිණ්ණකඨ්ඨො මරණං උපෙති.

321.

යථා නරො ආපගමොතරිත්වා, මහොදකං සලිලං සීසසොතං;
සො වුස්භමානො අනුසොතගාමී, කිං සො පරෙ සක්ඛති තාරයෙතුං.

322.

තථෙව ධම්මං අවිභාවයිත්වා, බ්‍රහ්මස්සුතානං අනිසාමයත්ථං;
සයං අජානං අවිතිණ්ණකඨ්ඨො, කිං සො පරෙ සක්ඛති
නිජ්ඣපෙතුං.

323.

යථාපි නාවං දල්භමාරුහිත්වා, ඵියෙන [පියෙන (සී. සා.)] රිත්තෙන සමඛිගිභුතො;
සො තාරයෙ තත්ථ බහුපි අඤ්ඤෙ, තනුපයඤ්ඤා කුසලො මුතීමා [මතීමා (සා. ක.)].

324.

ඵචම්පි යො වෙදගු භාවිතත්තො, බහුස්සුතො හොති අවෙධධම්මො;
සො ඛො පරෙ නිජ්ඣපයෙ පජානං, සොතාවධානුපනිසුපපත්තෙ.

325.

තස්මා හවෙ සප්පුරිසං භජෙථ, මෙධාවිනඤ්ඤෙව බහුස්සුතඤ්ඤා;
අඤ්ඤාය අත්ථං පටිපජ්ජමානො, විඤ්ඤාතධම්මො ස සුඛං [සො සුඛං (සී.)] ලභෙථාති.

නාවාසුත්තං අට්ඨමං නිට්ඨිතං.

9. කිංසිලසුත්තං

326.

“කිංසිලො කිංසමාවාරො, කානි කම්මානි බුභයං;
නරො සම්මා නිව්ට්ඨස්ස, උත්තමත්ථඤ්ඤා පාපුණෙ”.

327.

“වුඬ්ඨාපවාසී අනුසුයකො සියා, කාලඤ්ඤා [කාලඤ්ඤා (සී. සා.)]
චස්ස ගරුතං [ගරුතං (සී.)] දස්සනාය;
ධම්මිං කථං ඵරයිතං ඛණ්ඤ්ඤා, සුණෙය්‍යා සක්කච්ච සුභාසිතාති.

328.

“කාලෙන ගච්ඡෙ ගරුතං සකාසං, ථම්හං නිරංකත්වා [නිරාකත්වා (?) නි + ආ + කර + ත්වා] නිවාතවුත්ති;
අත්ථං ධම්මං සංයමං බ්‍රහ්මචරියං, අනුස්සරෙ වෙව සමාවරෙ ව.

329.

“ධම්මාරාමො ධම්මරතො, ධම්මෙ ඨිතො ධම්මවිනිච්ඡයඤ්ඤා;
නෙවාචරෙ ධම්මසන්දොසවාදං, තච්ඡෙහි නියෙථ සුභාසිතෙහි.

330.

“භස්සං ජප්පං පරිදෙවං පදොසං, මායාකතං කුහනං ගිද්ධි මානං;
සාරම්හං කක්කසං කසාවඤ්ඤා මුච්ඡං [සාරම්හ කක්කස්ස කසාව මුච්ඡං (සා. පී.)], හිත්වා චරෙ විතමදො ඨිතත්තො.

331.

“විඤ්ඤාතසාරානි සුභාසිතානි, සුතඤ්ඤා විඤ්ඤාතසමාධිසාරං;

න තස්ස පඤ්ඤා ච සුතඤ්ච වඩ්ඪති, යො සාහසො හොති නරො පමත්තො.

332.

“ධම්මෙ ච යෙ අරියපච්චේතෙ රතා,
අනුත්තරා තෙ වචසා මනසා කම්මුතා ච;
තෙ සන්තිසොරච්චසමාධිසංඝ්ඨිතා,
සුතස්ස පඤ්ඤාය ච සාරමජ්ඣගු”ති.

කිංසිලසුත්තං නවමං නිට්ඨිතං.

10. උට්ඨානසුත්තං

333.

උට්ඨහථ නිසිදථ, කො අත්ථො සුපිනෙන වො;
ආතුරානඤ්ඤි කා නිද්දා, සල්ලවිද්ධාන රුජ්ජනං.

334.

උට්ඨහථ නිසිදථ, දළ්භං සික්ඛථ සන්තියා;
මා වො පමත්තෙ විඤ්ඤාය, මච්චුරාජා අමොහයිත්ථ වසානුගෙ.

335.

යාය දෙවා මනුස්සා ච, සිතා තිට්ඨන්ති අත්ථිකා;
තරථෙතං විසත්තිකං, ඛණො වො [ඛණො වෙ (පී. ක.)] මා
උපච්චගා;
ඛණාතීතා හි සොචන්ති, නිරයම්හි සමප්පිතා.

336.

පමාදො රජො පමාදො, පමාදානුපතිතො රජො;
අප්පමාදෙන විජ්ජාය, අබ්බහෙ [අබ්බුල්ලහෙ (සා. පී.), අබ්බුහෙ (ක.
අට්ඨ.)] සල්ලමත්තනොති.

උට්ඨානසුත්තං දසමං නිට්ඨිතං.

11. රාහුලසුත්තං

337.

“කච්චි අභිණ්භසංවාසා, නාවජානාසි පණ්ඩිතං;
උක්කාධාරො [උක්කාධාරො (සා. ක.)] මනුස්සානං, කච්චි
අපච්චිතො තයා” [තච (සී. අට්ඨ.)].

338.

“නාහං අභිණ්භසංවාසා, අවජානාමි පණ්ඩිතං;
උක්කාධාරො මනුස්සානං, නිච්චං අපච්චිතො මයා”.

339.

“පඤ්ච කාමගුණෙ හිත්වා, පියරූපෙ මනොරමෙ;
සද්ධාය සරා නික්ඛම්ම, දුක්ඛස්සන්තකරො භව.

340.

“මිත්තෙ භජස්සු කල්‍යාණෙ, පන්තඤ්ච සයනාසනං;
විවිත්තං අප්පනිග්ගොසං, මත්තඤ්ඤු භොහි භොජනෙ.

341.

“වීචරෙ පිණ්ඩපාතෙ ව, පච්චයෙ සයනාසනෙ;
එතෙසු තණ්හං මාකාසි, මා ලොකං පුනරාගමි.

342.

“සංවුතො පාතිමොක්ඛස්මිං, ඉන්ද්‍රියෙසු ච පඤ්චසු;
සති කායගතාත්‍යත්ථු, නිබ්බිදාබ්‍රහ්මලො භව.

343.

“නිමිත්තං පරිවජ්ජෙහි, සුභං රාගූපසඤ්ඡිතං;
අසුභාය චිත්තං භාවෙහි, එකග්ගං සුසමාහිතං.

344.

“අනිමිත්තඤ්ච භාවෙහි, මානානුසයමුජ්ජහ;
තතො මානාහිසමයා, උපසන්තො වරිස්සති”ති.

ඉත්ථං සුදං භගවා ආයස්මන්තං රාහුලං ඉමාහි ගාථාහි අභිණ්හං ඔවදතීති.

රාහුලසුත්තං එකාදසමං නිට්ඨිතං.

12. නිග්‍රොධකප්පසුත්තං

එවං මෙ සුතං – එකං සමයං භගවා ආලවියං විහරති අග්ගාලවෙ චෙතියෙ. තෙන ඛො පන සමයෙන ආයස්මතො වඩ්ඪිසස්ස උපජ්ඣායො නිග්‍රොධකප්පො නාම ථෙරො අග්ගාලවෙ චෙතියෙ අවිරපරිනිබ්බුතො භොති. අථ ඛො ආයස්මතො වඩ්ඪිසස්ස රහොගතස්ස පටිසල්ලිනස්ස එවං චෙතසො පරිවිතක්කො උදපාදි – “පරිනිබ්බුතො නු ඛො මෙ උපජ්ඣායො උදාහු නො පරිනිබ්බුතො”ති? අථ ඛො ආයස්මා වඩ්ඪිසො සායන්හසමයං පටිසල්ලානා වුට්ඨිතො යෙන භගවා තෙනුපසඬිකම්; උපසඬිකම්ත්වා භගවන්තං අභිවාදෙත්වා එකමන්තං නිසීදි. එකමන්තං නිසිත්තො ඛො ආයස්මා වඩ්ඪිසො භගවන්තං එතදවොච – “ඉධ මය්හං, හන්තෙ, රහොගතස්ස පටිසල්ලිනස්ස එවං චෙතසො පරිවිතක්කො උදපාදි – ‘පරිනිබ්බුතො නු ඛො මෙ උපජ්ඣායො, උදාහු නො පරිනිබ්බුතො’”ති. අථ ඛො ආයස්මා වඩ්ඪිසො උට්ඨායාසනා එකංසං වීචරං කත්වා යෙන භගවා තෙනඤ්ජලිං පණාමෙත්වා භගවන්තං ගාථාය අජ්ඣාහාසි –

345.

“පුච්ඡාම **[පුච්ඡාමි (ක.)]** සත්ථාරමනොමපඤ්ඤං, දිට්ඨෙව ධම්මෙ
යො විචිකිච්ඡානං ඡෙත්තා;
අග්ගාලවෙ කාලමකාසි හික්ඛු, ඤාතො යසස්සි අහිනිබ්බතත්තො.

346.

“නිග්‍රොධකප්පො ඉති තස්ස නාමං, තයා කතං භගවා බ්‍රාහ්මණස්ස;
සො තං නමස්සං අවරි මුත්‍යපෙක්ඛො, ආරද්ධවීරියො
දළ්භධම්මදස්සි.

347.

“තං සාවකං සකා **[සක්ක (සි. සා. පී.)]** මයම්පි සබ්බෙ,
අඤ්ඤාතුමිච්ඡාම සමන්තවක්ඛු;
සමච්චිතො නො සචනාය සොතා, තුවං නො සත්ථා
ත්වමනුත්තරොසි.

348.

“ඡිත්තදෙව නො විචිකිච්ඡං බුහි මෙතං, පරිනිබ්බතං වෙදය
භූරිපඤ්ඤ;
මජ්ඣෙව **[මජ්ඣෙ ව (සා. ක.)]** නො භාස සමන්තවක්ඛු,
සක්කොව දෙවාන සහස්සනෙත්තො.

349.

“යෙ කෙචි ගන්ථා ඉධ මොහමග්ගා, අඤ්ඤාණපක්ඛා
විචිකිච්ඡයානා;
තථාගතං පත්ථා න තෙ භවන්ති, චක්ඛුඤ්ඤි එතං පරමං නරානං.

350.

“නො වෙ හි ජාතු පුරිසො කිලෙසෙ, වාතො යථා අබ්භධනං
විභානෙ;
තමොවස්ස නිවුතො සබ්බලොකො, න ජොතිමත්තොපි නරා
තපෙය්‍යුං.

351.

“ධීරා ව පජ්ජොතකරා භවන්ති, තං තං අහං වීර **[ධීර (සි. සා.)]**
තථෙව මඤ්ඤෙ;
විපස්සිතං ජානමුපාගමුමිහා **[ජානමුපගමමිහා (සි. සා.)]**, පරිසාසු
නො ආවිකරොහි කප්පං.

352.

“ඛිජ්ජං ගිරං එරය වග්ගු වග්ගුං, භංසොව පග්ගස්භ සණ්ඨකං **[සණ්ඨං
(සා. පී.)]** නිකුජ;

බිත්දුස්සරෙන සුවිකප්පිතෙන, සබ්බෙව තෙ උප්පුගතා සුඤ්ඤාම.

353.

“පභිනජාතිමරණං අසෙසං, නිග්ගස්භ ධොනං [ධොනං (සී.)]
වදෙස්සාමි ධම්මං;
න කාමකාරො හි පුපුච්ඡනානං, සඨබ්බෙය්‍යකාරො ව
[සඨබ්බෙය්‍යකාරොව (ක.)] තථාගතානං.

354.

“සම්පන්නවෙය්‍යාකරණං තවෙදං, සමුප්ප්පඤ්ඤස්ස
[සමුප්ප්පඤ්ඤස්ස (සා. ක.)] සමුග්ගහීනං;
අයමඤ්ජලී පච්ඡිමො සුප්පණාමිතො, මා මොහයි
ජානමනොමපඤ්ඤ.

355.

“පරොවරං [වරාවරං (කත්ථවි)] අරියධම්මං විදිත්වා, මා මොහයි
ජානමනොමචීර;
වාරිං යථා සම්මනි සම්මතත්තො, වාචාහිකඨ්ඨාමි සුතං පවස්ස
[සුතස්ස වස්ස (සා.)].

356.

“යදත්ථිකං [යදත්ථියං (පී.), යදත්ථිතං (ක.)] බ්‍රහ්මවරියං අවරී,
කප්පායනො කච්චිස්ස තං අමොසං;
නිබ්බායි සො ආදු සඋපාදිසෙසො, යථා විමුත්තො අහු තං
සුඤ්ඤාම”.

357.

“අච්ඡෙච්ඡි [අච්ඡෙඡ්ඡි (ක.)] තණ්හං ඉධ නාමරූපෙ, (ඉති භගවා)
කණ්හස්ස [තණ්හාය (ක.)] සොතං දීඝරත්තානුසයිතං;
අතාරි ජාතිං මරණං අසෙසං,”
ඉච්චබුචි භගවා පඤ්චසෙට්ඨො.

358.

“ඵස සුත්වා පසීදාමි, වචො තෙ ඉසිසත්තම;
අමොසං කිර මෙ පුට්ඨං, න මං වඤ්චෙසි බ්‍රාහ්මණො.

359.

“යථාචාදී තථාකාරී, අහු බුද්ධස්ස සාවකො;
අච්ඡිදා මච්චුනො ජාලං, තතං මායාවිනො දල්හං.

360.

“අද්දසා භගවා ආදිං, උපාදානස්ස කප්පියො;

අවිචගා වත කප්පායනො, මච්චුධෙය්‍යං සුදුත්තර’න්ති.

නිග්‍රොධකප්පසුත්තං ද්වාදසමං නිට්ඨිතං.

13. සම්මාපරිබ්බාජනීයසුත්තං

361.

“පුට්ඨාමි මුනිං පඤ්ඤාපඤ්ඤං,
තිණ්ණං පාරඬගතං පරිනිබ්බුතං ධීතත්තං;
නික්ඛම්ම සරා පනුජ්ජ කාමෙ, කථං භික්ඛු
සම්මා සො ලොකෙ පරිබ්බජෙය්‍ය”.

362.

“යස්ස මඬගලා සමුහතා, (ඉති හගවා)
උප්පාතා සුපිනා ව ලක්ඛණා ව;
සො මඬගලදොසවිජ්ජහීනො,
සම්මා සො ලොකෙ පරිබ්බජෙය්‍ය.

363.

“රාගං විනයෙථ මානුසෙසු, දිබ්බෙසු කාමෙසු වාපි භික්ඛු;
අතික්කම්ම හවං සමෙච්ච ධම්මං, සම්මා සො ලොකෙ
පරිබ්බජෙය්‍ය.

364.

“විපිට්ඨිකත්වාන පෙසුණානි, කොධං කදරියං ජහෙය්‍ය භික්ඛු;
අනුරොධවිරොධවිජ්ජහීනො, සම්මා සො ලොකෙ පරිබ්බජෙය්‍ය.

365.

“භිත්වාන පියඤ්ච අප්පියඤ්ච, අනුපාදාය අනිස්සිතො කුහිඤ්චි;
සංයොජනියෙහි විජ්ජමුත්තො, සම්මා සො ලොකෙ පරිබ්බජෙය්‍ය.

366.

“න සො උපධිසු සාරමෙති, ආදානෙසු විනෙය්‍ය ඡන්දරාගං;
සො අනිස්සිතො අනඤ්ඤනෙය්‍යො, සම්මා සො ලොකෙ
පරිබ්බජෙය්‍ය.

367.

“වචසා මනසා ව කම්මුනා ව, අවිරුද්ධො සම්මා විදිත්වා ධම්මං;
නිබ්බානපදාභිපත්ථයානො, සම්මා සො ලොකෙ පරිබ්බජෙය්‍ය.

368.

“යො වන්දති මන්ති නුණ්ණමෙය්‍ය [නුත්තමෙය්‍ය (?)],
අක්කුට්ඨොපි න සන්ධිසෙථ භික්ඛු;

ලද්ධා පරභොජනං න මජ්ජෙ, සම්මා සො ලොකෙ පරිබ්බජෙය්‍ය.

369.

“ලොභඤ්ච භවඤ්ච විජ්ජහාය, විරතො ඡෙදනබන්ධනා ච
[ඡෙදනබන්ධනතො (සී. ස්‍යා.)] භික්ඛු;
සො තිණ්ණකථංකථො විසල්ලො, සම්මා සො ලොකෙ
පරිබ්බජෙය්‍ය.

370.

“සාරුජ්ජං අත්තනො විදිත්වා, නො ච භික්ඛු භිංසෙය්‍ය කඤ්චි
ලොකෙ;
යථා තථීයං විදිත්වා ධම්මං, සම්මා සො ලොකෙ පරිබ්බජෙය්‍ය.

371.

“යස්සානුසයා න සන්ති කෙවි, මූලා ච [මූලා (සී. ස්‍යා.)] අකුසලා
සමුහතාසෙ;
සො නිරාසො [නිරාසයො (සී.), නිරාසසො (ස්‍යා.)] අනාසිසානො
[අනාසයානො (සී. පී.), අනාසසානො (ස්‍යා.)], සම්මා සො ලොකෙ
පරිබ්බජෙය්‍ය.

372.

“ආසවඛීණො පහීනමානො, සබ්බං රාගපථං උපාතිවත්තො;
දන්තො පරිනිබ්බුතො ධීතත්තො, සම්මා සො ලොකෙ
පරිබ්බජෙය්‍ය.

373.

“සද්ධො සුතවා නියාමදස්සි, වග්ගගතෙසු න වග්ගසාරි ධීරො;
ලොභං දොසං විනෙය්‍ය පටිසං, සම්මා සො ලොකෙ පරිබ්බජෙය්‍ය.

374.

“සංසුද්ධජීනො විචට්ටච්ඡදො, ධම්මෙසු වසී පාරගු අනෙජො;
සඬ්ඛාරනිරොධඤ්ඤාණකුසලො, සම්මා සො ලොකෙ පරිබ්බජෙය්‍ය.

375.

“අතීතෙසු අනාගතෙසු වාපි, කජ්ජාතීතො අතිච්චසුද්ධිපඤ්ඤො;
සබ්බායතනෙහි විජ්ජමුත්තො, සම්මා සො ලොකෙ පරිබ්බජෙය්‍ය.

376.

“අඤ්ඤාය පදං සමෙච්ච ධම්මං, විචටං දිස්වාන පහානමාසවානං;
සබ්බුපධීනං පරික්ඛයානො [පරික්ඛයා (පී.)], සම්මා සො ලොකෙ
පරිබ්බජෙය්‍ය”.

377.

“අද්ධා හි භගවා තථෙව එතං, යො සො එවංවිහාරී දන්තො හික්ඛු;
සබ්බසංයොජනයොගච්ඡිවත්තො [සබ්බසංයොජනියෙ ව
ච්ඡිවත්තො (සි. සා. පි.)], සම්මා සො ලොකෙ පරිබ්බපෙය්‍යා”ති.

සම්මාපරිබ්බාජනීයසුත්තං තෙරසමං නිට්ඨිතං.

14. ධම්මිකසුත්තං

එවං මෙ සුතං — එකං සමයං භගවා සාවත්ථියං විහරති ජෙනවනෙ
අනාථපිණ්ඩිකස්ස ආරාමෙ. අථ ඛො ධම්මිකො උපාසකො පඤ්චභි
උපාසකසතෙහි සද්ධිං යෙන භගවා තෙනුපසඬිකම්; උපසඬිකමිත්වා
භගවත්තං අභිවාදෙත්වා එකමන්තං නිසීදි. එකමන්තං නිසින්නො ඛො
ධම්මිකො උපාසකො භගවත්තං ගාථාහි අජ්ඣහාසි —

378.

“පුච්ඡාමි තං ගොතම භූරිපඤ්ඤ, කථංකරො සාවකො සාධු හොති;
යො වා අගාරා අනගාරමෙති, අගාරිනො වා පනුපාසකාසෙ.

379.

“තුච්ඤ්භි ලොකස්ස සදෙවකස්ස, ගතිං පජානාසි පරායණඤ්ච;
න වත්ථි තුලොයා නිපුණත්ථදස්සි, තුච්ඤ්භි බුද්ධං පවරං වදන්ති.

380.

“සබ්බං තුවං ඤාණමචෙච්ච ධම්මං, පකාසෙසි සත්තෙ
අනුකම්පමානො;
විච්චට්ඨිජදොසි සමන්තවක්ඛු, විරොචසි විමලො සබ්බලොකෙ.

381.

“ආගඤ්ඡි තෙ සන්තිකෙ නාගරාජා, එරාවණො නාම ජිනොති
සුත්වා;
සොපි තයා මන්තයිත්වාජ්ඣගමා, සාධුති සුත්වාන පතීතරූපො.

382.

“රාජාපි තං වෙස්සවණො කුචෙරො, උපෙනි ධම්මං පරිපුච්ඡමානො;
තස්සාපි ත්වං පුච්ඡිතො බුසි ධීර, සො වාපි සුත්වාන පතීතරූපො.

383.

“යෙ කෙවිමෙ තිත්ථියා වාදසීලා, ආජීවකා වා යදි වා නිගණ්ඨා;
පඤ්ඤාය තං නාතිතරන්ති සබ්බෙ, ඨිතො වජන්තං විය සිසගාමිං.

384.

“යෙ කෙවීමෙ බ්‍රාහ්මණා වාදසීලා, වුද්ධා වාපි බ්‍රාහ්මණා සන්ති කෙවි;
සබ්බෙ තසි අත්ථබ්බද්ධා භවන්ති, යෙ වාපි අඤ්ඤෙ වාදිනො මඤ්ඤමානා.

385.

“අයඤ්ඤි ධම්මො නිපුණො සුඛො ච, යොයං තයා භගවා සුප්පචුත්තො;
තමෙව සබ්බෙපි [සබ්බෙ මයං (සායා.)] සුස්සුසමානා, තං නො වද ප්‍රච්ඡිනො බුද්ධසෙට්ඨ.

386.

“සබ්බෙපි මෙ භික්ඛවො සන්තිසින්තා, උපාසකා වාපි තමෙව සොතුං;
සුභන්තු ධම්මං විමලෙනානුබුද්ධං, සුභාසිතං වාසවස්සෙව දෙවා”.

387.

“සුභාථ මෙ භික්ඛවො සාවයාමි වො, ධම්මං ධුතං තඤ්ච වරාථ සබ්බෙ;
ඉරියාපථං පබ්බජිතානුලොමිකං, සෙවෙථ නං අත්ථදසො මුතීමා.

388.

“නො වෙ විකාලෙ විචරෙය්‍ය භික්ඛු, ගාමෙ ච පිණ්ඩාය චරෙය්‍ය කාලෙ;
අකාලවාරිඤ්ඤි සජන්ති සඬගා, තස්මා විකාලෙ න වරන්ති බුද්ධා.

389.

“රූපා ච සද්දා ච රසා ච ගන්ධා, එස්සා ච යෙ සම්මදයන්ති සත්තෙ;
එතෙසු ධම්මෙසු විනෙය්‍ය ඡන්දං, කාලෙන සො පවිසෙ පාතරාසං.

390.

“පිණ්ඩඤ්ච භික්ඛු සමයෙන ලද්ධා, එකො පටික්කම්ම රහො නිසීදෙ;
අජ්ඣත්තචින්ති න මනො ඛහිද්ධා, නිච්ඡාරයෙ සඬගහිත්තභාවො.

391.

“සවෙපි සො සල්ලපෙ සාවකෙන, අඤ්ඤෙන වා කෙනවි භික්ඛුනා වා;
ධම්මං පණ්ණිතං තමුදාහරෙය්‍ය, න පෙසුණං නොපි පරුපවාදං.

392.

“වාදඤ්ඤි එකෙ පටිසෙනියන්ති, න තෙ පසංසාම පරිත්තපඤ්ඤෙ;

තතො තතො නෙ පසජන්ති සඬගා, විත්තඤ්ඤි තෙ තත්ථ ගමෙනති දුරෙ.

393.

“පිණ්ඩං විහාරං සයනාසනඤ්ච, ආපඤ්ච සඬසාරිථජ්ජපවාහනං;
සුත්වාන ධම්මං සුගතෙන දෙසිතං, සඬබ්බාය සෙවෙ
වරපඤ්ඤසාවකො.

394.

“තස්මා හි පිණ්ඩෙ සයනාසනෙ ව, ආපෙ ව සඬසාරිථජ්ජපවාහනෙ;
එතෙසු ධම්මෙසු අනුපලිත්තො, හික්ඛු යථා පොක්ඛරෙ වාරිඛිත්ථු.

395.

“ගහට්ඨවත්තං පන වො වදාමි, යථාකරො සාවකො සාධු හොති;
න හෙස [\[න හෙසො \(සි.\)\]](#) ලබ්භා සපරිග්ගහෙන, එස්සෙතුං යො
කෙවලො හික්ඛුධම්මො.

396.

“පාණං න හනෙ [\[න හානෙ \(සි.\)\]](#) න ව ඝාතයෙය්‍ය, න වානුජඤ්ඤා
හනතං පරෙසං;
සබ්බෙසු භූතෙසු නිධාය දණ්ඩං, යෙ ථාවරා යෙ ව තසා සන්ති
[\[තසන්ති \(සි. පි.\)\]](#) ලොකෙ.

397.

“තතො අදින්නං පරිවජ්ජයෙය්‍ය, කිඤ්චි ක්චචි සාවකො
බුජ්ඣමානො;
න භාරයෙ හරතං නානුජඤ්ඤා, සබ්බං අදින්නං පරිවජ්ජයෙය්‍ය.

398.

“අබ්‍රහ්මවරියං පරිවජ්ජයෙය්‍ය, අඬගාරකාසුං ජලිතංව විඤ්ඤු;
අසම්භුණන්තො පන බ්‍රහ්මවරියං, පරස්ස දාරං න අතික්කමෙය්‍ය.

399.

“සහග්ගතො වා පරිසග්ගතො වා, එකස්ස වෙකො [\[වෙතො \(සි. ස්‍යා.\)\]](#) න මුසා හණෙය්‍ය;
න භාණයෙ හණතං නානුජඤ්ඤා, සබ්බං අභූතං පරිවජ්ජයෙය්‍ය.

400.

“මජ්ජඤ්ච පානං න සමාවරෙය්‍ය, ධම්මං ඉමං රොවයෙ යො
ගහට්ඨො;
න පායයෙ පිවතං නානුජඤ්ඤා, උම්මාදනන්තං ඉති නං විදිත්වා.

401.

“මදා හි පාපානි කරොන්ති බාලා, කාරෙන්නි චඤ්ඤෙපි ජනෙ පමත්තෙ;
එතං අපුඤ්ඤායතනං විවජ්ජයෙ, උම්මාදනං මොහනං බාලකන්තං.

402.

“පාණං න හනෙ න වාදින්නමාදියෙ, මුසා න භාසෙ න ච මජ්ජපො සියා;
අබ්බමචරියා විරමෙය්‍ය මෙටුනා, රත්තිං න භුඤ්ජෙය්‍ය විකාලභොජනං.

403.

“මාලං න ධාරෙ න ච ගන්ධමාවරෙ, මඤ්චෙ ඡමායං ච සයෙථ සන්ථනෙ;
එතඤ්ඤි අට්ඨඨිගිකමාහුපොසථං, බුද්ධෙන දුක්ඛන්තගුණා පකාසිතං.

404.

“තතො ච පක්ඛස්සුපචස්සුපොසථං, වාතුද්දසිං පඤ්චදසිඤ්ච අට්ඨමිං;
පාටිභාරියපක්ඛඤ්ච පසන්නමානසො, අට්ඨඨිගුපෙතං සුසමත්තරූපං.

405.

“තතො ච පාතො උපචුත්ථුපොසථො, අන්තෙන පාතෙන ච භික්ඛුසඨසං;
පසන්නචිත්තො අනුමොදමානො, යථාරහං සංවිහජෙථ විඤ්ඤා.

406.

“ධම්මෙන මාතාපිතරො හරෙය්‍ය, පයොජයෙ ධම්මිකං සො චණ්ඨජං;
එතං ගිහී චත්තයමජ්ජමත්තො, සයම්පහෙ නාම උපෙති දෙවෙ’ති.

ධම්මිකසුත්තං වුද්දසමං නිට්ඨිතං.
චූළචග්ගො දුතියො නිට්ඨිතො.

තස්සුද්දානං —

රතනාමගන්ධො හිරි ව, මඬිගලං සුවිලොමෙන;
ධම්මචරියඤ්ච බ්‍රාහ්මණො [කපිලො බ්‍රාහ්මණොපි ව (සා. ක.)],
නාවා කිංසිලමුට්ඨානං.

රාහුලො පුත කජ්ජො ව, පරිබ්බාජනියං තථා;
ධම්මිකඤ්ච විදුතො ආහු, චූළචග්ගන්ති වුද්දසාති.

3. මහාවග්ගො

1. පබ්බජ්ජාසුත්තං

407.

පබ්බජ්ජං කිත්තයිස්සාමි, යථා පබ්බජි චක්ඛුමා;
යථා වීමංසමානො සො, පබ්බජ්ජං සමරොවයි.

408.

සම්බාධොයං සරාචාසො, රජස්සායතනං ඉති;
අබ්බොකාසොච පබ්බජ්ජා, ඉති දිස්වාන පබ්බජි.

409.

පබ්බජිත්වාන කායෙන, පාපකම්මං විවජ්ජයි;
චච්චුවරිතං හිත්වා, ආජීවං පරිසොධයි.

410.

අගමා රාජගහං බුද්ධො, මගධානං ගිරිබ්බජං;
පිණ්ඩාය අභිභාරෙසි, ආකිණ්ණවරලක්ඛණො.

411.

තමද්දසා බිම්බිසාරො, පාසාදස්මිං පතිට්ඨිතො;
දිස්වා ලක්ඛණසම්පන්නං, ඉමමත්ථං අභාසථ.

412.

“ඉමං භොන්තො නිසාමෙථ, අභිරූපො බ්‍රහ්ම සුචි;
චරණෙන ච සම්පන්නො, යුගමත්තඤ්ච පෙක්ඛති.

413.

“ඔක්ඛිත්තවක්ඛු සතිමා, නායං නිවකුලාමිච;
රාජදුතාහිධාවන්තු, කුහිං හික්ඛු ගමිස්සති”.

414.

තෙ පෙසිතා රාජදුතා, පිට්ඨිතො අනුබන්ධිසුං;
කුහිං ගමිස්සති හික්ඛු, කත්ථ වාසො භවිස්සති.

415.

සපදානං චරමානො, ගුත්තද්වාරො සුසංවුතො;
බිජ්ජං පත්තං අපුරෙසි, සම්පජානො පටිස්සතො.

416.

පිණ්ඩවාරං චරිත්වාන, නික්ඛම්ම නගරා මුනි;
පණ්ඩවං අභිභාරෙසි, එත්ථ වාසො භවිස්සති.

417.

දිස්වාන වාසුපගනං, තයො [තතො (සි. පි.)] දුතා උපාවිසුං;
තෙසු එකොව [එකො ව දුතො (සි. සා. පි.)] ආගන්ත්වා, රාජිනො
පට්ඨෙදයි.

418.

“එස භික්ඛු මහාරාජ, පණ්ඩවස්ස පුරත්ථතො [පුරක්ඛතො (සා. ක.)];
නිසින්තො ඛග්ගසුසභොව, සිභොව ගිරිගබ්භරෙ”.

419.

සුත්වාන දුතවචනං, හද්දයානෙන ඛත්තියො;
තරමානරුපො නියාසි, යෙන පණ්ඩවපබ්බතො.

420.

ස යානභූමිං යායිත්වා, යානා ඔරුශ්භ ඛත්තියො;
පත්තිකො උපසඬ්ඛම්ම, ආසජ්ජ නං උපාවිසි.

421.

නිසජ්ජ රාජා සම්මොදි, කථං සාරණියං තතො;
කථං සො වීතිසාරෙත්වා, ඉමමත්ථං අභාසථ.

422.

“යුවා ව දහරො වාසි, පඨමුප්පත්තිකො [පඨමුප්පත්තියා (සි.),
පඨමුප්පත්තිකො (සා.)] සුසු;
වණ්ණාරොහෙන සම්පත්තො, ජාතිමා විය ඛත්තියො.

423.

“සොභයත්තො අනීකග්ගං, නාගසඬ්ඛපුරක්ඛතො;
දදාමි භොගෙ භුඤ්ජස්සු, ජාතිං අක්ඛාහි පුච්ඡිතො”.

424.

“උජුං ජනපදො රාජ, හිමවන්තස්ස පස්සතො;
ධනවීරියෙන සම්පත්තො, කොසලෙසු [කොසලස්ස (සා. ක.)]
නිකෙතිතො.

425.

“ආදිච්චා [ආදිච්චො (ක.)] නාම ගොත්තෙන, සාකියා [සාකියො
(ක.)] නාම ජාතියා;
තම්භා කුලා පබ්බජිතොම්හි, න කාමෙ අභිපත්ථයං.

426.

“කාමෙස්වාදීනවං දිස්වා, නෙක්ඛම්මං දට්ඨු ඛෙමනො;
පධානාය ගමිස්සාමි, එත්ථ මෙ රඤ්ජතී මනො”ති.

පබ්බජ්ජාසුත්තං පයමං නිට්ඨිතං.

2. පධානසුත්තං

427.

“තං මං පධානපහිත්තං, නදිං නෙරඤ්ජරං පති;
විපරක්කම්ම ඤායන්තං, යොගක්ඛෙමස්ස පත්තියා.

428.

“නමුච්චි කරුණං වාවං, භාසමානො උපාගමි;
‘කිසො ත්වමසි දුබ්බණ්ණො, සන්තිකෙ මරණං තව.

429.

“සහස්සභාගො මරණස්ස, එකංසො තව ජීවිතං;
ජීව හො ජීවිතං සෙය්‍යා, ජීවං පුඤ්ඤානි කාහසි.

430.

“චරතො ච තෙ බ්‍රහ්මවරියං, අග්ගිහුත්තඤ්ච ජුහතො;
පහුතං වීයතෙ පුඤ්ඤං, කිං පධානෙන කාහසි.

431.

“දුග්ගො මග්ගො පධානාය, දුක්කරො දුරභිසම්භවො”ති;
ඉමා ගාථා හණං මාරො, අට්ඨා බුද්ධස්ස සන්තිකෙ.

432.

තං තථාචාදිනං මාරං, භගවා එතදබ්‍රවි;
“පමත්තඛන්ධු පාපිම, යෙනත්ථෙත [සෙනත්ථෙත (?), අත්තනො
අත්ථෙත (අට්ඨ. සංවණ්ණනා)] ඉධාගතො.

433.

“අණුමත්තොපි [අණුමත්තෙනපි (සි. ස්‍යා.)] පුඤ්ඤෙන, අත්ථො
මය්හං න විජ්ජති;
යෙසඤ්ච අත්ථො පුඤ්ඤෙන, තෙ මාරො වත්තුමරහති.

434.

“අත්ථි සද්ධා තථා [තතො (සි. පි.), තපො (ස්‍යා. ක.)] වීරියං,
පඤ්ඤා ච මම විජ්ජති;
එවං මං පහිත්තමිපි, කිං ජීවමනුපුච්ඡසි.

435.

“නදීනමපි සොතානි, අයං වාතො විසොසයෙ;

කිඤ්ච මෙ පහිතත්තස්ස, ලොහිතං නුපසුස්සයෙ.

436.

“ලොහිතෙ සුස්සමානමිහි, පිත්තං සෙම්භඤ්ච සුස්සති;
මංසෙසු ඛියමානෙසු, හිංසො විත්තං පසීදති;
හිංසො සති ච පඤ්ඤා ච, සමාධි මම තිට්ඨති.

437.

“තස්ස මෙවං විහරතො, පත්තස්සුත්තමවෙදනං;
කාමෙසු [කාමෙ (සි. සා.)] නාපෙක්ඛතෙ විත්තං, පස්ස සත්තස්ස
සුද්ධතං.

438.

“කාමා තෙ පයමා සෙනා, දුතියා අරති වුච්චති;
තතියා බුජ්ජිපාසා තෙ, චතුත්ථී තණ්හා පවුච්චති.

439.

“පඤ්චමං [පඤ්චමී (සි. පි.)] ටීනමිද්ධං තෙ, ඡට්ඨා භීරු පවුච්චති;
සත්තමී විචිකිච්ඡා තෙ, මක්ඛො ථම්මො තෙ අට්ඨමො.

440.

“ලාහො සිලොකො සක්කාරො, මිච්ඡාලද්ධො ච යො යසො;
යො චත්තානං සමුක්කංසෙ, පරෙ ච අවජානති.

441.

“එසා නමුචි තෙ සෙනා, කණ්හස්සාහිප්පහාරිනී;
න නං අසුරො ජිනාති, ජෙත්වා ච ලහතෙ සුඛං.

442.

“එස මුඤ්ජං පරිහරෙ, ධිරත්ථු මම [ඉද (ක.)] ජීවිතං;
සඬ්ඛාමෙ මෙ මතං සෙයොයා, යං වෙ ජීවෙ පරාජිතො.

443.

“පගාළ්භෙත්ථ න දිස්සන්ති, එකෙ සමණබ්බාහ්මණා;
තඤ්ච මග්ගං න ජානන්ති, යෙන ගච්ඡන්ති සුඛිබ්බා.

444.

“සමන්තා ධජීනිං දිස්වා, යුත්තං මාරං සවාහනං;
යුද්ධාය පච්චුග්ගච්ඡාමි, මා මං යානා අවාචයි.

445.

“යං තෙ තං නප්පසහති, සෙනං ලොකො සදෙවකො;

තං තෙ පඤ්ඤාය භෙවිජාමි [ගච්ජාමි (සී.), චෙව්ජාමි (සායා.), වජ්ඣාමි (ක.)], ආමං පත්තංව අස්මනා [පක්කංව අමුනා (ක.)].

446.

“වසිකරිත්වා [වසිං කරිත්වා (බහුසු)] සඬිකප්පං, සතිඤ්ච සුපතිට්ඨිතං;
රට්ඨා රට්ඨං විචරිස්සං, සාවකෙ විනයං පුට්ඨ.

447.

“තෙ අප්පමත්තා පහිතත්තා, මම සාසනකාරකා;
අකාමස්ස [අකාමා (ක.)] තෙ ගමිස්සන්ති, යත්ථ ගන්ත්වා න සොවරෙ”.

448.

“සත්ත වස්සානි භගවන්තං, අනුබන්ධිං පදාපදං;
ඔතාරං නාධිගච්ඡිස්සං, සම්බුද්ධස්ස සතීමතො.

449.

“මෙදවණ්ණංව පාසාණං, වායසො අනුපරියගා;
අපෙත්ථ මුද්දං [මුද්ද (සී.)] වින්දෙම, අපි අස්සාදනා සියා.

450.

“අලද්ධා තත්ථ අස්සාදං, වායසෙත්තො අපක්කමි;
කාකොච සෙලමාසජ්ජ, නිබ්බිජ්ජාපෙම ගොතමං”.

451.

තස්ස සොකපරෙතස්ස, වීණා කච්ජා අභස්සථ;
තතො සො දුම්මනො යක්ඛො, තත්ථෙවන්තරධායථාති.

පධානසුත්තං දුතියං නිට්ඨිතං.

3. සුභාසිතසුත්තං

එවං මෙ සුතං — එක සමයං භගවා සාවත්ථියං විහරති ඡෙතවනෙ අනාථපිණ්ඩිකස්ස ආරාමෙ. තත්ත ඛො භගවා භික්ඛු ආමන්තෙසි — “භික්ඛවො”ති. “භදන්තෙ”ති තෙ භික්ඛු භගවතො පච්චස්සොසුං. භගවා එතදවොච —

“චතුහි, භික්ඛවෙ, අඬිගෙහි සමන්තාගතා වාචා සුභාසිතා හොති, න දුඛභාසිතා, අනවජ්ජා ව අනනුචජ්ජා ව විඤ්ඤානං. කතමෙහි චතුහි? ඉධ, භික්ඛවෙ, භික්ඛු සුභාසිතංයෙව භාසති නො දුඛභාසිතං, ධම්මංයෙව භාසති නො අධම්මං, පියංයෙව භාසති නො අප්පියං, සච්චංයෙව භාසති නො අලිකං. ඉමෙහි ඛො, භික්ඛවෙ, චතුහි අඬිගෙහි සමන්තාගතා වාචා සුභාසිතා

හොති, නො දුබ්භාසිතා, අනවජ්ජා ච අනනුවජ්ජා ච විඤ්ඤාන”න්ති. ඉදමවොච භගවා. ඉදං වත්ථාන සුගතො අපාපරං එතදවොච සත්ථා –

452.

“සුභාසිතං උත්තමමාහු සන්තො, ධම්මං භණෙ නාධම්මං තං දුතියං;
පියං භණෙ නාජ්ජියං තං තතියං, සච්චං භණෙ නාලිකං තං
චතුත්ථ”න්ති.

අථ ඛො ආයස්මා වඬ්ඨිසො උට්ඨායාසනා එකංසං චීවරං කත්වා යෙන භගවා තෙනඤ්ජලිං පණාමෙත්වා භගවන්තං එතදවොච – “පටිභාති මං භගවා, පටිභාති මං සුගතා”න්ති. “පටිභාතු තං වඬ්ඨිසා”න්ති භගවා අවොච. අථ ඛො ආයස්මා වඬ්ඨිසො භගවන්තං සම්මුඛා සාරුජ්ජාහි ගාථාහි අභිත්ථවි –

453.

“තමෙව වාචං භාසෙය්‍ය, යායත්තානං න තාපයෙ;
පරෙ ච න විහිංසෙය්‍ය, සා වෙ වාචා සුභාසිතා.

454.

“පියවාචමෙව භාසෙය්‍ය, යා වාචා පටිනන්දිතා;
යං අනාදාය පාපානි, පරෙසං භාසතෙ පියං.

455.

“සච්චං වෙ අමතා වාචා, එස ධම්මො සනන්තනො;
සච්චෙ අත්ථෙ ච ධම්මෙ ච, ආහු සන්තො පතිට්ඨිතා.

456.

“යං බුද්ධො භාසති වාචං, ඛෙමං නිබ්බානපත්තියා;
දුක්ඛස්සන්තකිරියාය, සා වෙ වාචානමුත්තමා”න්ති.

සුභාසිතසුත්තං තතියං නිට්ඨිතං.

4. සුන්දරිකභාරද්වාජසුත්තං

එවං මෙ සුතං – එකං සමයං භගවා කොසලෙසු විහරති සුන්දරිකාය නදියා තීරෙ. තෙන ඛො පන සමයෙන සුන්දරිකභාරද්වාජො බ්‍රාහ්මණො සුන්දරිකාය නදියා තීරෙ අග්ගිං ජුහති, අග්ගිහුත්තං පරිවරති. අථ ඛො සුන්දරිකභාරද්වාජො බ්‍රාහ්මණො අග්ගිං ජුහිත්වා අග්ගිහුත්තං පරිවරිත්වා උට්ඨායාසනා සමන්තා චතුද්දිසා අනුච්චොකෙසි – “කො නු ඛො ඉමං භබ්‍යසෙසං භුඤ්ජෙය්‍යා”න්ති? අද්දසා ඛො සුන්දරිකභාරද්වාජො බ්‍රාහ්මණො භගවන්තං අවිදුරෙ අඤ්ඤතරස්මිං රුක්ඛමූලෙ සසීසං පාරුතං නිසින්නං; දිස්වාන වාමෙන හත්ථෙන භබ්‍යසෙසං ගහෙත්වා දක්ඛිණෙන හත්ථෙන කමණ්ඩුලං ගහෙත්වා යෙන භගවා තෙනුපසඬ්කමි.

අථ ඛො භගවා සුන්දරිකභාරද්වාජස්ස බ්‍රාහ්මණස්ස පදසද්දෙන සීසං විවරි. අථ ඛො සුන්දරිකභාරද්වාජො බ්‍රාහ්මණො – “මුණ්ඩො අයං භවං, මුණ්ඩකො අයං භව”න්ති තතොව පුන නිවත්තිතුකාමො අහොසි. අථ ඛො සුන්දරිකභාරද්වාජස්ස බ්‍රාහ්මණස්ස එතදහොසි – “මුණ්ඩාපි හි ඉධෙකච්චෙ බ්‍රාහ්මණො භවන්ති, යංනුනාහං උපසඬකමිත්වා ජාතිං පුච්ඡෙය්‍ය”න්ති. අථ ඛො සුන්දරිකභාරද්වාජො බ්‍රාහ්මණො යෙන භගවා තෙනුපසඬකමි; උපසඬකමිත්වා භගවන්තං එතදවොච – “කිංචච්චො භව”න්ති?

අථ ඛො භගවා සුන්දරිකභාරද්වාජං බ්‍රාහ්මණං ගාථාහි අජ්ඣහාසි –

457.

“න බ්‍රාහ්මණො නොමහි න රාජපුත්තො, න වෙස්සායනො උදකොචි නොමහි;
ගොත්තං පරිඤ්ඤාය පුට්ඨජනානං, අකිඤ්චනො මන්ත වරාමි ලොකෙ.

458.

“සඬ්ඝාට්ඨාසි අගහො වරාමි [අගිහො (ක. සි. පි.) අගෙහො (කත්ථවි)], නිවුත්තකෙසො අහිනිබ්බුතත්තො;
අලිජ්ජමානො ඉධ මාණවෙහි, අකල්ලං මං බ්‍රාහ්මණ පුච්ඡසි ගොත්තපඤ්භං”.

459.

“පුච්ඡන්ති චෙ හො බ්‍රාහ්මණො, බ්‍රාහ්මණෙහි සහ බ්‍රාහ්මණො නො භව”න්ති.

460.

“බ්‍රාහ්මණො හි චෙ ත්වං බුසි, මඤ්ච බුසි අබ්‍රාහ්මණං;
තං තං සාවිත්තිං පුච්ඡාමි, තිපදං චතුච්ඡතක්ඛරං.

461.

“කිං නිස්සිතා ඉසයො මනුජා, ඛත්තියා බ්‍රාහ්මණො [පට්මපාදන්තො] දෙවතානං;
යඤ්ඤමකප්පයිංසු පුට්ඨ ඉධ ලොකෙ [දුතියපාදන්තො (සි.)].

462.

“යදන්තගු වෙදගු යඤ්ඤකාලෙ, යස්සාහුතිං ලභෙ තස්සිජ්ඣෙකි බුමි”.

463.

“අද්ධා හි තස්ස හුතමිජ්ඣෙක, (ඉති බ්‍රාහ්මණො)
යං තාදිසං වෙදගුමද්දසාම;
තුම්භාදිසානඤ්ඤි අදස්සනෙන, අඤ්ඤො ජනො භුඤ්ජති පුරලාසං”.

464.

“තස්මාතිහ ත්වං බ්‍රාහ්මණ අත්ථෙත, අත්ථිකො උපසඨකම්ම පුච්ඡ; සන්තං විදුමං අනීසං නිරාසං, අප්පෙවිධ අභිවින්දෙ සුමෙධං”.

465.

“යඤ්ඤෙ රතොහං හො ගොතම, යඤ්ඤං ශිට්ඨකාමො නාහං පජානාමි;
අනුසාසතු මං භවං, යත්ථ හුතං ඉජ්ඣතෙ බුහි මෙ තං”.

“තෙන හි ත්වං, බ්‍රාහ්මණ, ඔදහස්සු සොතං; ධම්මං තෙ දෙසෙස්සාමි –

466.

“මා ජාතිං පුච්ඡී වරණඤ්ච පුච්ඡ, කට්ඨා භවෙ ජායති ජාතවෙදො;
නිවාකුලීනොපි මුනි ධිතීමා, ආජානියො හොති හිරිනිසෙධො.

467.

“සච්චෙන දන්තො දමසා උපෙතො, වෙදන්තගු වුසිතබ්‍රහ්මවරියො;
කාලෙන තම්හි භබ්‍යං පචෙච්ඡෙ, යො බ්‍රාහ්මණො පුඤ්ඤපෙක්ඛො
[\[පුඤ්ඤපෙක්ඛො \(සී. පී.\)\]](#) යජෙථ.

468.

“යෙ කාමෙ හිත්වා අගභා වරන්ති, සුසඤ්ඤතත්තා තසරංච උජ්ජුං;
කාලෙන තෙසු භබ්‍යං පචෙච්ඡෙ, යො බ්‍රාහ්මණො පුඤ්ඤපෙක්ඛො
යජෙථ.

469.

“යෙ චිත්තරාගා සුසමාහිතින්ද්‍රියා, චන්දොච රාහුග්ගහණා පමුත්තා;
කාලෙන තෙසු භබ්‍යං පචෙච්ඡෙ, යො බ්‍රාහ්මණො පුඤ්ඤපෙක්ඛො
යජෙථ.

470.

“අසජ්ජමානා විචරන්ති ලොකෙ, සදා සතා හිත්වා මමායිනාති;
කාලෙන තෙසු භබ්‍යං පචෙච්ඡෙ, යො බ්‍රාහ්මණො පුඤ්ඤපෙක්ඛො
යජෙථ.

471.

“යො කාමෙ හිත්වා අභිභුය්‍යවාරී, යො වෙදි ජාතීමරණස්ස අන්තං;
පරිනිබ්බුතො උදකරහදොච සීතො, තථාගතො අරහති පුරලාසං.

472.

“සමො සමෙහි විසමෙහි දුරෙ, තථාගතො හොති අනන්තපඤ්ඤො;
අනුපලිත්තො ඉධ වා හුරං වා, තථාගතො අරහති පුරලාසං.

473.

“යම්හි න මායා වසති න මානො, යො චිතලොභො අමමො
නිරාසො;
පනුණ්ණකොධො අභිනිබ්බතත්තො, යො බ්‍රාහ්මණො සොකමලං
අභාසි;
තථාගතො අරහති පුරලාසං.

474 .

“නිවෙසනං යො මනසො අභාසි, පරිග්ගහා යස්ස න සන්ති කෙවි;
අනුපාදියානො ඉධ වා හුරං වා, තථාගතො අරහති පුරලාසං.

475.

“සමාහිතො යො උද්ධාරි ඔසං, ධම්මං චඤ්ඤාසි පරමාය දිට්ඨියා;
බ්‍රිණාසවො අන්තිමදෙහධාරී, තථාගතො අරහති පුරලාසං.

476.

“භවාසවා යස්ස වචි ඛරා ව, විදුපිතා අත්ථගතා න සන්ති;
ස වෙදගු සබ්බධි විජ්ජමුත්තො, තථාගතො අරහති පුරලාසං.

477.

“සඬ්ගාතිගො යස්ස න සන්ති සඬ්ගා, යො මානසත්තෙසු
අමානසත්තො;
දුක්ඛං පරිඤ්ඤාය සබ්බත්තවත්ථුං, තථාගතො අරහති පුරලාසං.

478.

“ආසං අනිස්සාය විවෙකදස්සි, පරවෙදියං දිට්ඨිමුපාතිවත්තො;
ආරම්මණා යස්ස න සන්ති කෙවි, තථාගතො අරහති පුරලාසං.

479.

“පරොපරා [පරොවරා (සි. පි.)] යස්ස සමෙච්ච ධම්මා, විදුපිතා
අත්ථගතා න සන්ති;
සත්තො උපාදානබයෙ විමුත්තො, තථාගතො අරහති පුරලාසං.

480.

“සංයොජනං ජාතිබයන්තදස්සි, යොපානුදි රාගපථං අසෙසං;
සුද්ධො නිදොසො විමලො අකාමො [අකාමො (සි. ස්‍යා.)],
තථාගතො අරහති පුරලාසං.

481.

“යො අත්තනො අත්තානං [අත්තනාත්තානං (සි. ස්‍යා.)]
නානුපස්සති, සමාහිතො උජ්ජුගතො ඨිතත්තො;

ස වෙ අනෙජො අබ්බො අකඛ්ඛො, තථාගතො අරහති පුරලාසං.

482.

“මොහන්තරා යස්ස න සන්ති කෙවි, සබ්බෙසු ධම්මෙසු ව
ඤාණදස්සි;
සරිරිඤ්ච අන්තිමං ධාරෙති, පත්තො ච සම්බොධිමනුත්තරං සිවං;
එත්තාවතා යක්ඛස්ස සුද්ධි, තථාගතො අරහති පුරලාසං”.

483.

“හුතඤ්ච [හුත්තඤ්ච (සි. ක.)] මය්හං හුතමත්ථු සච්චං, යං තාදිසං
වෙදගුණං අලත්ථං;
බ්‍රහ්මා හි සක්ඛි පටිගණ්හාතු මෙ භගවා, භුඤ්ජතු මෙ භගවා
පුරලාසං”.

484.

“ගාථාහිගීතං මෙ අභොජනෙය්‍යං, සම්පස්සතං බ්‍රාහ්මණ නෙස
ධම්මො;
ගාථාහිගීතං පනුදන්ති බුද්ධා, ධම්මෙ සති බ්‍රාහ්මණ චුත්තිරෙසා.

485.

“අඤ්ඤෙන ච කෙවලිනං මහෙසිං, ඛිණ්ණාසවං කුක්කුච්චවුපසන්තං;
අන්තෙන පානෙන උපට්ඨහස්සු, ඛෙත්තඤ්ඤි තං පුඤ්ඤපෙක්ඛස්ස
හොති”.

486.

“සාධාහං භගවා තථා විජඤ්ඤං, යො දක්ඛිණං භුඤ්ජෙය්‍ය
මාදිසස්ස;
යං යඤ්ඤකාලෙ පරියෙසමානො, පජ්ජය්‍ය තච සාසනං”.

487.

“සාරම්භා යස්ස විගතා, චිත්තං යස්ස අනාවිලං;
විජ්ජමුත්තො ච කාමෙහි, ථිතං යස්ස පනුදිතං.

488.

“සීමන්තානං විනෙතාරං, ජාතිමරණකොවිදං;
මුනිං මොනෙය්‍යසම්පන්නං, තාදිසං යඤ්ඤමාගතං.

489.

“භකුටිං [භුකුටිං (ක. සී.), භාකුටිං (ක. සී., ම. නි. 1.226)]
විනයිත්වාන, පඤ්ඤාලිකා නමස්සථ;
පුජෙථ අන්තපානෙන, එවං ඉජ්ඣන්ති දක්ඛිණා.

490.

“බුද්ධො භවං අරහති පුරලාසං, පුඤ්ඤබ්බන්තමනුත්තරං;
ආයාගො සබ්බලොකස්ස, භොතො දින්නං මහජ්ජල”න්ති.

අථ ඛො සුන්දරිකභාරද්වාපො බ්‍රාහ්මණො භගවන්තං එතදවොච –
“අභික්කන්තං, භො ගොතම, අභික්කන්තං, භො ගොතම! සෙය්‍යථාපි, භො
ගොතම, නික්කුජ්ජිතං වා උක්කුජ්ජෙය්‍ය, පටිච්ඡන්තං වා විචරෙය්‍ය,
මුල්භස්ස වා මග්ගං ආවික්ඛෙය්‍ය, අන්ධකාරෙ වා තෙලපජ්ජොතං ධාරෙය්‍ය
– චක්ඛුමන්තො රූපානි දක්ඛන්තිති; එවමෙවං භොතා ගොතමෙන
අනෙකපරියායෙන ධම්මො පකාසිතො. එසාහං භවන්තං ගොතමං සරණං
ගච්ඡාමි ධම්මඤ්ච භික්ඛුසඤ්ඤං. ලභෙය්‍යාහං භොතො ගොතමස්ස
සන්තිකෙ පබ්බජ්ජං, ලභෙය්‍යං උපසම්පද”න්ති. අලත්ථ ඛො
සුන්දරිකභාරද්වාපො බ්‍රාහ්මණො...පෙ.... අරහතං අභොසිති.

සුන්දරිකභාරද්වාපසුත්තං චතුත්ථං නිට්ඨිතං.

5. මාසසුත්තං

එවං මෙ සුතං – එක සමයං භගවා රාජගහෙ විහරති ගිජ්ඣකුටෙ
පබ්බතෙ. අථ ඛො මාසො මාණුවො යෙන භගවා තෙනුපසඬිකම්;
උපසඬිකම්ත්වා භගවතා සද්ධිං සම්මොදි. සම්මොදනීයං කථං සාරණීයං
වීතිසාරෙත්වා එකමන්තං නිසීදි. එකමන්තං නිසින්තො ඛො මාසො
මාණුවො භගවන්තං එතදවොච –

“අහඤ්චි, භො ගොතම, දායකො දානපති වදඤ්ඤා යාවයොගො;
ධම්මෙන භොගෙ පරියෙසාමි; ධම්මෙන භොගෙ පරියෙසිත්වා ධම්මලද්ධෙහි
භොගෙහි ධම්මාධිගතෙහි එකස්සපි දදාමි ද්වින්තමපි තිණ්ණමපි චතුත්තමපි
පඤ්චන්තමපි ඡන්තමපි සත්තන්තමපි අට්ඨන්තමපි නවන්තමපි දසන්තමපි
දදාමි, වීසායපි තිංසායපි චත්තාලිසායපි පඤ්ඤාසායපි දදාමි, සතස්සපි දදාමි,
භියොයාපි දදාමි. කච්චාහං, භො ගොතම, එවං දදන්තො එවං යජන්තො බහුං
පුඤ්ඤං පසවාමි”ති?

“තග්ග ත්වං, මාණව, එවං දදන්තො එවං යජන්තො බහුං පුඤ්ඤං
පසවසි. යො ඛො, මාණව, දායකො දානපති වදඤ්ඤා යාවයොගො;
ධම්මෙන භොගෙ පරියෙසති; ධම්මෙන භොගෙ පරියෙසිත්වා ධම්මලද්ධෙහි
භොගෙහි ධම්මාධිගතෙහි එකස්සපි දදාති...පෙ.... සතස්සපි දදාති, භියොයාපි
දදාති, බහුං සො පුඤ්ඤං පසවති”ති. අථ ඛො මාසො මාණුවො භගවන්තං
ගාථාය අජ්ඣානාසි –

491.

“පුච්ඡාමහං ගොතමං වදඤ්ඤං, (ඉති මාසො මාණුවො)
කාසායවාසිං අගහං [අගිහං (සී.), අගෙහං (පී.)] වරන්තං;

යො යාවයොගො දානපති [දානපති (සී. ස්‍යා. පී.)] ගහටියො,
පුඤ්ඤත්ථිකො [පුඤ්ඤපෙක්ඛො (සී. පී. ක.)] යජති පුඤ්ඤපෙක්ඛො;
දදං පරෙසං ඉධ අන්තපානං, කථං හුතං යජමානස්ස සුඡ්ඤ්ඤකි”.

492.

“යො යාවයොගො දානපති ගහටියො, (මාසාති හගවා)
පුඤ්ඤත්ථිකො යජති පුඤ්ඤපෙක්ඛො;
දදං පරෙසං ඉධ අන්තපානං, ආරාධයෙ දක්ඛිණෙය්‍යෙහි තාදි”.

493.

“යො යාවයොගො දානපති ගහටියො, (ඉති මාසො මාණවො)
පුඤ්ඤත්ථිකො යජති පුඤ්ඤපෙක්ඛො;
දදං පරෙසං ඉධ අන්තපානං, අක්ඛාති මෙ හගවා දක්ඛිණෙය්‍යෙ”.

494.

“යෙ වෙ අසත්තා [අලග්ගා (ස්‍යා.)] විචරන්ති ලොකෙ, අකිඤ්චනා
කෙවලිනො යතත්තා;
කාලෙන තෙසු හත්‍යං පච්චිඤ්ඤ, යො බ්‍රාහ්මණො පුඤ්ඤපෙක්ඛො
යජෙථ.

495.

“යෙ සබ්බසංයොජනන්ධනවිජ්ජා, දන්තා විමුත්තා අනිසා නිරාසා;
කාලෙන තෙසු හත්‍යං පච්චිඤ්ඤ, යො බ්‍රාහ්මණො පුඤ්ඤපෙක්ඛො
යජෙථ.

496.

“යෙ සබ්බසංයොජනවිජ්ජමුත්තා, දන්තා විමුත්තා අනිසා නිරාසා;
කාලෙන තෙසු හත්‍යං පච්චිඤ්ඤ, යො බ්‍රාහ්මණො පුඤ්ඤපෙක්ඛො
යජෙථ.

497.

“රාගඤ්ච දොසඤ්ච පහාය මොහං, ඛිණාසවා වුසිතබ්‍රහ්මවරියා;
කාලෙන තෙසු හත්‍යං පච්චිඤ්ඤ, යො බ්‍රාහ්මණො පුඤ්ඤපෙක්ඛො
යජෙථ.

498.

“යෙසු න මායා වසති න මානො, ඛිණාසවා වුසිතබ්‍රහ්මවරියා;
කාලෙන තෙසු හත්‍යං පච්චිඤ්ඤ, යො බ්‍රාහ්මණො පුඤ්ඤපෙක්ඛො
යජෙථ.

499.

“යෙ චිතලොභා අමමා නිරාසා, ඛිණාසවා වුසිතබ්‍රහ්මවරියා;

කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

500.

“යෙ වෙ න තණ්හාසු උපාතිපන්නා, විතරෙය්‍ය ඔසං අමමා චරන්ති;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

501.

“යෙසං තණ්හා නත්ථි කුහිඤ්චි ලොකෙ, හවාහවාය ඉධ වා හුරං වා;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

502.

“යෙ කාමෙ හිත්වා අගහා චරන්ති, සුසඤ්ඤතත්තා තසරංච උජ්ජුං;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

503.

“යෙ විතරාගා සුසමාහිතින්ද්‍රියා, චන්දොච රාහුග්ගහණා පමුත්තා;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

504.

“සමිතාවිනො විතරාගා අකොපා, යෙසං ගතී නත්ථිධි විජ්ජහාය;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

505.

“ජහිත්වා ජාතිමරණං අසෙසං, කථංකථිං සබ්බමුපාතිචත්තා;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

506.

“යෙ අත්තදීපා විචරන්ති ලොකෙ, අකිඤ්චනා සබ්බධි විජ්ජමුත්තා;
කාලෙන තෙසු හත්තං පට්ඨෙව්, යො බ්‍රාහ්මණො පුඤ්ඤපෙක්ඛො යජෙථ.

507.

“යෙ හෙත්ථ ජානන්ති යථා තථා ඉදං, අයමන්තිමා නත්ථි පුනබ්බවොති;

කාලෙන තෙසු භබ්බං පච්චිජ්ජෙ, යො බ්‍රාහ්මණො පුඤ්ඤපෙක්ඛො යජෙථ.

508.

“යො වෙදගු ඤානරතො සතීමා, සම්බොධිපත්තො සරණං බහුනං;
කාලෙන තමිහි භබ්බං පච්චිජ්ජෙ, යො බ්‍රාහ්මණො පුඤ්ඤපෙක්ඛො යජෙථ”.

509.

“අද්ධා අමොසා මම පුච්ඡනා අහු, අක්ඛාසි මෙ භගවා දක්ඛිණෙය්‍ය;
ත්වඤ්ඤෙත්ථ ජානාසි යථා තථා ඉදං, තථා හි තෙ විදිතො එස ධම්මො.

510.

“යො යාවයොගො දානපති ගහට්ඨො, (ඉති මාසො මාණවො)
පුඤ්ඤත්ථිතො යජති පුඤ්ඤපෙක්ඛො;
දදං පරෙසං ඉධ අන්තපානං,
අක්ඛාහි මෙ භගවා යඤ්ඤසම්පදං”.

511.

“යජස්සු යජමානො මාසාති භගවා, සබ්බත්ථ ච විජ්ජසාදෙහි චිත්තං;
ආරම්මණං යජමානස්ස යඤ්ඤො, එත්ථජ්ජතිට්ඨාය ජහාති දොසං.

512.

“සො චිත්තරාගො පවිනෙය්‍ය දොසං, මෙත්තං චිත්තං භාවයමජ්ජමාණං;
රත්තින්ද්‍රිවං සත්තමජ්ජමත්තො, සබ්බා දිසා ඵරති අජ්ජමඤ්ඤං”.

513.

“කො සුජ්ඣති මුච්චති බජ්ඣති ච, කෙනත්තනා ගච්ඡති
[කෙනත්ථොනා ගච්ඡති (ක.)] බ්‍රහ්මලොකං;
අජානතො මෙ මුනි බුහි පුට්ඨො, භගවා හි මෙ සක්ඛි බ්‍රහ්මජ්ජදිට්ඨො;
තුච්ඤ්ඤි නො බ්‍රහ්මසමොසි සච්චං, කථං උපපජ්ජති බ්‍රහ්මලොකං ජුතිම”.

514.

“යො යජති තිව්ධං යඤ්ඤසම්පදං, (මාසාති භගවා)
ආරාධයෙ දක්ඛිණෙය්‍යහි තාදි;
එවං යජිත්වා සම්මා යාවයොගො,
උපපජ්ජති බ්‍රහ්මලොකන්ති බුමි”ති.

එවං වුත්තෙ, මාසො මාණුවො භගවත්තං එතදවොච – “අභික්කන්තං, හො ගොතම...පෙ.... අප්පනග්ගෙ පාණ්ණපෙනං සරණං ගත”න්ති.

මාසසුත්තං පඤ්චමං නිට්ඨිතං.

6. සහියසුත්තං

එවං මෙ සුතං – එකං සමයං භගවා රාජගහෙ විහරති වෙළුවනෙ කලන්දකනිවාපෙ. තෙන ඛො පන සමයෙන සහියස්ස පරිබ්බාජකස්ස පුරාණසාලොභිතාය දෙවතාය පඤ්භා උද්දිට්ඨා හොන්ති – “යො තෙ, සහිය, සමණො වා බ්‍රාහ්මණො වා ඉමෙ පඤ්භෙ පුට්ඨො ඛ්‍යාකරොති තස්ස සන්තිකෙ බ්‍රහ්මචරියං චරෙය්‍යාසී”ති.

අථ ඛො සහියො පරිබ්බාජකො තස්සා දෙවතාය සන්තිකෙ තෙ පඤ්භෙ උග්ගහෙත්වා යෙ තෙ සමණබ්‍රාහ්මණා සඬ්ඨිනො ගණිනො ගණාවරියා ඤාතා යසස්සිනො තිත්ථකරා සාධුසම්මතා බහුජනස්ස, සෙය්‍යථිදං – පුරණො කස්සපො මක්ඛලිගොසාලො අපිනො කෙසකම්බලො පකුඛො [කකුඛො (සි.) පකුද්ඛො (සා. කං.)] කච්චානො සඤ්චයො [සඤ්ජයො (සි. සා. කං. පි.)] බෙලට්ඨපුත්තො [බෙල්ලට්ඨිපුත්තො (සි. පි.), වෙළට්ඨපුත්තො (සා.)] නිගණ්ඨො නාටපුත්තො [නාතපුත්තො (සි. පි.)], තෙ උපසඬ්ඨිකම්ත්වා තෙ පඤ්භෙ පුච්ඡති. තෙ සහියෙන පරිබ්බාජකෙන පඤ්භෙ පුට්ඨා න සම්පායන්ති; අසම්පායන්තා කොපඤ්ච දොසඤ්ච අප්පච්චයඤ්ච පාතුකරොන්ති. අපි ච සහියං යෙව පරිබ්බාජකං පටිපුච්ඡන්ති.

අථ ඛො සහියස්ස පරිබ්බාජකස්ස එතදහොසි – “යෙ ඛො තෙ හොන්තො සමණබ්‍රාහ්මණා සඬ්ඨිනො ගණිනො ගණාවරියා ඤාතා යසස්සිනො තිත්ථකරා සාධුසම්මතා බහුජනස්ස, සෙය්‍යථිදං – පුරණො කස්සපො...පෙ.... නිගණ්ඨො නාටපුත්තො, තෙ මයා පඤ්භෙ පුට්ඨා න සම්පායන්ති, අසම්පායන්තා කොපඤ්ච දොසඤ්ච අප්පච්චයඤ්ච පාතුකරොන්ති; අපි ච මඤ්ඤෙවත්ථ පටිපුච්ඡන්ති. යන්තූන්තාහං භීතායාවත්තිත්වා කාමෙ පරිභුඤ්ජෙය්‍ය”න්ති.

අථ ඛො සහියස්ස පරිබ්බාජකස්ස එතදහොසි – “අයම්පි ඛො සමණො ගොතමො සඬ්ඨි වෙච ගණි ච ගණාවරියො ච ඤාතො යසස්සි තිත්ථකරො සාධුසම්මතො බහුජනස්ස; යංනුනාහං සමණං ගොතමං උපසඬ්ඨිකම්ත්වා ඉමෙ පඤ්භෙ පුච්ඡෙය්‍ය”න්ති.

අථ ඛො සහියස්ස පරිබ්බාජකස්ස එතදහොසි – “යෙපි ඛො තෙ [යෙ ඛො තෙ (සා.), යං ඛො තෙ (ක.)] හොන්තො සමණබ්‍රාහ්මණා ජිණ්ණො වුඬ්ඨා මහල්ලකා අද්ධගතා වයොඅනුජ්ජන්තා ථෙරා රත්තඤ්ඤු විරපබ්බජිතා සඬ්ඨිනො ගණිනො ගණාවරියා ඤාතා යසස්සිනො තිත්ථකරා සාධුසම්මතා බහුජනස්ස, සෙය්‍යථිදං – පුරණො කස්සපො...පෙ. ... නිගණ්ඨො නාටපුත්තො, තෙපි මයා පඤ්භෙ පුට්ඨා න සම්පායන්ති,

අසම්පායන්තා කොපඤ්ච දොසඤ්ච අප්පච්චයඤ්ච පාතූකරොන්ති, අපි ච මඤ්ඤෙවෙත්ථ පටිපුච්ඡන්ති; කිං පන මෙ සමණො ගොතමො ඉමෙ පඤ්ඤෙ පුට්ඨො ඛ්‍යාකරිස්සති! සමණො හි ගොතමො දහරො වෙච ජාතියා, නවො ච පබ්බජ්ජායා”ති.

අථ ඛො සහියස්ස පරිබ්බාජකස්ස එතදහොසි – “සමණො ඛො [සමණො ඛො ගොතමො (සා. ක.)] දහරොති න උඤ්ඤාතබ්බො න පරිභොතබ්බො. දහරොපි වෙස සමණො ගොතමො මහිද්ධිකො භොති මහානුභාවො, යංනුනාහං සමණං ගොතමං උපසඤ්ඤාමිත්වා ඉමෙ පඤ්ඤෙ පුච්ඡෙය්‍ය”න්ති.

අථ ඛො සහියො පරිබ්බාජකො යෙන රාජගහං තෙන වාරිකං පක්කාමි. අනුපුබ්බෙන වාරිකං චරමානො යෙන රාජගහං වෙච්චනං කලන්දකනිවාපො, යෙන භගවා තෙනුපසඤ්ඤාමි; උපසඤ්ඤාමිත්වා භගවතා සද්ධිං සම්මොදි. සම්මොදනීයං කථං සාරණීයං වීතිසාරෙත්වා එකමන්තං නිසීදි. එකමන්තං නිසීන්තො ඛො සහියො පරිබ්බාජකො භගවන්තං ගාථාය අජ්ඣාමාසි –

515.

“කඬ්ඨි වෙච්ඡිකිච්ඡි ආගමං, (ඉති සහියො)
පඤ්ඤෙ පුච්ඡිතුං අභිකඬ්ඨිමානො;
තෙසන්තකරො භවාහි [භවාහි මෙ (පි. ක.)] පඤ්ඤෙ මෙ පුට්ඨො,
අනුපුබ්බං අනුධම්මං ඛ්‍යාකරොහි මෙ”.

516.

“දුරතො ආගතොසි සහිය, (ඉති භගවා)
පඤ්ඤෙ පුච්ඡිතුං අභිකඬ්ඨිමානො;
තෙසන්තකරො භවාමි [තෙසමන්තකරොමි තෙ (ක.)] පඤ්ඤෙ තෙ
පුට්ඨො,
අනුපුබ්බං අනුධම්මං ඛ්‍යාකරොමි තෙ.

517.

“පුච්ඡ මං සහිය පඤ්ඤං, යං කිඤ්චි මනසිච්ඡසි;
තස්ස තස්සෙව පඤ්ඤස්ස, අහං අන්තං කරොමි තෙ”ති.

අථ ඛො සහියස්ස පරිබ්බාජකස්ස එතදහොසි – “අච්ඡරියං වත, හො, අබ්භූතං වත, හො! යං වතාහං අඤ්ඤෙසු සමණබ්‍රාහ්මණෙසු ඔකාසකම්මත්තම්පි [ඔකාසමත්තම්පි (සි. පි.)] නාලත්ථං තං මෙ ඉදං සමණෙන ගොතමෙන ඔකාසකම්මං කත”න්ති. අත්තමනො පමුදිතො උදග්ගො පිතිසොමනස්සජාතො භගවන්තං පඤ්ඤං අපුච්ඡි –

518.

“කිං පත්තිනමාහු භික්ඛුනං, (ඉති සභියො)
සොරතං කෙන කථංඤ්ව දන්තමාහු;
බුද්ධොති කථං පවුච්චති,
පුට්ඨො මෙ භගවා බ්‍යාකරොහි”.

519.

“පජ්ජෙන කතෙන අත්තනා, (සභියාති භගවා)
පරිනිබ්බානගතො විනිශ්ඡකඨබ්බො;
විභවඤ්ච භවඤ්ච විජ්ජහාය,
වුසිතවා ඛිණපුනඛිභවා ස භික්ඛු.

520.

“සබ්බත්ථ උපෙක්ඛකො සතිමා, න සො භිංසති කඤ්චි
සබ්බලොකෙ;
තිණ්ණො සමණො අනාවිලො, උස්සදා යස්ස න සන්ති සොරතො
සො.

521.

“යස්සින්ද්‍රියාති භාවිතාති, අජ්ඣත්තං බහිද්ධා ච සබ්බලොකෙ;
නිබ්බිජ්ඣ ඉමං පරඤ්ච ලොකං, කාලං කඨබ්බති භාවිතො ස දන්තො.

522.

“කජ්ජාති විචෙය්‍යා කෙවලාති, සංසාරං දුභයං චුතුපපාතං;
විගතරජමනඨගණං විසුද්ධං, පත්තං ජාතිරයං තමාහු බුද්ධ”න්ති.

අථ ඛො සභියො පරිබ්බාජකො භගවතො භාසිතං අභිනන්දිත්වා
අනුමොදිත්වා අත්තමතො පමුදිතො උදග්ගො පීතිසොමනස්සජාතො
භගවත්තං උත්තරිං [\[උත්තරි \(ක.\)\]](#) පඤ්භං අපුච්ඡි -

523.

“කිං පත්තිනමාහු බ්‍රාහ්මණං, (ඉති සභියො)
සමණං කෙන කථංඤ්ව න්භාතකොති;
නාගොති කථං පවුච්චති,
පුට්ඨො මෙ භගවා බ්‍යාකරොහි”.

524.

“බාහිත්වා සබ්බපාපකාති, (සභියාති භගවා)
විමලො සාධුසමාහිතො ඨිතත්තො;
සංසාරමතිච්ච කෙවලී සො,
අසිතො තාදි පවුච්චතෙ ස බ්‍රහ්මා.

525.

“සමිතාවි පහාය පුඤ්ඤපාපං, විරජො ඤත්වා ඉමං පරඤ්ච ලොකං;
ජාතිමරණං උපාතිවත්තො, සමණො තාදි පවුච්චතෙ තථත්තා.

526.

“නිත්භාය [නිත්භාය (සා.)] සබ්බපාපකානි, අජ්ඣත්තං බහිද්ධා ච
සබ්බලොකෙ;
දෙවමනුස්සෙසු කප්පියෙසු, කප්පං තෙති තමාහු න්භාතකො”ති.

527.

“ආගුං න කරොති කිඤ්චි ලොකෙ, සබ්බසංයොගෙ [සබ්බයොගෙ
(ක.)] විසජ්ජ බන්ධනානි;
සබ්බත්ථ න සජ්ජති විමුත්තො, නාගො තාදි පවුච්චතෙ තථත්තා”ති.

අථ බො සහියො පරිබ්බාජකො...පෙ.... භගවත්තං උත්තරිං පඤ්භං
අපුච්ඡි —

528.

“කං ඛේතජිනං වදන්ති බුද්ධා, (ඉති සහියො)
කුසලං කෙන කථඤ්ච පණ්ඩිතොති;
මුනි නාම කථං පවුච්චති,
පුට්ඨො මෙ භගවා බ්‍යාකරොහි”.

529.

“ඛේත්තානි විචෙය්‍ය කෙවලානි, (සහියාති භගවා)
දිබ්බං මානුසකඤ්ච බ්‍රහ්මඛේත්තං;
සබ්බඛේත්තමුලබන්ධනා පමුත්තො,
ඛේතජිනො තාදි පවුච්චතෙ තථත්තා.

530.

“කොසානි විචෙය්‍ය කෙවලානි, දිබ්බං මානුසකඤ්ච බ්‍රහ්මකොසං;
සබ්බකොසමුලබන්ධනා පමුත්තො, කුසලො තාදි පවුච්චතෙ
තථත්තා.

531.

“දුභයානි විචෙය්‍ය පණ්ඩිරානි, අජ්ඣත්තං බහිද්ධා ච
සුද්ධිපඤ්ඤො;
කණ්භං සුක්කං උපාතිවත්තො, පණ්ඩිතො තාදි පවුච්චතෙ තථත්තා.

532.

“අසතඤ්ච සතඤ්ච ඤත්වා ධම්මං, අජ්ඣත්තං බහිද්ධා ච
සබ්බලොකෙ;
දෙවමනුස්සෙහි පුජනියො, සඬගං ජාලමතිච්ච සො මුනී”ති.

අථ ඛො සභියො පරිබ්බාජකො...පෙ.... භගවන්තං උත්තරිං පඤ්භං අප්පච්ඡි -

533.

“කිං පත්තිනමාහු වෙදගුං, (ඉති සභියො)
අනුචිදිතං කෙන කථඤ්ච වීරියවාති;
ආජානියො කිත්ති නාම භොති,
පුට්ඨො මෙ භගවා බ්‍යාකරොහි”.

534.

“වෙදානි විවෙය්‍ය කෙවලානි, (සභියාති භගවා)
සමණානං යානිධන්ථි [යානිපත්ථි (සි. ස්‍යා. ඡි.)] බ්‍රාහ්මණානං;
සබ්බවෙදනාසු චිත්තරාගො,
සබ්බං වෙදමතිච්ච වෙදගු සො.

535.

“අනුච්චිච පපඤ්චනාමරූපං, අජ්ඣත්තං බහිද්ධා ච රොගමූලං;
සබ්බරොගමූලබන්ධනා පමුත්තො, අනුචිදිතො තාදි පච්චිචතෙ
තථත්තා.

536.

“විරතො ඉධ සබ්බපාපකෙහි, නිරයදුක්ඛං අතිච්ච වීරියවා සො;
සො වීරියවා පධානවා, ධීරො තාදි පච්චිචතෙ තථත්තා.

537.

“යස්සස්සු ලුනානි බන්ධනානි, අජ්ඣත්තං බහිද්ධා ච සඬගමූලං;
සබ්බසඬගමූලබන්ධනා පමුත්තො, ආජානියො තාදි පච්චිචතෙ
තථත්තා”ති.

අථ ඛො සභියො පරිබ්බාජකො...පෙ.... භගවන්තං උත්තරිං පඤ්භං අප්පච්ඡි -

538.

“කිං පත්තිනමාහු සොත්තියං, (ඉති සභියො)
අරියං කෙන කථඤ්ච වරණවාති;
පරිබ්බාජකො කිත්ති නාම භොති,
පුට්ඨො මෙ භගවා බ්‍යාකරොහි”.

539.

“සුත්වා සබ්බධම්මං අභිඤ්ඤාය ලොකෙ, (සභියාති භගවා)
සාවජ්ජානවජ්ජං යදන්ථි කිඤ්චි;
අභිභුං අකථංකථිං විමුත්තං,

අනිසං සබ්බධිමාහු සොත්තියොති.

540.

“ඡෙත්වා ආසවානි ආලයානි, විද්වා සො න උපෙති ගබ්භසෙය්‍යං;
සඤ්ඤං තිවිධං පනුජ්ජ පඨිකං, කජ්ජං නෙති තමාහු අරියොති.

541.

“යො ඉධ වරණෙසු පත්තිපත්තො, කුසලො සබ්බදා ආජානාති
[ආජානි (සා.)] ධම්මං;
සබ්බත්ථ න සජ්ජති විමුත්තචිත්තො [විමුත්තො (සි.)], පටිඝා යස්ස
න සන්ති වරණවා සො.

542.

“දුක්ඛවෙපක්කං යදත්ථි කම්මං, උද්ධමධො තිරියං වාපි
[තිරියඤ්චාපි (සා.)] මජ්ඣං;
පරිබ්බාජයිත්වා පරිඤ්ඤවාරී, මායං මානමථොපි ලොභකොධං;
පරියන්තමකාසි නාමරූපං, තං පරිබ්බාජකමාහු පත්තිපත්ත”න්ති.

අථ ඛො සහියො පරිබ්බාජකො භගවතො භාසිතං අභිනන්දිත්වා
අනුමොදිත්වා අත්තමනො පමුදිතො උදග්ගො පිතිසොමනස්සජාතො
උට්ඨායාසනා ඵකංසං උත්තරාසඨගං කරිත්වා යෙන භගවා තෙනඤ්ජලිං
පණාමෙත්වා භගවත්තං සම්මුඛා සාරුජ්ජාහි ගාථාහි අභිත්ථවි -

543.

“යානි ච තිණි යානි ච සට්ඨි, සමණජ්ජවාදසිතානි
[සමණජ්ජවාදනිස්සිතානි (සා. ක.)] භූරිපඤ්ඤා;
සඤ්ඤක්ඛරසඤ්ඤනිස්සිතානි, ඔසරණානි විනෙය්‍ය ඔසතමගා.

544.

“අත්තගුසි පාරගු [පාරගුසි (සා. පි. ක.)] දුක්ඛස්ස, අරහාසි
සම්මාසම්බුද්ධො ඛිණාසවං තං මඤ්ඤා;
ජුතිමා මුතිමා පහුතපඤ්ඤො, දුක්ඛස්සන්තකරං අතාරෙසි මං.

545.

“යං මෙ කඨ්ඛිතමඤ්ඤාසි, විචිකිච්ඡා මං තාරයි නමො තෙ;
මුනි මොනපථෙසු පත්තිපත්ත, අබ්ච ආදිච්චබන්ධු සොරතොසි.

546.

“යා මෙ කඨ්ඛා පුරෙ ආසි, තං මෙ ඛ්‍යාකාසි චක්ඛුමා;
අද්ධා මුනීසි සම්බුද්ධො, නත්ථි නීවරණා තව.

547.

“උපායාසා ච තෙ සබ්බෙ, විද්ධස්තා විනළිකතා;
සීතිභූතො දමජ්ජත්තො, ධිතිමා සච්චනික්කමො.

548.

“තස්ස තෙ නාගනාගස්ස, මහාවීරස්ස භාසතො;
සබ්බෙ දෙවානුමොදන්ති, උභො නාරදපබ්බතා.

549.

“නමො තෙ පුරිසාජඤ්ඤ, නමො තෙ පුරිසුත්තම;
සදෙවකස්මිං ලොකස්මිං, නත්ථි තෙ පටිපුග්ගලො.

550.

“තුචං බුද්ධො තුචං සත්ථා, තුචං මාරාභිභූ මුනි;
තුචං අනුසයෙ ඡෙත්වා, තිණ්ණො තාරෙසි මං පජං.

551.

“උපධි තෙ සමනික්කන්තා, ආසවා තෙ පදාලිතා;
සීහොසි අනුපාදානො, පහීනභයභෙරවො.

552.

“පුණ්ඩරිකං යථා වග්ගු, තොයෙ න උපලිම්පති [තොයෙන න
උපලිප්පති (සී.), තොයෙ න උපලිප්පති (පී.), තොයෙන න
උපලිම්පති (ක.)];
එවං පුඤ්ඤෙ ච පාපෙ ච, උභයෙ ත්වං න ලිම්පසි;
පාදෙ වීර පසාරෙහි, සහියො වන්දති සත්ථුනො”ති.

අථ ඛො සහියො පරිබ්බාජකො භගවතො පාදෙසු සිරසා නිපතීත්වා
භගවන්තං එතදවොච – “අභික්කන්තං, භන්තෙ...පෙ.... එසාහං භගවන්තං
සරණං ගච්ඡාමි ධම්මඤ්ච භික්ඛුසඤ්ඤාඤ්ච; ලභෙය්‍යාහං, භන්තෙ, භගවතො
සන්තිකෙ පබ්බජ්ජං, ලභෙය්‍යං උපසම්පද”න්ති.

“යො ඛො, සහිය, අඤ්ඤතිත්ථියපුබ්බො ඉමස්මිං ධම්මවිනයෙ
ආකඨ්ඨති පබ්බජ්ජං, ආකඨ්ඨති උපසම්පදං, සො චත්තාරො මාසෙ පරිවසති;
චතුන්නං මාසානං අච්චයෙන ආරද්ධවිත්තා භික්ඛු පබ්බාජෙන්නි,
උපසම්පාදෙන්නි භික්ඛුභාවාය. අපි ච මෙත්ථ පුග්ගලවෙමත්තතා විදිතා”ති.

“සචෙ, භන්තෙ, අඤ්ඤතිත්ථියපුබ්බො ඉමස්මිං ධම්මවිනයෙ
ආකඨ්ඨන්තා පබ්බජ්ජං, ආකඨ්ඨන්තා උපසම්පදං චත්තාරො මාසෙ
පරිවසන්ති, චතුන්නං මාසානං අච්චයෙන ආරද්ධවිත්තා භික්ඛු
පබ්බාජෙන්නි, උපසම්පාදෙන්නි භික්ඛුභාවාය, අහං චත්තාරි වස්සානි
පරිවසිස්සාමි; චතුන්නං වස්සානං අච්චයෙන ආරද්ධවිත්තා භික්ඛු
පබ්බාජෙන්නු උපසම්පාදෙන්නු භික්ඛුභාවායා”ති. අලත්ථ ඛො සහියො

පරිබ්බාජකො භගවතො සන්තිකෙ පබ්බජ්ජං අලත්ථ උපසම්පදං...පෙ.... අඤ්ඤතරො බො පනායස්මා සහියො අරහතං අහොසිති.

සහියසුත්තං ඡට්ඨං නිට්ඨිතං.

7. සෙලසුත්තං

එවං මෙ සුතං - එකං සමයං භගවා අඛගුත්තරාපෙසු වාරිකං වරමානො මහතා භික්ඛුසඤ්ඤා සද්ධිං අඛඤ්ඤාසෙහි භික්ඛුසතෙහි යෙන ආපණං නාම අඛගුත්තරාපානං නිගමො තදවසරි. අස්සොසි බො කෙණ්ඩියො ජට්ඨො “සමණො බලු, හො, ගොතමො සකායපුත්තො සකායකුලා පබ්බජිතො අඛගුත්තරාපෙසු වාරිකං වරමානො මහතා භික්ඛුසඤ්ඤා සද්ධිං අඛඤ්ඤාසෙහි භික්ඛුසතෙහි ආපණං අනුප්පත්තො. තං බො පන භවත්තං ගොතමං එවං කල්‍යාණො කිත්තිසද්දො අබ්භුග්ගතො - ‘ඉතිපි සො භගවා අරහං සම්මාසම්බුද්ධො විජ්ජාවරණසම්පත්තො සුගතො ලොකවිදු අනුත්තරො පුරිසදම්මසාරථි සත්ථා දෙවමනුස්සානං බුද්ධො භගවා’ති [භගවා (සා. පි.)]. සො ඉමං ලොකං සදෙවකං සමාරකං සබ්බමකං සස්සමණුබ්බාහමණං පජං සදෙවමනුස්සං සයං අභිඤ්ඤා සච්ඡිකත්වා පච්චෙදෙති. සො ධම්මං දෙසති ආදිකල්‍යාණං මජ්ඣිකල්‍යාණං පරියොසානකල්‍යාණං සාත්ථං සබ්බඤ්ජනං, කෙවලපරිපුණ්ණං පරිසුද්ධං බ්‍රහ්මචරියං පකාසෙති. සාධු බො පන තථාරූපානං අරහතං දස්සනං හොති”ති.

අථ බො කෙණ්ඩියො ජට්ඨො යෙන භගවා තෙනුපසඤ්ඤා; උපසඤ්ඤාත්වා භගවතා සද්ධිං සම්මොදි. සම්මොදනීයං කථං සාරණීයං වීතිසාරෙත්වා එකමන්තං නිසිදි. එකමන්තං නිසින්නං බො කෙණ්ඩියං ජට්ඨො භගවා ධම්මියා කථාය සන්දස්සෙසි සමාදපෙසි සමුත්තෙපෙසි සම්පහංසෙසි. අථ බො කෙණ්ඩියො ජට්ඨො භගවතා ධම්මියා කථාය සන්දස්සිතො සමාදපිතො සමුත්තෙපිතො සම්පහංසිතො භගවත්තං එතදවොච - “අධිවාසෙතු මෙ භවං ගොතමො ස්වාතනාය භත්තං සද්ධිං භික්ඛුසඤ්ඤා”ති. එවං චුත්තෙ, භගවා කෙණ්ඩියං ජට්ඨො එතදවොච - “මහා බො, කෙණ්ඩිය, භික්ඛුසඤ්ඤා අඛඤ්ඤාසානි භික්ඛුසතානි; ත්වඤ්ඤා බ්‍රහ්මණෙසු අභිප්පසන්නො”ති.

දුතියමිපි බො කෙණ්ඩියො ජට්ඨො භගවත්තං එතදවොච - “කිඤ්චාපි, හො ගොතම, මහා භික්ඛුසඤ්ඤා අඛඤ්ඤාසානි භික්ඛුසතානි, අභඤ්ඤා බ්‍රහ්මණෙසු අභිප්පසන්නො; අධිවාසෙතු මෙ භවං ගොතමො ස්වාතනාය භත්තං සද්ධිං භික්ඛුසඤ්ඤා”ති. දුතියමිපි බො භගවා කෙණ්ඩියං ජට්ඨො එතදවොච - “මහා බො, කෙණ්ඩිය, භික්ඛුසඤ්ඤා අඛඤ්ඤාසානි භික්ඛුසතානි; ත්වඤ්ඤා බ්‍රහ්මණෙසු අභිප්පසන්නො”ති.

තතියමිපි බො කෙණ්ඩියො ජට්ඨො භගවත්තං එතදවොච - “කිඤ්චාපි, හො ගොතම, මහා භික්ඛුසඤ්ඤා අඛඤ්ඤාසානි භික්ඛුසතානි, අභඤ්ඤා

බ්‍රාහ්මණෙසු අභිජපසන්නො, අධිවාසෙතු **[අධිවාසෙත්වෙව (සි.)]** මෙ හවං ගොතමො ස්වාතනාය හත්තං සද්ධිං භික්ඛුසඤ්ජනා”ති. අධිවාසෙසි හගවා තුණ්හිභාවෙන. අථ ඛො කෙණියො ජට්ඨො හගවතො අධිවාසනං විදිත්වා උට්ඨායාසනා යෙන සකො අස්සමො තෙනුපසඤ්ඤාමි; උපසඤ්ඤාමිත්වා මිත්තාමච්චෙ ඤාතිසාලොභිතො ආමන්තෙසි – “සුණන්තු මෙ හවන්තො මිත්තාමච්චා ඤාතිසාලොභිතා, සමණො මෙ ගොතමො නිමන්තිතො ස්වාතනාය හත්තං සද්ධිං භික්ඛුසඤ්ජන, යෙන මෙ කායවෙය්‍යාවට්ඨිකං කරෙය්‍යාපා”ති. “එවං, හො”ති ඛො කෙණියස්ස ජට්ඨස්ස මිත්තාමච්චා ඤාතිසාලොභිතො කෙණියස්ස ජට්ඨස්ස පටිස්සුත්වා අප්පෙකච්චෙ උද්ධනානි ඛණන්ති, අප්පෙකච්චෙ කට්ඨානි ඵාලෙන්ති, අප්පෙකච්චෙ භාජනානි ධොවන්ති, අප්පෙකච්චෙ උදකමණිකං පතිට්ඨාපෙන්ති, අප්පෙකච්චෙ ආසනානි පඤ්ඤාපෙන්ති. කෙණියො පන ජට්ඨො සාමංයෙව මණ්ඩලමාළං පටියාදෙති.

තෙන ඛො පන සමයෙන සෙලො බ්‍රාහ්මණො ආපණෙ පටිවසති, තිණ්ණං වෙදානං පාරගු සතිසණ්ඩුකෙටුභානං සාක්ඛරජපභෙදානං ඉතිභාසපඤ්චමානං පදකො වෙය්‍යාකරණො ලොකායතමහාපුරිසලක්ඛණෙසු අනවයො, තිණි ච මාණවකසතානි මන්තෙ වාචෙති.

තෙන ඛො පන සමයෙන කෙණියො ජට්ඨො සෙලෙ බ්‍රාහ්මණෙ අභිජපසන්නො හොති. අථ ඛො සෙලො බ්‍රාහ්මණො තිහි මාණවකසතෙහි පරිවුතො ජඤ්ඤාචාරං අනුච්ඤාමමානො අනුච්චරමානො යෙන කෙණියස්ස ජට්ඨස්ස අස්සමො තෙනුපසඤ්ඤාමි. අද්දසා ඛො සෙලො බ්‍රාහ්මණො කෙණියස්ස ජට්ඨස්ස අස්සමෙ **[කෙණිස්සමියෙ ජට්ඨෙ (සි. 3.)]** අප්පෙකච්චෙ උද්ධනානි ඛණන්තෙ...පෙ.... අප්පෙකච්චෙ ආසනානි පඤ්ඤාපෙන්තෙ, කෙණියං පන ජට්ඨං සාමංයෙව මණ්ඩලමාළං පටියාදෙන්තං. දිස්වාන කෙණියං ජට්ඨං එතදවොච – “කිං නු ඛො හොතො කෙණියස්ස ආවාහො වා හවිස්සති, විවාහො වා හවිස්සති, මහායඤ්ඤො වා පච්චුපට්ඨිතො, රාජා වා මාගධො සෙනියො ඛිම්බිසාරො නිමන්තිතො ස්වාතනාය සද්ධිං බලකායෙනා”ති?

“න මෙ, හො සෙල, ආවාහො වා හවිස්සති විවාහො වා, නාපි රාජා මාගධො සෙනියො ඛිම්බිසාරො නිමන්තිතො ස්වාතනාය සද්ධිං බලකායෙන; අපි ච ඛො මෙ මහායඤ්ඤො පච්චුපට්ඨිතො. අත්ථි සමණො ගොතමො සත්‍යපුත්තො සත්‍යකුලා පබ්බජිතො අභිගුත්තරාපෙසු වාරිකං චරමානො මහතා භික්ඛුසඤ්ජන සද්ධිං අභිසංතෙළසෙහි භික්ඛුසතෙහි ආපණං අනුජපන්නො. තං ඛො පන හවන්තං ගොතමං...පෙ.... බුද්ධො හගවාති. සො මෙ නිමන්තිතො ස්වාතනාය හත්තං සද්ධිං භික්ඛුසඤ්ජනා”ති. “බුද්ධොති, හො කෙණිය, වදෙසි”? “බුද්ධොති, හො

සෙල, වදාමි”. “බුද්ධොති, හො කෙණිය, වදෙසි”? “බුද්ධොති, හො සෙල, වදාමි”ති.

අථ ඛො සෙලස්ස බ්‍රාහ්මණස්ස එතදහොසි – “සොසොපි ඛො එසො දුල්ලහො ලොකස්මිං යදිදං බුද්ධොති. ආගතානි ඛො පනම්හාකං මන්තෙසු ද්වත්තිංසමහාපුරිසලක්ඛණානි, යෙහි සමන්තාගතස්ස මහාපුරිසස්ස ද්වෙව ගතියො භවන්ති අනඤ්ඤා. සචෙ අගාරං අජ්ඣාචසති රාජා හොති චක්කවත්ති ධම්මිකො ධම්මරාජා වාතුරන්තො විජිතාචී ජනපදත්ථාවරියජ්ජත්තො සත්තරතනසමන්තාගතො. තස්සිමානි සත්තරතනානි භවන්ති, සෙය්‍යථිදං – චක්කරතනං, භත්ථීරතනං, අස්සරතනං, මණ්ණරතනං, ඉත්ථීරතනං, ගහපතිරතනං, පරිණායකරතනමෙව සත්තමං. පරොසහස්සං ඛො පනස්ස පුත්තා භවන්ති සුරා වීරචගරූපා පරසෙනජ්ජමද්දනා. සො ඉමං පථවිං සාගරපරියන්තං අදුණ්ඛෙන අසත්ථෙත ධම්මෙන අභිවිජිය අජ්ඣාචසති. සචෙ ඛො පන අගාරස්මා අනගාරියං පබ්බජති, අරහං හොති සම්මාසම්බුද්ධො ලොකෙ විචට්ටච්ඡදො [\[විචත්තච්ඡදො \(සි. පි.\)\]](#). කහං පන, හො කෙණිය, එතරහි සො භවං ගොතමො විහරති අරහං සම්මාසම්බුද්ධො”ති?

එවං වුත්තෙ, කෙණියො ජට්ටො දක්ඛිණං බාහුං පග්ගහෙත්වා සෙලං බ්‍රාහ්මණං එතදවොච – “යෙනෙසා, හො සෙල, නීලවනරාජී”ති. අථ ඛො සෙලො බ්‍රාහ්මණො තීහි මාණවකසතෙහි සද්ධිං යෙන හගවා තෙනුපසඬිකම්. අථ ඛො සෙලො බ්‍රාහ්මණො තෙ මාණවකෙ ආමන්තෙසි – “අජ්ජසද්දා හොන්තො ආගච්ඡන්තු, පදෙ පදං නික්ඛිපන්තා. දුරාසදා හි තෙ හගවන්තො [\[භවන්තො \(සා. ක.\)\]](#) සීභාව එකවරා. යදා වාහං, හො, සමණෙන ගොතමෙන සද්ධිං මන්තෙය්‍යුං, මා මෙ හොන්තො අන්තරන්තරා කථං ඔපාතෙථ; කථාපරියොසානං මෙ භවන්තො ආගමෙත්තු”ති.

අථ ඛො සෙලො බ්‍රාහ්මණො යෙන හගවා තෙනුපසඬිකම්; උපසඬිකම්ත්වා හගවතා සද්ධිං සම්මොදි. සම්මොදනීයං කථං සාරණීයං වීතිසාරෙත්වා එකමන්තං නිසීදි. එකමන්තං නිසින්තො ඛො සෙලො බ්‍රාහ්මණො හගවතො කායෙ ද්වත්තිංසමහාපුරිසලක්ඛණානි සමන්තෙසි [\[සම්මන්තෙසි \(සි. සා.\)\]](#). අද්දසා ඛො සෙලො බ්‍රාහ්මණො හගවතො කායෙ ද්වත්තිංසමහාපුරිසලක්ඛණානි යෙහුයොන යපෙත්වා ද්වෙ. ද්විසු මහාපුරිසලක්ඛණෙසු කඬ්ඛති විචිකිච්ඡති නාධිමුච්චති න සම්පසිදති – කොසොහිතෙ ව චත්ථගුය්හෙ, පහුතජීවහතාය වාති.

අථ ඛො හගවතො එතදහොසි – “පස්සති ඛො මෙ අයං සෙලො බ්‍රාහ්මණො ද්වත්තිංසමහාපුරිසලක්ඛණානි යෙහුයොන යපෙත්වා ද්වෙ. ද්විසු මහාපුරිසලක්ඛණෙසු කඬ්ඛති විචිකිච්ඡති නාධිමුච්චති න සම්පසිදති – කොසොහිතෙ ව චත්ථගුය්හෙ, පහුතජීවහතාය වා”ති. අථ ඛො හගවා තථාරූපං ඉද්ධාහිසඬ්ඛාරං අභිසඬ්ඛාසි [\[අභිසඬ්ඛාරෙසි \(සා. ක.\)\]](#), යථා

අද්දස සෙලො බ්‍රාහ්මණො භගවතො කොසොහිතං චත්ථගුය්හං. අථ ඛො භගවා ජිව්හං නිත්තාමෙත්වා උභොපි කණ්ණසොතානි අනුමසි පටිමසි, උභොපි නාසිකසොතානි අනුමසි පටිමසි, කෙවලමසි නලාටමණ්ඩලං ජිව්හාය ඡාදෙසි.

අථ ඛො සෙලස්ස බ්‍රාහ්මණස්ස එතදභොසි – “සමන්තාගතො ඛො සමණො ගොතමො ද්වත්තිංසමභාපුරිසලක්ඛණෙහි පරිපුණ්ණෙහි, නො අපුරිපුණ්ණෙහි. නො ච ඛො නං ජානාමි බුද්ධො වා නො වා. සුතං ඛො පන මෙතං බ්‍රාහ්මණානං වුඩ්ඨානං මහල්ලකානං ආචරියපාචරියානං භාසමානානං – ‘යෙ තෙ භවන්ති අරහන්තො සම්මාසම්බුද්ධා, තෙ සකෙ වණ්ණෙ භඤ්ඤමානෙ අත්තානං පාතුකරොන්ති’ති. යංනුනාහං සමණං ගොතමං සම්මුඛා සාරුජ්ජාහි ගාථාහි අභිත්ථවෙය්‍ය”න්ති. අථ ඛො සෙලො බ්‍රාහ්මණො භගවන්තං සම්මුඛා සාරුජ්ජාහි ගාථාහි අභිත්ථවි –

553.

“පරිපුණ්ණකායො සුරුචි, සුජාතො වාරුදස්සනො;
සුවණ්ණවණ්ණොසි භගවා, සුසුක්කදායොසි විරියවා.

554.

“නරස්ස හි සුජාතස්ස, යෙ භවන්ති වියඤ්ජනා;
සබ්බෙ තෙ තච කායස්මිං, මභාපුරිසලක්ඛණා.

555.

“පසන්නනෙත්තො සුමුඛො, බ්‍රහ්ම උජු පතාපවා;
මජ්ඣෙ සමණසඤ්ඤාස්ස, ආදිච්චොච විරොචසි.

556.

“කල්‍යාණදස්සනො හික්ඛු, කඤ්චනසන්තිහත්තවො;
කිං තෙ සමණභාවෙන, එවං උත්තමවණ්ණිනො.

557.

“රාජා අරහසි භවිතුං, චක්කවත්ති රථෙසහො;
වාතුරන්තො විජිතාචී, ජම්බුසණ්ඩස්ස [\[ජම්බුමණ්ඩස්ස \(ක.\)\]](#)
ඉස්සරො.

558.

“ඛත්තියා භොගිරාජානො [\[භොජරාජානො \(සී. සාය.\)\]](#), අනුයන්තා
[\[අනුයුත්තා \(සී.\)\]](#) භවන්තු තෙ;
රාජාහිරාජා මනුජින්දො, රජ්ජං කාරෙහි ගොතම”.

559.

“රාජාහමස්මි සෙලාති, (භගවා) ධම්මරාජා අනුත්තරො;

ධම්මෙන චක්කං චත්තෙමි, චක්කං අප්පට්චත්තියං”.

560.

“සම්බුද්ධො පටිජානාසි, (ඉති සෙලො බ්‍රාහ්මණො) ධම්මරාජා
අනුත්තරො;

‘ධම්මෙන චක්කං චත්තෙමි’, ඉති භාසසි ගොතම.

561.

“කො නු සෙනාපති භොතො, සාවකො සත්ථුරත්ථයො;
කො තෙ තමනුවත්තෙති, ධම්මචක්කං පචත්තිතං”.

562.

“මයා පචත්තිතං චක්කං, (සෙලාති භගවා) ධම්මචක්කං අනුත්තරං;
සාරිපුත්තො අනුවත්තෙති, අනුජාතො තථාගතං.

563.

“අභිඤ්ඤායාං අභිඤ්ඤාතං, භාවෙනඛ්ඛඤ්ච භාවිතං;
පභාතඛ්ඛං පභීතං මෙ, තස්මා බුද්ධොස්මි බ්‍රාහ්මණ.

564.

“චිත්තයස්සු මයි කඬ්ඛං, අධිමුච්චස්සු බ්‍රාහ්මණ;
දුල්ලභං දස්සනං භොති, සම්බුද්ධානං අභිණ්භසො.

565.

“යෙසං වෙ [යෙසං වො (පී.), යස්ස වෙ (සායා.)] දුල්ලභො ලොකෙ,
පාතුභාවො අභිණ්භසො;
සොහං බ්‍රාහ්මණ සම්බුද්ධො, සල්ලකත්තො අනුත්තරො.

566.

“බ්‍රහ්මභූතො අතිතුලො, මාරසෙනප්පමද්දනො;
සඛ්ඛාමිත්තෙ චසිකත්වා, මොදාමි අකුතොභයො”.

567.

“ඉමං භවත්තො නිසාමෙථ, යථා භාසති චක්ඛුමා;
සල්ලකත්තො මහාවීරො, සීභොව නදතී වනෙ.

568.

“බ්‍රහ්මභූතං අතිතුලං, මාරසෙනප්පමද්දනං;
කො දිස්වා නප්පසිදෙය්‍ය, අපි කණ්භාහිජාතිකො.

569.

“යො මං ඉච්ඡති අත්ථෙත්තු, යො වා නිච්ඡති ගච්ඡතු;

ඉධාහං පබ්බජිස්සාමි, වරපඤ්ඤස්ස සන්තිකෙ”.

570.

“එවඤ්ඤෙව [එතඤ්ඤෙව (සී. පී.)] රුච්චති භොතො,
සම්මාසම්බුද්ධසාසනෙ [සම්මාසම්බුද්ධසාසනං (සී. සා. කං. පී.)];
මයම්පි පබ්බජිස්සාම, වරපඤ්ඤස්ස සන්තිකෙ”.

571.

“බ්‍රාහ්මණා තිසතා ඉමෙ, යාවන්ති පඤ්ඤාලිකතා;
බ්‍රහ්මවරියං වරිස්සාම, භගවා තව සන්තිකෙ”.

572.

“ස්වාක්ඛාතං බ්‍රහ්මවරියං, (සෙලාති භගවා) සන්දිට්ඨිකමකාලිකං;
යත්ථ අමොසා පබ්බජ්ජා, අප්පමත්තස්ස සික්ඛතො”ති.

අලත්ථ ඛො සෙලො බ්‍රාහ්මණො සපරිසො භගවතො සන්තිකෙ පබ්බජ්ජං,
අලත්ථ උපසම්පදං. අථ ඛො කෙණ්ඩියො ජට්ටො තස්සා රත්තියා අව්චයෙන
සකෙ අස්සමෙ පණිතං බාදනීයං භොජනීයං පටියාදාපෙත්වා භගවතො
කාලං ආරොවාපෙසි – “කාලො, භො ගොතම, නිට්ඨිතං හත්ත”න්ති. අථ
ඛො භගවා පුබ්බණ්ඩසමයං නිවාසෙත්වා පත්තච්චරමාදාය යෙන
කෙණ්ඩියස්ස ජට්ටස්ස අස්සමො තෙනුපසඬිකම්; උපසඬිකම්ත්වා
පඤ්ඤත්තෙ ආසනෙ නිසීදි සද්ධිං භික්ඛුසඬිසෙන.

අථ ඛො කෙණ්ඩියො ජට්ටො බුද්ධස්පමුඛං භික්ඛුසඬිසං පණිතෙන
බාදනීයෙන භොජනීයෙන සහත්ථා සන්තප්පෙසි සම්පවාරෙසි. අථ ඛො
කෙණ්ඩියො ජට්ටො භගවත්තං භුත්තාවිං ඔනීතපත්තපාණිං අඤ්ඤතරං නීවං
ආසනං ගහෙත්වා එකමන්තං නිසීදි. එකමන්තං නිසීන්තං ඛො කෙණ්ඩියං
ජට්ටං භගවා ඉමාහි ගාථාහි අනුමොදි –

573.

“අග්ගිහුත්තමුඛා යඤ්ඤා, සාවිත්ති ඡන්දසො මුඛං;
රාජා මුඛං මනුස්සානං, නදීනං සාගරො මුඛං.

574.

“නක්ඛත්තානං මුඛං වන්දො, ආදිච්චො තපනං මුඛං;
පුඤ්ඤං ආකඬ්ඛමානානං, සඬිසො වෙ යජනං මුඛං”න්ති.

අථ ඛො භගවා කෙණ්ඩියං ජට්ටං ඉමාහි ගාථාහි අනුමොදිත්වා
උට්ඨායාසනා පක්කාමි. අථ ඛො ආයස්මා සෙලො සපරිසො එකො
වූපකට්ඨො අප්පමත්තො ආතාපි පහිත්තො විහරන්තො නවිරස්සෙ
...පෙ.... අඤ්ඤතරො ඛො පනාපස්මා සෙලො සපරිසො අරහතං අභොසි.

අථ ඛො ආයස්මා සෙලො සපරිසො යෙන භගවා තෙනුපසඬිකම්,
උපසඬිකමිත්වා එකංසං වීවරං කත්වා යෙන භගවා තෙනඤ්ජලිං
පණාමෙත්වා භගවන්තං ගාථාය අජ්ඣානාසි -

575.

“යං තං සරණමාගමිහ [\[මාගම්ම \(සි. ස්‍යා. ක.\)\]](#), ඉතො අට්ඨමි
චක්ඛුම;
සත්තරත්තෙන භගවා, දන්තම්භ තච සාසනෙ.

576.

“තුචං බුද්ධො තුචං සත්ථා, තුචං මාරාභිභූ මුනි;
තුචං අනුසයෙ ඡෙත්වා, තිණ්ණො තාරෙසිමං පජං.

577.

“උපධි තෙ සමතික්කන්තා, ආසවා තෙ පදාලිතා;
සිහොසි [\[සිහොව \(ම. නි. 2.401\)\]](#) අනුපාදානො, පභීනභයභෙරවො.

578.

“භික්ඛවො තිසතා ඉමෙ, තිට්ඨන්ති පඤ්ජලීකතා;
පාදෙ වීර පසාරෙහි, නාගා චන්දන්තු සත්ථුනො” ති.

සෙලසුත්තං සත්තමං නිට්ඨිතං.

8. සල්ලසුත්තං

579.

අනිමිත්තමනඤ්ඤාතං, මච්චානං ඉධ ජීවිතං;
කසිරඤ්ච පරිත්තඤ්ච, තඤ්ච දුක්ඛෙන සංයුතං.

580.

න භි සො උපක්කමො අත්ථී, යෙන ජාතා න මියාරෙ;
ජරම්පි පත්වා මරණං, එවංධම්මා භි පාණිනො.

581.

එලානම්ච පක්කානං, පාතො පතනතො [\[පපතතො \(සි. පි. අට්ඨ.\)\]](#)
භයං;
එවං ජාතාන මච්චානං, නිච්චං මරණතො භයං.

582.

යථාපි කුම්භකාරස්ස, කතා මත්තිකභාජනා;
සබ්බෙ භෙදනපරියන්තා [\[භෙදපරියන්තා \(ස්‍යා.\)\]](#), එවං මච්චාන
ජීවිතං.

583.

දහරා ව මහන්තා ව, යෙ බාලා යෙ ව පණ්ඩිතා;
සබ්බෙ මච්චුචසං යන්ති, සබ්බෙ මච්චුපරායණා.

584.

තෙසං මච්චුපරෙතානං, ගච්ඡතං පරලොකතො;
න පිතා තායතෙ පුත්තං, ඤාතී වා පන ඤාතකෙ.

585.

පෙක්ඛතං යෙව ඤාතීනං, පස්ස ලාලපතං පුට්ඨ;
එකමෙකොව මච්චානං, ගොවජ්ඣො විය නියති [\[නියාති \(බහුසු\)\]](#).

586.

එවමබ්බාහතො ලොකො, මච්චුනා ව ජරාය ව;
තස්මා ධීරා න සොචන්ති, විදිත්වා ලොකපරියායං.

587.

යස්ස මග්ගං න ජානාසී, ආගතස්ස ගතස්ස වා;
උහො අන්තෙ අසම්පස්සං, නිරත්ථං පරිදෙවසී.

588.

පරිදෙවයමානො වෙ, කිඤ්චිදත්ථං උදබ්බහෙ;
සම්මුළ්භො හිංසමත්තානං, කයිරා වෙ නං විචක්ඛණො.

589.

න හි රුණණෙන සොකෙන, සන්තිං පප්පොති චෙතසො;
හියාස්සුප්පජ්ජතෙ දුක්ඛං, සරීරං වුපහඤ්ඤති.

590.

කියො විචණ්ණො හවති, හිංසමත්තානමත්තනා;
න තෙන පෙතා පාලෙන්ති, නිරත්ථා පරිදෙවනා.

591.

සොකමජ්ජප්පං ජන්තු, හියොයා දුක්ඛං නිගච්ඡති;
අනුත්ථුනන්තො කාලච්ඡිකතං [\[කාලකතං \(සී. සාය.\)\]](#), සොකස්ස
වසමත්ථගු.

592.

අඤ්ඤෙපි පස්ස ගමිනෙ, යථාකම්මුපගෙ නරෙ;
මච්චුනො වසමාගම්ම, එන්දන්තෙවිධ පාණිනො.

593.

යෙන යෙන හි මඤ්ඤන්ති, තතො තං හොති අඤ්ඤථා;

එතාදිසො විනාහාවො, පස්ස ලොකස්ස පරියායං.

594.

අපි වස්සසතං ජීවෙ, භියොයා වා පන මාණවො;
ඤාතිසඬ්ඨා විනා හොති, ජහාති ඉධ ජීවිතං.

595.

තස්මා අරහතො සුත්වා, විනෙයා පරිදෙවිතං;
පෙනං කාලඬ්ඨකතං දිස්වා, නෙසො ලබ්භා මයා ඉති.

596.

යථා සරණමාදිත්තං, වාරිනා පරිනිබ්බයෙ [\[පරිනිබ්බුතො \(සී. ක.\)\]](#);
එවම්පි ධිරො සපඤ්ඤො, පණ්ඩිතො කුසලො නරො;
බිජ්ජමුජ්ජතිතං සොකං, වාතො තුලංච ධංසයෙ.

597.

පරිදෙවං පජජ්ජඤ්ච, දොමනස්සඤ්ච අත්තනො;
අත්තනො සුඛමෙසානො, අබ්බහෙ සල්ලමත්තනො.

598.

අබ්බුළ්භසල්ලො අසිතො, සන්තිං පජ්ජයා චෙතසො;
සබ්බසොකං අතික්කන්තො, අසොකො හොති නිබ්බුතොති.

සල්ලසුත්තං අට්ඨමං නිට්ඨිතං.

9. වාසෙට්ඨසුත්තං

එවං මෙ සුතං — එකං සමයං භගවා ඉච්ඡානඬ්ඨගලෙ විහරති ඉච්ඡානඬ්ඨගලවනසණ්ඨෙ. තෙන ඛො පන සමයෙන සම්බහුලා අභිඤ්ඤානා අභිඤ්ඤානා බ්‍රාහ්මණමහාසාලා ඉච්ඡානඬ්ඨගලෙ පටිවසන්ති, සෙය්‍යථිදං — වඩ්ඨි බ්‍රාහ්මණො, තාරුක්ඛො බ්‍රාහ්මණො, පොක්ඛරසාති බ්‍රාහ්මණො, ජාණුස්සොණි [\[ජාණුස්සොණි \(ක.\)\]](#) බ්‍රාහ්මණො, තොදෙය්‍යො බ්‍රාහ්මණො, අඤ්ඤෙ ච අභිඤ්ඤානා අභිඤ්ඤානා බ්‍රාහ්මණමහාසාලා. අථ ඛො වාසෙට්ඨභාරද්වාජානං මාණවානං ජඬ්ඨාචාරං අනුච්චිකමන්තානං අනුච්චරන්තානං [\[අනුච්චිකමමානානං අනුච්චරමානානං \(සී. පී.\)\]](#) අයමන්තරාකථා උදපාදි — “කථං, හො, බ්‍රාහ්මණො හොති” ති?

භාරද්වාජො මාණවො එවමාහ — “යතො ඛො, හො, උභතො සුජාතො හොති මාතිතො ච පිතිතො ච සංසුද්ධගහණිකො යාව සත්තමා පිනාමහයුගා අක්ඛිත්තො අනුපක්කුට්ඨො ජාතිවාදෙන, එත්තාවතා ඛො හො බ්‍රාහ්මණො හොති” ති.

වාසෙට්ඨො මාණවො එවමාහ — “යතො ඛො, හො, සීලවා ච හොති වතසම්පන්නො [\[වත්තසම්පන්නො \(සී. සා. ම. නි. 2.454\)\]](#) ච, එත්තාවතා

බො, හො, බ්‍රාහ්මණො හොති” ති. තෙව බො අසක්ඛි භාරද්වාපො මාණුවො වාසෙට්ඨං මාණුවං සඤ්ඤාපෙත්තුං, න පන අසක්ඛි වාසෙට්ඨො මාණුවො භාරද්වාපං මාණුවං සඤ්ඤාපෙත්තුං.

අථ බො වාසෙට්ඨො මාණුවො භාරද්වාපං මාණුවං ආමන්තෙසි – “අයං බො, හො [අයං හො (සි. ස්‍යා. ක.), අයං බො (පි.)] භාරද්වාප, සමණො ගොතමො සක්‍යපුත්තො සක්‍යකුලා පබ්බජිතො ඉච්ඡානඤ්ඤාලෙ විහරති ඉච්ඡානඤ්ඤාලවනසංඝෙ; තං බො පන භවත්තං ගොතමං එවං කල්‍යාණො කිත්තිසද්දො අබ්භුග්ගතො – ‘ඉතිපි...පෙ.... බුද්ධො භගවා’ ති. ආයාම, හො භාරද්වාප, යෙන සමණො ගොතමො තෙනුපසඤ්ඤාමිස්සාම; උපසඤ්ඤාමිත්වා සමණං ගොතමං එතමත්ථං පුට්ඨස්සාම. යථා නො සමණො ගොතමො ඛ්‍යාකරිස්සති තථා නං ධාරෙස්සාමා” ති. “එවං, හො” ති බො භාරද්වාපො මාණුවො වාසෙට්ඨස්ස මාණුවස්ස පච්චස්සෙසි.

අථ බො වාසෙට්ඨභාරද්වාපා මාණවා යෙන භගවා තෙනුපසඤ්ඤාමිස්ස; උපසඤ්ඤාමිත්වා භගවතා සද්ධිං සම්මොදිංසු. සම්මොදනීයං කථං සාරණීයං විනිසාරෙත්වා එකමත්තං නිසීදිංසු. එකමත්තං නිසීත්තො බො වාසෙට්ඨො මාණුවො භගවත්තං ගාථාහි අජ්ඣහාසි –

599.

“අනුඤ්ඤාතපට්ඨඤ්ඤාතා, තෙවිජ්ජා මයමස්මුහො;
අහං පොක්ඛරසාතිස්ස, තාරුක්ඛස්සායං මාණුවො.

600.

“තෙවිජ්ජානං යදක්ඛාතං, තත්‍ර කෙවලිනොස්මසෙ;
පදකස්ම වෙය්‍යාකරණා, ජප්පෙ ආවරියසාදිසා.

601.

“තෙසං නො ජාතිවාදස්මිං, විවාදො අත්ථි ගොතම;
ජාතියා බ්‍රාහ්මණො හොති, භාරද්වාපො ඉති භාසති;
අහඤ්ච කම්මුතා [කම්මතා (සි. පි.) එවමුපරිපි] බුමි, එවං ජානාහි
චක්ඛුම.

602.

“තෙ න සක්කොම සඤ්ඤාපෙත්තුං, අඤ්ඤමඤ්ඤං මයං උහො;
භවත්තං [භගවත්තං (ක.)] පුට්ඨමාගමිහා, සම්බුද්ධං ඉති විස්සුතං.

603.

“චන්දං යථා ඛ්‍යාතීතං, පෙච්ච පඤ්ඡලිකා ජනා;
චන්දමානා නමස්සන්ති, එවං ලොකස්මි ගොතමං.

604.

“චක්ඛුං ලොකෙ සමුප්පන්නං, මයං පුච්ඡාම ගොතමං;
ජාතියා බ්‍රාහ්මණො හොති, උදාහු භවති කම්මනා;
අජානතං නො පබ්බහි, යථා ජානෙසු බ්‍රාහ්මණං”.

605.

“තෙසං වො අහං බ්‍යක්ඛිස්සං, (වාසෙට්ඨාති භගවා) අනුපුබ්බං
යථාතථං;
ජාතිවිභඩ්ඨං පාණානං, අඤ්ඤමඤ්ඤා හි ජාතියො.

606.

“තිණුරුක්ඛෙපි ජානාථ, න වාපි පටිජානරෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

607.

“තතො කීටෙ පටඬ්ඨගෙ ව, යාව කුන්ථකිපිල්ලිකෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

608.

“චතුප්පදෙපි ජානාථ, බුද්දකෙ ව මහල්ලකෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

609.

“පාදුදරෙපි ජානාථ, උරගෙ දීඝපිට්ඨිකෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

610.

“තතො මච්ඡෙපි ජානාථ, ඔදකෙ වාරිගොචරෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

611.

“තතො පක්ඛිපි ජානාථ, පත්තයානෙ විභඩ්ඨමෙ;
ලිඬ්ඨං ජාතිමයං තෙසං, අඤ්ඤමඤ්ඤා හි ජාතියො.

612.

“යථා එතාසු ජාතීසු, ලිඬ්ඨං ජාතිමයං පුට්ඨ;
එවං නත්ථි මනුස්සෙසු, ලිඬ්ඨං ජාතිමයං පුට්ඨ.

613.

“න කෙසෙහි න සීසෙන, න කණ්ණෙහි න අක්ඛිහි;
න මුඛෙන න නාසාය, න ඔට්ඨෙහි හමුහි වා.

614.

“න ගීවාය න අංසෙහි, න උදරෙන න පිට්ඨියා;
න සොණියා න උරසා, න සමබාධෙ න මෙටුනෙ [න සමබාධා න
මෙටුනා (සා. ක.)].

615.

“න හත්ථෙහි න පාදෙහි, නාඨගුලීහි නබෙහි වා;
න ජඨසාහි න උගුරුහි, න වණ්ණෙන සරෙන වා;
ලිඨගං ජාතිමයං නෙව, යථා අඤ්ඤාසු ජාතිසු.

616.

“පච්චත්තඤ්ච සරීරෙසු [පච්චත්තං සසරීරෙසු (සි. පි.)],
මනුස්සෙස්වෙනං න විජ්ජති;
වොකාරඤ්ච මනුස්සෙසු, සමඤ්ඤාය පවුච්චති.

617.

“යො හි කොචි මනුස්සෙසු, ගොරක්ඛං උපජීවති;
එවං වාසෙට්ඨ ජානාහි, කස්සකො සො න බ්‍රාහ්මණො.

618.

“යො හි කොචි මනුස්සෙසු, පුටුසිප්පෙන ජීවති;
එවං වාසෙට්ඨ ජානාහි, සිප්පිකො සො න බ්‍රාහ්මණො.

619.

“යො හි කොචි මනුස්සෙසු, වොහාරං උපජීවති;
එවං වාසෙට්ඨ ජානාහි, වාණිජො සො න බ්‍රාහ්මණො.

620.

“යො හි කොචි මනුස්සෙසු, පරපෙස්සෙන ජීවති;
එවං වාසෙට්ඨ ජානාහි, පෙස්සිකො [පෙස්සකො (ක.)] සො න
බ්‍රාහ්මණො.

621.

“යො හි කොචි මනුස්සෙසු, අදිත්තං උපජීවති;
එවං වාසෙට්ඨ ජානාහි, වොරො එසො න බ්‍රාහ්මණො.

622.

“යො හි කොචි මනුස්සෙසු, ඉස්සත්ථං උපජීවති;
එවං වාසෙට්ඨ ජානාහි, යොධාජීවො න බ්‍රාහ්මණො.

623.

“යො හි කොචි මනුස්සෙසු, පොරොහිච්චෙන ජීවති;
එවං වාසෙට්ඨ ජානාහි, යාජකො එසො න බ්‍රාහ්මණො.

624.

“යො හි කොචි මනුස්සෙසු, ගාමං රට්ඨඤ්ච භුඤ්ජති;
එවං වාසෙට්ඨ ජානාහි, රාජා එසො න බ්‍රාහ්මණො.

625.

“න වාහං බ්‍රාහ්මණං බුමි, යොනිජං මත්තිසම්භවං;
භොවාදි නාම සො භොති, සචෙ [ස චෙ (සි. සායා.)] භොති
සකිඤ්චනො;
අකිඤ්චනං අනාදානං, තමහං බුමි බ්‍රාහ්මණං.

626.

“සබ්බසංයොජනං ඡෙත්වා, සො චෙ න පරිතස්සති;
සඬගාතිගං විසංයුත්තං, තමහං බුමි බ්‍රාහ්මණං.

627.

“ඡෙත්වා නද්ධිං වරත්තඤ්ච, සන්දානං සහනුක්කමං;
උක්ඛිත්තපලිසං බුද්ධං, තමහං බුමි බ්‍රාහ්මණං.

628.

“අක්කොසං වධබන්ධඤ්ච, අදුට්ඨො යො තිතික්ඛති;
බන්තිබලං බලානීකං, තමහං බුමි බ්‍රාහ්මණං.

629.

“අක්කොධනං චතවන්තං, සීලවන්තං අනුස්සදං;
දන්තං අන්තිමසාරීරං, තමහං බුමි බ්‍රාහ්මණං.

630.

“චාරි පොක්ඛරපත්තෙව, ආරග්ගෙරිව සාසපො;
යො න ලිම්පති කාමෙසු, තමහං බුමි බ්‍රාහ්මණං.

631.

“යො දුක්ඛස්ස පජානාති, ඉධෙව ඛයමත්තනො;
පන්තභාරං විසංයුත්තං, තමහං බුමි බ්‍රාහ්මණං.

632.

“ගම්භීරපඤ්ඤං මෙධාවිං, මග්ගාමග්ගස්ස කොච්ඡදං;
උත්තමත්ථමනුජ්ජත්තං, තමහං බුමි බ්‍රාහ්මණං.

633.

“අසංසට්ඨං ගහට්ඨෙහි, අනාගාරෙහි චූහයං;
අනොකසාරිමජ්ජිවිජං, තමහං බුමි බ්‍රාහ්මණං.

634.

“නිධාය දණ්ඩං භූතෙසු, තසෙසු ථාවරෙසු ව;
යො න භන්ති න සාතෙති, තමහං බුම් බ්‍රාහ්මණං.

635.

“අවිරුද්ධං විරුද්ධෙසු, අත්තදණ්ඩෙසු නිබ්බූතං;
සාදානෙසු අනාදානං, තමහං බුම් බ්‍රාහ්මණං.

636.

“යස්ස රාගො ව දොසො ව, මානො මක්ඛො ව පාතිනො;
සාසපොරිව ආරග්ගා, තමහං බුම් බ්‍රාහ්මණං.

637.

“අකක්කසං විඤ්ඤාපනිං, ගිරං සච්චමුදිරයෙ;
යාය නාභිසජ්ජෙ කඤ්චි, තමහං බුම් බ්‍රාහ්මණං.

638.

“යොධ දීසං ව රස්සං වා, අණුං ථුලං සුභාසුභං;
ලොකෙ අදින්නං නාදියති, තමහං බුම් බ්‍රාහ්මණං.

639.

“ආසා යස්ස න විජ්ජන්ති, අස්මිං ලොකෙ පරමිහි ව;
නිරාසාසං [නිරාසයං (සි. සා. පී.), නිරාසකං (?)] විසංයුත්තං,
තමහං බුම් බ්‍රාහ්මණං.

640.

“යස්සාලයා න විජ්ජන්ති, අඤ්ඤාය අකථංකථී;
අමනොගධමනුජ්ජත්තං, තමහං බුම් බ්‍රාහ්මණං.

641.

“යොධ පුඤ්ඤඤච පාපඤ්ච, උභො සඨගමුපච්චගා;
අසොකං විරජං සුද්ධං, තමහං බුම් බ්‍රාහ්මණං.

642.

“චන්දංච විමලං සුද්ධං, විජ්ජසන්නමනාවිලං;
නන්දිභවපරික්ඛිණං, තමහං බුම් බ්‍රාහ්මණං.

643.

“යොමං පලිපථං දුග්ගං, සංසාරං මොහමච්චගා;
තිණ්ණො පාරඨගතො කුඩායී, අනෙජො අකථංකථී;
අනුපාදාය නිබ්බූතො, තමහං බුම් බ්‍රාහ්මණං.

644.

“යොධ කාමෙ පහන්ත්වාන, අනාගාරො පරිබ්බපේ;
කාමභවපරික්ඛිණං, තමහං බුමි බ්‍රාහ්මණං.

645.

“යොධ තණ්හං පහන්ත්වාන, අනාගාරො පරිබ්බපේ;
තණ්හාභවපරික්ඛිණං, තමහං බුමි බ්‍රාහ්මණං.

646.

“භිත්වා මානුසකං යොගං, දිබ්බං යොගං උපච්චගා;
සබ්බයොගච්ඡංයුත්තං, තමහං බුමි බ්‍රාහ්මණං.

647.

“භිත්වා රතිඤ්ච අරතිං, සිතිභූතං නිරූපධිං;
සබ්බලොකාභිභූං වීරං, තමහං බුමි බ්‍රාහ්මණං.

648.

“චුතිං යො වෙදි [යො'වෙති (?) ඉතිචුත්තකෙ 99
අට්ඨකථාසංවණනා පස්සිතබ්බා] ත්තානං, උපපත්තිඤ්ච සබ්බසො;
අසත්තං සුගතං බුද්ධං, තමහං බුමි බ්‍රාහ්මණං.

649.

“යස්ස ගතිං න ජානන්ති, දෙවා ගන්ධබ්බමානුසා;
බ්බිණාසවං අරහත්තං, තමහං බුමි බ්‍රාහ්මණං.

650.

“යස්ස පුරෙ ච පච්ඡා ච, මජ්ඣෙ ච නත්ථි කිඤ්චනං;
අකිඤ්චනං අනාදානං, තමහං බුමි බ්‍රාහ්මණං.

651.

“උසහං පවරං වීරං, මහෙසිං විජිතාවිනං;
අනෙජං න්හාතකං බුද්ධං, තමහං බුමි බ්‍රාහ්මණං.

652.

“පුබ්බෙතිවාසං යො වෙදි [යො'වෙති (?) ඉතිචුත්තකෙ 99
අට්ඨකථාසංවණනා පස්සිතබ්බා], සග්ගාපායඤ්ච පස්සති;
අථො ජාතික්ඛයං පත්තො, තමහං බුමි බ්‍රාහ්මණං.

653.

“සමඤ්ඤා හෙසා ලොකස්මිං, නාමගොත්තං පකප්පිතං;
සම්මුච්චා සමුදාගතං, තත්ථ තත්ථ පකප්පිතං.

654.

“දීඝරත්තමනුසයිතං, දිට්ඨිගතමජානනං;
අජානන්තා නො **[අජානන්තා තෙ (අට්ඨ.) ම. නි. 2.460]** පබ්බවන්ති,
ජාතියා හොති බ්‍රාහ්මණො.

655.

“න ජච්චා බ්‍රාහ්මණො හොති, න ජච්චා හොති අබ්‍රාහ්මණො;
කම්මුනා බ්‍රාහ්මණො හොති, කම්මුනා හොති අබ්‍රාහ්මණො.

656.

“කස්සකො කම්මුනා හොති, සිප්පිකො හොති කම්මුනා;
වාණිජො කම්මුනා හොති, පෙස්සිකො හොති කම්මුනා.

657.

“වොරොපි කම්මුනා හොති, යොධාජීවොපි කම්මුනා;
යාජකො කම්මුනා හොති, රාජාපි හොති කම්මුනා.

658.

“ඵවමෙනං යථාභූතං, කම්මං පස්සන්ති පණ්ඩිතා;
පටිච්චසමුප්පාදදස්සා, කම්මවිපාකකොවිදා.

659.

“කම්මුනා චත්තති ලොකො, කම්මුනා චත්තති පජා;
කම්මනිබන්ධනා සත්තා, රථස්සාණිව යායතො.

660.

“තපෙන බ්‍රහ්මචරියෙන, සංයමෙන දමෙන ච;
ඵතෙන බ්‍රාහ්මණො හොති, ඵතං බ්‍රාහ්මණමුත්තමං.

661.

“තීහි විජ්ජාහි සම්පන්නො, සන්නො බිණුපුනඛභවො;
ඵවං වාසෙට්ඨ ජානාහි, බ්‍රහ්මා සක්කො විජානත’’න්ති.

ඵවං වුත්තෙ, වාසෙට්ඨභාරද්වාජා මාණවා භගවන්තං ඵතදවොචුං –
“අහික්කන්තං, හො ගොතම...පෙ.... උපාසකෙ නො භවං ගොතමො
ධාරෙතු අජ්ජතග්ගෙ පාණුපෙතෙ **[පාණුපෙතං (ක.)]** සරණං ගතෙ’’ති.

වාසෙට්ඨසුත්තං නවමං නිට්ඨිතං.

10. කොකාලිකසුත්තං

ඵවං මෙ සුතං – ඵකං සමයං භගවා සාවත්ථියං විහරති ජෙනවනෙ
අනාථපිණ්ඩිකස්ස ආරාමෙ. අථ ඛො කොකාලිකො හික්ඛු යෙන භගවා
තෙනුපසඬිකම්; උපසඬිකම්ත්වා භගවන්තං අභිවාදෙත්වා ඵකමන්තං නිසීදි.

එකමන්තං නිසින්තො බො කොකාලිකො භික්ඛු භගවන්තං එතදවොච – “පාපිච්ඡා, හන්තෙ, සාරිපුත්තමොග්ගල්ලානා, පාපිකානං ඉච්ඡානං වසංගතා”ති.

එවං චුත්තෙ, භගවා කොකාලිකං භික්ඛු එතදවොච – “මා හෙවං, කොකාලික, මා හෙවං, කොකාලික! පසාදෙහි, කොකාලික, සාරිපුත්තමොග්ගල්ලානෙසු චිත්තං. පෙසලා සාරිපුත්තමොග්ගල්ලානා”ති.

දුතියමිපි බො...පෙ.... තතියමිපි බො කොකාලිකො භික්ඛු භගවන්තං එතදවොච – “කිඤ්චාපි මෙ, හන්තෙ, භගවා සද්ධායිකො පච්චයිකො, අථ බො පාපිච්ඡාව සාරිපුත්තමොග්ගල්ලානා, පාපිකානං ඉච්ඡානං වසංගතා”ති. තතියමිපි බො භගවා කොකාලිකං භික්ඛු එතදවොච – “මා හෙවං, කොකාලික, මා හෙවං, කොකාලික! පසාදෙහි, කොකාලික, සාරිපුත්තමොග්ගල්ලානෙසු චිත්තං. පෙසලා සාරිපුත්තමොග්ගල්ලානා”ති.

අථ බො කොකාලිකො භික්ඛු උට්ඨායාසනා භගවන්තං අභිවාදෙන්වා පදක්ඛිණං කත්වා පක්කාමි. අවිරජ්ජක්කන්තස්ස ච කොකාලිකස්ස භික්ඛුනො සාසපමත්තීහි පිළිකාහි සබ්බො කායො චුට්වා [\[චුට්ඨො \(සායා.\)\]](#) අහොසි; සාසපමත්තියො හුත්වා මුග්ගමත්තියො අහෙසුං; මුග්ගමත්තියො හුත්වා කළායමත්තියො අහෙසුං; කළායමත්තියො හුත්වා කොලට්ඨිමත්තියො අහෙසුං; කොලට්ඨිමත්තියො හුත්වා කොලමත්තියො අහෙසුං; කොලමත්තියො හුත්වා ආමලකමත්තියො අහෙසුං; ආමලකමත්තියො හුත්වා බෙළුවසලාට්ඨකමත්තියො අහෙසුං; බෙළුවසලාට්ඨකමත්තියො හුත්වා බිල්ලමත්තියො අහෙසුං; බිල්ලමත්තියො හුත්වා පහිජ්ජිංසු; පුබ්බඤ්ච ලොහිතඤ්ච පග්ගරිංසු. අථ බො කොකාලිකො භික්ඛු තෙනෙවාබාධෙන කාලඤ්ඤාසි. කාලඤ්ඤානො ච කොකාලිකො භික්ඛු පදුමං නිරයං උපපජ්ජි සාරිපුත්තමොග්ගල්ලානෙසු චිත්තං ආසාතෙන්වා.

අථ බො බ්‍රහ්මා සහම්පති අභික්කන්තාය රත්තියා අභික්කන්තවණ්ණො කෙවලකජ්ජං ජෙනවනං ඔභාසෙන්වා යෙන භගවා තෙනුපසඤ්ඤාමි; උපසඤ්ඤාමිත්වා භගවන්තං අභිවාදෙන්වා එකමන්තං අට්ඨාසි. එකමන්තං, යිතො බො බ්‍රහ්මා සහම්පති භගවන්තං එතදවොච – “කොකාලිකො, හන්තෙ, භික්ඛු කාලඤ්ඤානො; කාලඤ්ඤානො ච, හන්තෙ, කොකාලිකො භික්ඛු පදුමං නිරයං උපපන්නො සාරිපුත්තමොග්ගල්ලානෙසු චිත්තං ආසාතෙන්වා”ති. ඉදමවොච බ්‍රහ්මා සහම්පති; ඉදං වත්වා භගවන්තං අභිවාදෙන්වා පදක්ඛිණං කත්වා තත්ථෙවන්තරධාසි.

අථ බො භගවා තස්සා රත්තියා අච්චයෙන භික්ඛු ආමන්තෙසි – “ඉමං, භික්ඛවෙ, රත්තිං බ්‍රහ්මා සහම්පති අභික්කන්තාය රත්තියා...පෙ.... ඉදමවොච, භික්ඛවෙ, බ්‍රහ්මා සහම්පති, ඉදං වත්වා මං පදක්ඛිණං කත්වා තත්ථෙවන්තරධාසි”ති.

එවං වුත්තෙ, අඤ්ඤතරො භික්ඛු භගවන්තං එතදවොච – “කීවදීසං නු බො, හන්තෙ, පදුමෙ නිරයෙ ආයුජ්ජමාණං”න්ති? “දීසං බො, භික්ඛු, පදුමෙ නිරයෙ ආයුජ්ජමාණං; තං න සුකරං සඬ්ඛාතුං එත්තකානි වස්සානි ඉති වා එත්තකානි වස්සසතානි ඉති වා එත්තකානි වස්සසහස්සානි ඉති වා එත්තකානි වස්සසතසහස්සානි ඉති වා”ති. “සක්කා පන, හන්තෙ, උපමා [උපමං (සී. සා. ක.)] කාතු”න්ති? “සක්කා, භික්ඛු”ති භගවා අවොච –

“සෙය්‍යථාපි, භික්ඛු, වීසතිබාරිකො කොසලකො තිලවාහො; තතො පුරිසො වස්සසතස්ස වස්සසතස්ස අවිචයෙන එකමෙකං තිලං උද්ධරෙය්‍ය. බිජ්ජතරං බො සො භික්ඛු වීසතිබාරිකො කොසලකො තිලවාහො ඉමිනා උපක්කමෙන පරික්ඛයං පරියාදානං ගච්ඡෙය්‍ය, නත්තෙව එකො අබ්බුදො නිරයො. සෙය්‍යථාපි, භික්ඛු, වීසති අබ්බුදා නිරයා එවමෙකො නිරබ්බුදො නිරයො. සෙය්‍යථාපි, භික්ඛු, වීසති නිරබ්බුදා නිරයා එවමෙකො අබ්බො නිරයො. සෙය්‍යථාපි, භික්ඛු, වීසති අබ්බා නිරයා එවමෙකො අභහො නිරයො. සෙය්‍යථාපි, භික්ඛු, වීසති අභහා නිරයා එවමෙකො අට්ටො නිරයො. සෙය්‍යථාපි, භික්ඛු, වීසති අට්ටා නිරයා එවමෙකො කුමුදො නිරයො. සෙය්‍යථාපි, භික්ඛු, වීසති කුමුදා නිරයා එවමෙකො සොගන්ධිකො නිරයො. සෙය්‍යථාපි, භික්ඛු, වීසති සොගන්ධිකා නිරයා එවමෙකො උජ්ජලකො නිරයො. සෙය්‍යථාපි, භික්ඛු, වීසති උජ්ජලකා නිරයා එවමෙකො පුණ්ඩරිකො නිරයො. සෙය්‍යථාපි, භික්ඛු, වීසති පුණ්ඩරිකා නිරයා එවමෙකො පදුමො නිරයො. පදුමං බො පන භික්ඛු නිරයං කොකාලිකො භික්ඛු උපපන්නො සාරිපුත්තමොග්ගල්ලානෙසු විත්තං ආසාතෙත්වා”ති. ඉදමවොච භගවා, ඉදං වත්වාන සුගතො අථාපරං එතදවොච සත්ථා –

662.

“පුරිසස්ස හි ජාතස්ස, කුයාරී [කුධාරී (ක.)] ජායතෙ මුඛෙ;
යාය ඡින්දති අත්තානං, බාලො දුබ්භාසිතං භණං.

663.

“යො නින්දියං පසංසති, තං වා නින්දති යො පසංසියො;
විචිනාති මුඛෙන සො කලිං, කලිනා තෙන සුඛං න වින්දති.

664.

“අජ්ජමත්තො අයං කලි, යො අක්ඛෙසු ධනපරාජයො;
සබ්බස්සාපි සභාපි අත්තනා, අයමෙව මහත්තරො [මහත්තකරො (සී.)] කලි;
යො සුගතෙසු මනං පදොසයෙ.

665.

“සතං සහස්සානං නිරබ්බුදානං, ඡත්තිංසති පඤ්ච ව අබ්බුදානි
[අබ්බුදානං (ක.)];

යමරියගරහී නිරයං උපෙනි, වාවං මනඤ්ච පණ්ඩාය පාපකං.

666.

“අභුතවාදී නිරයං උපෙනි, යො වාපි කත්වා න කරොමිවාහ;
උභොපි තෙ පෙච්ච සමා භවන්ති, නිහීනකම්මා මනුජා පරත්ථ.

667.

“යො අප්පදුට්ඨස්ස නරස්ස දුස්සති, සුද්ධස්ස පොසස්ස
අනඬිගණස්ස;
තමෙව ඛාලං පච්චෙති පාපං, සුබ්බමො රජො පටිවාතංව ඛිත්තො.

668.

“යො ලොභගුණෙ අනුයුත්තො, සො වචසා පරිභාසති අඤ්ඤෙ;
අසද්ධො කදරියො අවදඤ්ඤ, මච්ඡරි පෙසුණියං [පෙසුණියස්මිං
(බහුසු)] අනුයුත්තො.

669.

“මුඛදුග්ග විභූත අනරිය, භූතභු [භූතභත (සා. ක.)] පාපක
දුක්කටකාරි;
පුරිසන්ත කලී අවජාත, මා බහුභාණිධ නෙරයිකොසි.

670.

“රජමාකිරසි අහිතාය, සන්තෙ ගරහසි කිබ්බිසකාරි;
බහුති දුච්චරිතාති වරිත්වා, ගච්ඡසි ඛො පපතං චිරරත්තං.

671.

“න හි නස්සති කස්සචි කම්මං, එති හතං ලහතෙව සුචාමි;
දුක්ඛං මන්දො පරලොකෙ, අත්තනි පස්සති කිබ්බිසකාරි.

672.

“අයොසඬිකුසමාහතට්ඨානං, තිණ්හධාරමයසුලමුපෙනි;
අථ තත්තඅයොගුලසන්නිහං, භොජනමත්ථි තථා පතිරූපං.

673.

“න හි වග්ගු වදන්ති වදන්තා, නාහිජවන්ති න තාණමුපෙන්නි;
අඬිගාරෙ සන්ථතෙ සයන්ති [සෙන්නි (සි. සා. පි.)],
ගිනිසම්පජ්ජලිතං පච්ඡන්ති.

674.

“ජාලෙන ව ඔනහියාන, තත්ථ හනන්ති අයොමයකුටෙහි
[අයොමයකුටෙහි (සි. සා. පි.)];
අන්ධංව තිමිසමායන්ති, තං විතතඤ්ඤි යථා මහිකායො.

675.

“අථ ලොහමයං පන කුම්භිං, ගිනිසම්පජ්ජලිතං පවිසන්ති;
පච්චන්ති හි තාසු චිරරත්තං, අග්ගිනිසමාසු [ගිනිස්සමාසු (ක.)]
සමුප්පිලවාතෙ.

676.

“අථ පුබ්බලොහිතමිස්සෙ, තත්ථ කිං පච්චති කිබ්බිසකාරී;
යං යං දිසකං [දිසතං (සි. ස්‍යා. පි.)] අධිසෙති, තත්ථ කිලිස්සති
සම්ඵුසමානො.

677.

“පුළුවාවසංථෙ සලිලස්මිං, තත්ථ කිං පච්චති කිබ්බිසකාරී;
ගන්තුං න හි තීරමපත්ථී, සබ්බසමා හි සමන්තකපල්ලා.

678.

“අසිපත්තවනං පන තිණ්හං, තං පවිසන්ති සමුච්ඡිදගත්තා;
ජීවහං බලිසෙන ගහෙත්වා, ආරජයාරජයා විහන්ති.

679.

“අථ චෛතරණිං පන දුග්ගං, තිණ්හධාරබුරධාරමුපෙත්ති;
තත්ථ මන්දා පපත්ති, පාපකරා පාපානි කරිත්වා.

680.

“බාදන්ති හි තත්ථ රුදන්තෙ, සාමා සබ්බා කාකොලගණා ව;
සොණා සිඬගාලා [සිගාලා (සි. පි.)] පටිගිද්ධා [පටිගිජ්ඣා (ස්‍යා. පි.)],
කුලලා වායසා ව [කුලලා ව වායසා (?)] විතුදන්ති.

681.

“කිච්ඡා වතයං ඉධ වුත්ති, යං ජනො ඵුසති [පස්සති (සි. ස්‍යා. පි.)]
කිබ්බිසකාරී;
තස්මා ඉධ ජීවිතසෙසෙ, කිච්චකරො සියා නරො න චජ්ජමජ්ජෙ.

682.

“තෙ ගණිතා විදුහි තිලවාහා, යෙ පදුමෙ නිරයෙ උපනිතා;
නහුතානි හි කොට්ඨො පඤ්ච භවන්ති, ද්වාදස කොට්ඨතානි
පුනඤ්ඤා [පනග්ගො (ක.)].

683.

“යාව දුබ්බා [දුක්ඛා (සි. ස්‍යා.), දුක්ඛ (පි. ක.)] නිරයා ඉධ වුත්තා,
තත්ථපි තාව චිරං චසිතබ්බං;
තස්මා සුවිපෙසලසාධුගුණෙසු, වාවං මනං සත්තං [පකතං (ස්‍යා.)]
පරිරක්ඛෙ”ති.

කොකාලිකසුත්තං දසමං නිට්ඨිතං.

11. නාලකසුත්තං

684.

ආනන්දජාතෙ තිදසගණෙ පතීතෙ, සක්කඤ්ච ඉන්දං සුවිවසනෙ ච දෙවෙ;

දුස්සං ගහෙත්වා අතිරිච ටොමයන්තෙ, අසිතො ඉසි අද්දස දිවාචිහාරෙ.

685.

දිස්වාන දෙවෙ මුදිතමනෙ උදග්ගෙ, චිත්තිං කරිත්වාන ඉදමචොච [කරිත්වා ඉදමචොචාසි (සි.)] තත්ථ;

“කිං දෙවසඬ්ඨො අතිරිච කල්‍යාණපො, දුස්සං ගහෙත්වා රමයථ [හමයථ (සි.)] කිං පටිච්ච.

686.

“යදාපි ආසි අසුරෙහි සඬ්ගමො, ජයො සුරානං අසුරා පරාජිතා.

තදාපි නෙතාදිසො ලොමහංසනො, කිම්බිභූතං දට්ඨු මරු පමොදිතා.

687.

“සෙළෙන්ති ගායන්ති ච වාදයන්ති ච, භුජානි ථොටෙන්ති [පොඨෙන්ති (සි. පි.), පොටෙන්ති (ක.)] ච නච්චයන්ති ච;

පුච්ඡාමි වොහං මෙරුමුද්ධවාසිනෙ, ධුනාථ මෙ සංසයං ඛිජ්ජ මාරිසා”.

688.

“සො බොධිසත්තො රතනවරො අතුල්‍යො, මනුස්සලොකෙ හිතසුඛත්ථාය [හිතසුඛතාය (සි. සා. පි.)] ජාතො;

සක්‍යාන ගාමෙ ජනපදෙ ලුම්බිනෙයො, තෙනමිහ තුට්ඨා අතිරිච කල්‍යාණපා.

689.

“සො සබ්බසත්තූත්තමො අග්ගපුග්ගලො, නරාසහො සබ්බපජානමුත්තමො;

චත්තෙස්සති චක්කමිසිච්ඡයෙ චනෙ, නදංච සීහො බලවා මිගාහිභූ”.

690.

තං සද්දං සුත්වා තුරිතමචසරී සො, සුද්ධොදනස්ස තද හවනං උපාචිසි [උපාගමි (සි. පි.)];

නිසජ්ජ තත්ථ ඉදමචොචාසි සකො, “කුහිං කුමාරො අහමපි දට්ඨුකාමො”.

691.

තනො කුමාරං ජලිතමිව සුවණ්ණං, උක්කාමුබ්බෙව
සුකුසලසම්පහට්ඨං [සුකුසලෙන සම්පහට්ඨං (ක.)];
දද්දල්ලමානං [දද්දල්ලමානං (ක.)] සිරියා අනොමවණ්ණං, දස්සෙසු
පුත්තං අසිතච්ඡයස්ස සකායා.

692.

දිස්වා කුමාරං සිඛිමිව පජ්ජලන්තං, තාරාසහංව නහසිගමං විසුද්ධං;
සුරියං තපන්තං සරදරිවඛිහමුත්තං, ආනන්දජාතො විපුලමලත්ථ
පිතිං.

693.

අනෙකසාබ්ඤ්ඤාව සහස්සමණ්ඩලං, ඡත්තං මරු ධාරයුමන්තලික්ඛෙ;
සුවණ්ණදණ්ඩා චිතිපතන්ති වාමරා, න දිස්සරෙ වාමරඡත්තගාහකා.

694.

දිස්වා ජට්ඨි කණ්ඨසිරිච්ඡයො ඉසි, සුවණ්ණනික්ඛං විය
පණ්ඩුකම්බලෙ;
සෙතඤ්ඤා ඡත්තං ධරියන්ත [ධාරියන්ත (සායා.), ධාරයන්තං (සි. ක.)]
මුද්ධනි, උදග්ගචිත්තො සුමනො පටිග්ගහෙ.

695.

පටිග්ගහෙත්වා පන සකායපුඨගවං, ජිහීසතො [ජිහීසකො (සි. සායා.
පී.)] ලක්ඛණමන්තපාරගු;
පසන්නචිත්තො ගිරමඛිභුදිරසි, “අනුත්තරායං ද්විපදානමුත්තමො”
[දිපදානමුත්තමො (සි. සායා. පී.)].

696.

අථත්තනො ගමනමනුස්සරන්තො, අකලාරූපො ගළයති
අස්සකානි;
දිස්වාන සකායා ඉසිමවොචුං රුදන්තං,
“නො වෙ කුමාරෙ හවිස්සති අන්තරායො”.

697.

දිස්වාන සකායා ඉසිමවොච අකලො, “නාහං කුමාරෙ
අභිතමනුස්සරාමි;
න වාපිමස්ස හවිස්සති අන්තරායො, න ඔරකායං අධිමානසා
[අධිමානසා (සි. සායා.)] හවාථ.

698.

“සම්බොධියග්ගං චුසිස්සනායං කුමාරො, සො ධම්මවක්කං
පරමවිසුද්ධදස්සි;

වත්තෙස්සතායං බහුජනහිතානුකම්පි, විත්ථාරිකස්ස භවිස්සති බුභ්මවරියං.

699.

“මමඤ්ච ආයු න විරම්ඛාවසෙසො, අථන්තරා මෙ භවිස්සති කාලකිරියා;
සොභං න සොස්සං [සුස්සං (සි. සා.)] අසමධුරස්ස ධම්මං,
තෙනම්හි අට්ටො බ්‍යසනංගතො අසාවි”.

700.

සො සාකියානං විපුලං ජනෙත්වා පිතිං, අන්තෙපුරම්භා නිග්ගමා
[නිරගමා (සි. සා.), නිගමා (ක. සි.), නිරගම (පි.)] බුභ්මවාරි;
සො භාගිනෙය්‍යං සයං අනුකම්පමානො, සමාදපෙසි අසමධුරස්ස ධම්මෙ.

701.

“බුද්ධොති සොසං යද [යදි (සා. ක.)] පරතො සුඤ්ඤාසී,
සම්බොධිපත්තො විවරති ධම්මමග්ගං;
ගන්ත්වාන තත්ථ සමයං පරිපුච්ඡමානො [සයං පරිපුච්ඡියානො (සි. සා.)],
වරස්සු තස්මිං භගවති බුභ්මවරියං”.

702.

තෙනානුසිට්ඨො භික්කුනො තාදිනා, අනාගතෙ
පරමවිසුද්ධදස්සිනා;
සො නාලකො උපචිතපුඤ්ඤසඤ්චයො, ජිනං පතික්ඛං [පති +
ඉක්ඛං = පතික්ඛං] පරිවසි රක්ඛිතින්ද්‍රියො.

703.

සුත්වාන සොසං ජිනවරවක්කවත්තනෙ, ගන්ත්වාන දිස්වා
ඉසිනිසභං පසන්තො;
මොනෙය්‍යසෙට්ඨං මුනිපවරං අපුච්ඡි, සමාගතෙ අසිතාවහයස්ස
සාසනෙති.

වත්ථුගාථා නිට්ඨිතා.

704.

“අඤ්ඤාතමෙතං වචනං, අසිතස්ස යථාතථං;
තං තං ගොතම පුච්ඡාමි, සබ්බධම්මාන පාරගුං.

705.

“අනගාරියුපෙතස්ස, භික්ඛාවරියං ජිහීසතො;
මුනි පබ්බහි මෙ පුට්ඨො, මොනෙය්‍යං උත්තමං පදං”.

706.

“මොනෙය්‍යං තෙ උපඤ්ඤිස්සං, (ඉති භගවා) දුක්කරං දුරහිසම්භවං;
භන්ද තෙ නං පවක්ඛාමි, සන්ථම්භස්ස දළ්භො භව.

707.

“සමානභාගං කුබ්බෙථ, ගාමෙ අක්කුට්ඨවන්දිතං;
මනොපදොසං රක්ඛෙය්‍ය, සන්තො අනුණ්ණතො චරෙ.

708.

“උච්චාවචා නිච්ඡරන්ති, දායෙ අග්ගිසිඬුපමා;
නාරියො මුනිං පලොභෙන්ති, තාසු තං මා පලොභය්‍යං.

709.

“විරතො මෙචුනා ධම්මා, හිත්වා කාමෙ පරොපරෙ [පරොචරෙ (සි.
පී.), චරොචරෙ (සා.)];
අවිරුද්ධො අසාරත්තො, පාණෙසු තසථාවරෙ.

710.

“යථා අහං තථා ඵතෙ, යථා ඵතෙ තථා අහං;
අත්තානං උපමං කත්වා, න භනෙය්‍ය න සාතයෙ.

711.

“හිත්වා ඉච්ඡඤ්ච ලොභඤ්ච, යත්ථ සත්තො පුට්ඨජ්ජනො;
චක්ඛුමා පටිපජ්ජෙය්‍ය, තරෙය්‍ය නරකං ඉමං.

712.

“ඌනුදරො මිතාභාරො, අප්පිච්ඡස්ස අලොලුපො;
සදා [ස චෙ (පී.)] ඉච්ඡාය නිච්ඡාතො, අනිච්ඡො භොති නිබ්බුතො.

713.

“ස පිණ්ඩවාරං වරිත්වා, වනන්තමභිභාරයෙ;
උපට්ඨිතො රුක්ඛමූලස්මිං, ආසනුපගතො මුනි.

714.

“ස කුමානපසුතො ධීරො, වනන්තෙ රමිතො සියා;
කුමායෙථ රුක්ඛමූලස්මිං, අත්තානමභිතොසයං.

715.

“තතො රත්තා විවසානෙ [විවසනෙ (සි. සා. පී.)],
ගාමන්තමභිභාරයෙ;
අවිභානං නාහිනන්දෙය්‍ය, අභිභාරඤ්ච ගාමතො.

716.

“න මුනී ගාමමාගම්ම, කුලෙසු සහසා චරෙ;
සාසෙසනං ඡින්නකථො, න වාවං පයුතං භණෙ.

717.

“අලත්ථං යදිදං සාධු, නාලත්ථං කුසලං ඉති;
උභයෙනෙව සො තාදී, රුක්ඛංවුපනිවත්තති [රුක්ඛංවු’පනිවත්තති (ක.), රුක්ඛංව උපනිවත්තති (සා.)].

718.

“ස පත්තපාණි විවරන්තො, අමුගො මුගසම්මතො;
අප්පං දානං න භීළෙය්‍ය, දාතාරං නාවජානියා.

719.

“උච්චාවචා භි පටිපදා, සමණෙන පකාසිතා;
න පාරං දිගුණං යන්ති, නයිදං එකගුණං මුතං.

720.

“යස්ස ච විසතා නත්ථී, ඡින්නසොතස්ස භික්ඛුනො;
කිච්චාකිච්චප්පභීතස්ස, පරිලාභො න විජ්ජති.

721.

“මොනෙය්‍යං තෙ උපඤ්ඤිස්සං, බුරධාරුපමො භවෙ;
ජිව්හාය තාලුමාභච්ච, උදරෙ සඤ්ඤතො සියා.

722.

“අලීනචිත්තො ච සියා, න වාපි බහු චිත්තයෙ;
නිරාමගන්ධො අසිතො, බ්‍රහ්මවරියපරායණො.

723.

“එකාසනස්ස සික්ඛෙථ, සමණුපාසනස්ස ච;
එකත්තං මොනමක්ඛාතං, එකො වෙ අභිරමිස්සසි;
අථ භාහිසි [භාසිහි (සි. සා. පි.)] දසදිසා.

724.

“සුත්වා ධීරානං නිග්ගෙසං, කුමාරිකං කාමවාගිනං;
තතො හිරිඤ්ච සද්ධඤ්ච, හියොයා කුබ්බෙථ මාමකො.

725.

“තං නදීහි විජානාථ, සොබ්බෙසු පදරෙසු ච;
සණන්තා යන්ති කුසොබ්හා [කුස්සුබ්හා (සි.)], තුණ්හියන්ති
මහොදධි.

726.

“යද්දනකං තං සණ්ඨි, යං පුරං සන්තමෙව තං;
අධිසිකුම්භපමො බාලො, රහදො පුරොව පණ්ඨිතො.

727.

“යං සමණො බහුං භාසති, උපෙනං අත්ථසඤ්ඡිතං;
ජානං සො ධම්මං දෙසෙති, ජානං සො බහු භාසති.

728.

“යො ව ජානං සංයතත්තො, ජානං න බහු භාසති;
ස මුනී මොනමරහති, ස මුනී මොනමජ්ඣගා”ති.

නාලකසුත්තං එකාදසමං නිට්ඨිතං.

12. ද්වයනානුපස්සනාසුත්තං

එවං මෙ සුතං — එකං සමයං භගවා සාවත්ථියං විහරති පුබ්බාරාමෙ මිගාරමාතුපාසාදෙ. තෙන ඛො පන සමයෙන භගවා තදහුපොසපේ පන්තරසෙ පුණ්ණාය පුණ්ණමාය රත්තියා භික්ඛුසඬ්ඨපරිවුතො අබ්භොකාසෙ නිසිත්තො භොති. අථ ඛො භගවා තුණ්හිභූතං තුණ්හිභූතං භික්ඛුසඬ්ඨං අනුවිලොකෙත්වා භික්ඛු ආමන්තෙසි —

““යෙ තෙ, භික්ඛවෙ, කුසලා ධම්මා අරියා නිය්‍යානිකා සම්බොධගාමිනො, තෙසං වො, භික්ඛවෙ, කුසලානං ධම්මානං අරියානං නිය්‍යානිකානං සම්බොධගාමිනං කා උපනිසා සවනායා”ති ඉති වෙ, භික්ඛවෙ, පුච්ඡිතාරො අස්සු, තෙ එවමස්සු වචනියා — ‘යාවදෙව ද්වයනානං ධම්මානං යථාභූතං ඤාණායා’ති. කිඤ්ච ද්වයනං වදෙථ?

(1) “ඉදං දුක්ඛං, අයං දුක්ඛසමුදයොති අයමෙකානුපස්සනා. අයං දුක්ඛනිරොධො, අයං දුක්ඛනිරොධගාමිනී පටිපදාති, අයං දුතියානුපස්සනා. එවං සම්මා ද්වයනානුපස්සිතො ඛො, භික්ඛවෙ, භික්ඛුතො අප්පමත්තස්ස ආතාපිතො පහිත්තස්ස විහරතො ද්විත්තං ඵලානං අඤ්ඤතරං ඵලං පාටිකඬ්ඨං — දිට්ඨෙව ධම්මෙ අඤ්ඤා, සති වා උපාදිසෙසෙ අනාගාමිනා”ති.

ඉදමවොව භගවා. ඉදං වත්ථාන සුගතො අථාපරං එතදවොව සත්ථා —

729.

“යෙ දුක්ඛං නප්පජානන්ති, අථො දුක්ඛස්ස සම්භවං;
යත්ථ ව සබ්බසො දුක්ඛං, අසෙසං උපරුජ්ඣති;
තඤ්ච මග්ගං න ජානන්ති, දුක්ඛපසමගාමිනං.

730.

“වෙතොවිමුත්තිහීනා තෙ, අථො පඤ්ඤාවිමුත්තියා;
අභබ්බා තෙ අන්තකිරියාය, තෙ වෙ ජාතිපරුපගා.

731.

“යෙ ව දුක්ඛං පජානන්ති, අපො දුක්ඛස්ස සම්භවං;
යත්ථ ව සබ්බසො දුක්ඛං, අසෙසං උපරුජ්ඣති;
තඤ්ච මග්ගං පජානන්ති, දුක්ඛුපසමගාමිනං.

732.

“වෙනොවිමුත්තිසම්පන්නා, අපො පඤ්ඤාවිමුත්තියා;
භබ්බා තෙ අන්තකිරියාය, න තෙ ජාතිජරූපගා”ති.

(2) “‘සියා අඤ්ඤෙතපි පරියායෙන සම්මා ද්වයනානුපස්සනා’ති, ඉති වෙ, භික්ඛවෙ, පුච්ඡිතාරො අස්සු; ‘සියා’තිස්සු වචනියා. කථඤ්ච සියා? යං කිඤ්චි දුක්ඛං සම්භොති සබ්බං උපධිපච්චයාති, අයමෙකානුපස්සනා. උපධිනං ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

733.

“උපධිනිදානා පභවන්ති දුක්ඛා, යෙ කෙවි ලොකස්මිමනෙකරූපා;
යො වෙ අවිද්ථා උපධිං කරොති, පුනස්පුනං දුක්ඛමුපෙති මන්ථො;
තස්මා පජානං උපධිං න කයිරා, දුක්ඛස්ස ජාතිජපභවානුපස්සි”ති.

(3) “‘සියා අඤ්ඤෙතපි පරියායෙන සම්මා ද්වයනානුපස්සනා’ති, ඉති වෙ, භික්ඛවෙ, පුච්ඡිතාරො අස්සු; ‘සියා’තිස්සු වචනියා. කථඤ්ච සියා? යං කිඤ්චි දුක්ඛං සම්භොති සබ්බං අවිජ්ජාපච්චයාති, අයමෙකානුපස්සනා. අවිජ්ජාය ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

734.

“ජාතිමරණසංසාරං, යෙ වජන්ති පුනස්පුනං;
ඉත්ථභාවඤ්ඤථාභාවං, අවිජ්ජායෙව සා ගති.

735.

“අවිජ්ජා භායං මහාමොහො, යෙනිදං සංසිතං වීරං;
විජ්ජාගතා ව යෙ සත්තා, න තෙ ගච්ඡන්ති [නාගච්ඡන්ති (සි. පි.)]
පුනඛිභව”න්ති.

(4) “‘සියා අඤ්ඤෙතපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං සඬ්ඛාරපච්චයාති, අයමෙකානුපස්සනා. සඬ්ඛාරානං ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

736.

“යං කිඤ්චි දුක්ඛං සම්භොති, සබ්බං සඬ්ඛාරපච්චයා;

සඬ්ඛාරානං නිරොධෙන, නත්ථි දුක්ඛස්ස සම්භවො.

737.

“එතමාදීනවං ඤත්වා, දුක්ඛං සඬ්ඛාරපච්චයා;
සබ්බසඬ්ඛාරසමථා, සඤ්ඤානං උපරොධනා;
එවං දුක්ඛක්ඛයො භොති, එතං ඤත්වා යථාතථං.

738.

“සම්මද්දසා වෙදගුණො, සම්මදඤ්ඤාය පණ්ඩිතා;
අභිභුය්‍ය මාරසංයොගං, න ගච්ඡන්ති **[නාගච්ඡන්ති (සි. පි.)]**
පුනඛ්භව”න්ති.

(5) “සියා අඤ්ඤෙනපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං විඤ්ඤාණපච්චයාති, අයමෙකානුපස්සනා. විඤ්ඤාණස්ස ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා —

739.

“යං කිඤ්චි දුක්ඛං සම්භොති, සබ්බං විඤ්ඤාණපච්චයා;
විඤ්ඤාණස්ස නිරොධෙන, නත්ථි දුක්ඛස්ස සම්භවො.

740.

“එතමාදීනවං ඤත්වා, දුක්ඛං විඤ්ඤාණපච්චයා;
විඤ්ඤාණුපසමා භික්ඛු, නිව්ඡාතො පරිනිබ්බුතො”ති.

(6) “සියා අඤ්ඤෙනපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං එස්සපච්චයාති, අයමෙකානුපස්සනා. එස්සස්ස ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා —

741.

“තෙසං එස්සපරෙතානං, භවසොතානුසාරිනං;
කුම්මග්ගපට්ඨන්තානං, ආරා සංයොජනක්ඛයො.

742.

“යෙ ච එස්සං පරිඤ්ඤාය, අඤ්ඤායුපසමෙ **[පඤ්ඤාය උපසමෙ (සාය.)]** රතා;
තෙ වෙ එස්සාභිසමයා, නිව්ඡාතා පරිනිබ්බුතා”ති.

(7) “සියා අඤ්ඤෙනපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං වෙදනාපච්චයාති, අයමෙකානුපස්සනා. වෙදනානං ත්වෙව

අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

743.

“සුඛං වා යදි වා දුක්ඛං, අදුක්ඛමසුඛං සහ;
අජ්ඣත්තඤ්ච බහිද්ධා ච, යං කිඤ්චි අත්ථි වෙදිතං.

744.

“එතං දුක්ඛන්ති ඤාත්වාන, මොසධම්මං පලොකිතං [පලොකිතං (සි.)];
චුස්ස චුස්ස වයං පස්සං, එවං තත්ථ විජානති [විරජ්ජති (ක. සි.)];
වෙදනානං ඛයා භික්ඛු, නිච්ඡාතො පරිනිබ්බතො” ති.

(8) “සියා අඤ්ඤෙනපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං තණ්හාපච්චයාති, අයමෙකානුපස්සනා. තණ්හාය ත්වෙච අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

745.

“තණ්හාදුතියො පුරිසො, දීඝමද්ධාන සංසරං;
ඉත්ථභාවඤ්ඤථාභාවං, සංසාරං නාතිවත්තති.

746.

“එතමාදීනවං ඤාත්වා, තණ්හං [තණ්හා (බහුසු) ඉතිචුත්තකෙ 15 පස්සිතබ්බං] දුක්ඛස්ස සම්භවං;
චිත්තණ්හො අනාදානො, සතො භික්ඛු පරිබ්බපෙ” ති.

(9) “සියා අඤ්ඤෙනපි...පෙ.... කථඤ්ච සියා? යං කිඤ්චි දුක්ඛං සම්භොති සබ්බං උපාදානපච්චයාති, අයමෙකානුපස්සනා. උපාදානානං [උපාදානස්ස (සා. ක.)] ත්වෙච අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

747.

“උපාදානපච්චයා භවො, භූතො දුක්ඛං නිගච්ඡති;
ජාතස්ස මරණං භොති, එසො දුක්ඛස්ස සම්භවො.

748.

“තස්මා උපාදානක්ඛයා, සම්මදඤ්ඤාය පණ්ඩිතා;
ජාතික්ඛයං අභිඤ්ඤාය, න ගච්ඡන්ති පුනබ්භව” ති.

(10) “සියා අඤ්ඤෙනපි...පෙ.... කථංඤ්ඤෙව සියා? යං කිඤ්ඤි දුක්ඛං සම්භොති සබ්බං ආරම්භපච්චයාති, අයමෙකානුපස්සනා. ආරම්භානං ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

749.

“යං කිඤ්ඤි දුක්ඛං සම්භොති, සබ්බං ආරම්භපච්චයා;
ආරම්භානං නිරොධෙන, නත්ථි දුක්ඛස්ස සම්භවො.

750.

“එතමාදීනවං ඤාත්වා, දුක්ඛං ආරම්භපච්චයා;
සබ්බාරම්භං පටිනිස්සජ්ජ, අනාරම්භෙ විමුත්තිනො.

751.

“උච්ඡින්නභවතඤ්ඤස්ස, සන්තචිත්තස්ස භික්ඛුනො;
වික්ඛිණො [\[විතිණ්ණො \(සි.\)\]](#) ජාතිසංසාරො, නත්ථි තස්ස
පුනඛ්භවො”ති.

(11) “සියා අඤ්ඤෙනපි...පෙ.... කථංඤ්ඤෙව සියා? යං කිඤ්ඤි දුක්ඛං සම්භොති සබ්බං ආහාරපච්චයාති, අයමෙකානුපස්සනා. ආහාරානං ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

752.

“යං කිඤ්ඤි දුක්ඛං සම්භොති, සබ්බං ආහාරපච්චයා;
ආහාරානං නිරොධෙන, නත්ථි දුක්ඛස්ස සම්භවො.

753.

“එතමාදීනවං ඤාත්වා, දුක්ඛං ආහාරපච්චයා;
සබ්බාහාරං පරිඤ්ඤාය, සබ්බාහාරමනිස්සිනො.

754.

“ආරොග්ගං සම්මදඤ්ඤාය, ආසවානං පරික්ඛයා;
සඬ්ඛාය සෙවි ධම්මට්ඨො, සඬ්ඛායං [\[සඬ්ඛං \(සි. පි.\)\]](#) නොපෙති
වෙදග්ගු”ති.

(12) “සියා අඤ්ඤෙනපි...පෙ.... කථංඤ්ඤෙව සියා? යං කිඤ්ඤි දුක්ඛං සම්භොති සබ්බං ඉඤ්ජිතපච්චයාති, අයමෙකානුපස්සනා. ඉඤ්ජිතානං ත්වෙව අසෙසවිරාගනිරොධා නත්ථි දුක්ඛස්ස සම්භවොති, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා –

755.

“යං කිඤ්චි දුක්ඛං සම්භොති, සබ්බං ඉඤ්ජිතපච්චයා;
ඉඤ්ජිතානං නිරොධෙන, නත්ථි දුක්ඛස්ස සම්භවො.

756.

“එතමාදීනවං ඤත්වා, දුක්ඛං ඉඤ්ජිතපච්චයා;
තස්මා හි එජං වොස්සජ්ජ, සඬ්ඛාරෙ උපරුන්ධිය;
අනෙජො අනුපාදානො, සතො හික්ඛු පරිබ්බජෙ”ති.

(13) “සියා අඤ්ඤෙනපි...පෙ.... කථංඤ්ච සියා? නිස්සිතස්ස චලිතං
භොතීති, අයමෙකානුපස්සනා. අනිස්සිතො න චලතීති, අයං
දුතියානුපස්සනා. එවං සම්මා...පෙ.... අථාපරං එතදවොච සත්ථා –

757.

“අනිස්සිතො න චලති, නිස්සිතො ච උපාදියං;
ඉත්ථභාවඤ්ඤථාභාවං, සංසාරං නාතිවත්තති.

758.

“එතමාදීනවං ඤත්වා, නිස්සයෙසු මහබ්භයං;
අනිස්සිතො අනුපාදානො, සතො හික්ඛු පරිබ්බජෙ”ති.

(14) “සියා අඤ්ඤෙනපි...පෙ.... කථංඤ්ච සියා? රූපෙහි, හික්ඛවෙ,
අරූපා [ආරුප්පා (සි. පි.)] සන්තතරාති, අයමෙකානුපස්සනා. අරූපෙහි
නිරොධො සන්තතරොති, අයං දුතියානුපස්සනා. එවං සම්මා...පෙ....
අථාපරං එතදවොච සත්ථා –

759.

“යෙ ච රූපුපගා සත්තා, යෙ ච අරූපට්ඨායිනො [ආරුප්පවාසිනො
(සි. පි.)];
නිරොධං අප්පජානන්තා, ආගන්තාරො පුනබ්භවං.

760.

“යෙ ච රූපෙ පරිඤ්ඤාය, අරූපෙසු අසංඝට්ඨිතා [සුසංඝට්ඨිතා (සි.
සා. පි.)];
නිරොධෙ යෙ විමුච්චන්ති, තෙ ජනා මච්චුභායිනො”ති.

(15) “සියා අඤ්ඤෙනපි...පෙ.... කථංඤ්ච සියා? යං, හික්ඛවෙ,
සදෙවකස්ස ලොකස්ස සමාරකස්ස සබ්බමකස්ස සස්සමණුඛාභ්මණියා
පජාය සදෙවමනුස්සාය ඉදං සච්චන්ති උපනිජ්ඣායිතං තදමරියානං එතං
මුසාති යථාභූතං සම්මජ්ජෙඤ්ඤාය සුදිට්ඨං, අයමෙකානුපස්සනා. යං,
හික්ඛවෙ, සදෙවකස්ස...පෙ.... සදෙවමනුස්සාය ඉදං මුසාති
උපනිජ්ඣායිතං, තදමරියානං එතං සච්චන්ති යථාභූතං සම්මජ්ජෙඤ්ඤාය

සුදිට්ඨං, අයං දුතියානුපස්සනා. එවං සම්මා...පෙ.... අථාපරං එතදවොච සත්ථා -

761.

“අනත්තනි අත්තමානිං [අත්තමානී (සායා.), අත්තමානං (පී. ක.)],
පස්ස ලොකං සදෙවකං;
නිවිට්ඨං නාමරූපස්මිං, ඉදං සච්චන්ති මඤ්ඤති.

762.

“යෙන යෙන හි මඤ්ඤන්ති, තතො තං හොති අඤ්ඤථා;
තඤ්ඤි තස්ස මුසා හොති, මොසධම්මඤ්ඤි ඉත්තරං.

763.

“අමොසධම්මං නිබ්බානං, තදරියා සච්චතො විදු;
තෙ වෙ සච්චාභිසමයා, නිච්ඡාතා පරිනිබ්බුතා”ති.

(16) “‘සියා අඤ්ඤෙනපි පරියායෙන සම්මා ද්වයතානුපස්සනා’ති, ඉති වෙ, හික්ඛවෙ, පුච්ඡිතාරො අස්සු; ‘සියා’තිස්සු වචනියා. කථඤ්ච සියා? යං, හික්ඛවෙ, සදෙවකස්ස ලොකස්ස සමාරකස්ස සමුභ්මකස්ස සස්සමණුච්ඡාභ්මණියා පජාය සදෙවමනුස්සාය ඉදං සුඛන්ති උපනිජ්ඣායිතං, තදමරියානං එතං දුක්ඛන්ති යථාභූතං සම්මජ්ජඤ්ඤාය සුදිට්ඨං, අයමෙකානුපස්සනා. යං, හික්ඛවෙ, සදෙවකස්ස...පෙ.... සදෙවමනුස්සාය ඉදං දුක්ඛන්ති උපනිජ්ඣායිතං තදමරියානං එතං සුඛන්ති යථාභූතං සම්මජ්ජඤ්ඤාය සුදිට්ඨං, අයං දුතියානුපස්සනා. එවං සම්මා ද්වයතානුපස්සිතො ඛො, හික්ඛවෙ, හික්ඛුතො අජ්ජමත්තස්ස ආතාපිතො පහිත්තස්ස විහරතො ද්විත්තං එලානං අඤ්ඤතරං එලං පාටිකඛිඛං - දිට්ඨෙව ධම්මෙ අඤ්ඤා, සති වා උපාදිසෙසෙ අනාගාමිතාති. ඉදමවොච භගවා. ඉදං වත්ථාන සුගතො අථාපරං එතදවොච සත්ථා -

764.

“රූපා සද්දා රසා ගන්ධා, එස්සා ධම්මා ච කෙවලා;
ඉට්ඨා කන්තා මනාපා ච, යාවතත්ථිති වුච්චති.

765.

“සදෙවකස්ස ලොකස්ස, එතෙ වො සුඛසම්මතා;
යත්ථ වෙතෙ නිරුජ්ඣන්ති, තං නෙසං දුක්ඛසම්මතං.

766.

“සුඛන්ති දිට්ඨමරියෙහි, සක්කායස්සුපරොධනං;
පච්චනිකමිදං හොති, සබ්බලොකෙන පස්සනං.

767.

“යං පරෙ සුඛතො ආහු, තදරියා ආහු දුක්ඛතො;
යං පරෙ දුක්ඛතො ආහු, තදරියා සුඛතො විදු.

768.

“පස්ස ධම්මං දුරාජානං, සම්පමුල්භෙත්ථවිද්දසු [සම්පමුල්භෙත්ථ
අවිද්දසු (සී. පී.), සම්මුල්භෙත්ථ අවිද්දසු (?)];
නිවුතානං තමො හොති, අන්ධකාරො අපස්සනං.

769.

“සතඤ්ච විචටං හොති, ආලොකො පස්සනාමිච;
සන්තිකෙ න විජානන්ති, මග්ගා ධම්මස්ස කොවිදා.

770.

“භවරාගපරෙතෙහි, භවසොතානුසාරිහි;
මාරධෙය්‍යානුපන්නෙහි, නායං ධම්මො සුසම්බුධො.

771.

“කො නු අඤ්ඤත්‍රමරියෙහි, පදං සම්බුද්ධමරහති;
යං පදං සම්මදඤ්ඤාය, පරිනිබ්බන්ති අනාසවා” ති.

ඉදමචොච භගවා. අත්තමනා තෙ භික්ඛු භගවතො භාසිතං අභිනන්දුන්ති.
ඉමස්මිං ච [ඉමස්මිං ඛො (සී.)] පන වෙය්‍යාකරණස්මිං භඤ්ඤමානො
සට්ඨිමත්තානං භික්ඛුනං අනුපාදාය ආසවෙහි විත්තානි විමුච්චිංසුති.

ද්වයනානුපස්සනාසුත්තං ද්වාදසමං නිට්ඨිතං.
තස්සුද්දානං —

සච්චං උපධි අවිජ්ජා ච, සඬ්ඛාරෙ විඤ්ඤාණපඤ්චමං;
එස්සවෙදනියා තණ්හා, උපාදානාරම්භආහාරා;
ඉඤ්ජිතං චලිතං රූපං, සච්චං දුක්ඛෙන සොළසාති.

මහාවග්ගො තතියො නිට්ඨිතො.
තස්සුද්දානං —

පබ්බජ්ජා ච පධානඤ්ච, සුභාසිතඤ්ච සුන්දරි;
මාඝසුත්තං සහියො ච, සෙලො සල්ලඤ්ච වුච්චති.
වාසෙට්ඨො වාපි කොකාලි, නාලකො ද්වයනානුපස්සනා;
ද්වාදසෙතානි සුත්තානි, මහාවග්ගොති වුච්චති.

4. අට්ඨකචග්ගො

1. කාමසුත්තං

772.

කාමං කාමයමානස්ස, තස්ස චෙ තං සමිජ්ඣති;
අද්ධං පිතිමනො හොති, ලද්ධං මච්චො යදිච්ඡති.

773.

තස්ස චෙ කාමයානස්ස [කාමයමානස්ස (ක.)], ඡන්දජාතස්ස
ඡන්තුනො;
තෙ කාමා පරිභායන්ති, සල්ලවිද්ධොව රුජ්ජති.

774.

යො කාමෙ පරිවජ්ජෙති, සජ්ජස්සෙව පදා සිරො;
සොමං [සො ඉමං (සි. පි.)] විසත්තිකං ලොකෙ, සතො
සමතිවත්තති.

775.

බෙත්තං චත්ථං භිරඤ්ඤං වා, ගවස්සං [ගවාස්සං (සි. ස්‍යා. පි.)]
දාසපොරිසං;
ථීයො බන්ධු පුත්‍ර කාමෙ, යො නරො අනුගිජ්ඣති.

776.

අබ්ලා නං බලියන්ති, මද්දන්තෙනං පරිස්සයා;
තතො නං දුක්ඛමන්වෙති, නාවං භින්තමිවොදකං.

777.

තස්මා ඡන්තු සදා සතො, කාමානි පරිවජ්ජයෙ;
තෙ පභාය තරෙ ඔසං, නාවං සිත්වාච [සිඤ්චිත්වා (සි.)] පාරගුති.

කාමසුත්තං පයමං නිට්ඨිතං.

2. ගුහට්ඨකසුත්තං

778.

සත්තො ගුභායං බහුනාභිජන්තො, තිට්ඨං නරො මොහනස්මිං
පගාළිහො;
දුරෙ විවෙකා හි තථාච්චො සො, කාමා හි ලොකෙ න හි සුජ්ජභායා.

779.

ඉච්ඡානිදානා භවසාතබ්දධා, තෙ දුජ්ජමුඤ්ඤා න හි අඤ්ඤමොක්ඛා;
පච්ඡා පුරෙ වාපි අපෙක්ඛමානා, ඉමෙව කාමෙ පුරිමෙව ජජ්ජං.

780.

කාමෙසු ගිද්ධා පසුතා පමුල්භා, අවදානියා තෙ විසමෙ නිවිට්ඨා;
දුක්ඛුපතීතා පරිදෙවයන්ති, කිංසු භවිස්සාම ඉතො චුතාසෙ.

781.

තස්මා හි සික්ඛෙට්ඨ ඉධෙව ජන්තු, යං කිඤ්චි ජඤ්ඤා විසමන්ති
ලොකෙ;
න තස්ස හෙතු විසමං චරෙය්‍ය, අප්පඤ්ඤිදං ජීවිතමාහු ධීරා.

782.

පස්සාමි ලොකෙ පරිචන්දමානං, පචං ඉමං තණ්හගතං භවෙසු;
භීතා නරා මච්චුමුඛෙ ලපන්ති, අවිතතණ්හාසෙ භවාභවෙසු.

783.

මමායිතෙ පස්සට්ඨ චන්දමානො, මච්ඡෙව අප්පොදකෙ ඛිණ්ණසොතො;
එතම්පි දිස්වා අමමො චරෙය්‍ය, භවෙසු ආසත්තිමකුබ්බමානො.

784.

උභොසු අන්තෙසු විනයො ඡන්දං, එස්සං පරිඤ්ඤාය
අනානුගිද්ධො;
යදත්තගර්භී තදකුබ්බමානො, න ලිජ්ජති [න ලිම්පති (සා. ක.)]
දිට්ඨසුතෙසු ධීරො.

785.

සඤ්ඤං පරිඤ්ඤා විතරෙය්‍ය ඔසං, පරිග්ගහෙසු මුනි නොපලිත්තො;
අබ්බුළ්භසල්ලො චරමජ්ජමත්තො, නාසිසති [නාසිසති (සි. සා. පි.)]
ලොකම්මං පරඤ්චාති.

ගුහට්ඨකසුත්තං දුතියං නිට්ඨිතං.

3. දුට්ඨට්ඨකසුත්තං

786.

වදන්ති වෙ දුට්ඨමනාපි එකෙ, අථොපි වෙ සච්චමනා වදන්ති;
වාදඤ්ච ජාතං මුනි නො උපෙති, තස්මා මුනි නත්ථි ඛිලො කුහිඤ්චි.

787.

සකඤ්ඤි දිට්ඨිං කථමච්චියෙය්‍ය, ඡන්දානුනීතො රුචියා නිවිට්ඨො;
සයං සමත්තාති පකුබ්බමානො, යථා හි ජානෙය්‍ය තථා චදෙය්‍ය.

788.

යො අත්තනො සිලවතානි ජන්තු, අනානුපුට්ඨොව පරෙස [පරස්ස
(ක.)] පාව [පාවා (සි. සා. පි.)];
අනරියධම්මං කුසලා තමාහු, යො ආතුමානං සයමෙව පාව.

789.

සන්තො ච භික්ඛු අභිනිබ්බුතත්තො, ඉතිහන්ති සීලෙසු
අකත්ථමානො;

තමරියධම්මං කුසලා වදන්ති, යස්සුස්සදා නත්ථි කුහිඤ්චි ලොකෙ.

790.

පකජ්ජිතා සඬ්ඛතා යස්ස ධම්මා, පුරක්ඛතා [පුරෙක්ඛතා (සී.)] සන්ති
අච්චදාතා;
යදත්තනි පස්සති ආනිසංසං, තං නිස්සිතො කුප්පපට්ච්ච සන්තිං.

791.

දිට්ඨිනිවෙසා න හි ස්වාතිවත්තා, ධම්මෙසු නිච්ඡෙය්‍යා සමුග්ගහීතං;
තස්මා නරො තෙසු නිවෙසනෙසු, නිරස්සති ආදියති ච ධම්මං.

792.

ධොනස්ස හි නත්ථි කුහිඤ්චි ලොකෙ, පකජ්ජිතා දිට්ඨි භවාභවෙසු;
මායඤ්ච මානඤ්ච පභාය ධොනො, ස කෙන ගච්ඡෙය්‍යා අනුපයො
සො.

793.

උපයො හි ධම්මෙසු උපෙනි වාදං, අනුපයං කෙන කථං වදෙය්‍යා;
අත්තා නිරත්තා [අත්තං නිරත්තං (බහුසු)] න හි තස්ස අත්ථි, අධොසි
සො දිට්ඨිමිධෙව සබ්බන්ති.

දුට්ඨට්ඨකසුත්තං තතියං නිට්ඨිතං.

4. සුද්ධට්ඨකසුත්තං

794.

පස්සාමි සුද්ධං පරමං අරොගං, දිට්ඨෙත සංසුද්ධි නරස්ස හොති;
එවාහිජානං [එතාහිජානං (සී. ඡී.)] පරමන්ති ඤත්වා, සුද්ධානුපස්සිති
පච්චෙති ඤාණං.

795.

දිට්ඨෙත චෙ සුද්ධි නරස්ස හොති, ඤාණෙන වා සො පජ්ඣාති
දුක්ඛං;
අඤ්ඤෙන සො සුඡ්ඤ්ඤි සොපධිකො, දිට්ඨි හි නං පාව තථා වදානං.

796.

න බ්‍රාහ්මණො අඤ්ඤතො සුද්ධිමාහ, දිට්ඨෙ සුතෙ සීලවතෙ මුතෙ
වා;
පුඤ්ඤෙ ච පාපෙ ච අනුපලිත්තො, අත්තඤ්ජහො නයිධ
පකුබ්බමානො.

797.

පුරිමං පභාය අපරං සිතාසෙ, එජානුගා තෙ න තරන්ති සඬ්ඣං;

තෙ උග්ගභායන්ති නිරස්සජන්ති, කපිව සාඛං පමුඤ්චං ගභායං
[පමුඛං ගභාය (සාය.), පමුඤ්ච ගභාය (ක.)].

798.

සයං සමාදාය වතානි ජන්තු, උච්චාවචං ගච්ඡති සඤ්ඤස්ත්තො;
විද්වා ව වෙදෙහි සමෙච්ච ධම්මං, න උච්චාවචං ගච්ඡති
භූරිපඤ්ඤො.

799.

ස සබ්බධම්මෙසු විසෙතිභූතො, යං කිඤ්චි දිට්ඨං ව සුතං මුතං වා;
තමෙව දස්සිං විචටං වරන්තං, කෙනිධ ලොකස්මි විකප්පයෙය්‍ය.

800.

න කප්පයන්ති න පුරෙක්ඛරොන්ති, අච්චන්තසුද්ධිති න තෙ වදන්ති;
ආදානගන්ථං ගථිතං විසජ්ජ, ආසං න කුබ්බන්ති කුහිඤ්චි ලොකෙ.

801.

සීමානිගො බ්‍රාහ්මණො තස්ස නත්ථි, ඤාත්වා ව දිස්වා ව [ඤාත්වා ව
දිස්වා ව (ක. සී. ක.)] සමුග්ගහීතං;
න රාගරාගී න විරාගරත්තො, තස්සිධ නත්ථි පරමුග්ගහීතන්ති.

සුද්ධට්ඨකසුත්තං චතුත්ථං නිට්ඨිතං.

5. පරමට්ඨකසුත්තං

802.

පරමන්ති දිට්ඨිසු පරිබ්බසානො, යදුත්තරි කුරුතෙ ජන්තු ලොකෙ;
භීනාති අඤ්ඤෙ තතො සබ්බමාහ, තස්මා විවාදානි අච්චිවත්තො.

803.

යදත්තනී පස්සති ආනිසංසං, දිට්ඨෙ සුතෙ සීලවතෙ [සීලබ්බතෙ
(සාය.)] මුතෙ වා;
තදෙව සො තත්ථ සමුග්ගභාය, නිහීනතො පස්සති සබ්බමඤ්ඤං.

804.

තං වාපි ගන්ථං කුසලා වදන්ති, යං නිස්සිතො පස්සති භීනමඤ්ඤං;
තස්මා හි දිට්ඨං ව සුතං මුතං වා, සීලබ්බතං භික්ඛු න නිස්සයෙය්‍ය.

805.

දිට්ඨිමපි ලොකස්මිං න කප්පයෙය්‍ය, ඤාණෙන වා සීලවතෙන වාපි;
සමොති අත්තානමනුපනෙය්‍ය, භීනො න මඤ්ඤංථ විසෙසි වාපි.

806.

අත්තං පභාය අනුපාදියානො, ඤාණෙපි සො නිස්සයං නො කරොති;

ස වෙ වියත්තෙසු [වියුත්තෙසු (සි. අට්ඨ.), ද්වියත්තෙසු (ක.)] න වග්ගසාරී, දිට්ඨිමපි [දිට්ඨිමපි (ක.)] සො න පච්චෙති කිඤ්චි.

807.

යස්සුභයන්තෙ පණ්ඩිත නත්ථි, භවාභවාය ඉධ වා හුරං වා;
නිවෙසනා තස්ස න සන්ති කෙච්චි, ධම්මෙසු නිව්ඡෙය්‍ය සමුග්ගහීතං.

808.

තස්සිධ දිට්ඨෙ ව සුතෙ මුතෙ වා, පකස්සිතා නත්ථි අණුපි සඤ්ඤා;
තං බ්‍රාහ්මණං දිට්ඨිමනාදියානං, කෙනිධ ලොකස්මිං විකප්පයෙය්‍යා.

809.

න කප්පයන්ති න පුරෙක්ඛරොන්ති, ධම්මාපි තෙසං න පට්ඨිතාසෙ;
න බ්‍රාහ්මණො සීලවතෙන නෙය්‍යො, පාරභිගතො න පච්චෙති
තාදීති.

පරමට්ඨකසුත්තං පඤ්චමං නිට්ඨිතං.

6. ජරාසුත්තං

810.

අප්පං වත ජීවිතං ඉදං, ඔරං වස්සසතාපි මියාති [මියති (සි. අට්ඨ.)];
යො වෙපි අතිච්ච ජීවති, අථ ඛො සො ජරසාපි මියාති.

811.

සොවන්ති ජනා මමාසිතෙ, න හි සන්ති [න හි සන්තා (සි.), න හි
සන්ති (කත්ථවි)] නිච්චා පරිග්ගහා;
විනාභාවසන්තමෙවිදං, ඉති දිස්වා නාගාරමාවසෙ.

812.

මරණෙනපි තං පභියති [පභියාති (සි. ස්‍යා. ක.)], යං පුරිසො
මමිදන්ති [මමයිදන්ති (සි. ස්‍යා. ක.), මමායන්ති (ක.)] මඤ්ඤති;
එතම්පි විදිත්වා [එතං දිස්වාන (නිද්දෙසෙ), එතම්පි විදිත්ව (?)]
පණ්ඩිතො, න මමත්තාය නමෙථ මාමකො.

813.

සුපිනෙන යථාපි සඬගතං, පට්ඨුද්ධො පුරිසො න පස්සති;
එවම්පි පියාසිතං ජනං, පෙතං කාලකතං න පස්සති.

814.

දිට්ඨාපි සුතාපි තෙ ජනා, යෙසං නාමමිදං පච්චිචති [නාමමෙවා
චසිස්සති (සි. ස්‍යා. පි.)];
නාමංයෙවාචසිස්සති, අක්ඛෙය්‍යං පෙතස්ස ජන්තුතො.

815.

සොකස්පරිදෙවමච්ඡරං [සොකපරිදෙවමච්ඡරං (සි. සා. පි.), සොකං පරිදෙවමච්ඡරං (?)], න ජහන්ති ගිද්ධා මමායිතෙ;
තස්මා මුත්තයො පරිග්ගහං, හිත්වා අවරිංසු බෙමදස්සිනො.

816.

පතිලීනවරස්ස හික්ඛුනො, හජ්ජානස්ස විවිත්තමාසනං;
සාමග්ගියමාහු තස්ස තං, යො අත්තානං භවතෙ න දස්සයෙ.

817.

සබ්බත්ථ මුනී අනිස්සිනො, න පියං කුබ්බති නොපි අජ්ජියං;
තස්මිං පරිදෙවමච්ඡරං, පණ්ණෙ වාරි යථා න ලිම්පති [ලිප්පති (සි. පි.)].

818.

උදබ්බන්දු යථාපි පොක්ඛරෙ, පදුමෙ වාරි යථා න ලිම්පති;
එවං මුනි නොපලිම්පති, යදිදං දිට්ඨසුතං මුත්තෙසු වා.

819.

ධොනො න හි තෙන මඤ්ඤති, යදිදං දිට්ඨසුතං මුත්තෙසු වා;
නාඤ්ඤෙන විසුද්ධිමිච්ඡති, න හි සො රජ්ජති නො විරජ්ජති.

ජරාසුත්තං ඡට්ඨං නිට්ඨිතං.

7. තිස්සමෙත්තෙය්‍යසුත්තං

820.

“මෙටුනමනුයුත්තස්ස, (ඉච්චායස්මා තිස්සො මෙත්තෙය්‍යො)
විසාතං බුහි මාරිස;
සුත්තවාන තව සාසනං, විවෙකෙ සික්ඛිස්සාමසෙ.

821.

“මෙටුනමනුයුත්තස්ස, (මෙත්තෙය්‍යාති භගවා) මුස්සතෙ වාපි
සාසනං;
මිච්ඡා ච පටිපජ්ජති, එතං තස්මිං අනාරියං.

822.

“එකො පුබ්බෙ වරිත්තවාන, මෙටුනං යො නිසෙවති;
යානං භන්තං ච තං ලොකෙ, හීනමාහු පුටුජ්ජනං.

823.

“යසො කිත්ති ච යා පුබ්බෙ, භායතෙ වාපි තස්ස සා;
එතම්පි දිස්වා සික්ඛෙථ, මෙටුනං විජ්ජහාතවෙ.

824.

“සඬකප්පෙහි පරෙතො සො, කපණො විය ඤායති;
සුත්වා පරෙසං නිග්ගොසං, මඬිකු හොති තථාවිධො.

825.

“අථ සත්ථානි කරුතෙ, පරවාදෙහි වොදිතො;
එස ඛිවස්ස මහාගෙධො, මොසවජ්ජං පගාහති.

826.

“පණ්ඩිතොති සමඤ්ඤාතො, එකවරියං අධිට්ඨිතො;
අථාපි [ස වාපි (නිද්දෙසෙ)] මෙටුතො යුත්තො, මන්දොව පරිකිස්සති
[පරිකිලිස්සති (සි.)].

827.

“එතමාදීනවං ඤත්වා, මුනි පුබ්බාපරෙ ඉධ;
එකවරියං දළ්භං කයිරා, න නිසෙවෙථ මෙටුතං.

828.

“විවෙකඤ්ඤෙව සික්ඛෙථ, එතදරියානමුත්තමං;
න තෙන සෙට්ඨො මඤ්ඤෙථ, ස වෙ නිබ්බානසන්තිකෙ.

829.

“රිත්තස්ස මුනිතො වරතො, කාමෙසු අනපෙක්ඛිතො;
ඔසතිණ්ණස්ස පිහයන්ති, කාමෙසු ගධිතා [ගථිතා (සි.)] පජා”ති.

තිස්සමෙත්තෙයාසුත්තං සත්තමං නිට්ඨිතං.

8. පසුරසුත්තං

830.

ඉධෙව සුද්ධි ඉති වාදයන්ති [විදියන්ති (සි. පි.)], නාඤ්ඤෙසු
ධම්මෙසු විසුද්ධිමාහු;
යං නිස්සිතා තත්ථ සුභං වදානා, පච්චෙකසච්චෙසු පුටු නිවිට්ඨා.

831.

තෙ වාදකාමා පරිසං විගය්හ, බාලං දහන්ති මිටු අඤ්ඤමඤ්ඤං;
වදන්ති තෙ අඤ්ඤසිතා කථොජ්ජං, පසංසකාමා කුසලා වදානා.

832.

යුත්තො කථායං පරිසාය මජ්ඣෙ, පසංසමිච්ඡං විනිසාති හොති;
අපාහතස්මිං පන මඬිකු හොති, නින්දාය සො කුප්පති රන්ධමෙසි.

833.

යමස්ස වාදං පරිභීනමාහු, අපාහතං පඤ්ඤවිමංසකාසෙ;

පරිදෙවති සොවති භීතවාදො, උපච්චගා මන්ති අනුත්ථනාති.

834.

එතෙ විවාදා සමණෙසු ජාතා, එතෙසු උග්ගාති නිසාති හොති;
එතම්පි දිස්වා විරමෙ කථොජ්ජං, න හඤ්ඤදත්ථත්ථිපසංසලාභා.

835.

පසංසිතො වා පන තත්ථ හොති, අක්කාය වාදං පරිසාය මජ්ඣෙ;
සො හස්සති උණ්ණමති [උත්තමති (?)] ව තෙන, පජ්ජයා තමත්ථං
යථා මනො අහු.

836.

යා උණ්ණති [උත්තති (?)] සාස්ස විසාතභූමි, මානාතිමානං වදතෙ
පතෙසො;
එතම්පි දිස්වා න විවාදයෙථ, න භි තෙන සුද්ධිං කුසලා වදන්ති.

837.

සුරො යථා රාජබාදාය පුට්ඨො, අභිගජ්ජමෙති පටිසුරම්ච්ඡං;
යෙනෙව සො තෙන පලෙහි සුර, පුබ්බෙව නත්ථි යදිදං යුධාය.

838.

යෙ දිට්ඨිමුග්ගස්භ විවාදයන්ති [විවාදියන්ති (සි. පි.)], ඉදමෙව
සච්චන්ති ව වාදයන්ති;
තෙ ත්වං වදස්සු න භි තෙධ අත්ථි, වාදම්භි ජාතෙ පටිසෙතිකත්තා.

839.

විසෙතිකත්වා පන යෙ චරන්ති, දිට්ඨිහි දිට්ඨිං අවිරුජ්ඣමානා;
තෙසු ත්වං කිං ලභෙථො පසුර, යෙසිධ නත්ථි පරමුග්ගහීනං.

840.

අථ ත්වං පවිතක්කමාගමා, මනසා දිට්ඨිගතාති විත්තයන්තො;
ධොතෙන යුගං සමාගමා, න භි ත්වං සක්ඛසි සම්පයාතවෙති.

පසුරසුත්තං අට්ඨමං නිට්ඨිතං.

9. මාගණ්ඩියසුත්තං

841.

“දිස්වාන තණ්හං අරතිං රගඤ්ච [අරතිඤ්ච රාගං (සා. ක.)],
නාහොසි ඡන්දො අපි මෙට්ඨනස්මිං;
කිමෙවිදං මුත්තකරිසපුණ්ණං, පාදාපි නං සම්චුසිතුං න ඉච්ඡෙ”.

842.

“එතාදිසං වෙ රතනං න ඉච්ඡසි, නාරිං නරින්දෙහි බහුහි පත්ථිතං;

දිට්ඨිගතං සිලවතං නු ජීවිතං [සිලවතානුජීවිතං (සි. පි. ක.)],
හවුපපත්තිඤ්ච වදෙසි කිදිසං”.

843.

“ඉදං වදාමිති න තස්ස හොති, (මාගණ්ඩියාති [මාගන්දියාති (සි. සා. පි.)] හගවා)
ධම්මෙසු නිව්ඡෙය්‍ය සමුග්ගහීතං;
පස්සඤ්ච දිට්ඨිසු අනුග්ගහාය,
අජ්ඣත්තසන්තිං පවිතං අදස්සං”.

844.

“විනිව්ඡයා යාති පකස්සිතාති, (ඉති මාගණ්ඩියො [මාගන්දියො (සි. සා. පි.)])
තෙ වෙ මුතී බුසි අනුග්ගහාය;
අජ්ඣත්තසන්තිති යමෙතමත්ථං,
කථං නු ධිරෙහි පවෙදිතං තං”.

845.

“න දිට්ඨියා න සුතියා න ඤාණෙන, (මාගණ්ඩියාති හගවා)
සිලබ්බතෙනාපි න සුද්ධිමාහ;
අදිට්ඨියා අස්සුතියා අඤාණා,
අසිලතා අබ්බතා නොපි තෙන;
එතෙ ව නිස්සජ්ජ අනුග්ගහාය,
සන්තො අනිස්සාය හවං න ජජ්ජෙ”.

846.

“නො වෙ කිර දිට්ඨියා න සුතියා න ඤාණෙන, (ඉති මාගණ්ඩියො)
සිලබ්බතෙනාපි න සුද්ධිමාහ;
අදිට්ඨියා අස්සුතියා අඤාණා,
අසිලතා අබ්බතා නොපි තෙන;
මඤ්ඤාමහං මොමුහමෙව ධම්මං,
දිට්ඨියා එකෙ පච්චෙත්ති සුද්ධිං”.

847.

“දිට්ඨඤ්ච නිස්සාය අනුපුච්ඡමානො, (මාගණ්ඩියාති හගවා)
සමුග්ගහීතෙසු පමොහමාගා [සමොහමාගා (සා. ක.)];
ඉතො ව නාද්දක්ඛි අණුමිපි සඤ්ඤං,
තස්මා තුවං මොමුහතො දහාසි.

848.

“සමො විසෙසි උද වා නිහීනො, යො මඤ්ඤති සො විවදෙථ තෙන;

තීසු විධාසු අවිකම්පමානො, සමො විසෙසිති න තස්ස හොති.

849.

“සච්චන්ති සො බ්‍රාහ්මණො කිං වදෙය්‍ය, මුසාති වා සො විච්චෙථ කෙන;
යස්මිං සමං විසමං වාපි නත්ථි, ස කෙන වාදං පටිසංයුජෙය්‍ය.

850.

“ඔකං පභාය අනිකෙතසාරි, ගාමෙ අකුබ්බං මුනි සන්ථවානි
[සන්ධවානි (ක.)];
කාමෙහි රිත්තො අපුරෙක්ඛරානො, කථං න විග්ගය්හ ජනෙන
කයිරා.

851.

“යෙහි විවිත්තො විචරෙය්‍ය ලොකෙ, න තානි උග්ගය්හ වදෙය්‍ය
නාගො;
ජලම්බුජං [ඵලම්බුජං (සි. ස්‍යා.)] කණ්ඩකං වාරිජං යථා, ජලෙන
පඬකෙන චතුපලිත්තං;
ඵචං මුනි සන්තිවාදො අගිද්ධො, කාමෙ ච ලොකෙ ච අනුපලිත්තො.

852.

“න වෙදගු දිට්ඨියායකො [න වෙදගු දිට්ඨියා (ක. සි. ස්‍යා. පි.)] න
මුතියා, ස මානමෙති න හි තම්මයො සො;
න කම්මුතා නොපි සුතෙන නෙය්‍යො, අනුපනීතො ස නිවෙසනෙසු.

853.

“සඤ්ඤාවිරත්තස්ස න සන්ති ගන්ථා, පඤ්ඤාවිමුත්තස්ස න සන්ති
මොහා;
සඤ්ඤඤච දිට්ඨඤච යෙ අග්ගහෙසුං, තෙ සට්ඨයන්තා [සට්ඨමානා
(ස්‍යා. ක.)] විචරන්ති ලොකෙ”ති.

මාගණ්ඩියසුත්තං නවමං නිට්ඨිතං.

10. පුරාහෙදසුත්තං

854.

“කථංදස්සි කථංසීලො, උපසන්තොති වුච්චති;
තං මෙ ගොතම පබ්බහි, පුච්ඡිතො උත්තමං තරං”.

855.

“චිත්තණ්හො පුරා හෙදා, (ඉති භගවා) පුබ්බමන්තමනිස්සිතො;
වෙමජ්ඣෙකු නුපසඬ්ඛෙය්‍යො, තස්ස නත්ථි පුරක්ඛතං.

856.

“අක්කොධනො අසන්තාසී, අවිකත්ථි අකුක්කුවො;
මත්තභාණී [මත්තභාණී (සා. පී.)] අනුද්ධතො, ස වෙ වාචායතො
මුනි.

857.

“නිරාසත්ති අනාගතෙ, අතීතං නානුසොචති;
විවෙකදස්සි එස්සෙසු, දිට්ඨිසු ච න නියති [නියාති (බහුසු)].

858.

“පතිලීනො අකුහකො, අපිභාලු අමච්ඡරී;
අප්පගඛිහො අප්පගුච්ඡො, පෙසුණෙයො ච නො යුතො.

859.

“සානියෙසු අනස්සාවී, අතිමානෙ ච නො යුතො;
සණ්භො ච පටිභානවා [පටිභාණවා (සා. පී.)], න සද්ධො න
විරජ්ජති.

860.

“ලාභකමායා න සික්ඛති, අලාභෙ ච න කුප්පති;
අවිරුද්ධො ච තණ්හාය, රසෙසු නානුගිජ්ඣති.

861.

“උපෙක්ඛකො සදා සතො, න ලොකෙ මඤ්ඤතෙ සමං;
න විසෙසී න නිවෙයොයා, තස්ස නො සන්ති උස්සදා.

862.

“යස්ස නිස්සයනා [නිස්සයනා (සී. සා. පී.)] නත්ථි, ඤත්වා ධම්මං
අනිස්සිතො;
භවාය විභවාය වා, තණ්හා යස්ස න විජ්ජති.

863.

“තං බුථි උපසන්තොති, කාමෙසු අනපෙක්ඛිනං;
ගත්ථා තස්ස න විජ්ජන්ති, අතරී සො විසත්තිකං.

864.

“න තස්ස පුත්තා පසවො, ඛේතං චත්ථුඤ්ච විජ්ජති;
අත්තා වාපි නිරත්තා වා [අත්තං වාපි නිරත්තං වා (බහුසු)], න තස්මිං
උපලබ්භති.

865.

“යෙන නං වජ්ජුං පුට්ඨජ්ජනා, අථො සමණුච්ඡාමණා;

තං තස්ස අපුරක්ඛතං, තස්මා වාදෙසු නෙජති.

866.

“චිතගෙධො අමච්ඡරී, න උස්සෙසු වදනෙ මුනි;
න සමෙසු න ඔමෙසු, කප්පං නෙති අකප්පියො.

867.

“යස්ස ලොකෙ සකං නත්ථී, අසතා ච න සොචති;
ධම්මෙසු ච න ගච්ඡති, ස වෙ සන්තොති වුවචතී”ති.

පුරාහෙදසුත්තං දසමං නිට්ඨිතං.

11. කලහවිවාදසුත්තං

868.

“කුතොපභූතා කලහා විවාදා, පරිදෙවසොකා සහමච්ඡරා ච;
මානාතිමානා සහපෙසුණා ච, කුතොපභූතා තෙ තදිඬ්ඝ බුහි”.

869.

“පියජ්ජභූතා කලහා විවාදා,
පරිදෙවසොකා සහමච්ඡරා ච;
මානාතිමානා සහපෙසුණා ච,
මච්ඡෙරයුත්තා කලහා විවාදා;
විවාදජාතෙසු ච පෙසුණාති”.

870.

“පියා සු [පියානු (සා.), පියස්සු (ක.)] ලොකස්මිං කුතොනිදානා,
යෙ වාපි [යෙ වාපි (සි. සා. පි.)] ලොහා විචරන්ති ලොකෙ;
ආසා ච නිට්ඨා ච කුතොනිදානා, යෙ සම්පරායාය නරස්ස භොන්ති”.

871.

“ඡන්දානිදානානි පියානි ලොකෙ, යෙ වාපි ලොහා විචරන්ති
ලොකෙ;
ආසා ච නිට්ඨා ච ඉතොනිදානා, යෙ සම්පරායාය නරස්ස භොන්ති”.

872.

“ඡන්දො නු ලොකස්මිං කුතොනිදානො, විනිච්ඡයා වාපි [වාපි (සි.
සා. පි.)] කුතොපභූතා;
කොධො මොසවජ්ජඤ්ච කථංකථා ච, යෙ වාපි ධම්මා සමණෙන
වුත්තා”.

873.

“සාතං අසාතන්ති යමාහු ලොකෙ, තමුපනිස්සාය පභොති ඡන්දො;

රූපෙසු දිස්වා විභවං භවඤ්ච, විනිවිජයං කුබ්බති [කුරුතෙ (බහුසු)]
ජන්තු ලොකෙ.

874.

“කොට්ඨො මොසවජ්ජඤ්ච කථංකථා ච, එතෙපි ධම්මා ද්වයමෙව
සන්තෙ;
කථංකථී ඤාණපථාය සික්ඛෙ, ඤත්වා පවුත්තා සමණෙන ධම්මා”.

875.

“සාතං අසාතඤ්ච කුතොනිදානා, කිස්මිං අසන්තෙ න භවන්ති
හෙතෙ;
විභවං භවඤ්චාපි යමෙතමත්ථං, එතං මෙ පබ්බති යතොනිදානං”.

876.

“එස්සනිදානං සාතං අසාතං, එස්සෙ අසන්තෙ න භවන්ති හෙතෙ;
විභවං භවඤ්චාපි යමෙතමත්ථං, එතං තෙ පබ්බති ඉතොනිදානං”.

877.

“එස්සො නු ලොකස්මි කුතොනිදානො, පරිග්ගහා වාපි
කුතොපහුතා;
කිස්මිං අසන්තෙ න මමත්තමත්ථී, කිස්මිං විභූතෙ න චුසන්ති
එස්සා”.

878.

“නාමඤ්ච රූපඤ්ච පටිච්ච එස්සො, ඉච්ඡානිදානානි පරිග්ගහානි;
ඉච්ඡායසන්තායා න මමත්තමත්ථී, රූපෙ විභූතෙ න චුසන්ති එස්සා”.

879.

“කථංසමෙතස්ස විභොති රූපං, සුඛං දුඛඤ්චාපි [දුඛං වාපි (සි.
සා.))] කථං විභොති;
එතං මෙ පබ්බති යථා විභොති, තං ජානියාමාති [ජානිස්සාමාති (සි.
ක.))] මෙ මනො අහු”.

880.

“න සඤ්ඤසඤ්ඤී න විසඤ්ඤසඤ්ඤී, නොපි අසඤ්ඤී න
විභූතසඤ්ඤී;
එවංසමෙතස්ස විභොති රූපං, සඤ්ඤානිදානා හි පපඤ්චසංඛා”.

881.

“යං තං අප්පච්ඡිමිහ අකිත්තයි නො,
අඤ්ඤං තං ප්‍රච්ඡාම තදිඨස්ස බුහි;
එත්තාවතග්ගං නු [නො (සි. සා.))] වදන්ති හෙකෙ,

යක්ඛස්ස සුද්ධිං ඉධ පණ්ඩිතාසෙ;
උදාහු අඤ්ඤමපි වදන්ති එත්තො.

882.

“එත්තාවතග්ගමපි වදන්ති හෙතෙ, යක්ඛස්ස සුද්ධිං ඉධ
පණ්ඩිතාසෙ;
තෙසං පනෙතෙ සමයං වදන්ති, අනුපාදිසෙසෙ කුසලා වදානා.

883.

“එතෙ ව ඤත්වා උපනිස්සිනාති, ඤත්වා මුනී නිස්සයෙ සො විමංසි;
ඤත්වා විමුත්තො න විවාදමෙති, භවාභවාය න සමෙති ධිරො”ති.

කලභවිවාදසුත්තං එකාදසමං නිට්ඨිතං.

12. වුළබ්බහසුත්තං [වුළවිසුහසුත්තං (සී. ස්‍යා. නිද්දෙස)]

884.

සකංසකංදිට්ඨිපරිබ්බසානා, විග්ගස්භ නානා කුසලා වදන්ති;
යො එවං ජානාති ස වෙදි ධම්මං, ඉදං පටික්කොසමකෙවලී සො.

885.

එවමපි විග්ගස්භ විවාදයන්ති, බාලො පරො අක්කුසලොති
[අකුසලොති (සී. ස්‍යා. පී.)] වාහු;
සච්චො නු වාදො කතමො ඉමෙසං, සබ්බෙව භීමෙ කුසලා වදානා.

886.

පරස්ස වෙ ධම්මමනානුජානං, බාලොමකො [බාලො මගො (සී.
ස්‍යා. ක.)] හොති නිහීනපඤ්ඤො;
සබ්බෙව බාලා සුනිහීනපඤ්ඤො, සබ්බෙවිමෙ දිට්ඨිපරිබ්බසානා.

887.

සන්දිට්ඨියා වෙව න වීචදානා, සංසුද්ධපඤ්ඤා කුසලා මුතීමා;
න තෙසං කොචි පරිහීනපඤ්ඤො [කොචිපි නිහීනපඤ්ඤො (සී.
ස්‍යා. ක.)], දිට්ඨි හි තෙසමපි තථා සමත්තා.

888.

න වාහමෙතං තථියන්ති [තථිවන්ති (ස්‍යා. ක.)] චූමි, යමාහු බාලා
මිථු අඤ්ඤමඤ්ඤං;
සකංසකංදිට්ඨිමකංසු සච්චං, තස්මා හි බාලොති පරං දහන්ති.

889.

යමාහු සච්චං තථියන්ති එතෙ, තමාහු අඤ්ඤ [අඤ්ඤපි (ස්‍යා.),
අඤ්ඤ ව (?)] තුච්ඡං මුසාති;

එවම්පි විගස්භ විවාදයන්ති, කස්මා න එකං සමණා වදන්ති.

890.

එකඤ්ඤි සච්චං න දුතියමත්ථි, යස්මිං පජා නො විවදෙ පජානං;
නානා තෙ [නානාතො (ක.)] සච්චානි සයං උනන්ති, තස්මා න එකං
සමණා වදන්ති.

891.

කස්මා නු සච්චානි වදන්ති නානා, පවාදියාසෙ කුසලා වදානා;
සච්චානි සුතානි බහුනි නානා, උදාහු තෙ තක්කමනුස්සරන්ති.

892.

න හෙව සච්චානි බහුනි නානා, අඤ්ඤත්ථ සඤ්ඤාය නිව්චානි
ලොකෙ;
තක්කඤ්ඤ ව දිට්ඨිසු පකප්පයිත්වා, සච්චං මුසාති ද්වයධම්මමාහු.

893.

දිට්ඨෙ සුතෙ සීලවතෙ මුතෙ වා, එතෙ ච නිස්සාය විමානදස්සි;
විනිවිජයෙ යත්වා පහස්සමානො, බාලො පරො අක්කුසලොති වාහ.

894.

යෙනෙව බාලොති පරං දහාති, තෙනාතුමානං කුසලොති වාහ;
සයමත්තනා සො කුසලො වදානො, අඤ්ඤං විමානෙති තදෙව පාව.

895.

අතිසාරදිට්ඨියාව සො සමත්තො, මානෙන මත්තො පරිපුණ්ණමානී;
සයමෙව සාමං මනසාහිසිත්තො, දිට්ඨි හි සා තස්ස තථා සමත්තා.

896.

පරස්ස වෙ හි වචසා නිහිනො, තුමො සහා හොති නිහිනපඤ්ඤො;
අථ වෙ සයං වෙදගු හොති ධිරො, න කොචි බාලො සමණෙසු අත්ථි.

897.

අඤ්ඤං ඉතො යාහිවදන්ති ධම්මං, අපරද්ධා සුද්ධිමකෙවලී තෙ
[සුද්ධිමකෙවලීනො (සි.)];
එවම්පි තිත්ථා පුට්ඨසො වදන්ති, සන්දිට්ඨිරාගෙන හි තෙහිරත්තා
[ත්‍යාහිරත්තා (සා. ක.)].

898.

ඉධෙව සුද්ධි ඉති වාදයන්ති, නාඤ්ඤෙසු ධම්මෙසු විසුද්ධිමාහු;
එවම්පි තිත්ථා පුට්ඨසො නිව්චියා, සකායනෙ තත්ථ දළ්භං වදානා.

899.

සකායනෙ වාසි දළ්භං වදානො, කමෙත්ථ බාලොති පරං දහෙයා;
සයමෙව සො මෙධගමාවහෙයා [මෙධකං ආවහෙයා (සි. පි.)], පරං
වදං බාලමසුද්ධිධම්මං.

900.

විනිච්ඡයෙ යත්වා සයං පමාය, උද්ධං ස [උද්දං සො (සි. සා. පි.)]
ලොකස්මිං විවාදමෙති;
හිත්වාන සබ්බානි විනිච්ඡයානි, න මෙධං කුබ්බති ජන්තු
ලොකෙති.

වුළබ්බහසුත්තං ද්වාදසමං නිව්ඨිතං.

13. මහාබ්බහසුත්තං

901.

යෙ කෙවිමෙ දිට්ඨිපරිබ්බසානා, ඉදමෙව සච්චන්ති විවාදයන්ති
[විවාදියන්ති (සි. පි.)];
සබ්බෙව තෙ නින්දමන්වානයන්ති, අපො පසංසම්පි ලහන්ති තත්ථ.

902.

අප්පඤ්ඤි එතං න අලං සමාය, දුඛෙ විවාදස්ස ඵලානි බ්බුමි;
එතම්පි දිස්වා න විවාදයෙථ, බෙමාහිපස්සං අවිවාදභූමිං.

903.

යා කාවිමා සම්මුතිංයො පුට්ඨජා, සබ්බාව එතා න උපෙති විද්වා;
අනුපයො සො උපයං කිමෙයා, දිට්ඨෙ සුතෙ ඛන්තිමකුබ්බමානො.

904.

සීලුත්තමා සඤ්ඤමොනාහු සුද්ධිං, වතං සමාදාය උපට්ඨිතාසෙ;
ඉධෙව සික්ඛෙම අථස්ස සුද්ධිං, හවුපනිතා කුසලා වදානා.

905.

සථෙ වුතො සීලවතතො හොති, පචෙධති [ස චෙධති (සි. පි.)] කම්ම
විරාධයිත්වා;
පජ්ජපතී පත්ථයතී ච සුද්ධිං, සත්ථාව හීනො පවසං සරම්භා.

906.

සීලබ්බතං වාසි පහාය සබ්බං, කම්මඤ්ච සාවජ්ජනවජ්ජමෙතං;
සුද්ධිං අසුද්ධිත්ති අපත්ථයානො, විරතො චරෙ සන්තිමනුග්ගහාය.

907.

තමුපනිස්සාය ජිගුච්ඡිතං වා, අථවාසි දිට්ඨං ච සුතං මුතං වා;

උද්ධංසරා සුද්ධිමනුත්ථුනන්ති, අවිතතණ්භාසෙ භවාභවෙසු.

908.

පත්ථයමානස්ස හි ජප්පිතානි, පච්චිකං වාපි පකප්පිතෙසු;
චුතුපපාතො ඉධ යස්ස නත්ථී, ස කෙන චෙධෙය්‍යා කුහිංව ජප්පෙ
[කුහිඤ්චි ජප්පෙ (සී. ස්‍යා. ක.), කුහිං පජප්පෙ (පී.) නිද්දෙසො
පස්සිතබ්බො].

909.

යමාහු ධම්මං පරමන්ති එකෙ, තමෙව භීනන්ති පනාහු අඤ්ඤෙ;
සච්චො නු වාදො කතමො ඉමෙසං, සබ්බෙව භීමෙ කුසලා වදානා.

910.

සකඤ්චි ධම්මං පරිපුණ්ණමාහු, අඤ්ඤස්ස ධම්මං පන භීනමාහු;
එවම්පි විග්ගස්ස විවාදයන්ති, සකං සකං සම්මුතිමාහු සච්චං.

911.

පරස්ස චෙ වම්භයිතෙන භීනො, න කොචි ධම්මෙසු විසෙසි අස්ස;
පුට්ඨ හි අඤ්ඤස්ස වදන්ති ධම්මං, නිභීනතො සම්භි දළ්භං වදානා.

912.

සද්ධම්මපුජාපි නෙසං තථෙව, යථා පසංසන්ති සකායනානි;
සබ්බෙව වාදා [සබ්බෙ පවාදා (ස්‍යා.)] තථියා [තථිවා (සබ්බත්ථ)]
භවෙය්‍යං, සුද්ධි හි නෙසං පච්චත්තමෙව.

913.

න බ්‍රාහ්මණස්ස පරනෙය්‍යාමත්ථී, ධම්මෙසු නිව්ඡෙය්‍යා සමුග්ගහීතං;
තස්මා විවාදානි උපාතිවත්තො, න හි සෙට්ඨතො පස්සති
ධම්මමඤ්ඤං.

914.

ජානාමි පස්සාමි තථෙව එතං, දිට්ඨියා එකෙ පච්චෙන්ති සුද්ධිං;
අද්දක්ඛි චෙ කිඤ්චි තුමස්ස තෙන, අතිසිත්වා අඤ්ඤෙන වදන්ති
සුද්ධිං.

915.

පස්සං නරො දක්ඛති [දක්ඛති (සී.)] නාමරූපං, දිස්වාන වා ඤස්සති
තානිමෙව;
කාමං බහුං පස්සතු අප්පකං වා, න හි තෙන සුද්ධිං කුසලා වදන්ති.

916.

නිව්ඡස්සවාදී න හි සුබ්බිනායො, පකප්පිතං දිට්ඨි පුරෙක්ඛරානො;

යං නිස්සිතො තත්ථ සුභං වදානො, සුද්ධිංවදො තත්ථ තථද්දසා සො.

917.

න බ්‍රාහ්මණො කප්පමුපෙනි සඬ්ඛා [සඬ්ඛං (සී. ස්‍යා. ටී.)], න දිට්ඨිසාරී නපි ඤාණබන්ධු;
ඤත්වා ච සො සම්මුතියො [සම්මතියො (ස්‍යා.)] පුට්ඨජා, උපෙක්ඛති උග්ගහණන්ති මඤ්ඤ.

918.

විස්සජ්ජ ගන්ථානි මුනීධ ලොකෙ, විවාදජාතෙසු න වග්ගසාරී;
සන්තො අසන්තෙසු උපෙක්ඛකො සො, අනුග්ගහො උග්ගහණන්ති මඤ්ඤ.

919.

පුබ්බාසවෙ හිත්වා නවෙ අකුබ්බං, න ඡන්දගු නොපි නිවිස්සවාදී;
ස විජ්ජමුත්තො දිට්ඨිගතෙහි ධිරො, න ලිම්පති [න ලිජ්ජති (සී. ටී.)] ලොකෙ අනත්තගරහී.

920.

ස සබ්බධම්මෙසු විසෙනිභූතො, යං කිඤ්චි දිට්ඨං ච සුතං මුතං වා;
ස පන්තහාරො මුනි විජ්ජමුත්තො, න කප්පියො නුපරතො න පත්ථියොති.

මහාබ්‍රහ්මසුත්තං තෙරසමං නිට්ඨිතං.

14. තුවටකසුත්තං

921.

“පුච්ඡාමි තං ආදිච්චබන්ධු [ආදිච්චබන්ධුං (සී. ස්‍යා.)], විවෙකං සන්තිපදඤ්ච මහෙසී;
කථං දිස්වා නිබ්බාති හික්ඛු, අනුපාදියානො ලොකස්මිං කිඤ්චි”.

922.

“මූලං පපඤ්චසඬ්ඛාය, (ඉති භගවා)
මන්තා අස්මීති සබ්බමුපරුන්තො [සබ්බමුපරුද්ධො (ස්‍යා. ටී. ක.)];
යා කාචි තණ්හා අජ්ඣන්තං,
තාසං විනයා [විනයාය (?)] සදා සතො සික්ඛො.

923.

“යං කිඤ්චි ධම්මමහිජඤ්ඤා, අජ්ඣන්තං අථවාපි බහිද්ධා;
න තෙන ථාමං [මානං (සී. ක.)] කුබ්බෙථ, න හි සා නිබ්බුති සතං චුත්තා.

924.

“සෙය්‍යො න තෙන මඤ්ඤෙය්‍ය, නීවෙය්‍යො අථවාපි සරික්ඛො;
චුට්ඨො [චුට්ඨො (සි. ස්‍යා. ක.)] අනෙකරුපෙහි, නාතුමානං
විකප්පයං තිට්ඨෙ.

925.

“අජ්ඣත්තමෙවුපසමෙ, න අඤ්ඤතො භික්ඛු සන්තිමෙසෙය්‍ය;
අජ්ඣත්තං උපසන්තස්ස, නත්ථි අත්තා කුතො නිරත්තා වා.

926.

“මජ්ඣෙ යථා සමුද්දස්ස, උමි නො ජායතී ධීතො භොති;
එවං ධීතො අනෙපස්ස, උස්සදං භික්ඛු න කරෙය්‍ය කුහිඤ්චි”.

927.

“අකිත්තයි විචට්ඨක්ඛු, සක්ඛිධම්මං පරිස්සයවිනයං;
පටිපදං වදෙහි භද්දන්තෙ, පාතිමොක්ඛං අථවාපි සමාධිං”.

928.

“චක්ඛුහි නෙව ලොලස්ස, ගාමකථාය ආවරයෙ සොතං;
රසෙ ච නානුගිජ්ඣෙය්‍ය, න ච මමායෙථ කිඤ්චි ලොකස්මිං.

929.

“එස්සෙන යදා චුට්ඨස්ස, පරිදෙවං භික්ඛු න කරෙය්‍ය
කුහිඤ්චඤ්චිචි;
භවඤ්ච නාහිජ්ජපෙය්‍ය, හෙරවෙසු ච න සම්පවෙධෙය්‍ය.

930.

“අන්තානමථො පානානං, බාදනීයානං අථොපි වත්ථානං;
ලද්ධා න සන්තිධිං කයිරා, න ච පරිත්තසෙ තාති අලභමානො.

931.

“ඤ්ඤා න පාදලොලස්ස, විරමෙ කුක්කුච්චා නප්පමජ්ජෙය්‍ය;
අථාසනෙසු සයනෙසු, අප්පසද්දෙසු භික්ඛු විහරෙය්‍ය.

932.

“නිද්දං න බහුලීකරෙය්‍ය, ජාගරියං භජෙය්‍ය ආතාපී;
තන්දිං මායං භස්සං බිඬ්ඬං, මෙථුනං විජ්ජප්පෙහ සවිභූසං.

933.

“ආථබ්බණං සුපිනං ලක්ඛණං, නො විදහෙ අථොපි නක්ඛත්තං;
විරුතඤ්ච ගබ්භකරණං, තිකිච්ඡං මාමකො න සෙවෙය්‍ය.

934.

“නින්දාය නප්පවෙධෙය්‍ය, න උණ්ණමෙය්‍ය පසංසිතො භික්ඛු;
ලොභං සහ මච්ඡරියෙන, කොධං පෙසුණියඤ්ච පනුදෙය්‍ය.

935.

“කයවික්කයෙ න තිට්ඨෙය්‍ය, උපවාදං භික්ඛු න කරෙය්‍ය කුභිඤ්චි;
ගාමෙ ච නාභිසජ්ජෙය්‍ය, ලාභකම්‍යා ජනං න ලපෙය්‍ය.

936.

“න ච කත්ථිතා සියා භික්ඛු, න ච වාවං පයුත්තං භාසෙය්‍ය;
පාගඛ්භියං න සික්ඛෙය්‍ය, කථං විග්ගාහිකං න කථෙය්‍ය.

937.

“මොසවජ්ජෙ න නියෙථ, සම්පජානො සයානි න කයිරා;
අථ ජීවිතෙන පඤ්ඤාය, සිලබ්බතෙන නාඤ්ඤමතිමඤ්ඤෙ.

938.

“සුත්වා රුසිතො බහුං වාවං, සමණානං වා පුථුජනානං
[පුථුවචනානං (සී. ස්‍යා. පී.)];
ඵරුසෙන තෙ න පටිවජ්ජා, න භි සන්තො පටිසෙතිකරොන්ති.

939.

“ඵතඤ්ච ධම්මමඤ්ඤාය, විචිනං භික්ඛු සදා සතො සික්ඛෙ;
සන්තීති නිබ්බුතිං ඤාත්වා, සාසනෙ ගොතමස්ස න පමජ්ජෙය්‍ය.

940.

“අභිභූ භි සො අනභිභූතො, සක්ඛිධම්මමනීතිහමදස්සී;
තස්මා භි තස්ස භගවතො සාසනෙ, අප්පමත්තො සදා
නමස්සමනුසික්ඛෙ” ති.

තුච්චකසුත්තං වුද්දසමං නිට්ඨිතං.

15. අත්තදණ්ඩසුත්තං

941.

“අත්තදණ්ඩා භයං ජාතං, ජනං පස්සථ මෙධගං;
සංවෙගං කිත්තයිස්සාමී, යථා සංවිජිතං මයා.

942.

“ඵන්දමානං පජං දිස්වා, මච්ඡෙ අප්පොදකෙ යථා;
අඤ්ඤමඤ්ඤෙහි ඛ්‍යාරුද්ධෙ, දිස්වා මං භයමාවිසී.

943.

“සමන්තමසාරො ලොකො, දිසා සබ්බා සමෙරිතා;

ඉච්ඡං භවනමත්තනො, නාද්දසාසිං අනොසිතං.

944.

“ඔසානෙත්ථෙව ඛ්‍යාරුද්ධෙ, දිස්වා මෙ අරතී අහු;
අථෙත්ථ සල්ලමද්දක්ඛිං, දුද්දසං භදයනිස්සිතං.

945.

“යෙන සල්ලෙන ඔතිණ්ණො, දිසා සබ්බා විධාවති;
තමෙව සල්ලමබ්බුස්භ, න ධාවති න සිදති.

946.

“තත්ථ සික්ඛානුගීයන්ති [\[සික්ඛානුකිරියන්ති \(ක.\)\]](#), යාති ලොකෙ
ගධිතාති;
න තෙසු පසුතො සියා, නිබ්බිජ්ඣ සබ්බසො කාමෙ;
සික්ඛෙ නිබ්බානමත්තනො.

947.

“සච්චො සියා අප්පගබ්භො, අමායො රිත්තපෙසුණො;
අක්කොධනො ලොභපාපං, වෙවිච්ඡං විතරෙ මුනි.

948.

“නිද්දං තන්දිං සහෙ ටීනං, පමාදෙන න සංවසෙ;
අතිමානෙ න තිට්ඨෙය්‍ය, නිබ්බානමනසො නරො.

949.

“මොසවජ්ජෙ න නීයෙථ, රූපෙ ස්නෙහං න කුබ්බයෙ;
මානඤ්ච පරිජානෙය්‍ය, සාහසා විරතො චරෙ.

950.

“පුරාණං නාහිනන්දෙය්‍ය, නවෙ ඛන්තිං න කුබ්බයෙ;
හිය්‍යමානෙ න සොවෙය්‍ය, ආකාසං න සිතො සියා.

951.

“ගෙධං බුම් මහොසොති, ආජවං බුම් ජප්පනං;
ආරම්මණං පකප්පනං, කාමපඨකො දුරච්චයො.

952.

“සච්චා අවොක්කම්ම [\[අවොක්කමං \(නිද්දෙස\)\]](#) මුනි, ථලෙ තිට්ඨති
බ්‍රාහ්මණො;
සබ්බං සො [\[සබ්බසො \(සා. ක.\)\]](#) පටිනිස්සජ්ජ, ස වෙ සන්තොති
වුච්චති.

953.

“ස වෙ විද්වා ස වෙදගු, ඤාත්වා ධම්මං අනිස්සිතො;
සම්මා සො ලොකෙ ඉරියානො, න පිහෙතීධ කස්සවි.

954.

“යොධ කාමෙ අව්චතරි, සඬ්ගං ලොකෙ දුරව්චයං;
න සො සොචති නාජ්ඤකි, ඡන්තසොතො අබන්ධනො.

955.

“යං පුබ්බෙ තං විසොසෙහි, පච්ඡා තෙ මාහු කිඤ්චනං;
මජ්ඣෙ වෙ නො ගහෙස්සසි, උපසන්තො වරිස්සසි.

956.

“සබ්බසො නාමරූපස්මිං, යස්ස නත්ථි මමායිතං;
අසතා ච න සොචති, ස වෙ ලොකෙ න ජීයති.

957.

“යස්ස නත්ථි ඉදං මෙනි, පරෙසං වාපි කිඤ්චනං;
මමත්තං සො අසංවින්දං, නත්ථි මෙනි න සොචති.

958.

“අනිට්ඨුරි අනනුගිද්ධො, අනෙජො සබ්බධි සමො;
තමානිසංසං පබ්බුමි, පුච්ඡිතො අවිකම්පිතං.

959.

“අනෙජස්ස විජානතො, නත්ථි කාවි නිසඬ්ඛති [නිසඬ්ඛති (සී. පී.)].
විරතො සො වියාරඛ්භා, බෙමං පස්සති සබ්බධි.

960.

“න සමෙසු න ඔමෙසු, න උස්සෙසු වදතෙ මුනි;
සන්තො සො චිතමච්ඡරො, නාදෙති න නිරස්සති”ති.

අත්තදණ්ඩසුත්තං පන්තරසමං නිට්ඨිතං.

16. සාරිපුත්තසුත්තං

961.

“න මෙ දිට්ඨො ඉතො පුබ්බෙ, (ඉච්චායස්මා සාරිපුත්තො)
න සුතො උද කස්සවි;
එවං වග්ගුවදො සත්ථා,
තුසිතා ගණිමාගතො.

962.

“සදෙවකස්ස ලොකස්ස, යථා දිස්සති චක්ඛුමා;

සබ්බං තමං විනොදෙත්වා, එකොව රතිමජ්ඣගා.

963.

“තං බුද්ධං අසීතං තාදිං, අකුහං ගණිමාගතං;
බහුනම්ඨ බද්ධානං, අත්ථි පඤ්ඤෙන ආගමං.

964.

“භික්ඛුනො විජිගුවිජනො, භජනො රිත්තමාසනං;
රුක්ඛමූලං සුසානං වා, පබ්බතානං ගුහාසු වා.

965.

“උච්චාවචෙසු සයනෙසු, කීවත්තො තත්ථ භෙරවා;
යෙහි භික්ඛු න වෙධෙය්‍ය, නිග්ඝොසෙ සයනාසනෙ.

966.

“කතී පරිස්සයා ලොකෙ, ගවිජනො අගතං දිසං;
යෙ භික්ඛු අභිසම්භවෙ, පන්තම්භි සයනාසනෙ.

967.

“කායාස්ස ඛ්‍යාප්පථයො අස්සු, කායාස්සස්සු ඉධ ගොචරා;
කානි සීලබ්බතානාස්සු, පභිතත්තස්ස භික්ඛුනො.

968.

“කං සො සික්ඛං සමාදාය, එකොදි නිපකො සතො;
කම්මාරො රජතස්සෙව, නිද්ධමෙ මලමත්තනො”.

969.

“විජිගුවිජමානස්ස යදිදං ඵාසු, (සාරිපුත්තාති භගවා)
රිත්තාසනං සයනං සෙවනො වෙ;
සම්බොධිකාමස්ස යථානුධම්මං,
තං තෙ පවක්ඛාමි යථා පජානං.

970.

“පඤ්චන්තං ධීරො භයානං න භායෙ, භික්ඛු සතො සපරියන්තචාරී;
චංසාධිපාතානං සරීසපානං, මනුස්සඵස්සානං චතුප්පදානං.

971.

“පරධම්මිකානම්භි න සන්තසෙය්‍ය, දිස්වාපි තෙසං බහුභෙරවානි;
අථාපරානි අභිසම්භවෙය්‍ය, පරිස්සයානි කුසලානුඵසී.

972.

“ආතඨිකඵස්සෙන බුදාය ඵ්ථිඨො, සීතං අතුණ්භං [අච්චුණ්භං (සී. සා.)] අධිවාසයෙය්‍යා;
සො තෙනි ඵ්ථිඨො ඛහුධා අනොකො, වීරියං පරක්කම්මදල්භං කරෙය්‍යා.

973.

“ථෙය්‍යං න කාරෙ [න කරෙය්‍යා (සී. සා. ක.)] න මුසා භණෙය්‍යා,
මෙත්තාය ඵස්සෙ තසථාවරානි;
යදාවිලත්තං මනසො විජ්ඣේඤා, කණ්භස්ස පක්ඛොති විනොදයෙය්‍යා.

974.

“කොධාතිමානස්ස වසං න ගච්ඡෙ, මුලම්භි තෙසං පලිඛඤ්ඤා තිට්ඨෙ;
අඵජ්ජියං වා පන අජ්ජියං වා, අද්ධා භවත්තො අභිසම්භවෙය්‍යා.

975.

“පඤ්ඤං පුරක්ඛත්වා කල්‍යාණපීති, වික්ඛම්භයෙ තානි පරිස්සයානි;
අරතිං සහෙථ සයනම්භි පන්තෙ, චතුරො සහෙථ පරිදෙවධම්මෙ.

976.

“කිංසු අසිස්සාමි කුචං වා [කුඨ වා (ක.), කුථ වා (නිද්දෙස)]
අසිස්සං, දුක්ඛං චත සෙත්ථ ක්වඡ්ඡ සෙස්සං;
එතෙ විතක්කෙ පරිදෙවනෙය්‍යො, විනයෙථ සෙඛො අනිකෙතචාරී.

977.

“අන්තඤ්ච ලද්ධා වසනඤ්ච කාලෙ, මත්තං සො ජඤ්ඤා ඉධ තොසනත්ථං;
සො තෙසු ගුත්තො යතචාරි ගාමෙ, රුසිතොපි වාචං ඵරුසං න වජ්ජා.

978.

“ඔක්ඛිත්තවක්ඛු න ව පාදලොලො, කුමානානුයුත්තො ඛහුජාගරස්ස;
උපෙක්ඛමාරඛිහ සමාහිතත්තො, තක්කාසයං කුක්කුච්චියුපජිත්තෙ.

979.

“චුදිතො චච්ඡි සතිමාහිනන්තෙ, සමුභ්මචාරිසු ඛිලං පහින්තෙ;
වාචං පමුඤ්ඤෙව කුසලං නාතිවෙලං, ජනවාදධම්මාය න වෙතයෙය්‍යා.

980.

“අථාපරං පඤ්ච රජානි ලොකෙ, යෙසං සතීමා විනයාය සික්ඛෙ;

රූපෙසු සද්දෙසු අපො රසෙසු, ගන්ධෙසු එස්සෙසු සහෙථ රාගං.

981.

“එතෙසු ධම්මෙසු විනයො ඡන්දං, භික්ඛු සතිමා සුවිමුත්තචිත්තො;
කාලෙන සො සම්මා ධම්මං පරිවිමංසමානො,
එකොදිභූතො විහතෙ තමං සො”ති.

සාරිපුත්තසුත්තං සොළසමං නිට්ඨිතං.

අට්ඨකචග්ගො චතුත්ථො

නිට්ඨිතො.

තස්සුද්දානං –

කාමං ගුහඤ්ච දුට්ඨා ච, සුද්ධඤ්ච පරමා ජරා;
මෙත්තෙයො ච පසුරො ච, මාගණ්ඨි පුරාහෙදනං.

කලහං ද්වෙ ච බ්‍යුහානි [බ්‍යුහානි (සී.)], පුනදෙව තුවට්ටකං;
අත්තදණ්ඩවරං සුත්තං, ථෙරපුට්ඨෙත [ථෙරපඤ්ඤාන (සී.,
සාරිපුත්තෙන [(සා.)] සොළස;
ඉති එතානි සුත්තානි, සබ්බානට්ඨකචග්ගිකානි.

5. පාරායනචග්ගො

චත්ථුගාථා

982.

කොසලානං පුරා රම්මා, අගමා දක්ඛිණාපථං;
ආකිඤ්චඤ්ඤං පත්ථයානො, බ්‍රාහ්මණො මන්තපාරගු.

983.

සො අස්සකස්ස විසයෙ, අලකස්ස [මුලකස්ස (සා.), මුල්භකස්ස
(ක.), මලකස්ස (නිද්දෙස)] සමාසනෙ;
චස් ගොධාවරිකුලෙ, උඤ්ඡෙන ච එලෙන ච.

984.

තස්සෙව උපනිස්සාය, ගාමො ච විපුලො අහු;
තතො ජාතෙන ආයෙන, මහායඤ්ඤමකප්පයි.

985.

මහායඤ්ඤං යජිත්වාන, පුන පාවිසි අස්සමං;
තස්මිං පටිපට්ඨමිහි, අඤ්ඤො ආගඤ්ඡි බ්‍රාහ්මණො.

986.

උග්ගථපාදො තසිතො **[තස්සිතො (ක.)]**, පඬිකදන්තො
රජස්සිරො;
සො ච නං උපසඬිකම්ම, සතානි පඤ්ච යාවති.

987.

තමෙනං බාවරී දිස්වා, ආසනෙන නිමන්තයි;
සුඛඤ්ච කුසලං පුච්ඡි, ඉදං වචනමබ්බවි.

988.

“යං බො මම දෙය්‍යාධම්මං, සබ්බං විසජ්ජිතං මයා;
අනුජානාහි මෙ බ්‍රහ්මෙ, නත්ථි පඤ්චසතානි මෙ”.

989.

“සචෙ මෙ යාවමානස්ස, භවං නානුපදස්සති;
සත්තමෙ දිවසෙ තුය්හං, මුද්ධා ඵලතු සත්තධා”.

990.

අභිසඬ්ඛරිත්වා කුහකො, හෙරවං සො අකිත්තයි;
තස්ස තං වචනං සුත්වා, බාවරී දුක්ඛිතො අහු.

991.

උස්සුස්සති අනාභාරො, සොකසල්ලසමජ්ජිතො;
අථොපි ඵලං විත්තස්ස, ඤානෙ න රමති මනො.

992.

උත්‍රස්තං දුක්ඛිතං දිස්වා, දෙවතා අත්ථකාමිනී;
බාවරිං උපසඬිකම්ම, ඉදං වචනමබ්බවි.

993.

“න සො මුද්ධං පජානාති, කුහකො සො ධනත්ථිකො;
මුද්ධනි මුද්ධපාතෙ වා, ඤාණං තස්ස න විජ්ජති”.

994.

“භොති වරහි ජානාසි, තං මෙ අක්ඛාහි පුච්ඡිතා;
මුද්ධං මුද්ධාධිපාතඤ්ච, තං සුඤ්ඤාම වචො තව”.

995.

“අහම්පෙනං න ජානාමි, ඤාණමෙත්ථ න විජ්ජති;
මුද්ධනි මුද්ධාධිපාතෙ ව, ජිනානං හෙත්ථ **[මුද්ධං මුද්ධාධිපාතො ව,
ජිනානං හෙන (සි. ස්‍යා. පි.)]** දස්සනං”.

996.

“අථ කො වරහි ජානාති, අස්මිං පථවිමණ්ඩලෙ [\[පුථවිමණ්ඩලෙ \(සි. 8.\)\]](#);

මුද්ධං මුද්ධාධිපාතඤ්ච, තං මෙ අක්ඛාහි දෙවතෙ’.

997.

“පුරා කපිලවත්ථුම්භා, නික්ඛන්තො ලොකනායකො;
අපච්චො ඔක්කාකරාජස්ස, සකාපුත්තො පහඬිකරො.

998.

“සො හි බ්‍රාහ්මණ සම්බුද්ධො, සබ්බධම්මාන පාරගු;
සබ්බාහිඤ්ඤාබලජ්ජන්තො, සබ්බධම්මෙසු චක්ඛුමා;
සබ්බකම්මක්ඛයං පත්තො, විමුත්තො උපධික්ඛයෙ.

999.

“බුද්ධො සො භගවා ලොකෙ, ධම්මං දෙසෙති චක්ඛුමා;
තං ත්වං ගන්ත්වාන පුච්ඡස්සු, සො තෙ තං ඛ්‍යාකරිස්සති’.

1000.

සම්බුද්ධොති වචො සුත්වා, උදග්ගො ඛාවරී අහු;
සොකස්ස තනුකො ආසි, පිතිඤ්ච විපුලං ලහි.

1001.

සො ඛාවරී අත්තමනො උදග්ගො, තං දෙවතං පුච්ඡති වෙදජානො;
“කතමම්හි ගාමෙ නිගමම්හි වා පන, කතමම්හි වා ජනපදෙ
ලොකනාථො;
යත්ථ ගන්ත්වාන පස්සෙමු [\[ගන්ත්වා නමස්සෙමු \(සි. සා. 8.\)\]](#),
සම්බුද්ධං ද්විපදුත්තමං” [\[ද්විපදුත්තමං \(සි. සා. 8.\)\]](#).

1002.

“සාවත්ථියං කොසලමන්දිරෙ ජිනො, පහුතපඤ්ඤො
වරහුරිමෙධසො;
සො සකාපුත්තො විධුරො අනාසථො, මුද්ධාධිපාතස්ස විදු
නරාසභො’.

1003.

තතො ආමන්තයි සිස්සෙ, බ්‍රාහ්මණෙ මන්තපාරගෙ;
“ඵථ මාණවා අක්ඛිස්සං, සුණාථ වචනං මම.

1004.

“යස්සෙසො දුල්ලභො ලොකෙ, පාතුභාවො අභිණ්භසො;
ස්වාජ්ජ ලොකම්හි උජ්ජන්තො, සම්බුද්ධො ඉති විස්සුතො;
බ්ව්ථං ගන්ත්වාන සාවත්ථිං, පස්සවිහො ද්විපදුත්තමං’.

1005.

“කථං චරහි ජානෙමු, දිස්වා බුද්ධොති බ්‍රාහ්මණ;
අජානනං නො පබ්බහි, යථා ජානෙමු තං මයං”.

1006.

“ආගතානි හි මන්තෙසු, මහාපුරිසලක්ඛණා;
ද්විත්තිංසානි ච [ද්විත්තිංසා ච (සී. සා. පී.), ද්විත්තිංස තානි (?)]
බ්‍යාක්ඛාතා, සමත්තා අනුපුබ්බසො.

1007.

“යස්සෙනෙ හොන්ති ගන්තෙසු, මහාපුරිසලක්ඛණා;
ද්වෙයෙව තස්ස ගතියො, තතියා හි න විජ්ජති.

1008.

“සචෙ අගාරං ආවසති [අජ්ඣාචසති (ක.)], විජෙය්‍ය පථවිං ඉමං;
අදණ්ඩෙන අසත්ථෙන, ධම්මෙනමනුසාසති.

1009.

“සචෙ ච සො පබ්බජති, අගාරා අනගාරියං;
විචට්ඨිජඤා [විචත්තජද්ඤා (සී.)] සම්බුද්ධො, අරහා භවති
අනුත්තරො.

1010.

“ජාතිං ගොත්තඤ්ච ලක්ඛණං, මන්තෙ සිස්සෙ පුනාපරෙ;
මුද්ධං මුද්ධාධිපාතඤ්ච, මනසායෙව පුච්ඡට්.

1011.

“අනාවරණදස්සාවී, යදි බුද්ධො භවිස්සති;
මනසා පුච්ඡිතෙ පඤ්ඤෙ, වාචාය විස්සජෙස්සති”.

1012.

බාවරිස්ස චචො සුත්වා, සිස්සා සොළස බ්‍රාහ්මණා;
අජිතො තිස්සමෙත්තෙයො, පුණ්ණකො අථ මෙත්තගු.

1013.

ධොතකො උපසිචො ච, නන්දො ච අථ හෙමකො;
තොදෙය්‍යකජ්ජා දුභයො, ජතුකණ්ණි ච පණ්ඩිතො.

1014.

හද්‍රාවුධො උදයො ච, පොසාලො වාසි බ්‍රාහ්මණො;
මොසරාජා ච මෙධාවී, පිඨගියො ච මහාඉසි.

1015.

පච්චෙකගණිනො සබ්බෙ, සබ්බලොකස්ස විස්සුතා;
කුමාසි කුමානරතා ධීරා, පුබ්බවාසනවාසිතා.

1016.

බාවරිං අභිවාදෙත්වා, කත්වා ච නං පදක්ඛිණං;
ජවාජිනධරා සබ්බෙ, පක්කාමුං උත්තරාමුබ්බා.

1017.

අළකස්ස පතිට්ඨානං, පුරිමාභිස්සතිං [පුරිමං මාභිස්සතිං (සි. පී.), පුරං
මාභිස්සතිං (සායා.)] තදා;
උජ්ජෙනිඤ්ඤාපි ගොනද්ධං, වෙදිසං වනසව්භයං.

1018.

කොසම්බිඤ්ඤාපි සාකෙතං, සාවත්ථිඤ්ඤා පුරුත්තමං;
සෙතඛ්‍යං කපිලවත්ථුං, කුසිනාරඤ්ඤා මන්දිරං.

1019.

පාවඤ්ඤා භොගනගරං, වෙසාලිං මාගධං පුරං;
පාසාණකං චෙතියඤ්ඤා, රමණීයං මනොරමං.

1020.

තසිතොවුදකං සීතං, මහාලාභංව වාණිජො;
ජායං ධම්මාභිතත්තොව, තුරිතා පබ්බතමාරුහුං.

1021.

භගවා තම්භි සමයෙ, භික්ඛුසඤ්ඤාපුරක්ඛතො;
භික්ඛුනං ධම්මං දෙසෙති, සීහොව නදතී වනෙ.

1022.

අජිතො අද්දස බුද්ධං, සතරංසිං [වීතරංසිංව (සායා.), සතරංසිව (ක.),
වීතරංසිව (නිද්දෙස)] ව භාණුමං;
චන්දං යථා පන්තරසෙ, පාරිපුරිං උපාගතං.

1023.

අඵස්ස ගත්තෙ දිස්වාන, පරිපුරඤ්ඤා බ්‍යඤ්ජනං;
එකමන්තං ධීතො භට්ඨො, මනොපඤ්ඤෙ අපුච්ඡථ.

1024.

“ආදිස්ස ජම්මනං [ජජ්ජනං (ක.)] බුහි, ගොත්තං බුහි සලක්ඛණං
[බුහිස්ස ලක්ඛණං (නිද්දෙස)];
මන්තෙසු පාරම්. බුහි, කති වාවෙති බ්‍රාහ්මණො”.

1025.

“විසං වස්සසතං ආයු, සො ව ගොත්තෙන බාවරී;
තිණ්ණස්ස ලක්ඛණා ගත්තෙ, තිණ්ණං වෙදාන පාරගු.

1026.

“ලක්ඛණෙ ඉතිහාසෙ ව, සතිසණ්ඩුසකෙටුහෙ;
පඤ්චසතානි වාවෙති, සධම්මෙ පාරමිං ගතො”.

1027.

“ලක්ඛණානං පච්චයං, බාවරීස්ස නරුත්තම;
කඨඛච්ඡිද [\[තණ්හච්ඡිද \(බහුසු\)\]](#) පකාසෙහි, මා නො කඨබාසිතං
අහු”.

1028.

“මුඛං ජිව්හාය ඡාදෙති, උණ්ණස්ස හමුකන්තරෙ;
කොසොහිතං වත්ථගුය්හං, එවං ජානාහි මාණව”.

1029.

පුච්ඡඤ්ඤි කිඤ්චි අසුණන්තො, සුත්වා පඤ්ඤෙ වියාකතෙ;
විචිත්තෙති ජනො සබ්බො, වෙදජානො කතඤ්ජලී.

1030.

“කො නු දෙවො වා බ්‍රහ්මා වා, ඉන්ද්‍රො වාපි සුජම්පති;
මනසා පුච්ඡිතෙ පඤ්ඤෙ, කමෙතං පටිභාසති.

1031.

“මුද්ධං මුද්ධාධිපාතඤ්ච, බාවරී පරිපුච්ඡති;
තං ඛ්‍යාකරොහි භගවා, කඨිං විනය නො ඉසෙ”.

1032.

“අච්ඡිජා මුද්ධාති ජානාහි, ච්ඡිජා මුද්ධාධිපාතිනී;
සද්ධාසතිසමාධිහි, ඡන්දවීරියෙන සංයුතා”.

1033.

තතො වෙදෙන මහතා, සන්ථම්භිත්වාන මාණවො;
එකංසං අජිනං කත්වා, පාදෙසු සිරසා පති.

1034.

“බාවරී බ්‍රාහ්මණො භොතො, සහ සිස්සෙහි මාරිස;
උදග්ගචිත්තො සුමනො, පාදෙ වන්දති චක්ඛුම”.

1035.

“සුඛිතො ඛාවරී හොතු, සහ සිස්සෙහි බ්‍රාහ්මණො;
ත්වඤ්චාපි සුඛිතො හොති, චිරං ජීවාහි මාණව.

1036.

“ඛාවරීස්ස ච තුය්හං වා, සබ්බෙසං සබ්බසංසයං;
කතාවකාසා පුච්ඡවිහො, යං කිඤ්චි මනසිච්ඡප්”.

1037.

සම්බුද්ධෙන කතොකාසො, නිසිදිත්වාන පඤ්ඡලී;
අජිතො පයමං පඤ්ඤං, තත්ථ පුච්ඡි තථාගතං.

චත්ථුගාථා නිට්ඨිතා.

1. අජිතමාණවපුච්ඡා

1038.

“කෙනස්සු නිවුතො ලොකො, (ඉච්චායස්මා අජිතො)
කෙනස්සු නප්පකාසති;
කිස්සාහිලෙපනං බුඞ්චි, කිංසු තස්ස මහබ්බයං”.

1039.

“අච්ඡ්ජාය නිවුතො ලොකො, (අජිතාති හගවා)
චෙච්චිඡා පමාදා නප්පකාසති;
ජජ්ජාහිලෙපනං බුඞ්චි, දුක්ඛමස්ස මහබ්බයං”.

1040.

“සචන්ති සබ්බධි සොතා, (ඉච්චායස්මා අජිතො)
සොතානං කිං නිචාරණං;
සොතානං සංවරං බුඞ්චි, කෙන සොතා පිටියොරෙ” [පිටියොරෙ (සි.
සා. පි.), පිටියොරෙ (සි. අට්ඨ.), පිටියොරෙ (?)].

1041.

“යාති සොතාති ලොකස්මිං, (අජිතාති හගවා)
සති තෙසං නිචාරණං;
සොතානං සංවරං බුඞ්චි, පඤ්ඤායෙන පිටියොරෙ”.

1042.

“පඤ්ඤා චෙච්ච සති යඤ්ච [සති චෙච්ච (සි.), සති ච (සා.), සති වාපි
(පි. නිද්දෙස), සති වාපි (නිද්දෙස)], (ඉච්චායස්මා අජිතො)
නාමරූපඤ්ච මාරිස;
එතං මෙ පුට්ඨො පබුඞ්චි, කත්ථෙතං උපරුජ්ඣති”.

1043.

“යමෙතං පඤ්භං අපුච්ඡි, අජිත තං වදාමි තෙ;
යත්ථ නාමඤ්ච රූපඤ්ච, අසෙසං උපරුජ්ඣති;
විඤ්ඤාණස්ස නිරොධෙන, එත්ථෙතං උපරුජ්ඣති”.

1044.

“යෙ ව සඨ්ඛාතධම්මාසෙ, යෙ ව සෙඛා පුට්ඨ ඉධ;
තෙසං මෙ නිපකො ඉරියං, පුට්ඨො පබ්බහි මාරිස”.

1045.

“කාමෙසු නාහිගිජ්ඣෙය්‍යා, මනසානාවලො සියා;
කුසලො සබ්බධම්මානං, සතො භික්ඛු පරිබ්බපෙ”ති.

අජිතමාණවපුච්ඡා පට්ඨා නිට්ඨිතා.

2. තිස්සමෙත්තෙය්‍යමාණවපුච්ඡා

1046.

“කොධ සන්තුසිතො ලොකෙ, (ඉච්චායස්මා තිස්සමෙත්තෙය්‍යො)
තස්ස නො සන්ති ඉඤ්ජිතා;
කො උභන්තමභිඤ්ඤාය, මජ්ඣෙ මන්තා න ලිජ්ජති [ලිම්පති (ක.)];
කං බුඞ් මහාපුරිසොති, කො ඉධ සිබ්බිනිමච්චගා”.

1047.

“කාමෙසු බ්‍රහ්මවරියවා, (මෙත්තෙය්‍යාති භගවා)
චිත්තණ්හො සදා සතො;
සඨ්ඛාය නිබ්බුතො භික්ඛු, තස්ස නො සන්ති ඉඤ්ජිතා.

1048.

“සො උභන්තමභිඤ්ඤාය, මජ්ඣෙ මන්තා න ලිජ්ජති;
තං බුඞ් මහාපුරිසොති, සො ඉධ සිබ්බිනිමච්චගා”ති.

තිස්සමෙත්තෙය්‍යමාණවපුච්ඡා දුතියා නිට්ඨිතා.

3. පුණ්ණකමාණවපුච්ඡා

1049.

“අනෙජං මුලදස්සාවිං, (ඉච්චායස්මා පුණ්ණකො)
අත්ථි [අත්ථි (සා.)] පඤ්භෙන ආගමං;
කිං නිස්සිතා ඉසයො මනුජා, ඛත්තියා බ්‍රාහ්මණා දෙවතානං;
යඤ්ඤමකප්පයිංසු පුට්ඨ ලොකෙ, පුච්ඡාමි තං භගවා බුහි මෙ තං”.

1050.

“යෙ කෙවිමෙ ඉසයො මනුජා, (පුණ්ණකාති භගවා)
ඛත්තියා බ්‍රාහ්මණා දෙවතානං;

යඤ්ඤමකප්පයිංසු පුට්ඨ ලොකෙ, ආසිසමානා පුණ්ණක ඉත්ථත්තං
[ඉත්ථභාවං (සී. සා.)];
ජරං සිතා යඤ්ඤමකප්පයිංසු”.

1051.

“යෙ කෙවිමෙ ඉසයො මනුජා, (ඉච්චායස්මා පුණ්ණකො)
බත්තියා බ්‍රාහ්මණා දෙවතානං;
යඤ්ඤමකප්පයිංසු පුට්ඨ ලොකෙ, කච්චිස්සු තෙ භගවා යඤ්ඤපථෙ
අප්පමත්තා;
අතාරුං ජාතිඤ්ච ජරඤ්ච මාරිස, පුච්ඡාමි තං භගවා බුහි මෙ තං”.

1052.

“ආසිසන්ති ථොමයන්ති, අභිජප්පන්ති පුහන්ති; (පුණ්ණකාති
භගවා)
කාමාභිජප්පන්ති පටිච්ච ලාභං, තෙ යාජයොගා භවරාගරත්තා;
නාතරිංසු ජාතිජරන්ති බුමි”.

1053.

“තෙ චෙ නාතරිංසු යාජයොගා, (ඉච්චායස්මා පුණ්ණකො)
යඤ්ඤෙහි ජාතිඤ්ච ජරඤ්ච මාරිස;
අථ කො චරහි දෙවමනුස්සලොකෙ, අතාරි ජාතිඤ්ච ජරඤ්ච මාරිස;
පුච්ඡාමි තං භගවා බුහි මෙ තං”.

1054.

“සඬ්ඛාය ලොකස්මි පරොපරානි [පරොචරානි (සී. සා.)],
(පුණ්ණකාති භගවා)
යස්සිඤ්ජිතං නත්ථි කුහිඤ්චි ලොකෙ;
සන්තො විධුමො අනිසො නිරාසො, අතාරි සො ජාතිජරන්ති බුමි”ති.

පුණ්ණකමාණවපුච්ඡා තතියා නිට්ඨිතා.

4. මෙත්තගුමාණවපුච්ඡා

1055.

“පුච්ඡාමි තං භගවා බුහි මෙ තං, (ඉච්චායස්මා මෙත්තගු)
මඤ්ඤාමි තං චෙදගං භාවිතත්තං;
කුතො නු දුක්ඛා සමුදාගතා ඉමෙ, යෙ කෙවි
ලොකස්මිමනෙකරුපා”.

1056.

“දුක්ඛස්ස චෙ මං පභවං අපුච්ඡසි, (මෙත්තගුති භගවා)
තං තෙ පචක්ඛාමි යථා පජානං;

උපධිනිදානා පභවන්ති දුක්ඛා, යෙ කෙවි ලොකස්මිමනෙකරුපා.

1057.

“යො වෙ අවිද්වා උපධිං කරොති, පුනස්පුනං දුක්ඛමුපෙති මන්දො;
තස්මා පජානං උපධිං න කයිරා, දුක්ඛස්ස ජාතිප්පභවානුපස්සි”.

1058.

“යං තං අපුච්ඡිමිහ අකිත්තයි නො, අඤ්ඤං තං පුච්ඡාම **[පුච්ඡාමි (සි. 8.)]** තදිඛිස භුහි;
කථං නු ධිරා විතරන්ති ඔසං, ජාතිං ජරං සොකපරිද්දවඤ්ච;
තං මෙ මුනි සාධු වියාකරොහි, තථා හි තෙ විදිතො එස ධම්මො”.

1059.

“කිත්තයිස්සාමි තෙ ධම්මං, (මෙත්තගුති භගවා)
දිට්ඨෙ ධම්මෙ අනීතිහං;
යං විදිත්වා සතො වරං, තරෙ ලොකෙ විසත්තිකං”.

1060.

“තඤ්චාහං අභිනන්දාමි, මහෙසි ධම්මමුත්තමං;
යං විදිත්වා සතො වරං, තරෙ ලොකෙ විසත්තිකං”.

1061.

“යං කිඤ්චි සම්පජානාසි, (මෙත්තගුති භගවා)
උද්ධං අධො තිරියඤ්චාපි මජ්ඣකෙ;
එතෙසු නන්දිඤ්ච නිවෙසනඤ්ච, පනුජ්ජ විඤ්ඤාණං භවෙ න
තිට්ඨෙ.

1062.

“එවංවිහාරී සතො අප්පමත්තො, හික්ඛු වරං හිත්වා මමායිනානි;
ජාතිං ජරං සොකපරිද්දවඤ්ච, ඉධෙව විද්වා පජ්ඣෙය්‍ය දුක්ඛං”.

1063.

“එතාභිනන්දාමි වචො මහෙසිනො, සුකිත්තිතං ගොතමනුපධිකං;
අද්ධා හි භගවා පහාසි දුක්ඛං, තථා හි තෙ විදිතො එස ධම්මො.

1064.

“තෙ වාපි නුනප්පජ්ඣෙය්‍ය දුක්ඛං, යෙ ත්වං මුනි අට්ඨිතං ඔවදෙය්‍ය;
තං තං නමස්සාමි සමෙච්ච නාග, අප්පෙව මං භගවා අට්ඨිතං
ඔවදෙය්‍ය”.

1065.

“යං බ්‍රාහ්මණං වෙදගුමාහිජඤ්ඤා, අකිඤ්චනං කාමභවෙ අසත්තං;

අද්ධා හි සො ඔසමිමං අතාරි, තිණ්ණො ච පාරං අබ්බො අකඨ්ඨො.

1066.

“විද්වා ච යො [සො (සී. ස්‍යා. පී.)] වෙදගු නරො ඉධ, භවාභවෙ සඨගමිමං විසජ්ජ;
සො චිත්තණ්හො අනිසො නිරාසො, අතාරි සො ජාතිජරත්ති බුමි”ති.

මෙත්තගුමාණවපුච්ඡා චතුත්ථි නිට්ඨිතා.

5. ධොතකමාණවපුච්ඡා

1067.

“පුච්ඡාමි තං භගවා බුහි මෙ තං, (ඉච්චායස්මා ධොතකො)
වාචාහිකඨ්ඨාමි මහෙසි තුය්හං;
තච සුත්වාන නිග්ඝොසං, සික්ඛෙ නිබ්බානමත්තනො”.

1068.

“තෙනභාතජ්ජං කරොහි, (ධොතකාති භගවා) ඉධෙව නිපකො සතො;
ඉතො සුත්වාන නිග්ඝොසං, සික්ඛෙ නිබ්බානමත්තනො”.

1069.

“පස්සාමහං දෙවමනුස්සලොකෙ, අකිඤ්චනං බ්‍රාහ්මණමිරියමානං;
තං තං නමස්සාමි සමන්තවක්ඛු, පමුඤ්ච මං සක්ක කථංකථාහි”.

1070.

“නාහං සහිස්සාමි [සමිස්සාමි (ස්‍යා.), ගමිස්සාමි (සී.), සමිහාමි (පී.)]
පමොචනාය, කථංකථිං ධොතක කඤ්චි ලොකෙ;
ධම්මඤ්ච සෙට්ඨං අභිජානමානො [ආජානමානො (සී. ස්‍යා. පී.)],
එවං තුවං ඔසමිමං තරෙසි”.

1071.

“අනුසාස බ්‍රහ්මෙ කරුණායමානො, විචෙකධම්මං යමහං විජඤ්ඤං;
යථාහං ආකාසොච අබ්‍යාපජ්ජමානො, ඉධෙව සන්තො අසිතො
චරෙය්‍යං”.

1072.

“කිත්තයිස්සාමි තෙ සන්තිං, (ධොතකාති භගවා) දිට්ඨෙ ධම්මෙ
අනිතිහං;
යං විදිත්වා සතො චරං, තරෙ ලොකෙ විසත්තිකං”.

1073.

“තඤ්චාහං අභිනන්දාමි, මහෙසි සන්තිමුත්තමං;
යං විදිත්වා සතො වරං, තරෙ ලොකෙ විසත්තිකං”.

1074.

“යං කිඤ්චි සම්පජානාසි, (ධොතකාති භගවා)
උද්ධං අධො තිරියඤ්චාපි මජ්ඣෙකං;
එතං විදිත්වා සඬගොති ලොකෙ, භවාභවාය මාකාසි තණ්හ”න්ති.

ධොතකමාණවජ්ජවිජා පඤ්චමී නිට්ඨිතා.

6. උපසිවමාණවජ්ජවිජා

1075.

“එකො අහං සක්ක මහත්තමොසං, (ඉච්චායස්මා උපසිවො)
අනිස්සිතො නො විසහාමි තාරිතුං;
ආරම්මණං බුහි සමන්තවක්ඛු, යං නිස්සිතො ධ්වංසමං තරෙය්‍යං”.

1076.

“ආකිඤ්චඤ්ඤං පෙක්ඛමානො සතිමා, (උපසිවාති භගවා)
නත්ථිති නිස්සාය තරස්සු ධ්වංසං;
කාමෙ පහාය වීරතො කථාහි, තණ්හක්ඛයං නත්තමහාභිපස්ස”
[රත්තමහාභිපස්ස (සා.), රත්තමහං විපස්ස (ක.)].

1077.

“සඬබ්බෙසු කාමෙසු යො වීරරාගො, (ඉච්චායස්මා උපසිවො)
ආකිඤ්චඤ්ඤං නිස්සිතො හිත්වා මඤ්ඤං;
සඤ්ඤාවිමොක්ඛෙ පරමෙ විමුත්තො [ධිමුත්තො (ක.)], නිට්ඨෙ නු
සො තත්ථ අනානුයාසී” [අනානුයාසී (සා. ක.)].

1078.

“සඬබ්බෙසු කාමෙසු යො වීරරාගො, (උපසිවාති භගවා)
ආකිඤ්චඤ්ඤං නිස්සිතො හිත්වා මඤ්ඤං;
සඤ්ඤාවිමොක්ඛෙ පරමෙ විමුත්තො, නිට්ඨෙය්‍ය සො තත්ථ
අනානුයාසී”.

1079.

“නිට්ඨෙ වෙ සො තත්ථ අනානුයාසී, පුගම්පි වස්සානං
සමන්තවක්ඛු;
තත්ථෙව සො සීතිසියා විමුත්තො, වචෙථ විඤ්ඤාණං තථාච්ඤස්ස”.

1080.

“අච්චි යථා වාතවෙගෙන ඛිත්තා [ඛිත්තං (සා.), ඛිත්තො (පි.)],
(උපසිවාති භගවා)

අත්ථං පලෙති න උපෙති සඬ්ඛං;
එවං මුතී නාමකායා විමුත්තො, අත්ථං පලෙති න උපෙති සඬ්ඛං”.

1081.

“අත්ථඬ්ඛගතො සො උද වා සො නත්ථී, උදාහු වෙ සස්සතියා
අරොගො;
තං මෙ මුතී සාධු වියාකරොහි, තථා හි තෙ විදිතො එස ධම්මො”.

1082.

“අත්ථඬ්ඛගතස්ස න පමාණමත්ථී, (උපසිචාති භගවා)
යෙන නං වජ්ජුං තං තස්ස නත්ථී;
සබ්බෙසු ධම්මෙසු සමොභතෙසු, සමුහතා වාදපථාපි සබ්බෙ”ති.

උපසිචමාණවපුච්ඡා ඡට්ඨී නිට්ඨිතා.

7. නන්දමාණවපුච්ඡා

1083.

“සත්ති ලොකෙ මුත්තයො, (ඉච්චායස්මා නන්දො)
ජනා වදන්ති තයිදං කථංසු;
ඤාණුපපත්තං නො මුතීං [මුතී නො (සා. ක.)] වදන්ති, උදාහු වෙ
ඡීවිතෙනුපපත්තං”.

1084.

“න දිට්ඨියා න සුතියා න ඤාණෙන, (න සීලබ්බතෙන) [() නත්ථී
සී.-පී පොත්ථකෙසු]
මුතීධ නන්ද කුසලා වදන්ති;
විසෙතිකත්වා අනිසා නිරාසා, වරන්ති යෙ තෙ මුත්තයොති බුම්”.

1085.

“යෙ කෙවිමෙ සමණව්‍රාහ්මණාසෙ, (ඉච්චායස්මා නන්දො)
දිට්ඨස්සුතෙනාපි [දිට්ඨෙන සුතෙනාපි (සී.), දිට්ඨෙ සුතෙනාපි (සා. පී. ක.)] වදන්ති සුද්ධිං;
සීලබ්බතෙනාපි වදන්ති සුද්ධිං, අනෙකරූපෙන වදන්ති සුද්ධිං;
කච්චිස්සු තෙ භගවා තත්ථ යතා වරන්තා, අතාරු ජාතිඤ්ච ජරඤ්ච
මාරිස;
පුච්ඡාමි තං භගවා බුහි මෙ තං”.

1086.

“යෙ කෙවිමෙ සමණව්‍රාහ්මණාසෙ, (නන්දාති භගවා)
දිට්ඨස්සුතෙනාපි වදන්ති සුද්ධිං;
සීලබ්බතෙනාපි වදන්ති සුද්ධිං, අනෙකරූපෙන වදන්ති සුද්ධිං;

කිඤ්චාපි තෙ තත්ථ යතා චරන්ති, නාරිංසු ජාතිජරන්ති බුමි”.

1087.

“යෙ කෙවිමෙ සමණබ්‍රාහ්මණාසෙ, (ඉච්චායස්මා නන්දො)
දිට්ඨස්සුතෙනාපි වදන්ති සුද්ධිං;
සීලබ්බතෙනාපි වදන්ති සුද්ධිං, අනෙකරුපෙන වදන්ති සුද්ධිං;
තෙ චෙ මුනි [සචෙ මුනි (සි.)] බුසි අනොසතිණ්ණෙ, අථ කො චරහි
දෙවමනුස්සලොකෙ;
අතාරි ජාතිඤ්ච ජරඤ්ච මාරිස, පුච්ඡාමි තං භගවා බුහි මෙ තං”.

1088.

“නාහං සබ්බෙ සමණබ්‍රාහ්මණාසෙ, (නන්දාති භගවා)
ජාතිජරාය නිවුතාති බුමි;
යෙ සීධ දිට්ඨං ච සුතං මුතං වා, සීලබ්බතං වාපි පභාය සබ්බං;
අනෙකරුපමිපි පභාය සබ්බං, තණ්හං පරිඤ්ඤාය අනාසවාසෙ;
තෙ චෙ නරා ඔසතිණ්ණාති බුමි”.

1089.

“එතාහිනන්දාමි චචො මහෙසිනො, සුකිත්තිතං ගොතමනුපධිකං;
යෙ සීධ දිට්ඨං ච සුතං මුතං වා, සීලබ්බතං වාපි පභාය සබ්බං;
අනෙකරුපමිපි පභාය සබ්බං, තණ්හං පරිඤ්ඤාය අනාසවාසෙ;
අහමිපි තෙ ඔසතිණ්ණාති බුමි”ති.

නන්දමාණවපුච්ඡා සත්තමා නිට්ඨිතා.

8. හෙමකමාණවපුච්ඡා

1090.

“යෙ මෙ පුබ්බෙ විශාකංසු, (ඉච්චායස්මා හෙමකො)
හුරං ගොතමසාසනා;
ඉච්චාසි ඉති භවිස්සති, සබ්බං තං ඉතිහීතිහං;
සබ්බං තං තක්කවඩ්ඨනං, නාහං තත්ථ අහිරමිං.

1091.

“ත්චඤ්ච මෙ ධම්මමක්ඛාහි, තණ්හානිග්ඝාතනං මුනි;
යං විදිත්වා සතො චරං, තරෙ ලොකෙ විසත්තිකං”.

1092.

“ඉධ දිට්ඨස්සුතමුතවිඤ්ඤාතෙසු, පියරුපෙසු හෙමක;
ඡන්දරාගවිනොදනං, නිබ්බානපදමච්චුතං.

1093.

“එතදඤ්ඤාය යෙ සතා, දිට්ඨධම්මාහිනිබ්බුතා;

උපසන්නා ච තෙ සදා, තිණ්ණා ලොකෙ විසත්තික”න්ති.

හෙමකමාණවප්පච්ඡා අට්ඨමා නිට්ඨිතා.

9. තොදෙය්‍යමාණවප්පච්ඡා

1094.

“යස්මිං කාමා න වසන්ති, (ඉච්චායස්මා තොදෙය්‍යා)
තණ්හා යස්ස න විජ්ජති;
කථංකථා ච යො තිණ්ණො, විමොක්ඛො තස්ස කීදිසො”.

1095.

“යස්මිං කාමා න වසන්ති, (තොදෙය්‍යාති භගවා)
තණ්හා යස්ස න විජ්ජති;
කථංකථා ච යො තිණ්ණො, විමොක්ඛො තස්ස නාපරො”.

1096.

“නිරාසසො සො උද ආසසානො, පඤ්ඤාණවා සො උද
පඤ්ඤකප්පි;
මුනිං අභං සක්ක යථා විජ්ඤ්ඤං, තං මෙ වියාවික්ඛ සමන්තවක්ඛු”.

1097.

“නිරාසසො සො න ච ආසසානො, පඤ්ඤාණවා සො න ච
පඤ්ඤකප්පි;
එවම්පි තොදෙය්‍ය මුනිං විජාන, අකිඤ්චනං කාමභවෙ අසත්ත”න්ති.

තොදෙය්‍යමාණවප්පච්ඡා නවමා නිට්ඨිතා.

10. කප්පමාණවප්පච්ඡා

1098.

“මජ්ඣෙ සරස්මිං තිට්ඨතං, (ඉච්චායස්මා කප්පො)
ඔසෙ ජාතෙ මහබ්භයෙ;
ජරාමච්චුපරෙතානං, දීපං පබ්බහි මාරිස;
ත්ථඤ්ච මෙ දීපමක්ඛාහි, යථායිදං නාපරං සියා”.

1099.

“මජ්ඣෙ සරස්මිං තිට්ඨතං, (කප්පාති භගවා)
ඔසෙ ජාතෙ මහබ්භයෙ;
ජරාමච්චුපරෙතානං, දීපං පබ්බම් කප්ප තෙ.

1100.

“අකිඤ්චනං අනාදානං, එතං දීපං අනාපරං;
නිබ්බානං ඉති [නිබ්බානමිති (සි.)] නං බුම්, ජරාමච්චුපරික්ඛයං.

1101.

“එතදඤ්ඤාය යෙ සතා, දිට්ඨධම්මාහිනිබ්බතා;
න තෙ මාරවසානුගා, න තෙ මාරස්ස පද්ධගු”ති [පට්ඨගුති (සා. ක.)].

කප්පමාණවප්පවිජා දසමා නිට්ඨිතා.

11. ජතුකණ්ණිමාණවප්පවිජා

1102.

“සුත්වානභං වීරමකාමකාමීං, (ඉච්චායස්මා ජතුකණ්ණි)
ඔසාතිගං පුට්ඨුමකාමමාගමං;
සන්තිපදං බුහි සහජනෙත්ත, යථාතච්ඡං භගවා බුහි මෙ තං.

1103.

“භගවා හි කාමෙ අභිභුයා ඉරියති, ආදිච්චොච පථවිං තෙජී තෙජසා;
පරිත්තපඤ්ඤස්ස මෙ භූරිපඤ්ඤ, ආචික්ඛ ධම්මං යමහං විජඤ්ඤං;
ජාතිජරාය ඉධ විජ්ජහානං”.

1104.

“කාමෙසු විනය ගෙධං, (ජතුකණ්ණිති භගවා) නෙක්ඛම්මං දට්ඨු
බෙමතො;
උග්ගහිතං නිරත්තං වා, මා තෙ විජ්ජිත්ථ කිඤ්චනං.

1105.

“යං පුබ්බෙ තං විසොසෙහි, පච්ඡා තෙ මාහු කිඤ්චනං;
මජ්ඣෙ වෙ නො ගහෙස්සසි, උපසන්තො වරිස්සසි.

1106.

“සබ්බසො නාමරූපස්මිං, වීතගෙධස්ස බ්‍රාහ්මණ;
ආසවාස්ස න විජ්ජන්ති, යෙහි මච්චුවසං වජෙ”ති.

ජතුකණ්ණිමාණවප්පවිජා එකාදසමා නිට්ඨිතා.

12. හද්‍රාවුධමාණවප්පවිජා

1107.

“ඔකඤ්ජහං තණ්හවිජ්ජං අනෙජං, (ඉච්චායස්මා හද්‍රාවුධො)
නන්දිඤ්ජහං ඔසතිණ්ණං විමුත්තං;
කප්පඤ්ජහං අභියාවෙ සුමෙධං, සුත්වාන නාගස්ස අපනම්ස්සන්ති
ඉතො.

1108.

“නානාජනා ජනපදෙහි සඬිගතා, තච වීර වාක්‍යං අභිකඬ්ඛමානා;

තෙසං තුවං සාධු වියාකරොහි, තථා හි තෙ විදිතො එස ධම්මො”.

1109.

“ආදානතණ්හං විනයෙථ සබ්බං, (හද්‍රාවුධාති හගවා)
උද්ධං අධො තිරියඤ්චාපි මජ්ඣෙ;
යං යඤ්ඤි ලොකස්මිමුපාදියන්ති, තෙනෙව මාරො අත්ථෙති ජන්තුං.

1110.

“තස්මා පජානං න උපාදියෙථ, හික්ඛු සතො කිඤ්චනං
සබ්බලොකෙ;
ආදානසත්තෙ ඉති පෙක්ඛමානො, පජං ඉමං මච්චුධෙයො
විසත්ත”න්ති.

හද්‍රාවුධමාණවප්‍රච්ඡා ද්වාදසමා නිට්ඨිතා.

13. උදයමාණවප්‍රච්ඡා

1111.

“කුමාරිං වීරජමාසීනං, (ඉච්චායස්මා උදයො) කතකිච්චං අනාසවං;
පාරගුං සබ්බධම්මානං, අත්ථි පඤ්ඤෙන ආගමං;
අඤ්ඤාවිමොක්ඛං පබ්බුහි, අවිජ්ජාය පහෙදනං”.

1112.

“පහානං කාමච්ඡන්දානං, (උදයාති හගවා) දොමනස්සාන වුහයං;
ථිතස්ස ච පනුදනං, කුක්කුච්චානං නිවාරණං.

1113.

“උපෙක්ඛාසතිසංසුද්ධං, ධම්මතක්කපුරෙජවං;
අඤ්ඤාවිමොක්ඛං පබ්බුමි, අවිජ්ජාය පහෙදනං”.

1114.

“කිංසු සංයොජනො ලොකො, කිංසු තස්ස විවාරණං;
කිස්සස්ස විජ්ජහානෙන, නිබ්බානං ඉති වුච්චති”.

1115.

“නන්දිසංයොජනො ලොකො, විතක්කස්ස විවාරණං;
තණ්හාය විජ්ජහානෙන, නිබ්බානං ඉති වුච්චති”.

1116.

“කථං සතස්ස වරතො, විඤ්ඤාණං උපරුජ්ඣති;
හගවන්තං පුට්ඨුමාගම්ම, තං සුණොම වට්ඨො තව”.

1117.

උදයමාණවජ්ජවිජා තෙරසමා නිව්ඨිතා.

1118.

1119.

1120.

1121.

පොසාලමාණවප්පච්ඡා චුද්දසමා නිව්සිතා.

1122.

1123.

1124.

148

1125.

“සුඤ්ඤතො ලොකං අවෙක්ඛස්සු, මොසරාජ සදා සතො;
අත්තානුදිට්ඨිං උභවිව, එවං මච්චුතරො සියා;
එවං ලොකං අවෙක්ඛන්තං, මච්චුරාජා න පස්සති” ති.

මොසරාජමාණවපුච්ඡා පන්තරසමා නිට්ඨිතා.

16. පිඬ්ඨියමාණවපුච්ඡා

1126.

“ජිණ්ණොභමස්මි අබලො වීතවණ්ණො, (ඉච්චායස්මා පිඬ්ඨියො)
නෙත්තා න සුද්ධා සවනං න ඵාසු;
මාහං නස්සං මොමුහො අත්තරාව
ආවික්ඛ ධම්මං යමහං විජඤ්ඤං;
ජාතිජරාය ඉධ විජ්ජහානං”.

1127.

“දිස්වාන රූපෙසු විහඤ්ඤමානෙ, (පිඬ්ඨියාති භගවා)
රූප්පන්ති රූපෙසු ජනා පමත්තා;
තස්මා තුවං පිඬ්ඨිය අප්පමත්තො,
ජහස්සු රූපං අපුනඛිභවාය”.

1128.

“දිසා චතස්සො විදිසා චතස්සො, උද්ධං අධො දස දිසා ඉමායො;
න තුය්හං අදිට්ඨං අසුතං අමුතං [අසුතං අමුතං වා (සී.), අසුතාමුතං
වා (සා.), අසුතං’මුතං වා (පී.)], අථො අවිඤ්ඤාතං කිඤ්චනමත්ථි
[කිඤ්චි මත්ථි (සා.), කිඤ්චි නත්ථි (පී.), කිඤ්චිනමත්ථි (ක.)]
ලොකෙ;
ආවික්ඛ ධම්මං යමහං විජඤ්ඤං, ජාතිජරාය ඉධ විජ්ජහානං”.

1129.

“තණ්හාධිපන්තෙ මනුෂෙ පෙක්ඛමානො, (පිඬ්ඨියාති භගවා)
සන්තාපජාතෙ ජරසා පරෙතෙ;
තස්මා තුවං පිඬ්ඨිය අප්පමත්තො, ජහස්සු තණ්හං අපුනඛිභවායා” ති.

පිඬ්ඨියමාණවපුච්ඡා සොළසමා නිට්ඨිතා.

පාරායනත්ථුතිගාථා

ඉදමචොච භගවා මගධෙසු විහරන්තො පාසාණකෙ චෙතියෙ,
පරිවාරකසොළසානං [පරිවාරකසොළසන්තං (සා. ක.)] බ්‍රාහ්මණානං
අජ්ඣිට්ඨො පුට්ඨො පුට්ඨො පඤ්ඤං [පඤ්ඤෙ (සී. පී.)] බ්‍රාහ්මණී.
එකමෙකස්ස චෙපි පඤ්ඤස්ස අත්ථමඤ්ඤාය ධම්මමඤ්ඤාය ධම්මානුධම්මං

පටිපජ්ජෙය්‍යා, ගච්ඡෙය්‍යොව ජරාමරණස්ස පාරං. පාරඬිගමනීයා ඉමෙ ධම්මානි, තස්මා ඉමස්ස ධම්මපරියායස්ස පාරායනන්තෙව [පාරායණංත්වෙව (සි. අට්ඨ.)] අධිවචනං.

1130.

අජිතො තිස්සමෙත්තෙය්‍යො, පුණ්ණකො අථ මෙත්තගු;
ධොතකො උපසිවො ච, නන්දො ච අථ හෙමකො.

1131.

තොදෙය්‍යා-කප්පා දුභයො, ජතුකණ්ණි ච පණ්ඩිතො;
හද්‍රාවුධො උදයො ච, පොසාලො වාසි බ්‍රාහ්මණො;
මොසරාජා ච මෙධාවී, පිඬිගියො ච මහාඉසි.

1132.

එතෙ බුද්ධං උපාගච්ඡුං, සම්පන්නවරණං ඉසිං;
පුච්ඡන්තා නිපුණ පඤ්ඤෙ, බුද්ධසෙට්ඨං උපාගමුං.

1133.

තෙසං බුද්ධො පබ්බාකාසි, පඤ්ඤෙ පුට්ඨො යථාතථං;
පඤ්ඤානං වෙය්‍යාකරණෙන, තොසෙසි බ්‍රාහ්මණෙ මුනි.

1134.

තෙ තොසිතා චක්ඛුමතා, බුද්ධෙනාදිච්චබන්ධුනා;
බ්‍රහ්මචරියමචරිංසු, වරපඤ්ඤස්ස සන්තිකෙ.

1135.

එකමෙකස්ස පඤ්ඤස්ස, යථා බුද්ධෙන දෙසිතං;
තථා යො පටිපජ්ජෙය්‍යා, ගච්ඡෙ පාරං අපාරතො.

1136.

අපාරා පාරං ගච්ඡෙය්‍යා, භාවෙන්තො මග්ගමුත්තමං;
මග්ගො සො පාරං ගමනාය, තස්මා පාරායනං ඉති.

පාරායනානුගීතිගාථා

1137.

“පාරායනමනුගායිස්සං, (ඉච්චායස්මා පිඬිගියො)
යථාද්දක්ඛි තථාක්ඛාසි, විමලො භූරිමෙධසො;
නික්කාමො නිබ්බනො [නිබ්බුතො (සා.)] නාගො, කිස්ස හෙතු
මුසා හණ.

1138.

“පහීනමලමොහස්ස, මානමක්ඛජ්ජහාසිතො;

හන්දාහං කිත්තයිස්සාමි, ගිරං වණ්ණපසඤ්භිතං.

1139.

“තමොනුදො බුද්ධො සමන්තවක්ඛු, ලොකන්තගු
සබ්බභවාතිවත්තො;
අනාසවො සබ්බදුක්ඛපභීතො, සච්චච්ඡයො බ්‍රහ්මෙ උපාසිතො මෙ.

1140.

“දිජො යථා කුබ්බනකං පභාය, බහුජ්ඵලං කානනමාවසෙයා;
ඵවං පහං අජ්ජදස්සෙ පභාය, මහොදධිං භංසාරිව අජ්ඣපත්තො.

1141.

“යෙමෙ පුබ්බෙ වියාකංසු, හුරං ගොතමසාසනා;
ඉච්චාසි ඉති භවිස්සති;
සබ්බං තං ඉතිහිතිහං, සබ්බං තං තක්කවච්ඡිතං.

1142.

“ඵකො තමනුදාසිතො, ජුතිමා සො පහඬිකරො;
ගොතමො භූරිපඤ්ඤාණො, ගොතමො භූරිමෙධසො.

1143.

“යො මෙ ධම්මමදෙසෙසි, සන්දිට්ඨිකමකාලිකං;
තණ්හක්ඛයමනීතිකං, යස්ස නත්ථි උපමා ක්වච්චි”.

1144.

“කිංනු තම්හා විජ්ජවසසි, මුහුත්තමපි පිඬ්ඨිය;
ගොතමා භූරිපඤ්ඤාණො, ගොතමා භූරිමෙධසා.

1145.

“යො තෙ ධම්මමදෙසෙසි, සන්දිට්ඨිකමකාලිකං;
තණ්හක්ඛයමනීතිකං, යස්ස නත්ථි උපමා ක්වච්චි”.

1146.

“නාහං තම්හා විජ්ජවසාමි, මුහුත්තමපි බ්‍රාහ්මණ;
ගොතමා භූරිපඤ්ඤාණො, ගොතමා භූරිමෙධසා.

1147.

“යො මෙ ධම්මමදෙසෙසි, සන්දිට්ඨිකමකාලිකං;
තණ්හක්ඛයමනීතිකං, යස්ස නත්ථි උපමා ක්වච්චි.

1148.

“පස්සාමි නං මනසා චක්ඛුනාව, රත්තින්දිවං බ්‍රාහ්මණ
අප්පමත්තො;
නමස්සමානො විවසෙමි රත්තිං, තෙනෙව මඤ්ඤාමි අවිජ්ජවාසං.

1149.

“සද්ධා ච පීති ච මනො සති ච, නාපෙන්නි මෙ ගොතමසාසනම්භා;
යං යං දිසං චජති භූරිපඤ්ඤො, ස තෙන තෙනෙව නතොහමස්මි.

1150.

“ජිණ්ණස්ස මෙ දුබ්බලොමකස්ස, තෙනෙව කායො න පලෙති
තත්ථ;
සංකප්පයන්තාය [සංකප්පයන්තාය (සි.)] චජාමි නිච්චං, මනො හි
මෙ බ්‍රාහ්මණ තෙන යුත්තො.

1151.

“පඬිකෙ සයානො පරිචන්දමානො, දීපා දීපං උපජ්ජවිං [උපජ්ජවිං
(සා. නිද්දෙස)];
අථද්දසාසිං සම්බුද්ධං, ඔසතිණ්ණමනාසවං”.

1152.

“යථා අහු චක්කලි මුත්තසද්ධො, හද්‍රාවුධො ආලවි ගොතමො ච;
ඵවමෙව ත්වම්පි පමුඤ්චස්සු සද්ධං,
ගම්ස්සසි ත්වං පිඬිගිය මච්චුධෙය්‍යස්ස පාරං” [මච්චුධෙය්‍යපාරං
(සි.)].

1153.

“ඵස හියෙය්‍ය පසිදාමි, සුත්වාන මුනිනො චචො;
විචට්ඨඡදො සම්බුද්ධො, අබ්බො පටිභානවා.

1154.

“අධිදෙවෙ අභිඤ්ඤාය, සබ්බං වෙදි වරොචරං [පරො චරං (සි.
සා.), පරො පරං (නිද්දෙස)];
පඤ්භානන්තකරො සත්ථා, කඬ්ඛිනං පටිජානතං.

1155.

“අසංඝිරං අසඬ්ඤාප්පං, යස්ස නත්ථි උපමා ක්චචි;
අද්ධා ගම්ස්සාමි න මෙත්ථ කඬ්ඛා, ඵවං මං ධාරෙහි
අධිමුත්තචිත්ත”න්ති.

පාරායනවග්ගො පඤ්චමො නිට්ඨිතො.

සුත්තද්දානං —

1.

උරගො [ඉමා උද්දානගාථායො සි. පි. පොත්ථකෙසු න සන්ති]
ධනියොපි ව, ඛග්ගවිසාණො කසි ව;
චුන්දො භවො පුනදෙව, වසලො ව කරණියඤ්ච;
හෙමවතො අථ යක්ඛො, විජයසුත්තං මුනිසුත්තවරන්ති.

2.

පයමකට්ඨවරො වරවග්ගො, ද්වාදසසුත්තධරො සුවිහත්තො;
දෙසිතො චක්ඛුමතා විමලෙන, සුයාති වග්ගවරො උරගොති.

3.

රතනාමගන්ධො නිරිමඬිගලනාමො, සුවිලොමකපිලො ව
බ්‍රාහ්මණධම්මො;
නාවා [නාථ (ක.)] කිංසිලඋට්ඨහනො ව, රාහුලො ව පුනපි
වඩ්ඪිසො.

4.

සම්මාපරිබ්බාජනියොපි චෙත්ථ, ධම්මිකසුත්තවරො සුවිහත්තො;
චුද්දසසුත්තධරො දුතියමිහි, චූළකවග්ගවරොති තමාහු.

5.

පබ්බජ්ජපධානසුභාසිතනාමො, පුරලාසො පුනදෙව මාසො ව;
සහියං කෙණියමෙව සල්ලනාමො, වාසෙට්ඨවරො කාලිකොපි ව.

6.

නාලකසුත්තවරො සුවිහත්තො, තං අනුපස්සි තථා පුනදෙව;
ද්වාදසසුත්තධරො තතියමිහි, සුයාති වග්ගවරො මහානාමො.

7.

කාමගුහට්ඨකදුට්ඨකනාමා, සුද්ධවරො පරමට්ඨකනාමො;
ජරා මෙත්තියවරො සුවිහත්තො, පසුරමාගණ්ඩියා පුරාහෙදො.

8.

කලහවිවාදො උහො වියුහා ව, තුවටකඅත්තදණ්ඩසාරිපුත්තා;
සොළසසුත්තධරො චතුත්ථමිහි, අට්ඨකවග්ගවරොති තමාහු.

9.

මගධෙ ජනපදෙ රමණියෙ, දෙසවරෙ කතපුඤ්ඤනිවෙසෙ;
පාසාණකචෙතියවරෙ සුවිහත්තෙ, වසි භගවා ගණසෙට්ඨො.

10.

උභයවාසමාගතියමිහි [උභයං වා පුණ්ණසමාගතං යමිහි (සායා.)],
ද්වාදසයොජනියා පරිසාය;

සොළසබ්බාහිමණානං කිර පුට්ඨො, පුච්ඡාය සොළසපඤ්ඤාකම්මියා;
නිජ්ජකාසයි ධම්මමදාසි.

11.

අත්ථපකාසකබ්බාසද්දනපුණ්ණං, ධම්මමදෙසෙසි පරබ්බෙජනියං
[වරං බමනියං (ක.)];
ලොකහිතාය ජිනො ද්විපදග්ගො, සුත්තවරං බහුධම්මවිචිත්තං;
සබ්බකිලෙසපමොචනහෙත්තුං, දෙසයි සුත්තවරං ද්විපදග්ගො.

12.

බ්බාසද්දනමත්ථපදං සමයුත්තං [බ්බාසද්දනමත්ථපදසමයුත්තං
(සා.)], අක්ඛරසඤ්ඤිතඔපමගාල්හං;
ලොකවිචාරණඤ්ඤාණපහග්ගං, දෙසයි සුත්තවරං ද්විපදග්ගො.

13.

රාගමලෙ අමලං විමලග්ගං, දොසමලෙ අමලං විමලග්ගං;
මොහමලෙ අමලං විමලග්ගං, ලොකවිචාරණඤ්ඤාණපහග්ගං;
දෙසයි සුත්තවරං ද්විපදග්ගො.

14.

ක්කලෙසමලෙ අමලං විමලග්ගං, දුච්චරිතමලෙ අමලං විමලග්ගං;
ලොකවිචාරණඤ්ඤාණපහග්ගං, දෙසයි සුත්තවරං ද්විපදග්ගො.

15.

ආසවබන්ධනගොගාකිලෙසං, නිවරණානි ච තිණි මලානි;
තස්ස කිලෙසපමොචනහෙත්තුං, දෙසයි සුත්තවරං ද්විපදග්ගො.

16.

නිම්මලසබ්බකිලෙසපනුදං, රාගවිරාගමනෙජමසොකං;
සන්තපණිතසුද්දසධම්මං, දෙසයි සුත්තවරං ද්විපදග්ගො.

17.

රාගඤ්ච දොසකමහඤ්ජිතසන්තං [දොසඤ්ච හඤ්ජිතසන්තං
(සා.)], ගොනිවතුග්ගනිපඤ්චවිඤ්ඤාණං;
තණ්හාරතච්ඡදනතාණලතාපමොක්ඛං
[තණ්හාරතච්ඡදනතාණපමොක්ඛං (සා.)], දෙසයි සුත්තවරං
ද්විපදග්ගො.

18.

ගම්භිරද්දසසණ්භනිපුණං, පණ්ඩිතවෙදනියං නිපුණත්ථං;
ලොකවිචාරණඤ්ඤාණපහග්ගං, දෙසයි සුත්තවරං ද්විපදග්ගො.

19.

නවභිගකුසුමමාලගීවෙය්‍යං, ඉන්ද්‍රියඤ්ඤානවිමොක්ඛවිහත්තං;
අට්ඨභිගමග්ගධරං වරයානං, දෙසයි සුත්තවරං ද්විපදග්ගො.

20.

සොමුපමං විමලං පරිසුද්ධං, අණ්ණවමුපමරතසුචිත්තං;
පුජ්ජසමං රවිමුපමතෙජං, දෙසයි සුත්තවරං ද්විපදග්ගො.

21.

බෙමසිවං සුබසිතලසන්තං, මච්චුතතාණපරං පරමත්ථං;
තස්ස සුනිබ්බුතදස්සනහෙතුං, දෙසයි සුත්තවරං ද්විපදග්ගොති.

සුත්තනිපාතපාළි නිවර්තනා.



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයො සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමො තිලොක්ක.

මහාගඳො මච්චුපරා පහානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චිත්තාමණී අද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උග්‍රහය පිණිසයි.....